

PAULUS  
ELUCIDATUS  
*Sive*  
COMMENTARIUS  
PARAPHRASTICUS  
*IN*  
OMNES EPISTOLAS  
D. PAULI  
GENTIUM APOSTOLI.



AUCTORE P. ANTONIO REMY,  
Societatis Jesu.

*CUM APPROBATIONE SUPERIORUM.*

---

AUGUSTÆ VIND. & RATISBONÆ,

Sumptibus Strötter, & Fesfenmayr.

Typis Anton. Maximil. Heiß, Reverendis. & Celsis. Princip. & Episcopi Constant. Typogr. Aulici. 1739.

000000

3.2.304

REVERENDISSIMO,  
ILLUSTRISSIMO,  
EXCELLENTISSIMO  
DOMINO, DOMINO  
**FRANCISCO,**

S. Blasii Ord. S. Bened. Abbati, Monasticae Congregationis S. C. & R. C. M. Consiliario Intimo Actuali, Ejusdemque & Provinciae Anterioris Austriae Capellano haereditario,

Domino Imperialis Dynastiae

Per districtum Brisgoiae Bondorf,  
Gurtvveil, Oberriedt, Stauffen &c.

Incltyi Statûs Ecclesiastici A. A.

**PRÆSIDI**

Perpetuo, Sacr. Pal. Cæsar. Comiti ad S. Blasium, Cæterisque Reverendissimis, Religiosissimis, Perillustribus, Generosis, Prænobilibus, atque Amplissimis DD. Ejusdem Incltyi Statûs Commembris, Præsulibus, Abbatiss. Ordinis Teutonici Equitibus & Commendatariis, Collegiatarumque Ecclesiarum Præpositis

**DOMINIS**  
Gratiosis.



Nexspectatum, nec non super-  
vacaneum fors nonnullis vide-  
bitur hoc lucubrandi genus à  
Scriptore Germano susceptum  
in tantâ, ut de SS. PP. tum La-  
tinis, tum Græcis nil memo-  
rem, Hispanorum, Lusitanorum, Italorum, Gal-  
lorum, & Belgarum copiâ, qui eruditissimos in  
Sacras paginas, atque has ipsas divino Spiritu, ze-  
lôque Apostolico plenas Doctoris Gentium Epi-  
stolas commentarios in lucem dederunt ; ego  
verò ut instituti mei rationem vel excusationem  
exhibeam, eam ipsam ob copiam tum præsentis  
sæculi fastidio onerosam, tum vitæ humanæ bre-  
vitati incommodam post traditas 32. annis è su-  
periori loco altiores disciplinas requiem aliquam  
ac respirationem denique nactus tempus reli-  
quum



## DEDICATIO.

III

quum optimè collocandum censui, si magnorum virorum exemplo me sacrarum litterarum studio addicerem, ac præsertim istarum Epistolarum satis per se obscurarum intelligentiæ, ut quæ toties per annum tum in sacrosancto Missæ sacrificio, tum in horis Canonicis legendæ ab Ecclesiâ proponuntur, tanquam aurifodinæ reconditæ, & non nisi ingenti labore ac industriâ detegendæ, atque formandæ nostræ pietati in lucem publicam proferendæ. Rem itaque aggressus utiùt difficilem, divino tamen præsidio suffultus in id unum incubui, ut genuinum litteralem sensum tanquam fundamentalem, primòque intentum facili clarâque Paraphrasi exponerem, obscura explicarem, & singulorum tum capitum, tum versuum aptam ordinatamque connexionem ostenderem, quæ una est, meo quidem iudicio, ex præcipuis in sacrorum Voluminum explanatione difficultatibus, atque ita tum intellectum legentium discussâ caligine illustratum recrearem, tum voluntatem piorum affectuum scintillis, quas liberaliter suppeditant, ingeruntque, saluberrima hujus Apostoli monita ad omne virtutis studium accenderem. Ut autem consilii mei, & suscepti laboris ratio non lubricis ingenii proprii conjectu-

## DEDICATIO.

ris, sed solidiori fundamento inniteretur, paraphrasin hanc ex SS. PP. & probatissimis sacrarum litterarum expositoribus concinnavi, quos passim allegare supervacaneum duxi, tum ne opus nimium excresceret, tum quòd conglobatæ ejusmodi allegationes Lectorem remorentur, & siquidem is paulò curiosior sit, & incredulus, in prolixioribus commentariis inveniri faciliè possint.

Porro circumspicienti mihi, cujus præcipuè patrocínio has meas lucubrationis sanctioris primitias dedicarem, primò & ante omnes occurrit Statûs Vestrî Ecclesiastici ac Religiosi dignitas atque auctoritas Amplissima, cujus nimirum est de hujusmodi argumentis & scriptionibus sacris pro vestrà sapientiâ & multiplici experienciâ judicium ferre, dein Ejusdem in minimam Societatem nostram & Collegium nostrum Friburgense benevolentia ac beneficentia tot favoribus contestata, & in novissima apotheosi sancti nostri Joannis Francisci Regis luculentissimè comprobata.

Admittite itaque Reverendissime, Illustrissime, Excellentissime Domine Præses, cæterique Reverendissimi, Religiosissimi, Per-  
illu-

## DEDICATIO.

IV

illustres , & Gratosi Domini pro  
tantis acceptis beneficiis levidense hoc , ac  
tenue grati animi memnosynon , & indul-  
gete , ut in nobilissimis ac selectissimis vestris  
Bibliothecis locum aliquem habeat hoc volumen,  
& inter tot egregia monumenta, quæ viri sanctis-  
simi ac doctissimi ex Religiosis vestris Ordinibus  
sæculis omnibus posteritati reliquere, se gaudeat  
esse collocatum, atque ex tam illustri consortio  
splendidiorem lucem, ex tam præpotenti verò  
gratosoque patrocínio immunitatem acquirat,  
ac securitatem publicam.

Reverendiss. Excellentiss.


Perillustri. Prænobiliū Gratos.  
Dominationum Vestrarum

*Devotissimus & Infimus*

ANTONIUS REMY

Soc. Jesu.

FACUL-



**FACULTAS**  
**R.P. PROVINCIALIS**  
*CUM*  
**PRIVILEGIO CÆSAREO.**

**C**um DD. Franciscus Antonius Ströttér, & Joannes Antonius Fefenmayr Cives, & Bibliopolæ Augustani, Librum, cui Titulus: **PAULUS ELUCIDATUS** &c. à P. Antonio Remy Societatis nostræ Sacerdote conscriptum, Typis vulgare desiderent: Ego **RUDOLPHUS BURCKHART** Societatis **JESU**, per Germaniam superiorem præpositus **PROVINCIALIS**, potestate ab Admodum **R. P. FRANCISCO RETZ** Societatis nostræ præposito **GENERALI**, mihi concessa, Eisdem ad hanc primam duntaxat editionem impertio facultatem, simulque communico Privilegium Cæsareum, quò aliis Bibliopolis, & Typographis interdicitur, ne dictum Librum citra consensum Superiorum vel recudere, vel intra fines Imperii, & hæreditarias **S. C. MAJESTATIS** Provincias inferre præsumant. In cujus confirmationem has Litteras Chirographo meo, & consuetò Officii Sigillò munitas dedi.

*Landsperga 22. Octobris Anni 1738.*

(L. S.)

**RUDOLPHUS BURCKHART.**

**COM.**



## PRÆFATIO.

**Q**uod non Oratoribus modò, sed etiam insignioribus scriptoribus in more positum est, ut ab initio auditores vel lectores suos attentos, dociles, & benevolos sibi reddere studeant, id in præfenti quoque commentario faciendum mihi non abs re judico; ne autem prolixiori præfatione fastidium potius, quàm orexin excitem, paucis rem expediam. Attentionem jure optimo sibi postulat præstantia Auctoris harum epistolarum, docilitatem earum utilitas, benevolentiam conatus à commentatore non perfundor è sed solerter adhibitus ad obscuritatem dilucidâ & ordinatâ paraphrasi removendam. Auctorem quod attinet, qualis, quantusque fuerit, non tantùm ex præmio Cornelii Lapide, & Benedicti Justiniani de prærogativis illius, nec non ex Actibus Apostolorum, ex ipsis epistolis, ex sanctis Patribus, Divo præsertim Chrysostomo, qui in ejus laudes eloquentissimè, ubicunque se occasio offert, effunditur, ex Ecclesiæ universæ veneratione luculenter patet, sed etiam ex consideratione & observatione aliquarum præcellentiarum, quibûs insigne hoc vas electionis præ aliis Apostolis, Sanctis, & Doctoribus totidem veluti gemmâ, mirum in modum resplendet. Et inprimis quidem illustris planè & extraordinaria fuit ejus vocatio ad Apostolatum; ipse enim à Christo immortalè & glorioso à cœlis vocatus est, cùm alii Apostoli à Christo mortali in terris vocati sint, quasi satis non fuerit Apostolicum

A

Col.

Collegium pro conversione orbis universi ab ipso Veritatis ac Sanctitatis Magistro per triennium & ultra instrui, & à Spiritu sancto postmodum abundantius illustrari, accendi, ac confirmari, nisi columna hæc, fax, & tuba Evangelica accederet, & ultimam perfectionem adderet. Deinde si magna fecisse ac pertulisse argumentum minimè dubium est ex mixtæ sanctitatis, quis in laboribus pluribus, quis in carceribus abundantius, quis in crucibus & plagis majoribus, quis in periculis adeò intrepidus, quis in arduis tam generosus & excelsus, quis in ærumnis adeò cordatus, & exultabundus, quis in amore & imitatione Jesu Christi, & quidem crucifixi ardentior, quis in zelo animarum flagrantior, adeò ut pro fratribus suis obstinatis, nempe Judæis, optaret anathema esse à Christo, sive ejus gloriâ æternum excidere, modò istos lucrifacere & convertere posset, quis tanta non dicam moliri, sed & cogitare ausus fuit, quanta molitus est, fecit, & confecit Paulus? Quare mirum non est, totam Ecclesiam Paulum tanquam suum totiusque orbis doctorem colere & indigitare, atque per antonomasiam Apostolum ac Doctorem gentium nuncupare, unde in Collectâ de eo ita precatur: DEUS qui universum mundum S. Pauli Apostoli prædicatione docuisti. S. quoque Chrysostomus homil. 4. de ejus laudibus paucis multa complectitur: etenim, inquit, hominignobilis, (Paulus) abjectus & circumforaneus, qui artem exercebat in palilibus, in tantum virtute progressus est, ut vix 30. annorum spatiò Romanos, & Persas, & Parthos, & Medos, & Indos, & Scythas, & Æthiopes, & Sauromatas & Saracenos, & omne prorsus humanum genus sub jugum mitteret veritatis. Hæc ille, ut taceam, quid in Græciâ, in Illyrico, in Hispaniâ, in Italiâ, & alibi præstiterit, solis instar universam terram lustrans, sapientiâ suâ illuminans, & ardore divini spiritûs inflammans. Unde idem citatus D. Chrysostomus homil. 8. de ejus laudibus eò denique rerum ab eo gestarum gloriam extollit, ut universos Patriarchas, Prophetas, Apostolos, Sanctosque omnes antecelluisse asseveret. Cui, inquit, te ô sancte Paule, justorum Veteris aut Novi Testamenti audeam comparare? omnium quippe virtutem quasi in arcâ quadam sed cum multo prorsus cumulo condidisti. Denique etiamsi totum contra te aliquis sigillatim justorum appendat chorum, inveniet trutinam virtutum ponderibus à tuâ parte depressam. Tum post factam singillatim comparisonem S. Apostoli cum præstantissimis, V. ac N. Te-  
sta-

flamenti Sanctis concludit: Etiamli Angelorum, etiamli iustorum hominum circumvolem choros, non invenio comparationem, cui non cumulo meritorum Paulus occurrat.

Denique si coelestem & divinam Pauli sapientiam considerare velimus, eam non in terrenâ, sed coelesti scholâ & curiâ coeli empyrei, ad quod raptus fuit, hausit, ibidem quasi creatus & consecratus Magister Evangelii, doctôrque orbis, ibi arcana verba audivit, mysteria scilicet abscondita à constitutione mundi, atque ita profundè percepit, ut ipsos angelos nonnulla plenius edocuerit, uti observat Corn. à Lapide in suo præmio cap. 3. allegans illud Apostoli Eph. 3. mihi omnium Sanctorum minimo data est hæc gratia, in gentibus evangelizare, ut innotescat principibus & potestatibus in coelestibus per Ecclesiam (puta per me Ecclesiæ Doctorem) multiformis sapientia Dei secundum prædefinitionem sæculorum, quam fecit in Christo Jesu Domino nostro. Ex hac sublimi ac profundissimâ sapientiâ divino spiritu & ardore quasi seraphico inflammata provenit, quod utraque hæc ita mixtim & glomeratim erucet & convolvat, verba sunt ejusdem Cornelii, ut seipse capere, suamque vim exponere non posse videatur; ac velut balistæ nostræ nitrato ac sulphureo pulvere gravidæ eo accenso ingentes ferri, æris, lapidum globos fulminum instar, flammis eluctantibus cum horrendo fragore & fumi convolutione contorquent, ita incensum Pauli pectus sapientiâ æquè ac spiritu gravidum & turgidum, cum densas utriusque flammæ expromere & ejaculari nititur, quasi fumò intermicantia fulgura & crebra tonitrua verborum & sententiarum vomit, & conglobat, eaque de causâ menti audientium & legentium nebulam non rarò offundit, quæ deinde si à doctore elucidetur & clarescat, in magnum doctrinæ & charitatis incendium flammescit. Hæc ille. Sublimitas nempe mysteriorum, & abundantia divinarum illustrationum, & angustiae temporis ad scribendum concessi tot inter labores non invenerunt verba & phrasæ satis emphaticas, dignitati rerum proportionatas, sin. ulque dilucidas; quod enim auris non audivit, nec in cor hominis ascendit, multò minùs humana lingua sat expedite, ordinatè & clarè eloqui potest ad aliorum captum, quibus divina mysteria non nisi per obscuram fidem innotuere. Unde Apostolus ipse 1. Cor. 2. inquit: prædicatio mea non in persuasibilibus humanæ sapientiæ verbis, sed in ostensione Spiritûs & virtutis, ut fides vestra non sit in

sapientiâ hominum, sed in virtute DEI. Sapientiam autem loquimur inter perfectos, sapientiam verò non hujus sæculi neque principem hujus sæculi, sed loquimur DEI sapientiam in mysterio, quæ abscondita est &c. Apostolus ergò, dum hanc absconditam, adeoque obscuram, & reconditam sapientiam nos edocere vult, sensu rebusque turgidus ad verba, syntaxin, ordinem & connexionem non æquè respicit, sed multa commiscet, inserit, incidit, mutilat, divaricat, absorbet, ad quam obscuritatem non parùm contribuant phrasæ græcæ & hebraicæ passim occurrentes, & non ita perspectæ latinæ duntaxat linguæ peritis.

De præstantiâ porro & utilitate ipsarum epistolarum ut etiam aliquid dicamus, tanta est, ut earum lectioni conversionis suæ magnam partem ingens illud Ecclesiæ & Africæ lumen Augustinus adscripserit lib. 7. confess. cap. 21. S. Chrysostomus præfat. in D. Pauli epistolas, scientiam ac eloquentiam suam illis attribuit: neque enim nos, ait, quæ scimus, si quid scimus, ab ingenii bonitate atque acumine, sed quòd erga hunc virum impensè affecti ab illius lectione nunquam discedimus. Quapropter si & vos quoque lectioni diligenter attendere volueritis, nihil aliud vobis erit requirendum. Hæc ille, Doctor Angelicus epistolarum istarum meditationi plurimùm addictus amplissimos ex eâ tractus referebat, recreatus etiam apparitione & instructione magni hujus Apostoli, si quando difficultas abstrusa occurreret, unde Ecclesia in ejusdem officio canit: scholas Thomæ Paulus ingreditur, sacra simul fan-  
tum mysteria.

Insisteat nimirum vestigiis sanctissimi sui Patriarchæ, de quo Joan. Ant. Flaminius scribit, cùm cerneret Romæ, quotidie occupatis cum Pontifice Cardinalibus, eorum ministros in solâ variis deambulationibus & nugis tempus terere, indoluisset, & Pontificem adiisse, ac dixisse, turpe & damnosum esse, tempus à tantâ multitudine incassum teri, sibi videri utile futurum, si tantisper, dum Cardinales cum eo in negotiis Ecclesiæ occupantur, quispiam doctus utile aliquid publicè interpretetur. Placuit admodum Honorio Papæ consilium, & ipsi, qui consilium dederat, S. Dominico id negotium dedit, quod libenter ille suscepit, & quotidie Pauli Apostoli in magno auditorum confessu & attentione interpretari epistolas cepit.

Atque adeo res placuit, ut deinceps institutum sit, ut ex ordine  
Præ-



## PRÆFATIO.

Prædicatorum ad ejusmodi munus aliquis semper eligeretur & dignitatis ille titulo, qui delectus fuisset, sacri Magister Palatii diceretur. Hucusque Flaminius. Ex istis porrò Magistris S. Palatii plurimi ad sacram Purpuram evekti sunt.

Et sanè epistolæ istæ tanto auctore & Magistro dignissimæ medullam continent fidei, religionis ac perfectionis Christianæ. De gratia enim, de prædestinatione, de Christi redemptione, de vocatione gentium, de matrimonio, & jure conjugum, de cœlibatu, de muniis Episcoporum, Presbyterorum, Diaconorum, totòque ordine hierarchico, de Ven. Sacramento, & sacrificio, de 9. ordinibus Angelorum, nullus ita graviter, exactè, ac sapienter differuit ac Paulus: Virtutes porrò tum theologicæ tum morales cum saluberrimis monitis in suis epistolis quasi in horto quodam deliciarum ita luculentè inseruit, & expressit, ut si Paulum non aliunde, certè ex scriptis suis agnoscas, & admireris, quin & in teipso percontilcas. Sicut enim in sole diutius inambulantes calorem inde sibi cum colore conciliant vel nescientes nec advertentes, ita fieri non potest, ut qui non obiter, sed pensulatè & sedulò Paulum versat, Pauli sensu non affietur ac spiritu, uti Corn. à Lapide observat & loquitur.

Unica fors nonnullos absterret obscuritas, quam ipse D. Petrus suo tempore jam agnovit & cap. 3. epist. suæ adæ. prævidit hæreticis aliquando servituram pro latibulo, quo errores suos contegant, in-ò & defendant, prout novissimis hisce temporibus per Jansenii affectas contigit. Hæc ipsa obscuritas maximum illud Ecclesiæ sidus, & ingenii prodigium D. Augustinum, qui ipsum Aristotelem utut obscurissimum nullo magistrò, sed proprio studio intellexerat, retardavit à continuando, quem jam inchoaverat, commentario in epist. ad Romanos, uti de se fatetur lib. 1. retract. cap. 25. Porrò hæc difficultas plurimùm nunc complanata est per alios SS. Patres atque Doctores, Divum præsertim Chrysostomum, & Doctorem Angelicum, ut alios quamplurimos taceam, qui feliciori ausu huic profundo mari se commiserunt; *dies enim diel erudit verbum, & nox nocti indicat scientiam*, psal. 118. & secundum parcemiam Publii apud Gellium discipulus est prioris posterior dies, paulatim nimirum uti fit motus, ita & disciplinæ incrementa sua capiunt, & quæ primò videbantur difficilia, accedente improbo plurimum studio planiora evadunt, ac faciliora, quem in finem ordinata tex-

tis connexio; & clara expositio ex probatissimis Auctoribus concinnata cum nonnullis observationibus ac quæstionum suborientium resolutionibus adjumenti plurimum, uti spero, conferet.

Quod si nondum omnis caligo discussa, nondum omnis difficultas soluta videatur, audiamus, quid Christus præcipiat Matth. 7. *petite & dabitur vobis, quærite & invenietis, pulsate, & aperietur vobis*, hoc est, ut Doctor Angelicus exponit, *petite orando, quærite studendo, pulsate operando*: aliqua obtinentur humiliter petendo, alia inveniuntur solerter inquirendo, alia demum impetrantur importunè pulsando. Me quod attinet, lucem saltem aliquam unde unde emendicatam affundere conatus sum hisce epistolis, si conatui eventus optatus respondeat, DEO mecum meritissimas grates repende, benevole lector, à quo tanquam sole splendidissimo lumen omne in angelicas humanasque intelligentias diffunditur.



QUÆS-



# QUÆSTIUNCULÆ PRÆLIMINARES IN EPISTOLAM S. PAULI AD ROMANOS.

Q. 1. **Q**uo loco, ordine, & tempore scriptæ sint epistolæ S. Pauli? R. Secundùm Baronium, Cornelium & Tirinum aliósque. Primam ad Thessalonicenses Corinthi scripsit annò à partu Virginis 52. posteriorem ad eosdem annò sequenti ibidem: annò 57. priorem ad Corinthios Ephesi, uti 1mam. ad Timotheum in Macedoniâ. Annò 58. 2dam. ad Corinthios Nicopoli, nec non ad Galatas & Titum, uti & ad Romanos, è portu Cenchrensi prope Corinthum. Annò 59. Romæ secundum Baronium alteram ad Timotheum, quamvis alii annò sequenti scriptam putent, paulò ante mortem in carcere; eodem annò 59. Romæ scripsit ad Ephesios, sequenti ad Philippenses, Colossenses, ad Philemonem, & denique ad Hebræos, quæ 6. ultimæ epistolæ è vinculis Romanis scriptæ, & paulò ante martyrium singulari DEi Spiritu & fervore plenæ sunt.

Q. 2.

Q. 2. Quare ergo epistola ad Romanos 1. loco collocatur, cum eam præcesserint aliæ? R. partim ob præeminentiam Sedis Romanæ Ecclesiæ, ut Catharinus existimat, vel etiam ipsius Urbis in Imperio Romano, ut alii, partim ob exactam omnis generis doctrinam, inquit Theodoretus, partim, quia gratiam fidei, quæ caput est & fundamentum Christianismi, maximè commendat & inculcat, secundum D. Augustinum, partim quia de gratiâ, cui vocationem & justificationem tam gentiliû, quàm Hebræorum attribuit, profundissimè disputat juxta Paciuchellium, partim quia in illâ contra primum peccatum, quod est superbia, agit, quandoquidem Romæ debebant & inter se contendebant de dignitate tam ex Hebræâ, quàm Romanâ gente ad fidem conversi Christiani existimantes se propriis meritis salvandos, quam eorum elationem ut comprimeret, ostendit, totum id, quod boni habent, gratiæ DEi deputandum: non verò circumcisioni & observationibus legis Mosaicæ, uti nec præcedentibus meritis vitæ laudabiliter actæ à Romanis, & Græcis.

Q. 3. Cur S. Paulus ad Romanos scribens nullam S. Petri, qui prior Romam venerat, mentionem fecerit, saltem eum cum aliis salutando? R. Quia tum temporis S. Petrus Româ jam abierat in Britanniam, unde mirum non est salutem tunc absenti non misisse, magnopere autem zelus illius commendatione est dignissimus, quòd Romanos tunc suo Pastore destitutos, & inter se periculose altercantes ac discrepantes in concordiam redigere, & plenius edocere studuerit suæ ad Christianam religionem ac veritatem vocationis originem ac causam.

Q. 4. Quâ linguâ conscripta sit hæc epistola. R. plerosque interpretes in eâ sententiâ esse excepto Salmerone, quòd eadem,

*IN EPISTOLAM S. PAULI AD ROMANOS. ,*

eâdem, quâ reliquæ, exceptâ illâ ad Hebræos, nempe græcâ linguâ exarata sit, cùm Romani hujus linguæ essent peritissimi, & ipse Apostolus eidem jam assuevisset; unde plena est hellenismis; paulò post verò à Tertio, vel alio quodam amanuensi ac interprete in linguam latinam non adeo feliciter & clarè esse versam. De Tertio ex Diodoro Tarsensi ita scribit Sixtus Senensis in suâ Bibliothecâ lib. 2. Is, cùm esset, parùm sermone peritus, nec satis in scribendo exercitatus, epistolam, quæ propter multitudinem ac sublimitatem questionum cæteris Pauli epistolis obscurior est, longè reddidit obscurissimam, dum sensus & cogitationes Pauli elocutionibus interdum confusis, & inabsolutis sententiis ac transpositâ nonnunquam ordinis serie conatus est explicare.

Q. 5. Quodnam argumentum sit epistolarum Paulinarum? R. Sinceram fidei, morumque Christianis convenientium expositionem, & priore quidem parte, quæ fidei sunt, traduntur, tum stabiliendâ, tum contra Judæorum in suâ lege uti jam abrogatâ pertinaciam, tum contra insurgentium hæresium perversitatem propugnandâ; posteriore verò parte mores componuntur. Ut autem in specie veniamus ad explanationem epistolæ ad Romanos omnium confessione perobscuræ, ejus intelligentia, & complanatio omnium difficultatum ex illius sententiis suborientium pender magnam partem ex notitiâ motivi, quod hunc sanctum Apostolum ad eam exarandam impulit.

Q. 6. De nomine Pauli? R. Apostolus priùs hebræo nomine Saul dictus vel Saulus, hoc nomen retinuit, usque dum Act. 12. cum Barnabâ segregatus & designatus Apostolus Gentium Sergium Paulum Proconsulem Cypri Romanum ad fidem Christianam convertit, in hujus & aliorum Romanorum gratiam tanquam civis pariter Romanus levi

B

mu-

mutatione unius litteræ assumpsit postmodum nomen Romanum Pauli, ea etiam de causâ, quòd hoc nomen pusillum, parvumque denotet, suæque tum demissioni tum staturæ modicæ videretur aptè convenire. Ita S. August. in Pl. 72. Paulus, inquit, primò Saulus, postea Paulus, id est, primò superbus, postea humilis; Saul enim, unde dictum est nomen Sauli, nôstis, quia rex superbus & infrenis fuit, non quasi aliquâ jactantiâ nomen sibi mutaverit Apostolus, sed ex Saulo factus est Paulus, ex superbo modicus; paulum enim modicum est. Et lib. 1. de verb. Domini serm. 13. Tu es ipse Paulus in te parvus, in Domino magnus, in te infirmus, in Domino firmissimus. Eris exaltatus, quia non es ingratus. Denique serm. 25. de sanctis: Patitur, inquit, Paulus, quod fecerat Saulus: Saulus lapidavit, Paulus lapidatus est: Saulus Christianos iniquè affecit; Paulus pro Christo quinque quadragenas unâ minùs accepit: Saulus persecutus est Ecclesiam Dei, Paulus submissus est in sportâ: Saulus vinxit, Paulus victus est, & dum Saulus sæviens quærir minuire numerum Christianorum, etiam ipse accessit ad numerum Confessorum.

Q. 7. Cur servum se Jesu Christi primo locò nunciet? R. partim ex animi modestiâ, juxta illud: Luc. 17. dicite, servi inutiles sumus, partim, ut indicet se esse Christo penitus addictum; servus enim, quidquid est, Domini sui totus est. Partim ut ex hoc ipso prædicato auctoritatem sibi conciliaret; ut enim observat S. Chrysost. hom. 9. in epist. ad Ephes. Paulus cum scriberet urbi adeo magnæ, orbis videlicet dominium gerenti, & de magnis dignitatibus glorianti ac superbienti, tanquam quod ad illius dignitatem responderet, imò quod multò esset majus incomparabiliter, & consularum excederet, & regnum, & orbis principatum, hoc posuit nempe Paulus servus Jesu Christi. Quamquam enim ser-

servitus, quâ homo homini servit, ignobilis sit & misera, ea tamen, quâ JESU Christo Domino ac Redemptori nostro obstricti sumus, illustris est, & gloriosa. Ita David ps. 115. ego servus tuus, & filius ancillæ tuæ: & Christus ipse ut homo, & humanæ libertatis auctor apud ISAIAM non semel dicitur servus, & ipsa SS. DEi Genitrix & Angelorum Regina se ancillam Domini humillimè professâ est: rectè autem dixit Philo Hebræus lib. de Cherubin, nihil purificatam mentem majori afficit lætitiâ, quàm quod dominum habet, quem agnoscit regem regum omnium. Nam servire DEO maxima est gloriatio non modò libertate major, sed & divitiis, & principatu, & omnibus rebûs, quas mortales mirantur, pretiosior. Notâsse hic juverit triplicem esse servitutem, servitutem peccati, quâ homo dæmoni, mundo & carni sive concupiscentiæ suæ ad peccatum incitanti obsequitur: servitutem humanam, quâ homo immediatè alteri homini subiectus est: servitutem DEi, quâ solius DEi obsequio totum se addixit, & ex ipsius nutu omnia agit. Prima omnino miserrima est, & indigna homine ad majora nato: secunda admodum laboriosa est & plerumque malè compensata, nunquam non exigui fructus: postrema beatissima est, quippe conjuncta cum libertate Christianâ, & adoptione filiorum DEi. At verò hic objicit D. Anselmus: cùm Dominus electis discipulis dicat: jam non dicam vos servos, sed amicos. Joan. 15. quomodo iste est servus? Respondet ipse, duo genera esse servitutis, quâ nempe DEO servimus, unum timoris, alterum dilectionis, unum timentium servorum, alterum diligentium & placentium filiorum. Electi ergò discipuli non sunt servi secundum servitutem timoris, quem perfecta dilectio foràs mittit, sed secundum servitutem casti timoris, quem perfecta charitas gignit. Paulus itaque servus est non

ex terribili timore, sed ex casto amore serviens DEO. Ob-  
servo ulterius Paulum, antequam gloriosum Apostolinomen  
ac prædicatum assumeret, nuncupasse se servum JESU  
Christi, hoc enim ad illud vel maximè præsupponitur; debet  
enim Apostolus & quivis nostrum meminisse semper, qualis-  
cunque quantusque demum sit, se servum esse & quidem JE-  
su Christi, natum & factum ad omnia facienda & perferenda  
in obsequium Domini sui, contentum quocunque gradu &  
locò etiam novissimo. Humilitas nempe veræ & Apostolicæ  
sanctitatis fundamentum est.

Q. 8. Quid significant verba illa: *vocatus Apostolus*? R.  
Non tantum significare Paulum ad Apostolaturn vocatum fu-  
isse, divinâ nempe voluntate ac beneplacito, non autem intru-  
sum sive proprio, sive aliorum studio ac operâ, uti faciunt  
pseudopostoli ac hæretici; sed etiam vocatum seu nuncu-  
parum fuisse Apostolum nempe ab aliis, ad designandam hu-  
militatem, ut sit sensus: non audeo me dicere Apostolum,  
sed homines me ita vocant: non sum dignus vocari Aposto-  
lus 1. Cor. 15. neque enim omnino novum est, quòd eadem  
sententia Scripturæ ex ipsâ Spiritûs sancti intentione plures  
litterales sensus admittat, quemadmodum eadem herba v.g.  
multiplicem virtutem ac efficaciam habere potest: quare ne-  
cesse non est ex pluribus interpretationibus omnes semper  
rejicere, præter unicam litteralem, uti faciunt nonnulli ex-  
positores. Sensus ergo est, si mea merita considerem, indig-  
nus sum tantâ dignitate & appellatione, si DEi benignitatem,  
sum planè, uti etiam vocor, Apostolus.

Hunc titulum professionis ac dignitatis suæ præponit A-  
postolus pene ubique initio epistolarum suarum, ut nimirum  
majorem sibi conciliet attentionem & auctoritatem, quod &  
Principes facere solent in suis ad subditos mandatis; nos v.g.  
Carolus DEi gratiâ Imperator Romanus &c. Ad-



Addit porro se segregatum in Evangelium DEi, nempe ubique inter gentes prædicandum, se, inquam, segregatum, vel per conversionem ab infidelibus, vel per singularem perfectionem ac prærogativam ab aliis discipulis, non enim tantum ex tenebris infidelitatis suæ, sed etiam supra alios fideles, imò & discipulos Christi assumptus & elevatus fuit divinitus ad hanc dignitatem, quæ prima est in Ecclesiâ secundum illud 1. Cor. 12. Quosdam quidem posuit Deus in Ecclesiâ, primum Apostolos. Evangelium porro DEi faustum lætiumque nuntium significat homini de DEo, nempe ejus cum illo conjunctionem arctissimam, primam per gratiam unionis seu Incarnationis Dominicæ, alteram per gratiam adoptionis in filium, tertiam per gratiam fructuionis seu Visionis beatificæ. Quid optatius? Quid grandius?

Q. 9. Quænam fuerint Apostolorum propria munera? R. Duo præcipuè, nempe Christo adesse tanquam laboris socios, vitæ ac miraculorum testes, cum illo tanquam familiares & domesticos vivere, deinde Evangelicam doctrinam tradere, & Christi adventum populo promulgare tanquam ejus legatos in universam terram missos, hoc enim sibi vult nomen Apostoli. Utrumque officium describit Marcus cap. 3. dicens: fecit, ut essent duodecim cum illo, & ut mitteret eos prædicare. Tertium porro munus remittendi peccata, & justificandi impios aliis quoque discipulis & Sanctis commune fuit, licet Apostolis cum majori amplitudine ac potestate concessum fuerit, uti & virtus patrandi miracula in confirmationem suæ doctrinæ. Imò Apostoli, ut cæteris præcellerent, constituti sunt Ecclesiæ pastores, atque Episcopi, orbisque Magistri cum supremâ quadam in omnem Ecclesiam potestate totidem numerò, quot in Veteri testamento Patriarchæ, nempe duodecim. Quemadmodum enim à 12.

#### 14 *QUÆSTIUNCULÆ PRÆLIMINARES*

illis Patriarchis tota Judæorum natio propagata, ita universa fidelium multitudo prædicatione Apostolicâ spiritualiter genita & educata est; unde viginti illi quatuor seniores, qui sedere dicuntur ante thronum DEI, 12. Apostolos ac totidem Veteris Testamenti Patriarchas quodammodo indicant. Paulus ipse de Apostolis loquens Eph. 2. eos vocat Ecclesiæ fundamentum: superædificati, inquit, super fundamentum Apostolorum & Prophetarum ipso summo angulari lapide Christo Jesu; quibus verbis significat, summum quidem Ecclesiæ fundamentum esse Christum, Apostolos verò esse veluti primos lapides, qui in fundamento jaciuntur; id quod explicans Joannes, Apoc. cap. 21 murus, inquit, civitatis habens fundamenta duodecim, & in ipsis duodecim nomina 12. Apostolorum: ibidem etiam portæ nuncupantur, portæ nempe triumphantis Ecclesiæ, quia eorum doctrina aditum præbet ad coelestem patriam; fundamenta verò militantis; quia totum hujus ædificium spirituale eorum prædicatione nititur, & quasi sustentatur.

Q. 13. Quando, & quomodo Paulus extra numerum & ordinem 12. Apostolorum ad eandem dignitatem & officium vocatus & assumptus fuerit? R. Id contigisse, quando Paulus unâ cum Barnabâ erat Antiochiæ. Ministrantibus enim illis (nempe Simone Nigro, Lucio Cyrenensi, & Manahen collactaneo Herodis Episcopis ac Prophetis) & jejunantibus dixit Spiritus Sanctus: segregate mihi Saulum & Barnabam in opus, ad quod assumpsi eos. Tunc jejunantes & orantes, imponentesque eis manus dimiserunt illos Act. 13. nempe ad prædicandum Gentibus Evangelium, id quod contigit annò à Christi morte 13. paulò postquam Paulus raptus esset in tertium cœlum, & Petrus Romam profectus esset. Volebat enim Spiritus Sanctus sub idem tempus idololatriam

in Occidente per Petrum, in Oriente per Paulum unanimiter convelli, uti observat Tirinus noster. Præcepit itaque Spiritus Sanctus, ut Paulus & Barnabas jam ab æterno ad conversionem gentium & Apostolicam dignitatem destinati tunc temporis à cæteris segregentur, hoc est ; feligantur, separentur, ac secernantur, sive tanquam anathemata & vasa specialiter DEo dicata ac conservata, sive tanquam præcipui DEi Ministri, quibus nihil cum reliquo vulgo debeat esse commune, quique ab omnibus aliis curis vacui huic uni ministerio divino debeant esse intenti, ut Paulus ipse docuit 2. Tim. 2. nemo militans DEo implicat se negotiis sæcularibus, ut ei placeat, cui se probavit. Contigit hæc electio & segregatio, paulò postquam Apostoli 12, factâ divisione in diversas orbis partes concessissent ad prædicandum Evangelium.

Q. 11. An Paulus æqualem cum aliis Apostolis potestatem, an etiam æqualem cum D. Petro dignitatem habuerit? R. Ad 1<sup>um</sup>. Apostolos omnes ratione muneris sui æqualem habuisse potestatem, atque adeo ubique locorum ac gentium apostolicas functiones exercere, Evangelium promulgare, Sacramenta conferre, miracula patrare, leges etiam condere potuisse, ita tamen, ut eorum leges Auctoritati Petri subessent, ab eoque revocari, corrigi, mutari, denique abrogari possent, quem D. Petri principatum ac primatum SS. PP. & DD. pluribus demonstrant. Unde Leo Magnus Pontifex cum Serm. 3. de anniversario suæ assumptionis de Petro ageret, verè scripsit: de toto mundo unus eligitur, qui & universarum gentium vocationi, & omnibus Apostolis, cunctisque Ecclesiæ Patribus præponatur, ut quamvis in populo DEi multi Sacerdotes sint, multique pastores, omnes tamen propriè regat Petrus, quos principaliter  
re-

regit & Christus. Unde patet R. ad 2dum. Petrum & Paulum, uti & reliquos Apostolos, executione & genericâ, ut ita loquar, potestate Apostolicâ à Christo immediatè acceptâ pares fuisse; Petrum tamen auctoritate regiminis etiam in suos successores continuandâ superiorem eò fermè modo, quo Episcopi Vicarius agendi potestate Episcopo est æqualis, quippe unum cum ipso tribunal habens, sed auctoritate longè inferior; imò Petrus magis propriè ratione universalitatis & successionis Christi Vicarius fuit, quàm reliqui Apostoli, cum eorum auctoritas, potestas, & fidei constantia ac puritas nequaquam in eorum successoribus duraverit. Neque obstat imò. quòd Gal. 2. Paulus de Petro & Apostolo loquens maiorem in iis potestatem non videatur agnoscere, cum dicat: quibus neque ad horam cessimus subiectione, & mox: meâ nihil refert, quales fuerint, qui aliquid esse videbantur: itemque: qui videbantur esse aliquid, nulla mihi mandata dederunt. Rursus, nihil mihi contulerunt. Denique: dexteram dederunt mihi societatis: nam hæc omnia spectant ad referendam æmulorum suorum calumniam, qui Paulum infrâ reliquos Apostolos longè volebant deprimere, quòd illi ab ipso Christo electi fuerint; ipse verò non nisi ab Apostolis admissus quasi in socium & adiutorem. Protestatur enim se non ab hominibus fuisse in Apostolum assumptum, neque subesse velle pseudoapostolis, qui ipsum cæterosque fideles legis veteris cæremoniis adstringere etiamnum volebant: cæterum socium se proficitur Apostolicorum laborum, nequaquam autem prærogativam ac præminentiam sibi arrogat in regimine Ecclesiæ. Quin ad Galatas 1. scribit, se ascendisse Hierosolymam, ut Petrum conveniret; in quem locum S. Ambr. Chrysost. Theodor. & Oecumenius commentantur, id eum fecisse, ut eum tanquam

ma-

majorem, & primum, & principem Apostolorum inviseret, & honoraret. Neque obstat 2do, quòd Paulus simpliciter dicatur Apostolus, quasi antonomastice; id enim exinde provenit, quòd ut ait D. Aug. lib. 4. ad Bonif. c. 3. quia pluribus est epistolis notior, & plus omnibus aliis laboravit. Neque obstat 3tiò, quòd sigilla pontificiorum diplomatum Paulum à dextris exhibeant quasi digniori locò; id enim neque semper factitarum, neque dextera semper dignior est, & fortè Ecclesia non tam dignitatis, quàm meritòrum & laborum rationem habet, quod ipsum cernere est in cultu plurimorum SS.orum, quos ipsa solenniori cultu prosequitur, quàm Romanos Pontifices. Adde, quòd cum Paulus Gentium Apostolus, Petrus verò Judæorum sit constitutus, eò Pauli honor referatur, ut intelligamus Gentiles Judaico populo præferri, quòdque Paulus fuerit ex tribu Benjamin, quem filium dextræ interpretantur. Cæterum Pauli potestas fuit tantum extraordinaria, Petri ordinaria, adeoque major in suo genere, & stabilior, cum supra Petrum ejusque successores fundata sit Christi Ecclesia, ipsi nominatim datæ claves, ipse pastor non tantum agnorum, sed & ovium universalis constitutus, adeoque & ipsorum Apostolorum & Episcoporum Princeps, quos debeat juxta Christi promissionem in fide confirmare &c. Ipsi uni concessum est; ut quemadmodum Aaroni in Veteri Ecclesiâ seu Synagogâ perpetui successores cum ordinariâ potestate supremâ successerunt: ita & ipsi in Christi Ecclesiâ usque ad consummationem sæculi duraturâ legitimi successores, iique in fide stabiles, ac supremo Ecclesiæ regimine nunquam defuturi sint; cæteri verò Apostoli, Paulò excepto, qui nullum successorem habuit, cum nulli Ecclesiæ fuerit adstrictus, habuere quidem successore

res in privatis suis Ecclesiis, quas gubernârunt, saltem ad tempus, nullos autem in Apostolatu seu universali Ecclesiæ regimine, quippe quod in solâ Petri Sede Romanâ hæsit, & ad ejus successores transmissum est, & in iis durabit usque ad mundi finem secundum Christi promissionem.



AR-



# ARGUMENTUM EPISTOLÆ AD ROMANOS.

**S**ub id tempus, quô Roma acceptaverat legem Evangeli-  
cam, Angelus Satanæ dominationem idololatriæ ruinæ  
proximam animadvertens duobus stratagematis ad  
eam servandam firmandamque usus est. Primum erat, ut  
impediret eos, qui necdum religioni Christianæ nomen dede-  
rant, quô minùs eam amplecterentur, alterum, ut eâ initiatos  
ad execrandam apostasiam impelleret. Ad prius illud execu-  
tioni dandum Simonem adhibuit tanquam fidum cumprimis  
& peropportuno Ministrum; cum enim nomine Christia-  
ni insignitus esset, simûlque deditus abominandis Magiæ su-  
perstitionibus, ansam dedit communi famæ, dicam, an in-  
famæ, quôd Christiani omnes Magiâ contaminati sint, ne-  
que aliquid in actis Martyrum frequentius occurrit, quàm ex-  
probratio hujus detestabilis flagitii. Posteaquam humani  
generis, Christianique nominis hostis pestilentem hanc ideam  
animis illorum impresserat, quibus Religionis nostræ veri-  
tas atque integritas minùs explorata erat, animum operamque  
adjecit ad turbandam nascentis Ecclesiæ tranquillitatem sub-  
ortâ arrogantia & obstinatione Judæorum recentissimè ad  
eam conversorum: hi enim non solum volebant insistere

mordicus observantiæ quarundam cæremoniarum legalium, nempe abstinentiæ à certo ciborum genere, & celebrationis quorundam festorum, sed etiam iniquè ferebant, Romanos inde eximi, & uti ante insanos idolorum cultores ad agnitionem tamen veritatis perinde ut ipsos, vocatos fuisse & admissos. Exprobrabant illis infanda præteritæ vitæ flagitia, dictitantes, nequaquam ipsos concernere promissâ suis, nempe Hebræorum progenitoribus factâ. Gloriabantur se esse illum electum, & dilectum DEi populum, credebantque auspiciatissimum Evangelii lumen sibi unis deberi in compensationem exactæ legis suæ observantiæ. Romani contrâ replicabant, gratiam JESU Christi quod attineret, eâ illos omnino indignos se reddidisse insigni suâ perfidiâ, quandoquidem Dominum gloriæ, quem ut DEi filium, verumque Messiam agnoscere ac venerari debuerant, per summam impietatem in crucem egissent, & legem suam, quam profitebantur, identidem violassent, se verò absque eâ lege vitam planè sceleribus immunem, moribusque innocentem duxisse, quod DEum merito permoverit ad eos beatissimâ Evangelii sui luce collustrandos. Ab his criminationibus progresserant ad Judæos passim despiciendos & pronatione maledictâ ac à DEo reprobata habendos, de suâ verò electione captandam inanem gloriam plausumque.

Divus Paulus absente tum Pastore ordinario de periculo hoc schismate certior redditus hanc scripsit epistolam. In primâ parte, quæ dogmatica est, & usque ad Caput 12. excurrit, ejus intentio universim eò collimat, ut frœnum injiciat temerariæ Judæorum ac Romanorum arrogantiae ostendendo, & hos, & illos in profundam immanium flagitiorum abyssum ruisse præcipientes, unde solâ JESU Christi miseratione & clementiâ erepti surrexerint, per opera legis tam moralia,

quàm



quàm cæremonialia solis naturæ legisque viribûs facta Judæos minimè justificari posse, neque iis ullâ ratione permorum supremum Numen, ut eos ad sui Nôminis agnitionem vocaret. Quod autem ad gentiles attinet, solidè demonstrat, neque eorum in speciem præclarè gesta plus valoris ac momenti habuisse ad promerendam eis gratiam justificantem, sed omnes sine discrimine eam consecutos solâ DEi misericordis benignitate ac fide in JESUM Christum, Gentiles Judæis antehabitos, quòd ita Divinæ Majestati placuerit, neque idcirco de istorum salute conclamatum, neque omnes universim reprobatos, avulsos quidem fuisse ex florenti olivâ tanquam ramos inutiles, illi tamen denuo implantandos, si seriò se ad DEum converterint. In posteriore epistolæ parte, quæ ethica est, fideles instruit, quales se exhibere debeant erga DEum, erga fratres suos, erga inimicos, erga principes, & erga semetipsos. Absolvit eam saluberrimis monitis circa usum ciborum permissorum, aut vetitorum lege Mosaicâ, & celebrationem certarum solennitatum.

Capite primo Apostolus ante omnia attentionem sibi conciliat, docilitatem & benevolentiam Romanorum, ad quos scribit: attentionem, nuncupando & profitendo se Apostolum esse JESU Christi, unde consequitur, sibi commissam Evangelii prædicandi provinciam, adeoque pronis auribus excipiendum; docilitatem, asserendo, annuntiare se ejusmodi Evangelium, quod summam commendationem mereturum ex antiquissimis sacrorum vatum promissionibus, rum ex argumento, de quo agit, nempe de Filio DEi; benevolentiam, declarando, missionem suam Apostolicam ad omnes ac singulos dirigi, commendando eos à firmitate fidei, certòsque reddendo, quòd assiduum pro eis intercessorem agat apud Divinam Majestatem, nec non promittendo, brevi se

ad eos invisurum non ex merâ curiositate, sed ad majorem illorum in spiritu profectum, hætenus remoram profectio-  
ni suæ injectam ex variis negotiis, & obstaculis Ministerii sui.  
Demum rationem subjungit, cur minimè vereatur prædi-  
care Evangelium, proponitque argumentum primum, de  
quo agere velit per totam epistolam, nempe de justificati-  
one per fidem. Argumentatur autem in hunc fere modum.

Judæi perinde ac Gentiles justificari debent vel ex operi-  
bus, vel ex fide; ex operibus nequeunt, ergo debent ex fide.  
Minorem probat primò de gentilibus usque ad caput secun-  
dum: qui DEum ad iracundiam suis flagitiis provocârunt,  
non possunt justificari ex operibus, atqui gentiles, qui delin-  
quunt contra propriam conscientiam, & delinquentibus  
consentiunt, provocârunt DEum ad indignationem & vin-  
dictam, quandoquidem cùm DEum notitiâ non operosâ, ne-  
que obscurâ cognovissent, aut cognoscere potuissent, non  
sicut DEum ter Optimum Maximum religioso cultu glo-  
rificârunt, quin imò se omni flagitiorum genere contamina-  
runt, uti ostendit satis prolixo eorum catalogo, itaque genti-  
les ex suis operibus justificari nequeunt.

Capite 2do. de Judæis idipsum probat sequenti discursu:  
qui se ipsos condemnant, non possunt DEum arguere, quasi  
injuriâ ipsi faceret eos pariter condemnando, cùm minimè  
præsumendum sit, velle aliquem contra seipsum iniquè pro-  
cedere, atqui Judæi condemnant seipsos, ergo &c. Mino-  
rem ita demonstrat: qui in aliis damnant, quod ipsi perpe-  
trant, seipsos unâ eadēque sententiâ reos pronuntiant, at  
verò Judæi in gentilibus damnant, quod ipsi perpetrant, ergo  
&c. Postmodum refellit opinionem eorum, qui ad perse-  
verandum in sordibus suis allegabant immensam DEi boni-  
tatem, denuntians, eos sibi hac vivendi ratione thesaurum

iræ

iræ & indignationis divinæ accumulare, addendo nempe identidem iceleribus scelera, quamobrem à DEO denique derelicti debitas pro meritis pœnas daturi sint in tremendo illo supremi judicii die, quò DEUS unicuique reddet secundum opera ejus tam Judæo quàm gentili. Docet præterea, nequaquam sufficere professionem Legis, ut quis justificetur, sed requiri ejus observantiam, illòsque solummodo justos esse coram Deo, qui legis præcepta custodiunt. Propositioni huic illud poterat opponi: Ais, eos solum justificandos, qui legem observant, atqui gentiles nunquam legem Moysis servârunt, ergò non justificabuntur, id est, justi coram DEO habebuntur, verbum enim *justificationis* in hoc textu sic accipiendum est. Respondet, si illi, ad quorum notitiam lex non pervenit, sive ante sive post ejus promulgationem extiterint, vitam tamen naturaliter agant, videlicet secundum naturæ instinctum, ac præcepta moralia, id est, absque Magistro, qui eos perinde ut Judæos oretenus doceat, quid licitum necne, talibus naturæ lumen ac dictamen esse pro lege scriptâ, non ita tamen, ut ipsum solum sufficiat ad observantiam legis naturalis, utque per illam justii valeant coram Deo haberi: hac enim voculâ *naturaliter* præcisè exclusâ vult auxilia exteriora promissionum & comminationum legis, non verò auxilium gratiæ interioris, sine quo neque lex integrè observari, neque perfecta justitia, qualem Deus requirit, obtineri potest. Illud etiam hic notâsse juverit, prædictum textum non intelligendum de gentilibus idola colentibus, sed de iis, qui legem scriptô non acceperunt, qui omnes à Judæis nuncupantur gentiles. Expeditâ hac objectionem convertitur ad Judæos, & eloquenti enumeratione prærogativorum, quibûs supra Gentes gloriantur, ostendit tantò graviores esse ipsorum ingratitude, tantòque minus

nus esse excusabiles. Concludit demum, non illum esse verum Israëlitam, qui exterius tantummodo Judaicam proficitur religionem, sed qui cor habet circumcistum, id est, qui nullo affectu terrenis rebus adhærescit, qui DEum unicè quærit, qui non hæret in cortice litteræ, quæ occidit, sed in medullâ, & spiritu, qui vivificat.

Cap. 3. ex præcedentibus colligit, omnes tam Judæos, quàm gentiles sub peccato esse, adeoque indigere fide & gratiâ Christi Redemptoris ad salutem consequendam. Illam tamen prærogativam Judæis tribuit, ne eos videatur contemnere, quòd ipsis factæ sint divinæ promissiones, quarum subin firmitatem ac certitudinem allegatis duobus ex Davide textibus adstruit: quandoquidem verò ex posteriori, qui habetur psalmô 50mo. nonnulli profligatæ mentis, & nullius religionis homines geminas abominandas sequelas deducebant, 1mo. quasi DEus injustè ageret eos puniendo, quorum infidelitate tanquam instrumentò uteretur ad manifestationem suæ gloriæ, 2do. licitum esse operari malum, si exinde quid boni resultet. Ad istas calumnias respondet inprimis eas tanquam blasphemias cum stomacho rejiciens, postmodum hoc argumento eas retundit: quos DEus condemnat, justè condemnat, atqui peccatores condemnabit, utrùm ex eorum flagitiis occasionem sumat manifestandi clementiam aut justiciam suam, ergo &c. Cæterùm ad deprimendam rursus Judæorum de hac ipsâ prærogativâ Legis, circumcisionis, promissionum &c. jactantiam immeritò eos gloriari docet, cùm & ipsi innummeris iisque gravissimis peccatis oppressi sint, uti probat diversis scripturæ textibus ex Lege desumptis, puta ex Psalmis & Prophetis, qui non tam gentilibus, quàm qui in lege sunt, id est, Judæis loquuntur, eorumque vitia redarguunt. Postea rationem dat, cur DE-

us

us tam fœdos eorum lapsus permiserit, & concludit, neminem justificari posse ex operibus Legis, idque ob eam rationem, quòd Lex ex se tantum producat notitiam peccati, atqui justificatio non consistit in solâ peccati notitiâ, sed in ejus remissione, ac proin in infusione gratiæ, ergò &c. Huic conclusioni negativæ addit affirmativam; nempe, quòd homo justus reddatur seu vivat ex fide, & in hujus rei confirmationem exponit omnes causas justificationis: omnes, inquit, ad eam obûnendam indigent gratiâ, cum omnes deliquerint nullo, exceptò, & DEus absque personarum acceptione & discrimine universim sit Dominus omnium hominum. Postremò iis, à quibus arguebatur, quòd Legem videatur destruere, & abolere, respondet, se illam potius firmare atque perficere, exemplò nempe Christi Domini, qui non venit legem solvere, sed adimplere. Marth. 5. At quomodo id factum? Respondet D. Augustinus, & Chrysostomus, quia gratiam nobis attulit, quâ eam adimplere possimus. Nam lex jubebat, sed non juvabat, post Christum & jubet, & juvat. Tertullianus: quia, quæ in lege promissæ erant, exhibuit, quæ cæremoniis & figuris obumbrata, repræsentavit. D. Thomas: quia implevit primò moralia charitatis dulcedine condendo, secundò cæremonialia figurarum velamen detegendo, tertio prophetias in se completas ostendendo, quartò promissiones confirmando, quintò judicialia per misericordiam temperando, sextò consilia addendo, septimò promissiones ei factas de Spiritûs Sancti missione & Filii incarnatione persolvendo. Eleganter S. Prosper in sententiis excerptis ex S. Augustino, quæ habentur in fine tom. 3.ii. S. Aug. n. 44. lex, ait, data est, ut gratia quæreretur, gratia data est, ut lex impleretur. Neque enim suo vitio non implebatur, sed vitio prudentiæ carnis, quod vitium per legem

legem demonstrandum, per gratiam sanandum fuit. Denique notatione digna sunt Glossæ verba: lex non destruitur, cum est impleta secundum spiritum, licet cesset secundum litteram; imò legis status firmatur, quia mystica & ceremonialia spiritualiter implentur, & quod minus in moralibus continebat, in Evangelio additur, & quod lex veterum promittebat, fides Evangelii jam advenisse testatur. Mystica ergo & promittentia in Evangelio impleta sunt secundum spiritualem intelligentiam, littera autem occidens tollitur.

Cap. 4. probare pergit exemplò Abrahamæ, non per opera Legis aut naturæ, sed per fidem Christi omnes justificari. Notandum autem hic probè, non agere Apostolum de naturâ, per gratiam Christi sanâtâ, sed de illâ in statu suâ corruptionis consideratâ, quæ propriis viribus, utur Mosaicæ Legis adjutorio fultis non potest aliquid facere, quod sit perfectè & absolutè bonum & justum coram DEo, seu meritum gratiæ aut gloriæ de condigno ac congruo. Deinde per fidem seu legem fidei non excludit spem, timorem, poenitentiam, eharitatem, & bona opera, sed præcisè opera antiquæ legis sine fide & gratiâ Christi facta, adeoque fidem accipit, prout opponitur operibus puræ legis Mosaicæ, vel naturæ corruptæ sibi relictæ; quod autem de solâ fide hic expressam mentionem faciat, inde provenit in id. quia eâ maximè indigebant tum Judæi, tum gentiles tanquam in ma. radice totius justificationis, 2dò. quia fides viva, de quâ intelligendus Apostolus, alias virtutes vel præsupponit, vel includit, vel post se trahit adjuvante gratiâ.

Probatio porrò Apostoli ad hanc ferme argumentationem reducitur: omnes Abrahamæ filii eo modò justificari debent, quo justificatus est eorum progenitor, at verò Abrahamus justificatus est ex fide, non verò è suis operibus, ergò fideles, qui ab eo descendunt, justificari o-

por-

oportet ex fide, non verò ex suis actionibus. Minorem ita demonstrat: si Abraham iustificatus est ex suis operibus, tunc iustus non fuit coram Domino, iustitia enim operum est præcisè extrinseca, quæ hominem neutiquam DEo amabilem verèque gratum reddit, præterea DEum non ritè glorificavit, quandoquidem mercedem operibus honestis debitam recepit, non verò donum aliquod gratiæ, atqui iustus fuit coram Domino, ipsùmque glorificavit tanquam auctorem gratiæ ac iustitiæ, &c. Ad probandum eam ipsam propositionem minorem adducit textum Genes. quo dicitur, fidem ejus reputatam illi esse in iustitiam, quasi diceret, iustificatum esse ex fide suâ. Tertia probatio sic habet: merces datur operanti tanquam res debita, atqui iustitia non fuit Abrahamo concessa ex debito, aliàs Scriptura non dixisset, fidem ejus in iustitiam ei reputatam fuisse secundum propositum gratiæ DEI, ergò iustitia non fuit ei concessa ratione operum. Huic Abrahami exemplo subjungit sententiam, quâ David absque ullâ mentione operum beatos illos pronuntiat, quorum tecta sunt peccata, id est, deleta; DEus enim minimè contentus inflicto vulnus fasciâ suâ miserationis præcisè contexisse, illud adeo perfectè sanat, ut ne quidem cicatrix, vel ullum ejus vestigium remaneat. Quandoquidem autem replicare quis poterat, justificationem hanc gratuitam Judæos tantum concernere, ostendit, gentiles quoque in ejus partem admitti eâ de causâ, quòd gentiles justificari possint in eodem statu, in quo Abrahamus erat, cum justificaretur, tunc autem circumcissus non erat. &c. Postmodum rationem reddit, quare iustificatus sit Abraham, cum etiamnum haberet præputium, docetque illum fuisse patrem omnium credentium, & hæreditatem illius fidei eximie adpromissam, iisque, qui eam pariter imitarentur, non verò

illis, qui præcisè legem observarent. Sic enim discurrit: Fides Abrahæ inutilis est, & promissio divina inanis seu nulla, si hæreditas debetur observationibus legis, hoc verò absque blasphemiâ dici nequit. Probatio majoris habetur in paraphrasi hujus capituli. Adducit novam rationem: quòd iram DEi provocat, non potest reddere justum, justitia enim nostra consistit in pace cum DEo, atqui lex provocat, seu operatur iram DEi, nempe per accidens ratione infirmitatis & fragilitatis humanæ, quia sine fide & gratiâ nimium difficilis est ejus observantia: Deinde extollit paternitatem Abrahæ, demonstrans eam divinæ esse persimilem (pro eo enim quod in vulgatâ dicitur *ante DEum*, secutus sum pro clariori intelligentiâ in paraphrasi textum græcum originale, *ad instar DEi*) observat, & enucleat singulas fidei circumstantias in hoc Patriarcha, & ad illius magnitudinem declarandam asserit, Moysen illius meminisse in suis libris, ut notum faceret, justificandos & nos ejus exemplò, si in Jesum Christum crederemus, qui traditus est propter delicta nostra, & resurrexit propter justificationem nostram.

Postquam Paulus hætenus ad oculum demonstravit, nostram justificationem non haberi ex lege, sed ex fide & gratia Christi, nunc ostendit quanta sit cum excellentia tum utilitas hujus justitiæ per fidem Christi obtentæ, & ex opposito damna per peccatum originale invec̃ta. Capite 5to. ergo agit de effectibus justificationis, qui sunt vel intra nos, videlicet pax cum DEo, tranquillitas conscientiæ, & spes firma hæreditatis supernæ, vel exterius se produnt, nempe patientia in adversis. Spem porrò Christiano nomine gloriantium malè, fundatam non esse compluribus argumentis comprobatur. In primis, credere oportet, quidquid Spiritus Sanctus nobis interiorius suggerit, ac pro certo revelat, atqui nos interiorius certos  
red-



reddit (certitudine aliquâ morali, saltem latè tali) nos esse filios DEi, & hæredes regni cœlestis &c. 2do. si Pater æternus nobis plus contulit, quàm hæreditatem supernam, neque istam nobis denegabit, atqui nobis Filium suum unigenitum dedit longè utique cœlis omnibus præferendum, ergò nobis hæreditatem supernam minimè denegabit. 3tio. Si DEus nos dilexit, cùm essemus ejus inimici, adeo ut Filium suum dilectissimum morti traderet amore nostri, longè certius nobis in gratiam receptis dabit & gloriam. Inde progreditur Apostolus ad discurrendum de officio JESU Christi tanquam Mediatoris, cùmque illud consistat in exterminatione ac deletione peccati, ascendit ad fontem seu originem maculæ originalis, quæ in orbem introducta fuit per Adamum, non imitatione, uti delirabat Pelagius, sed propagatione. Postquam asseruerat, peccasse omnes in Adamo, eò quòd omnium hominum voluntates ejus voluntati alligatæ essent tanquam Capitis humanæ naturæ, opposui poterat, mortem singulos incurrere in poenam delictorum suorum personalium sive actualium, respondet, mortem temporalem non fuisse statutam in poenam peccati, nisi primùm post legis institutionem, & nihilominus jam ante eam obuisse homines mortem, eosque non solùm adultos, sed etiam infantes, de quibus utique dici nequit, quòd actualem primi sui parentis prævaricationem imitati fuerint, cùm rationis usu caruerint, unde arguit mortem supplicium esse peccati originalis in omnes diffusum, non verò peccatorum actualium. Inde comparationem instituit inter peccatum Adami, & gratiam JESU Christi, eamque differentiam cum primis observat, quòd ex illo non tot mala in nos redundârint, quot bona ex istâ postmodum accepimus. Legem autem Moysis quod attinet, neque illam omnino fuisse inutilem notat, primò quod ea in peccati noticiam nos perduxerit, ostendendo videlicet multa, quæ

alias credebantur licita, habenda pro flagitiis prægrandibus, peccatique essentiam ac malitiam in eo propriè consistere, quòd rebellis homo DEo non obtemperet, sed ab hoc primo sui rerumque omnium principio se se avertens ad creaturam toto cordis affectu convertat. Deinde cùm lex occasio fuisset plurium transgressionum ob suas difficultates, inde magis inclaruit excellentia & abundantia gratiarum, quas nobis attulit illam subsecuta suavissima lex Evangelii.

Capite 6to. statim subinfert, nequaquam licitum esse in peccato persistere, ut exinde superabundet gratia, quod nonnulli malèferiati deducere volebant ex præcedenti ejus discursu. Probat id inprimis ex absurditate talis propositionis: deinde quòd Christiani peccato sint mortui, ac proin peccato non amplius vivere debeant, atqui vivere peccato ex mente Apostoli est habere commercium seu familiarem consuetudinem cum peccato, illud committere, ejus mancipium esse, quemadmodum vicissim peccato esse mortuum significat nulum habere commercium cum peccato, uti nec mortui habent cum viventibus, peccatum non amplius committere, quemadmodum mortui nihil agere possunt. Quòd autem fideles peccato sint mortui, exinde probat, quòd baptismo abluti sint, sicut enim immersione, quæ fiebat, & adhuc fieri potest in baptismo, configuramur Christo mortuo ac sepulto, ita vicissim emersione ex aquis baptismi configuramur Christo resurgenti. Addit resurrectionem Christi secundum carnem figuram quoque esse resurrectionis spiritualis animæ nostræ: quemadmodum ergò illam præcessit mors corporis, ita pariter nostram resurrectionem in spiritu præcedere debet interitus peccati, ut deinceps peccato eomortui in novitate vitæ ambulemus, sicut Christus semel mortuus ad novam vitam non amplius moriturus resurrexit. Reponit postmo-

modum iis, qui pro excusatione allegare poterant depravatas à multo jam tempore suas inclinationes, veterem hominem, qui eos ad peccatum instigabat, affixum fuisse cruci, ut intelligeremus, Filium DEI, si morte suâ fomitem concupiscentiæ ( quæ in omni hac ratiocinatione peccatum appellatur, tanquam causa, occasio, effectus & pœna peccati ) non extinxerit penitus, ejus saltem ardorem mingâsse, convenientia remedia ad eam subjugandam attulisse. Hinc Apostolus non desiderat, ut peccatum in hoc sensu non sit, sed ut non amplius regnet in vobis. Subin ostendit, hoc non esse adeo difficile, esse insuper honestum, & maximè proficuum, non difficile; eò quòd non amplius sub Lege sint auxilii destitutâ, sed sub Evangelio; quod vires suppeditat exequendi quod præcipit; honestum insuper, quoniam servire justitiæ, eique conservandæ & augendæ impensè studere honorificum est laudèque dignissimum; proficuum denique, quia mors est stipendium & fructus peccati, vita autem supernaturalis fructus bonorum operum.

Cap. 7<sup>mo</sup>. demonstrat, quod paulò ante dixerat, homines non amplius Legi obnoxios esse, idque similitudine aliquâ ex ipsâ Lege petita, quam in paraphrasi satis superque expli- co. Tum sibi met objicit: ergò lex est causa peccati. Respondet sequelam hanc absensam esse 1<sup>o</sup>. quia lex peccati tantum notitiam gignit, 2<sup>dò</sup>. quia ad mortem eum condemnat, qui peccatum perpetrat, atqui nulla causa effectum suum destruit: fatetur tamen non levem ex Lege occasionem delinquendi præbitam ob hominum perversitatem, quibus ipsa præcepta imposita pro materiâ transgressionum servierunt; postmodum tamen ne sibi contradicere videatur asserendo legem esse sanctam, & ex illâ mortem provenire, rationem dat, quare & quomodo ad peccatum exciret, quod isthoc capi-

capite regi præpotenti, armato, qui mortem inferre possit, æquiparat. Deinde ad subtrahendam Christianis omnem materiam inanis gloriæ, nec non desidiæ, eò quòd pro regulâ vivendi habeant legem ex omni parte perfectam, ponit ob oculos bellum intestinum animæ inter rationem & appetitum concupiscibilem, utque planius & apertius loquatur, faciliusque percipiatur, non in alienâ personâ peccatoris v. g. sub lege adhuc gementis, sed in propriâ hominis justî, & sub lege gratiæ viventis discurrit, ne ad quos scribebat, sibi fors imaginarentur, ejus ratiocinationem ad ipsos minimè pertinere tanquam Legi Antiquæ non amplius obnoxios. Volebat nimirum indicare, se uti jam à lege liberum & sub gratiâ constitutum totque privilegiis à DEo condecoratum tantos tamen concupiscentiæ stimulos & incitamenta in malum sentire ut instar servi empticii *sub peccato venundatus* sæpius cogatur invitus illi parere, ejusque motus ac impetus velit nolite sentire, licet procul esset à consensu, uti pluribus dolenter prosequitur. Atque hanc sententiam & explicationem de statu Evangelii prætuli, licet Græci prope omnes hæc Apostoli suspiria de statu Legis antiquæ acciperent. Divus Augustinus ipsis quidem per suam interpretationem accesserat in tractatu, quo aliquas propositiones epistolæ ad Romanos explicat, subortâ verò hæresi Pelagianorum majori à DEo luce collustratus in materiâ de gratiâ primam suam opinionem retractavit, càmque amplexus est ut veriozem, quam modò proposui & secutus sum.

Capite 8vo, ut eos consoletur, quos præcedenti discursu de infirmitate Legis & tyrannide concupiscentiæ perculerat, describit jam vires spiritûs & gratiæ Christi, atque tamen motus rebellis concupiscentiæ intra se persentiscant, propterea tamen non damnatum iri, modò per fidem & gratiam

JE.

JESU Christo sint insiti, ac tentationi assensum non præbeant. Probat assumptum cum suâ priori restrictione 1mò. quia per Evangelium certi reddimur, JESUM Christum nos exemisse à lege mortis & peccati. 2dò. quia is ex destinato venit ad efficiendum, quod lex præstare non poterat, nempe ad nos justificandos. Progreditur dein ad posteriorem limitationem significans, eos, qui sunt inimici DEI, indignos esse consolatione divinâ, atqui qui ambulant secundum carnem, inimici sunt DEI, ergò &c. Tum argumentum suum applicat gentilibus recens conversis, asseritque, si spiritum JESU Christi habeant, nempe Spiritum sanctum, pertinere omnino ad JESUM Christum, neque amplius ambulare secundum carnem. Præter vitæ porro præsentis sanctumoniam addit Spiritum sanctum in ipsis habitantem eorum quoque corpora resuscitaturum, ubi eorum animabus vitam gratiæ impertitus fuerit. Inde occasionem sumit hortandi eos, ut à peccando desistant imposterum. Rationes affert sequentes. 1mò. Fidelitatem à vobis reposcit DEUS, quibus tot beneficia contulit, eam porro præstare non valetis, si ambuletis secundum carnem, ergò ab hoc vobis imposterum cavendum est quàm diligentissimè. 2dò. Id omne vobis fugiendum est, unde malum pullulat, id econtrà præstandum, quod vobis proficuum & rationi est consentaneum, sed vivere secundum carnis desideria & illicia cedit in perniciem animæ, vivere autem secundum spiritum in æternam remunerationem &c. Probat minorem quoad remunerationem in hunc modum: fratres adoptivi JESU Christi jus pariter cum eo habent ad cœlestem hæreditatem, tales vos estis. Postmodum eos animat ad patientiam in adversis 1mò. quia qui ista æquo animò ferunt, socii sunt JESU Christi, quos tanquam dux noster, longè gravissimâ cruce onustus prævit ad

E

mon-

montem Calvariæ, imò & in cœlum. 2dò. quia merces, quæ tolerantiam sequitur, permagna est, 3tio. imò longè maxima in comparatione illius. 4tò. Ex consideratione rerum sensuarentium, quæ consummationem hujus sæculi præstolantur, ut tandem à lege corruptionis eximantur, cui post Adami lapsum sunt obnoxia. 5. Ex internis illis dictaminibus ac desideriiis immortalitatis, quæ à Spiritu sancto in nobis excitantur non utique in vanum. 6. Ex naturâ & indole fiduciæ, cujus est patienter expectare. 7mò. Ex solatiis, quibus perfundimur à Spiritu Sancto. 8vo. Ex bonis, quæ in nos redundant per adversa quæque sive in genere, sive in particulari. Ultimâ parte hujus capituli ostendit, mercedem hanc à DEo suis electis promissam esse omnino certissimam. Inde colligit, fidelibus nihil admodum metuendum esse, sive tentatione infestentur, sive adversitate premantur, quandoquidem amoris, quo DEus illos complectitur fovétque, incendium res nulla valet extinguere.

Cap. 9no. priusquàm ordiatur discursus de reprobatione Judæorum, seriò illis candidèque asseverat, dolere se, angique animò vehementissimè, quòd illis prærogativis non amplius gaudeant, quæ ipsos unicè concernere videbantur, cuperèque sincerè anathema esse pro illis. Interpretes diversissimo sensu hoc desiderium votumque exponunt, & Cardinalis Toletus, qui in hanc epistolam doctissimum ac solidissimum commentarium scripsit, enumerat eorum opiniones, à quibus allegandis abstineo, ne longior sim, & molestus. Dicam solummodò, verbum anathema in divinis Scripturis propriè significare rem DEo consecratam, non tantum, ut servetur pendula ex tholo templi, aut ab usibus profanis segregata, quemadmodum dictio græca innuit, sed persæpe, ut ex integro destruiatur. Sic urbs Jericho, & nonnullæ aliæ  
Cha-

Chananæorum dictæ sunt anathemata, quòd DEus iusserit eas solo æquari. Siclib. 1. Machab. cap. 5. legimus Judam, cum in ejus memoriam rediisset perversitas filiorum Bean, qui Israëlitas infestabant, eos turribus suis inclusisse, & anathematizasse, id est concrematis penitus exterminasse. Sic cap. 21. Numer. nomen anathematis impositum est loco, ubi Arad rex Chananæorum mactatus est, & omnibus ejus civitatibus. Quando ergò Apostolus dicit, cupere se anathema fieri à Christo, aliud significare non intendit, nisi quòd, si jacturâ cœlestis gloriæ sibi obventuræ redimere & servare potuisset fratres suos Judæos, perlibenter eam incurrisset, qui affectus haud dubiè ex præcellenti amoris motivo erga DEum, suumque proximum proveniebat & intelligendus est duntaxat de possessione JESU Christi per gloriam, non verò per gratiam. D. Chrysostomus hunc textum, uti & reliquos omnes promore suo admirabili eloquentiâ illustrat, qui consuli poterit à studioso lectore. Hoc ita notatò prosequor analysin hujus capitis.

Apostolus ergò factâ suâ in Judæos benevolæ propensionis contestatione, eò quòd fratres ejus sint, quòd populus DEI electus, quòd JESUS Christus ex eorum Majoribus originem duxerit, sibi ipsi hanc proponit objectionem: Deus repudiavit à se Judæos, quibus tam præclara promissâ dederat, ergò mendax est & mutabilis. Respondet tamen Judæi ejus benedictionibus non ampliùs perfruantur, illius tamen promissâ integrè & ad unguem esse adimpleta, quoniam non omnes, qui ab Abrahamo descendunt, veri sunt Israëlitas, sed illi tantummodo, qui semen ejus in Scripturis appellantur, nempe qui fidem ejus sectantur. Quòd autem Gentiles nunc præferantur Judæis, ejus rei figuram jam olim fuisse Isaacum Ismaeli, & Jacobum Esau antehabitu. Inde progreditur

ad causam declarandam, cur minor natu electus fuerit, primogenitus autem reprobatus, eamque in solum DEi pro potestate sua ita volentis beneplacitum refert. Illud tamen hic animadversione dignum existimo, hanc electionem & reprobationem intelligendam esse de benedictionibus temporalibus, & executioni datam in eorum posteris, non autem in personam ipsorum antecessorum: neque enim constat Esau unquam Jacobo paruisse, neque absque temeritate dici potest, illum aeternam incurrisse damnationis sententiam, Apostolus enim non asserit eum reprobatum quoad salutem & gloriam, sed proponit eum tanquam figuram reprobatum quoad Evangelii gratiam populi Judaici. Quandoquidem autem ex hoc ipso inaequali modo procedendi non nemo poterat ansam accipere arguendi DEum cujusdam injustitiae, respondet, DEum in istorum reprobatione justitiam suam, in electione vero aliorum jure suam manifestare clementiam, quandoquidem dominus est suarum creaturarum, & sicut figulus ex argilla sua format, quod sibi libet, ita de hominibus, quos in eadem massa corruptionis & gratiae suae gloriaeque aequaliter indignos reperit, disponit, uti potest, liberrime secundum suam voluntatem, quae tametsi nobis non semper perspecta, semper tamen est aequissima, & ratione divinae originis omnino talis, ut ejus rationem mortalium nullus absque insigni temeritate exposcere valeat.

Pro clausula varios asserit Scripturae textus, quibus comprobatur gentiles electos fuisse ad accipiendam gratiam Evangelii, atque, invenisse eos justitiam, quam non inquirebant, idque eam de causa, quod eam in seipsis non quaesivissent, prout tamen assolebant Judaei. Non ignoro, in materia praedestinationis & reprobationis, quae hoc capite ventilatur, diversas esse scholarum opiniones, neque id mihi arroganter assumo, ut quidquam definire velim in ejusmodi mysterio, quod ado-

rare



rare potius, quàm curiosè & contentiosè discutere oportet, & de quo S. Paulus utut illuminatissimus fatetur, se non posse penetrare abyssum sapientiæ DEI, & profunditatem consiliorum illius. Quin potius curiositas nostra cohibenda esset intra sacros limites, quos in hoc textu nobis Apostolus posuit, atque isthæc provida animi demissio multiplicem impediret Christianæ charitatis læsionem, quæ plerumque in hac difficillimâ controversiâ crudelem in modum laceratur. Ego quidem secutus sum sententiam Divi Augustini ac Doctoris Angelici cum pluribus modernis expositoribus, spe fretus, tantorum Ducum premendo vestigia aberrare me haud potuisse.

Auspicatur denuo caput IOMUM. declaratione amoris, quo impensissimè Judæos prosequitur, & sollicitudinis pro eorum salute, ad placandos videlicet & pacandos eorum animos, quos verebatur à se fors exasperatos vel saltem suboffensos ob ea, quæ sub finem præcedentis capitis dixerat, cumque eorum opera excusare non posset, zelum, quo inducti deliquerint, aliquâ ratione excusat: ostendit nihilominus, eum non fuisse secundum scientiam, adeoque haud legitimum aut justum. 1mo. Quia non caruit omni arrogantia, 2do. Quia in contemptum JESU CHRISTI cedebat. Inde pergit ad explanandam justiciam legis & justiciam fidei in hunc modum disserendo: justitia, quæ nobis inquirenda est, ea ipsa est, quam Moyses & Prophetæ docuerunt solam esse ac veram justiciam, talis est justitia fidei &c. Min. probat 1mò. quia JESUS CHRISTUS est finis legis Mosâicæ, & justitia fidei est justitia JESU CHRISTI. 2dò. Vera justitia debet vitam tribuere, justitia legis hoc non facit &c. 3. Vera justitia tranquillam debet reddere conscientiam, lex eam tantummodo turbat, ergò lex non est vera justitia. 4. Vera justitia debet esse

facilis, lex est difficilis &c. 5. Vera iustitia debet fundari in re prorsus infallibili, iustitia fidei fundatur in JESU Christo, qui nec fallere, nec falli potest. 6ta. Ratio desumitur ex textu Isaiæ, qui salutem pollicetur omnibus verè credentibus. 7tima. Pendet ex præcedente, & ostendit, omnes egere eadem gratiâ, & salvandos pariter per invocationem nominis DEI. Pro 8vâ. servit autoritas Prophetæ Joëlis testantis, omnes, qui invocant, salvandos, at verò soli, qui fidem habent, invocant nomen Domini &c.

Postmodum per gradationem exponit media ad consequendam salutem, quorum postrema à prioribus dependent, at non vicissim: invocatio enim non potest esse sine fide, neque fides sine prædicatione, neque ista sine missione, at verò prædicationi non semper habetur fides, uti videre fuit in Judæis, qui audierunt, & non crediderunt potius ex obstinatione mentis, quàm ex ignorantia secundum prædictiones Moyfis & Isaiæ, quibûs Apostolus hoc caput demum absolvit.

Verba porro, quibûs Isaias cap. 65. in personâ Christi Judæis eorum pertinaciam exprobrat, sunt gravissima, mirè pathetica, & observatu dignissima: *totâ die expandi manus meas ad populum non credentem & contradicentem*: quasi diceret, ut cum doctissimo nostro Tirino loquar: Israël, populus tot nominibus meus, ad quem totâ die expandi ambas manus & ulnas meas, quem instar dilecti primogeniti mei Exod. 4. v. 22. arctissimo affectu semper complexus sum, quem donis & beneficiis innumeris perpetuò profecutus sum, cui sine mensura in sinum congeffi munera cœlestia, terrestria, & quantas vellent opes, delicias, gloriam, quem ipsèmet coram adii, docui, & millenis miraculorum illecebris ad me pertrahere conatus sum, ad quem denique etiam corporales has  
ma-

manus in ligno crucis expansas quantâ potui vi & charitate protendi, ut populum illum, etsi tortorem, carnificem & occiforem meum, pro illo tamen ultrò & patientissimè moriens ad sinum meum pellicerem, imò pertraherem, populus, inquam, hic meus nihil ad hæc omnia attendens, sed mei, sui, DEi oblitus incredibili pertinaciâ & obstinatione permansit in infidelitate & perfidiâ suâ, nolens credere seu mihi, seu in me, seu aliis de me, Et quasi hoc parum ipsi esset, insuper etiam palam, & ubique mihi, meisque se opponit, & in omnibus contradicit, non modò verbis sed & sævissimis suppliciis ac tormentis, quibus me, meosque servos ac filios indignissimè persequitur indies. Hæc ejus perfidia & obstinatio causa est præsentis incredulitatis, & per consequens perditionis, & exitii illius.

Ne autem Judæi spem omnem salutis abjicerent ob suam reprobationem, Caput 11. *Imum.* eò dirigit, ut & illos aliquâ ex parte confoletur, & gentiles simul moneat, ne Judæorum incredulitati & repulsæ insultent perperam gloriantes de electione suâ ad gratiam Evangelii, sive quòd ipsis tanquam dignioribus Evangelium sit annuntiaturum, quòdque fidem à Judæis repudiatam receperint. Itaque sibi ipsi hanc objectionem movet: an ergò Judæi omnes penitus reprobati sunt? Respondet negativè, idque ex duplici ratione 1. *mo.* quòd ipsemet Judæus sit, & tamen ex numero electorum, nempe credentium. 2. *dò.* Quòd DEus ab omni retrò æternitate populum Judæorum dilexerit, quæ dilectio ac benevolentia minimè fallax, futilisque esse valet. Tum subinfert exemplum Eliæ hujusmodi argumentatione. Elias in eâ erat sententiâ, se solum superesse veri Numinis cultorem, quemadmodum vos  
for-

forſitan autumatis, ô gentiles, me ſolum ex integrâ Judæorum natione eſſe de numero electorum, DEUS autem ei revelavit, quòd ſeptem millia hominum ſibi reſervaverit, qui genua coram Baal non curvâſſent: itaque pro certo tenete, eundem Deum ſibi plures reſervâſſe vobis quidem haud cognitos, qui tamen ſint de numero ſervorum ejus. Subjungit poſtmodum, electionem iſtorum revera quidem in comparatione pauculorum ex merâ Dei miſeratione provenire, reprobationem autem reliquorum longè antea, quàm adimpleretur, prædictam per Iſaiam & Davidem, quorum textus adducit. Inde progreſſus, ad punctum principale, nempe ut convinceret gentiles, nequaquam ab iis deſpiciendos Judæos, docet imprimis non ita illos cecidiſſe, ut reſurgere nequeant. 2dò. Quòd illorum excluſione patefacta ſit janua gentilibus ad Evangeliũ. 3. Quòd DEUS gentiles elegerit, ut Judæos piâ emulatione excitet ad ſectandam eorum fidem. 4. Quòd conversione Judæorum gentiles majoribus benedictionibus ac favoribùs cumulandi ſint, quàm illorum reprobatione acceperint. 5. Quòd ſi ipſus, qui ad eos ſcribit, cùm frater præciſe ſit, & conterraneus, adeo tamen impenſe eorum ſaluti invigilet, DEUM univerſalem eorum parentem longè utique majori ſollicitudine eam curaturum. 6. Quòd ſicut illorum diminutio, ſeu minutus ex Judæorum reliquiis credentium numerus occaſionem præbuit tantò plures gentiles in Eccleſiæ gremium aggregandi, 7. timò. ita illorum conversionem ſecutura ſit auſpicata totius mundi renovatio. 8. Quòd illi ex pura & deſecratâ maſſâ originem duxerint, & rami ſint ſanctæ radicis. 9. Gentiles autem oleaſtri ſint eorum loco inſerti. 10. Quòd Judæorum natio radix ſit, cui ipſi gentiles inhæreant, & inde ſuccum trahant. 11. Quòd quemadmodum ſemel avuſi ſunt,

sunt, ita denuo possint inferi. 12. Quòd si DEus naturalibus ramis non pepercit, multò minùs alienis parceret. 13. Quòd gentiles ex purâ DEi misèrentis bonitate implantati fuerint. 14. Venturum aliquando diem, quo DEus Judæos denuo inferturus sit arbori, à quâ revulsi erant. 15. Quòd DEus nequaquam in gentilibus dissimulaturus sit insolentem proterviam, quam in Judæis adeò severè castigatam voluit. 16. Gentiles eâ tantum conditione insertos esse, ut in animi demissione constanter persisterent. 17. Reprobationem Judæorum non fuisse universalem. 18. Quin imò illos intuitu Majorum suorum DEo etiamnum in amoribus esse. 19. Quòd quemadmodum gentiles fidem receperunt per incredulitatem obstinatæ Judæorum nationis, ita isti eam recuperaturi sint sancta æmulatione & imitatione fidei Gentilium. Denique post consideratam attentè, & luculenter expositam hanc vicissitudinem & successionem mutuam Judæorum & Gentilium in obsequio & Ecclesia DEi, finem imponit Apostolus primæ hujus epistolæ parti dogmaticæ exclamando cum admiratione: ó altitudo divitiarum sapientiæ & scientiæ DEi &c. Quasi dicere vellet, plura non esse requirenda, cur ita ordinaverit DEus; satis nobis esse debere, quòd supremæ ejus Majestati infinitâ sapientiâ, æquitate, ac bonitate præditæ ita libuerit, cui soli debetur gloria, nobisque unice relicta est obligatio profundissimæ venerationis, observantiæ ac demissionis.

Capite 12mo. progreditur à doctrinâ fidei ad disciplinam morum hortando fideles ad seriam vitæ emendationem, ad offerendos se Numini tanquam hostiam sanctam & immaculatam, ad omittendam nimis curiosam divinarum veritatum & ordinationum indaginem, ad utendum gratiis in baptismo acceptis in bonum commune Ecclesiæ, ad officia

F

sua

sua diligenter obeunda, ad obsequia mutuz dilectionis sincerè absque fuco & fastu præstanda, ad ferendas æquo animò injurias, & vindictam DEo relinquendam, qui eam suo tempore non dissimulabit, ad cujus probationem allegat textum ex cap. 25. Proverb. quem interpretes diversimodè explicant. D. Augustinus, D. Hieronymus & omnes propè Ecclesiæ Latinæ Doctores cum in meliorem partem accipiunt, & per carbones ignis intelligunt amorem, quem accendimus cum tempore in præcordiis adversarii nostri, si mala & incommoda omnia ab eo illata feramus sine replicâ. Sententia verò Græcorum, quam amplexus sum, tenet, per carbones intelligendam vindictam DEi, quæ tamen nequaquam servire debeat pro motivo vel fine patientiæ fidelium, utrû sit condignus & ordinarius ejus effectus. Nihil enim occurrit frequentius in Psalmis, quàm imprecationes adversus impios, & obsecrationes ad DEum ut in eos animadvertat. In Apocalypsi animæ, quæ erant subtus altare, DEum rogant, ut ultionem sumat de iis, qui earum sanguinem fuderunt. Et Apostolus 2. Thessal. docet, æquum esse, ut DEus iis, qui fideles persecuti sunt, rependat mala illis inflicta.

Capitis 13tiii partem 1mam orditur propositione thematicæ pertractandi, nempe de obedientiâ Superioribus præstandâ, argumentatur autem in hunc modum: Christiani obtemperare debent ordinationi divinæ, atqui Principes à DEo constituti & ordinati sunt &c. 2do. Id omne studiosè evitandum, quod nobis perniciem creare potest, atqui inobedientia eam nobis creare potest &c. Min. ita probat: Principes gladium non portant absque causâ & in vanum, id est, potestatem vitæ & mortis in subditos suos frustra non habent, haberent autem, nisi inobedientiam possent pro merito plectere. 3. Præstandum ultro & liberè, ad quod aliàs necesse.

cessitate compellimur, atqui necessario est parendum. 4. Obtemperandum haud dubiè his, quorum sumus subditi, ad quid enim subiectio sine obedientiâ? atqui subijcitur Principibus &c. hanc minorem ita demonstrat: illis subijcitur ut dominis, quibus tributa jure pendimus, atqui tributa jure & ex debito Principibus pendimus, quoniam ab iis conservamur ac protegimur. 5. Cuique suum, nempe quod debetur, reddere natura universaliter præcipit, atqui obedientia debetur nostris Principibus ac Superioribus &c.

Parte 2dâ hortatur illos denuo ad mutuam dilectionem hisce argumentis: 1mo. Debita vestra vobis persolvenda sunt, atqui inter ista non ultimum locum tenet dilectio mutua. 2dò. Lex à vobis implenda est, at verò qui proximum diligit, legem implevit: min. ita suadet: qui omnia præcepta legis observat, implevit legem, atqui in dilectione mutuâ continentur omnia præcepta legis &c.

Parte 3tiâ urget illos, ut Evangelii luce collustrati de somno peccatorum tandem confurgant, & fugientes opera tenebrarum, gulam, libidinem, ambitionem, induantur Dominum Jesum Christum in novitate vitæ. Quare Apostolus Ima parte hujus capituli videtur hominem rectè componere per obedientiam erga Superiores, in 2dâ parte per charitatem erga æquales & inferiores, in 3tiâ per temperantiam, continentiam, & modestiam erga seipsum.

Capite 14. ut ostendat, dilectionem proximi debere omnes universim complecti etiam infirmos in fide & charitate, qui Christum necdum plenè induerant, agit de altero controverſiæ puncto, quod ipsum induxerat, ut ad Romanos scriberet, nempe de opinionum inter eos diversitate practica circa abstinentiam à cibis lege Mosaicâ prohibitis, & obser-

vantiam certorum festorum ; præticâ, inquam, prior enim circa differentiam in causâ & modo justificationis, ab initio epistolæ usque ad cap. 12<sup>um</sup> ventilata quodammodo speculativa erat. Primò ergò ponit hanc thesin : vobis, quibus libertas evangelica probè perspecta est, ea notitia minimè permittit turbare pacem Ecclesiæ, tametsi cernatis alios scrupulis agitados, & sanctæ hujus libertatis ignaros : postmodum has rationes adducit : 1<sup>mo</sup>. Qui est domesticus DEi, alium non habet judicem, quàm DEum, atqui infirmi (ita eos nuncupat, quia certis cibis abstinebant, ac nonnulla peculiaria festa religiose observabant) sunt domestici DEi. 2<sup>do</sup>. Nemo iudicium sibi usurpare debet in servos alterius, in quos nullam habet potestatem, sed infirmi sunt servi DEi &c. 3. Charitas non permittit eum condemnari, qui paratus est ad omnem correctionem, at verò infirmi parati sunt ad sese corrigendos, si errorem suum dedoceantur &c. 4. Qui aliquid ad DEi gloriam præstat, damnandus non est, infirmi hoc ipsum, quod in illis redarguis, agunt in gloriam DEi, cum enim mors & vita hominum sint in manibus & arbitrio DEi tanquam supremi domini ad cuius honorem & obsequium à suis servis referri possunt & debent, cur non & istæ actiones indifferentes, nempe ciborum & dierum observatio aut discretio ad eundem scopum referri poterit absque peccato? 5. Læditur charitas per condemnationem fratris tui, quem potius fovere debes, & ignorantem instruere, atqui infirmus non obstante suâ infirmitate adhuc frater tuus est. 6. Non debes involare in officium JESU Christi idque tibi assumere, atqui judicando infirmos & damnando involas in ejus tanquam supremi omnium Judicis officium. 7. Qui judicandus est, non debet alios judicare, atqui tu ipse judicandus es &c.

Par-



Parte 2.dâ hujus capituli doctiores admonet, ut infirmis fidelibus scandalum ne præbeant manducando ipsis præsentibus pro suâ libertate etiam ea promiscuè, à quibus illi magnopere abhorrent. 1mò enim usus rei etiam indifferentis illicitus est, si in scandalum proximi cedat, atqui esus carniū potest cedere in scandalum proximi. 2dò. Charitas prohibet scandalum tuorum fratrum, atqui isthoc esu eos scandalizans. 3. Impietatis genus est eos pervertere, pro quibus Redemptor noster mortem oppetiit, atqui hoc ipsum, quod ab aliis liberrimè fieri videant, contra dictamen suum faciendo pervertuntur. 4. Si mortuus est & pro Judæis, longè magis tibi in eorum gratiam abstinendum est à certis rebus, quibus faciliè carere potes, atqui mortuus est pro eis &c. 5. Abstinendum est ab iis, quæ ansam gentilibus præbent eructandi blasphemias contra Evangelium, atqui talis usus eis hanc ansam præbet, sic enim scandalizantur gentes, & à Christianismo avertuntur, cum vident Christianos ira inter se contendere de cibis & ciborum delectu. 6. Nullum incurrit periculum, qui abstinet ab eo, in quo regnum DEI non consistit, atqui non consistit in hoc usu, sed in justitia, pace, & gaudio &c. 7. Omni studiò annitendum est, ut pax conservetur, atqui abstinendo à cibis, à quibus infirmi abhorrent, servatur pax &c. 8. Ingens piaculum est imaginem DEI destruere, atqui hic usus eam destruit, cum infirmos ad peccandum inducat &c. 9. Bonum nunquam non faciendum, atqui bonum est, & laudabile non præbere scandalum suis fratribus &c.

Parte postremâ ut etiam infirmos suâ instructione non destituat, proponit principium generale, nempe quidquid fit contra dictamen interius conscientiæ, quod dictamen fidem

appellat, seu persuasionem aut credulitatem, hoc aut illud esse licitum, quidquid, inquam contra hoc dictamen, fit, esse peccatum, & consequenter eum, qui manducat, quod existimat sibi licere, non peccare, & ex opposito peccare illum, qui manducat id, quod sibi judicat non esse permissum, sive jam hoc judicium sit reipsâ rectum ac veritati conforme, sive erroneum ac falsum.

Capite 15to idem argumentum prosequitur, cur tam Gentes, quàm Judæi ad fidem & Christi gratiam vocati gratias DEo, & pacem invicem debeant non tantum vitando scandala infirmorum, sed etiam eorum imbecillitates patienter sustinendo, nam 1mò quod officii vestri ratio postulat, id omnino præstandum est, atqui ea postulat, ut vos firmiores sublevetis invalidos, eorûmque languores æquo animò feratis, & pro viribus curare allaboretis. Sicut enim in materiali ædificio eliguntur aliqua firmiora ad sustinendum totum ædificii pondus, quod ex fragiliori materiâ superimponitur, v. g. fundamenta, & columnæ, ita etiam in spiritali Ecclesiæ ædificio non solum eliguntur, sed efficiuntur aliqui firmiores, ut sustineant pondus aliorum. Vult nimirum DEus Optimus, ut qui vel ingenio vel prudentiâ, vel scientiâ eminent, ignorantes non aspernentur, vel decipiant, sed cum omni mansuetudine eorum ignorantiam ferant, doctrinâque eos, & consiliò juvent. 2dò. Non debemus nobis ipsis placere, sive ea tantum sectari, quæ nobis grata sunt & utilia, sed etiam aliis morem gerere, condescendere, nos accommodare, at verò condemnando & aspernando infirmos nobis ipsis nimium placeamus de nostrâ præcellentiâ &c. 3. Æquum omnino est nos infistere vestigiis Christi Domini, hic autem propria commoda,

da, quietem ac voluntatem non habuit pro regulâ, sed gloriam DEi, simulque salutem humani generis pro quâ vitam suam exposuit, uti probat ex psalmo 68. ergo & nos proximorum infirmitatibus quâ possumus ratione occurrere ac succurrere debemus intuitu amoris & honoris DEi. 4. Imò cum ipse infirmitates ac languores tuos æquissimo animò pertulerit, idipsum ut pro fratribus tuis Judæis adhuc infirmis facias, æquissimo jure postulare videtur.

Postremâ parte benevolentiam Romanorum mirâ dexteritate capiat. Imò commendat eos. 2dò significat, ad eos se scribere in hunc præcisè finem, ut memoriam eorum refricet, quæ ipsis jam dudum nota sunt. 3tò liberiori stylô exaratam hanc epistolam, quòd de eorum optimâ ac benevolâ mente esset satis certus, sibi enim Apostoli munus creditum, sui que ministerii hunc finem esse, ut gentiles sanctos efficiat. Tum enarrat, quid præstiterit in prædicatione Evangelii, rationemque dat, cur ad eos non inviserit, quod tamen adhuc facturum se certò certius pollicetur in transitu cùm in Hispaniam excurreret, quamprimum Jerosolymam venerit cum eleemosynis Ecclesiarum Macedoniæ & Achaïæ, de quibus mentionem fecit in duabus epistolis ad Corinthios. Denique obtestatur eos ad orandum pro se DEum Optimum.

Postremum caput complures continet salutationes diversarum personarum, quæ non indigent explicatione. Inde colliges humanitatem Apostoli hunc morem observantis ad finem suarum epistolarum, benevolentiam, & charitatem paternam in singulos, simul etiam monet, quos vitare debeant tanquam auctores dissidiorum ac scandalorum, ne

for-



# PARAPHRASIS IN EPISTOLAM S. PAULI AD ROMANOS.

## CAPUT PRIMUM.

- I. **P**AULUS SERVUS IESU CHRISTI, vocatus ad Apostolaturn, & segregatus à Deo peculiari electione ad promulgandum hominibus Evangelium, seu annuntianda nova felicitissima de Incarnatione sui Filii; Quem à longo jam tempore per Prophetas in sacris paginis eis promiserat: 3. Quique secundum carnem, sive naturam humanam, nasciturus
1. *Paulus Servus IESU CHRISTI, vocatus Apostolus, segregatus in Evangelium Dei.*  
2. *Quod antepromiserat per Prophetas suos in scripturis sanctis.*  
3. *De Filio suo, qui factus est ei ex semine David secundum carnem, G*

4. Qui prædestinatus est Filius Dei in virtute secundum Spiritum sanctificationis ex resurrectione mortuorum Jesu Christi Domini nostri.

5. Per quem accepimus gratiam & Apostolatium ad obediendum fidei in omnibus gentibus pro nomine ejus.

6. In quibus & vos estis vocati Jesu Christi.

7. Omnibus, qui sunt Romæ, dilectis Dei, vocatis sanctis: gratia vobis & pax à Deo Patre nostro, & Domino Jesu Christo.

8. Primum quidem gratias ago Deo meo per

tus est quidem ex Davidis stirpe; 4. Seipsum verò manifestavit tanquam ejus Verbum ac Filium unigenitum, tum prodigiosis actionibus, quamdiu in terris vitam egit, tum plenitudine Spiritus Sancti in ipso inhabitantis, quem aliis quoque hominibus ad eos sanctificandos communicabat, & demum gloriosam suam resurrectione. 5. Hic Paulus, inquam, qui singulari Dei Beneficio munus Apostoli, gratiamque necessariam accepit ad annuntiandum publicè nomen Jesu Christi omnibus gentibus. 6. Quas inter & vos vocare dignatus est ad sui notitiam, & ad redigendum in captivitatem & obsequium & sub jugum fidei earum intellectum. 7. Ex intimis medullis precatur, ut gratia & pax Patris cœlestis, ac Domini nostri Jesu Christi sese diffundat, crescâtque in cordibus omnium fidelium, qui Romæ sunt, quique, cum dilectorum Dei nomine insigniti sint, sanctique appellentur, consentaneam huic nomini vitam, adeoque morum integritate & sanctitate plenam ducere debent. 8. Existimo autem, me hanc Epistolam non posse rectius ordi-

ri, quàm demississimâ gratiarum actio-  
ne, quam reddo Deo meo per JE-  
sum Christum Filium ejus unigeni-  
tum, non eam solùm ob causam, *JEsum Christum pro om-  
nibus vobis, quia fides  
vestra annuntiat in u-  
niverso mundo.*

quòd vobis fidem largitus sit, sed  
quòd adeò firmam atque heroicam  
contulerit, ut ejus fama per univer-  
sum, quâ patet, orbem diffusa sit.

9. Injuriam mihi facitis, si dubi-  
tatis de sollicitudine, quam gero  
salutis vestræ. Deus ter Optimus  
Maximus, cui liberâ promptaque  
voluntate servio in Spiritu & col-  
lustratione Evangelii sui Filii, Deus,

inquam, testis mihi est, 10. an  
non in orationibus meis quotidie  
vestri meminerim, illum obsecrans,  
ut pro suâ bonitate ac clementiâ  
facultatem & gratiam mihi largia-  
tur feliciter ad vos perveniendi.

11. Ingenti enim desiderio teneor  
videndi vos, ad impertiendam vobis  
gratiam aliquam spiritualem, quæ  
vos magis magisque in veritate  
& fide susceptâ stabiliat, 12. tum etiam

ad mutuam nostram consolationem,  
ex familiari colloctione, & collatio-  
ne meæ vestræque fidei, ad animo-  
rum nostrorum sensus utrinque ape-  
riendos, nôque reciproco fervore  
studiôque inflammandos ad amorem

Domini

9. *Testis enim mihi  
est Deus, cui servio in  
Spiritu meo in Evange-  
lio Filii ejus, quòd sine  
intermissione memoriam  
vestri facio.*

10. *Semper in oratio-  
nibus meis obsecrans, sicut  
quomodo tandem aliquan-  
do prosperum iter habe-  
am in voluntate Dei ve-  
niendi ad vos.*

11. *Desidero enim  
videre vos, ut aliquid  
impertiar vobis gratiæ  
spiritualis ad confirman-  
dos vos.*

12. *Id est, simul con-  
solari in vobis per eam,  
quæ invicem est, fidem ve-  
stram atque meam.*

13. *Nolo autem vos ignorare fratres, quia saepe proposui venire ad vos, & prohibitus sum usque adhuc, ut aliquem fructum habeam & in vobis, sicut & in ceteris gentibus.*

14. *Gracis ac barbaris, sapientibus & insipientibus debitor sum.*

15. *Ita (quod in me) promptum est & vobis, qui Roma essis, evangelizare.*

16. *Non enim erubescō Evangelium, virtus enim Dei est in salutem omni credenti, Judaeo primum & Græco.*

Domini nostri, animandósque ad servandam ei illibatam, perpetuamque fidelitatem. 13. Credite mihi, fratres dilectissimi, saepe sæpius me animo destinasse ad vos invitere, ut doctrina Evangelii uberiores inter vos fructus progigneret, quemadmodum ejus benignitate, non autem propriâ industriâ, inter reliquas gentes protulit; atverò voluntas Dei, quam sequor promptissimè absque ulteriori discussione, remoram hætenus meo injecit proposito. 14 Non ignoro, quid à me exigit Apostolici ratio ministerii; quodque operam & obsequia mea tam barbaris, quàm Græcis, tam illiteratis, quàm doctis debeam. 15. Eam in rem, quantum in me est, paratissimus sum proficisci Romam, ad monstrandam vobis Evangelii luce vitæ semitam ac veritatis: 16. & tamen si humani generis hostis omnem lapidem moveat, vires omnes artésque suas exerat ad eliminandos Evangelii præcones, minimè tamen erubescō ejus professionem ac prædicationem: quamvis enim videatur esse res exsucca, flaccida, & contemptibilis, est tamen reverà virtus Dei, ejus potentiam conspicuam atque illustrem reddit, & ad salutem om-

ac.

nes perducit, qui firmâ fide illi adhærent. Judæi quidem ejus primitias accepere, Græcis tamen non nisi temporis prioritate præferendi sunt. Tam hi, quam illi ex hoc fonte amplissimas possunt haurire gratias, quas cunctis mortalibus attulit. 17. Ipsum est, quod perfectam Dei justitiam manifestavit, minimè sitam in externis actionibus, sed in interiori sanctitate, quam Deus operatur in cordibus, quæque ex verâ fide proveniens quantum ipsa crescit, tantum reciprocè auget fidei soliditatem; qui enim fidem tenet, justus est: & scriptura habet, (a) *justum ex fide vivere*, id est, per fidem consequi justitiam, quæ est ipsissima animæ vita; cumque eodem principio, à quo producit, conservari debeat, consequens est, omnes ejus actiones animari ac dirigere per fidem. 18. Videtis itaque, quòd sacrum Evangelium detexerit divitiarum bonitatis divinæ, prius absconditas, & nunc omni hominum generi patentes atque expositas; ex alterâ verò parte gravissimam simul ejusdem Numinis iram manifestat in impietatem & perversitatem eorum, qui pro eo, quòd in innocentia, & verâ

17. *Justitia enim Dei in eo revelatur ex fide in fidem, sicut scriptum est: justus autem ex fide vivit.*

18. *Revelatur enim ira Dei de cælo super omnem impietatem, & injustitiam hominum eorum, qui Veritatem Dei in injustitiâ detinent.*

(a) *Abacus cap. 2.*



19. *Quia quod notum est Dei, manifestum est in illis, Deus enim illis manifestavit.*

20. *Invisibilia enim ipsius à creaturâ mundi per ea, quæ facta sunt, intellecta conspiciuntur, sempiterna quoque ejus virtus & divinitas, ita ut sint inexcusabiles.*

21. *Quia cum cognovissent Deum, non sicut Deum glorificaverunt aut gratias egerunt, sed evanuerunt in cogitatio-*

verâ fide ambulare deberent, longè aliam viam ineunt, dum veritatem Dei in injustitiâ detinent, id est, notitiam veri Numinis, suis cordibus naturaliter impressam, quam tanquam sapientiores & eloquentiores aliis communicare deberent, suffocant, & veluti clausam atque impeditam retinent, ne suâ se luce prodar, & diffundat ulteriùs; quòdque caput est, in honestas atque laudabiles actiones erumpat. 19. Deus enim nemini non manifestavit modò quodam satis accommodo perfectiones suas insigniores. 20. Est quidem purissimus spiritus, creaturæ tamen visibiles, sunt specula minimè fallacia, in quibus ab orbe condito homines ratione præditi reconditas ejus perfectiones contemplari ac detegere possunt, potentiam ejus, quâ creavit omnia, nec non divinitatem, adeò, ut sint inexcusabiles, si nolint agnoscere. & quidem prudentiores & doctiores in ejus notitiam venissè non diffiteor, 21. honorem tamen ei debitum tanquam supremo domino non exhibuerunt, neque gratias, ut par erat, egerunt pro acceptis beneficiis, sed superba eorum mens eva-

evanuit in tuis cogitationibus, & nimia præsumptio ac complacentia in præcellentiâ suâ perspicaciâ, densissimis errorum tenebris cor eorum insipiens obduxit: omnes eorum speculationes, ratiocinationes, atque subtilitates, debiliores fuerunt araneæ telâ, 22. neque alium fructum ex prætumidâ majoris longè supra alios sapientiæ jactantiâ, retulerunt, quàm ut præ cæteris stulti evaserint, talésque palam se comprobârint. 23. Quid enim stultius aut amentius fingi potest, quàm quòd non solum eum agnoscere noluerint ac venerari, cujus tamen imaginem menti suâ impressam gerebant, cujus potentiam cœli enarrabant, cæteræque creaturæ laudes præcinebant, sed ad illud impietatis ac cœcitatæ fastigium devenerint, ut honorem, soli Deo immortalî, bonorum omnium parenti atque auctori jure debitum, idolis tribuerent, hominûmque corruptioni obnoxiorum statuis, vel quod longè deterius, volucrum, serpentum, aliarumque animalium, ratione carentium simulacris? 24. Creditisne hoc impune illis cessisse? Nequaquam, fratres mei, id in animum inducite.

*nibus suis, & obscuratum est insipiens cor eorum.*

22. *Dicentes enim, se esse sapientes, stulti facti sunt.*

23. *Et mutaverunt gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentum.*

24. *Propter quod tradidit illos Deus in desideria cordis eorum, in immunditiam, ut contu-*

*justè*

*melius afficiant corpora  
sua in seipsis.*

25. *Qui commutaverunt veritatem Dei in mendacium, & coluerunt & servierunt creaturae potius, quam creatori, qui est benedictus in secula. Amen.*

26. *Propterea tradidit illos Deus in passiones ignominiae; nam foemina eorum immutaverunt naturalem usum in eum usum, qui est contra naturam.*

27. *Similiter autem & masculi, relicto naturali usu foeminae, exarserunt in desideriis suis in invicem, masculi in masculi-*

justè adversus eos exasperatus, eo modo illos exceptit, quò cum ipso egerant; neglectus enim ab eis, & immundis creaturis posthabitus, neglexit pariter illos, permisitque pravis cupiditatibus fascinosos, in omne genus impuritatis turpissimè labi, & sua ipsorum corpora nefariâ libidine foedare, 25. in poenam videlicet, quòd unius verique Numinis notitiam animò excusserint, impio scelestoque mendacio, nempe idololatriæ addicti, rebusque creatis divinum cultum atque adorationem potius præbuerint, quam summo rerum omnium Conditori, cui in omnem æternitatem laus, honor & gloria debetur ab omnibus.

26. Indignatio illius processit ulterius: æqualiter voluit utrumque sexum plectere, permittendo, ut tam masculi quam foeminae inciderent in sordes execrandas, & infamiam plenas, foeminae enim communem naturæ ordinem inverterunt, sectantes alium corporum usum, qui

naturæ fines excederet, aut etiam perverteret, 27. masculi quoque fastidio legitimæ uxoris in transversum acti, ac libidine propudiosâ in sese mutuò flagrantés, foedis abominari-

minandisque modis contaminarunt, corruperuntque propria corpora, ut adeo hæc naturæ legibus repugnantia flagitia in iustissimam vindictam & compensationem cesserint. illius cœcitatæ voluntariæ, quâ facilem & obviam Conditoris naturæ notitiam venerationemque à se exclusam voluere.

28. Neque solum in seipfos injuriæ, sed etiam erga proximum fuere iniquissimi. DEus, quem nōsse ac pro merito venerari aspernabantur ut protectorem ac gubernatorem supremum, permisit eos præcipientes ruere in barathrum & abyssum reprobationis quasi vertigine agitados, unde mirum non est, quod leges omnes æquitatis, honestatis, ac decori nullâ religione ducti infregerint.

29. Corruptio fuit universalis. Omnes, quotquot erant, vidisses improbitate & malitiâ oppletos. Fornicationis inter eos liberrimus usus tanquam rei minimè indecentis aut male sese torrentis in morem impune ubique diffuderat. Avaritia eorum animos sibi penitus subjecerat: fraudes, rapinæ, inventiones nequissimæ grassabantur in omnem partem: invidiâ vix non rumpebantur, quin etiam atrocissimis cœdibus manus suas imbuerant: continuæ inter eos li-

*los turpitudinem operantes, & mercedem quam oportuit, erroris in semetipsis recipientes.*

28. *Et sicut non pro-  
baverunt Deum habere  
in notitiâ, tradidit illos  
Deus in reprobum sen-  
sum, ut faciant ea, qua  
non conveniunt,*

29. *Repletos omni ini-  
quitate, malitiâ, fornica-  
tione, avaritiâ, nequitiâ,  
plenos invidiâ, & homici-  
dio, contentione, dolo, ma-  
lignitate, susurrone,*

tes

H

30. *Detractores, Deo  
odibiles, contumeliosos,  
superbos, elatos, invento-  
res malorum, parenti-  
bus non obediētes,*

31. *Inspicientes, in-  
compositos, sine affectio-  
ne, absque fœdere, sine  
misericordiâ.*

tes & contentionēs, modus agendi  
fraudulentus, perversitas ac malitia  
in omni commercio, ac conversatione.  
Acta proximi in pejorem partem in-  
terpretari soliti omnem arripiebant  
occasionem ei nocumentum inferen-  
di: gaudebant in sinum, si malignâ  
relatione injuriarum ultro citroque  
factarum partes æmulas inter sese  
collidere possent. 30. Famam ali-  
orum crudelem in modum proscin-  
dere non verebantur, odium, quo  
ferebantur in Deum, tantæque Maje-  
statis contemptum, ubicunque se da-  
bat occasio, horrendis blasphe-  
miis ac sacrilegiis suis præferebant.  
Intolerabili fastu agebant cum iis,  
quos infra se cernebant, nulli par-  
centes injuriæ. Excocterat eos  
ambitio, nimîaque sui æstimatio fa-  
scinatos risui ludibrioque exponebat,  
cûmque grassantia passim in mundo  
flagitia eis communia nimis viden-  
rentur, nova & hæcenus non audi-  
ta excogitaverant. Parentibus ali-  
isque superioribus nec honorem  
nec observantiam exhibebant. 31.  
Si ad interiora considerationis ob-  
tuturum converteres, quid aliud de-  
prehenderes, quàm in desideriis ini-  
quitatem, in consiliis stultitiam, in af-  
fectibus perversitatem? Animus co-  
rum

rum nulla sensu alienæ calamitatis tangebatur, quin imò nolebant intelligere, quid rei esset promissorum, pactorumque observantia. 32. Atque in hoc nullam planè excusationem ac veniam merentur, quoniam cum probè nossent siue naturali rationis instinctu siue conscientie retractoru, siue exemplis divinæ in peccatores vindictæ, quod Deus æquitate ac iustitiæ sit tenacissimus, noluerunt animum ad alteram illam veritatem advertere, videlicet non solum reos talium flagitiorum à se commissorum, de quibus modò meminera, sed etiam quacunque ratione eorum participes siue executione, siue consilio, siue approbatione, siue patrocinio dignos esse mortis sempiternæ, supplicisquæ inferni longè atrocissimis.

32. Qui cùm iustitiam Dei cognovissent, non intellexerunt, quoniam qui talia agunt, digni sunt morte, & non solum qui ea faciunt, sed etiam qui consentiunt facientibus.

## PARAPHRASIS

### CAP. II.

I. **G**entilium flagitia, quæ enumeravi, sunt enormia. At verò excusabilis est homo omnino temerarie Judæ, qui illis ea exponas, qui judicas. In quo

I. Propter quod inexcusabilis est homo omnino, qui judicas. In quo

H 2

*enim judicas alterum, teipsum condemnas, eadem enim agis, quæ judicas.*

2. *Scimus enim quoniam judicium Dei est secundum veritatem in eos, qui talia agunt.*

3. *Existimas autem, ô homo, qui judicas eos, qui talia agunt, & facis ea, quia tu effugies judicium Dei?*

4. *An divitias bonitatis ejus & patientia & longanimitatis contemnis? ignoras, quoniam benignitas Dei ad poenitentiam te adducit?*

bras, aut quisquis es ex philosophis gentilium, qui ea in aliis quasi integer vitæ scelerisque purus redarguis, noli existimare, impudentiam tuam nesciri, aut excusari posse. Tua ipsius sententiâ te condemnas, cum eadem agas, quæ in aliis præfidenter reprehendis. 2. Scimus, idque naturæ instinctu, judicia Dei æquissima esse in omnes, qui ea perpetrant, quæ paulò ante commemoravi.

3. Tu verò, qui eadem facis, quæ omnino plectenda judicas, putâsne te posse declinare sententiam condemnatoriam Numinis, quam ipse justissimam esse pronuntias? 4. Itane contemptui habes infinitam atque immensam ejus bonitatem ac lenitatem, & illudis, ejus patientiæ, quæ tantum tibi temporis ad agendam poenitentiam indulget, & tamdiu promeritas à te poenas suspendit, tuamque ingratitude tam proluxâ longanimitate tolerat? An ignoras æqui rectique esse tenacissimum, & si vindictam differt tuorum scelerum, id minimè contingere ex ignorantia vel incuria, sed ex merâ benignitate, quâ tibi adhuc temporis nonnihil indulget ad præteritæ vitæ detestationem, emendatio-

tionemque seriam, quam à te indies præstolatur, & impensè desiderat?

5. Quid aliud agis hærendo obstinatâ mente in sordibus inveteratorum tuorum flagitiorum, & omnes ab eâ cœlestes inspirationes excludendo, quàm quòd non interruptâ tuorum sacrilegiorum continuatione funestum divinæ indignationis thesaurum accumules, qui extremum tibi exitium afferet in die illâ tremendâ, quâ Deus vivorum atque mortuorum iudex venturus est, 6. ad reddendam unicuique pro qualitate & conditione meritorum sive immortalis sempiternæque vitæ possessionem, sive inferorum supplicia, & perennes cruciatus. 7. Illi, qui rebûs adversis minimè fracti in medio cursu non defecerunt, sed constanter persistere in virtutis studio, & ad vitam æternam omni contentione aspirant, ab æquissimo hoc iudice gloriam boni operis consequentur, & honorem, & ipsam adeo immortalitatem. 8. Contrâ qui in suis cogitationibus evanescentes veritati agnitæ, cui pronâ mente debuisse acquiescere, pertinaciter obluçtati sunt, qui nullam honesti rectique rationem habuere, omni fla-

gitio-

5. *Secundum autem duritiam tuam & impatientiam cor thesaurizas tibi iram in die iræ & revelationis iusti iudicii Dei.*

6. *qui reddet unicuique secundum opera ejus.*

7. *Iis quidem, qui secundum patientiam boni operis gloriam & honorem & incorruptionem quarunt, vitam æternam;*

8. *Iis autem, qui sunt ex contentione, & qui non acquieverunt veritati, credunt autem iniquitati, ira & indignatio,*

H 3



9. *Tribulatio & angustia in omnem animam hominis operantis malum, Judæi primum & Græci;*

10. *Gloria autem & honor & pax omni operanti bonum, Judæo primum & Græco.*

11. *Non enim est acceptio personarum apud Deum.*

gitiorum genere contaminati, pro parte & merito suo acerbissimos sentient effectus vindictæ atque indignationis divinæ. 9. Eundem servat Deus ordinem infligendo supplicia, quem tenet distribuendo favores ac præmia sua. 10. Quemadmodum gloria, honor, & pax gratissima merces erit omnium rectè operantium, ita confusio, ignominia, vermisque conscientie in poenam cedit omnium perperam agentium, sive Judæi sint, sive gentiles. 11. Homines in suis tribunalibus attendere possunt, aut solent ad originem vel conditionem personarum, ac verò Deus æquâ lance judicat omnes, neque levem ejus justitiæ aspergeret maculam, qui in animum induceret, plectere eum in nonnullis, quod in aliis dissimulat & impunitum relinquit. Nihilominus quemadmodum Judæi, ad quos promissiones Evangelii primitus factæ sunt, legesque directæ, si illis se subjecerint, morésque suos conformaverint, dignam promeritæ mercedis prærogativam obtinebunt, ita pariter, si nec fidem iis præbuerint, nec ejus præcepta observaverint, longè acerbiora supplicia præ gentibus sentient.

12. Qui deliquerunt absque notitiâ legis, non judicabuntur ut prævaricatores legis, & secundum illius rigorem: qui autem ex instituto legem professi sunt tanquam regulam actionum suarum, ipsius etiam legis præscripto, & ut ejus transgressores punientur. 13. Non enim illi, quibus lex annuntiata est & perspecta, eo ipso præcisè justi sunt coram Domino, sed ii, qui reipsâ præstant, quod lege præcipitur, quod equidem facere nequeunt absque auxilio gratiæ divinæ. 14. Dicit fortassis nonnemo, si necessaria est legis observantia, quâ ergò ratione gentiles, qui nullam ejus noticiam habuerunt, eam implere possunt, & ob ejus transgressionem puniri? Respondéo, si illi, quibus lex promulgata non est, ejus tamen præceptis obtemperant ex instinctu rationis naturalis, succollante divinâ gratiâ absque magisterio & directione legis scriptæ, tunc ipse naturæ instinctus tali præsidio adjutus ipsis pro lege est, 15. quò satis ostendunt, easdem præceptiones, quas olim Judæi in tabulis lapideis acceperant, inculp- tas esse eorum mentibus: & sanè hoc interius testimonium conscientiæ, tiâ ipsorum, & inter se hæc

12. *Quicumque sine lege peccarunt, sine lege peribunt, & quicumque in lege peccarunt, per legem judicabuntur.*

13. *Non enim auditores legis justi sunt apud Deum, sed factores legis justificabuntur.*

14. *Cum enim gentes, quæ legem non habent, naturaliter ea, quæ legis sunt, faciunt, ejusmodi legem non habentes sibi sunt lex,*

15. *Qui ostendant opus legis scriptum in cordibus suis, testimonium illis reddente conscientia ipsorum, & inter se*

*invicem cogitationibus  
accusantibus; aut etiam  
defendentibus,*

*16. In die cum  
Deus judicabit occul-  
ta hominum secundum  
Evangelium meum per  
Jesum Christum.*

*17. Si autem tu Ju-  
deus cognominaris, & re-  
quiescis in lege & gloria  
ris in Deo,*

*18. Et nōsti volunta-  
tem ejus, & probas uti-  
liora instructus per le-  
gem,*

hæc cogitationum scilicet mutuo cum  
accusantium, tum defendentium  
contentio, hic remorsus, vel econtrà  
hæc animi serenitas, malacia, ac vo-  
luptas suavissima, quæ licitas vel illiciti-  
tas actiones è vestigio, ut ita dicam,  
insequitur, præclari sunt pædagogi,  
qui induci in errorem non sinunt ho-  
mines, quin eos in tempore admo-  
neant, 16. quique eos omnes inex-  
cusabiles reddent in extremo illo pe-  
reuntis mundi occâsu, quo secun-  
dum effatum Evangelii, cujus ego  
beneficio & autoritate divinâ prædi-  
catione fungor, JESUS CHRISTUS, cui  
Pater cœlestis judicandi potestatem  
in orbem universum contulit, revela-  
bit sècreta cordium. 17. Si autem  
hac ratione cum illis agitur, ad eone  
cœcus es, ô Judæe, ut tibi promitte-  
re ausis impunitatem? qui nomine  
tam honorifico gloriaris, quod ha-  
ctenus proprium fuit populo Dei,  
qui omnem fiduciam reponis in le-  
ge, quam profiteris, tibi quæ quasi  
foli notitiam arrogas legitimi cultûs,  
quo conditorem tuum venerari con-  
veniat, 18. qui tantâ evidentia ejus  
mandata perspecta habes, scis quæ  
bonum à malo discernere ex insti-  
tutione à Majoribus tuis acceptâ?

19. Quicibi imaginaris, te ducem esse aberrantium, te facem ambulantium in tenebris, te doctorem ignorantium, 20. qui existimas ceteros mortales infantium instar delirare, te verò solum in lege habere veram regulam ac cynosuram scientiæ & veritatis?

21. Nam quanta apparet ex unâ parte in sermonibus tuis, ex alterâ in moribus repugnantia ac difformitas? Præsumis de tuâ capacitate alios instruendi, cuihbet canones rectè vivendi præscribis, cum interea nec teipsum docere, nec alios dirigere valeas? dicis, non esse furandum, & furaris, 22. prædicas, non esse moechandum, & moecharis, declamas contra idolorum cultum, & ipse sacrilegia committis. 23. Gloriaris te legi subditum, & tuis transgressionibus Deum legis conditorem vilipendis. 24. Nimirum hoc est illud, quod pridem sacris litteris proditum legimus, tibi unicè imputandum, quòd gentiles tantam in moribus tuis corruptissimis & doctrinæ integritate repugnantiam conspicati, blasphemias in Deum voces evomant, cujus tamen te verum & unicum cultorem esse prædicas. Noli, obsecro,

tan-

19. *Confidis te esse ducem cæcorum, lumen eorum, qui in tenebris sunt,*

20. *Eruditorem insipientium, magistrum infantium habentem famam scientiæ & veritatis in lege.*

21. *Qui ergò alium doces, teipsum non doces, qui predicas non furandum, furaris,*

22. *Qui dicis, non moechandum, moecharis, qui abominaris idola, sacrilegium facis,*

23. *Qui in lege gloriaris, per prævaricationem legis Deum inhonoras.*

24. *Nomen enim Dei per vos blasphematur inter gentes. (a)*

I

(a) Isa. 52. Ezech. 36.

25. *Circumcisis quidem prodest, si legem ob-serves, si autem pravaricator legis sis circumcisis tua praputium facta est.*

26. *Si igitur praputium justitias legis custodiat, nonne praputium illius in circumcisionem reputabitur?*

27. *Et judicabit id, quod ex natura sua est praputium legem consummans, te, qui per litteram & circumcisionem pravaricator legis es?*

28. *Non enim qui in manifesto Judaeus est, neque qua in manifesto in carne est circumcisis,*

29. *Sed qui in abscondito Judaeus est, & circumcisis carnis in spiritu non in littera, cujus laus non ex hominibus, sed ex Deo est.*

tantam vim ponere in hoc carnali & exteriori signo, quo discernis

ab aliis nationibus. 25. Circumcisis tibi quidem prodest, si legi obtemperes, sin autem praecepta legis violaveris, perinde est, ac si nunquam eam recepisses, similiq; cæteris gentilibus fores. 26. Deus,

uti paulò ante dixeram, sive remuneratorem, sive vindicem agat, neque conditionem, neque attentionem personæ attendit. Si gentilis vivat ex præscripto legis, habebitur pro circumcisis, 27. teque Judæum, qui professione legis ipsaq; adeo circumcisione suffultus legem violare non metuis, certissimò condemnabit.

28. Etenim qui nomine Judæi insignitus est, quiq; externam legis Mosaicæ professionem facit, non idcirco verus est Israëlita, 29. sed nomen hoc illi competit, qui secundum considerationem interioris hominis mente & spiritu Judæus est, qui videlicet sincero corde & ex motivis altioribus legem, quam prolausetur, observat, quin sibi imagnetur, naturæ propriæ vires sufficere ad ejus observantiam, aut bona fluxa pro præmio ac fine suo respiciat.

ciat. Parum est carne circumcidi, cordi necesse est circumcisionis cuspidem applicari, refecandæ sunt pravae ejus assuetudines, frenum injiciendum propriis cupiditatibus, & vincula omnia diffringenda, quæ obstant, quò minus Deo conjugamur arctissime. Explodant sanè impij spiritualem hanc ac genuinam circumcisionem, non diffiteor, eam in terris non satis exploratam ac præmiatam esse, sufficiat tamen nobis, quòd sit Deo gratissima, & ab eo condignâ laude ac gloriâ in cœlis remuneranda.

## PARAPHRASIS

### CAP. III.

**T**amet si Apostolus aliquam inter Judæos & Gentiles diversitatem non diffiteatur, in eo tamen eos convenire ostendit, quòd omnes sint sub peccato, & ut ab eo releventur, non tam operum meritis, quàm fide & gratiâ Christi indigeant. I. Quam ergò prærogativam habet Judæus præ gentili? ad quid tandem

I. Quid ergò amplius Judæo est, aut qua utilitas circumcisionis?

pro

1. 2

2. *Multum per omnem modum, primum, quia credita sunt ipsis eloquia DEI.*

3. *Quid enim, si quidam illorum non crediderunt? nunquid incredulitas illorum fidem Dei evacuat? absit. (a)*

4. *Est autem Deus verax, omnis autem homo mendax, sicut scriptum est, ut justificeris in sermonibus tuis, & vincas, cum judicaris.*

(a) Pf. 85. & 115.

prodest circumcisio, si non solum ea salus nostra non pender, sed illos potius condemnat, qui eam gloriantur? 2. Respondeo negari non posse, Judæos eximius supra gentes prærogativis non ipsorum quidem meritò, sed divinâ munificentia ac liberalitate ornatos; ipsis enim revelavit Deus, quâ ratione sibi cultum debitum exhiberi velit, ipsis admiranda & prodigiosa beneficia magno numero contulit, ad ipsos præcipue oracula sua & promissa amplissima direxit. 3. Fuerunt sanè & hodieum sunt increduli multi ac obstinati inter eos, an idcirco illorum infidelitas divinam fidem, & oraculorum veritatem inanem atque irritam reddidit? absit, ut existimemus, Deum suis promissis unquam defuturum, eorumque certitudinem ac firmitatem ex nonnullorum obsequioso assensu aut dissensu pendere. 4. Omnis quidem homo mendax est (uti scriptum est) Deus autem non solummodò verax, sed ipsissima est veritas. Quaecunque dixit, sunt verissima, & quaecunque subtili indagine firmitatem eorum, quæ pollicitus est, discusseris, atque ponderaveris, semper justificabitur, ejusque veracitas ac fidelitas

litas in adimplendis promissionibus  
victrix semper elucescet, & de im-  
probis calumniis triumphabit.

5. Si autem ex perversitate no-  
sti a Dei bonitas increscit: Si men-  
dacia nostra ejus veracitatem illu-  
striorem reddunt, ejusque fidelita-  
tem magis conspicuam nostræ perfidi-  
æ, quid inde sequitur? an non in-  
justus est, cum in nos animadvertit  
propter ejusmodi facta, quæ deni-  
que in ejus gloriam redundant? an  
non licet facere malum, ut inde bo-  
num eveniat?

6. Ex aliorum sensu loquor, & ita  
concludo, prout nimirum humana  
intelligentia ratiocinatur fallax sem-  
per & nimium hebes, quando de re-  
bus divinis ferendum est judicium.  
Apage cum isthac illatione pessimâ,  
stultissimâ. Quin potius illud per-  
suasissimum tibi habe, si quæ perpe-  
râ à nobis geruntur, aliquâ rati-  
one ad Dei gloriam serviunt, id non  
per se & ex naturâ suâ præstant, adeo  
ut exinde aliquam fortè veniam me-  
reantur, sed id omne tribuendum  
est immensæ & ineffabili Patris cœ-  
lestis potentiæ, qui rerum naturas  
scit invertere, & ex malo bonum e-  
licere. Deinde longè certissimum  
est,

5. Si autem iniquitas  
nostra justitiam Dei com-  
mendat, quid dicemus?  
nunquid iniquus est Deus,  
qui infert iram?

6. Secundum homi-  
nem dico. Absit. Alio-  
quin, quomodo judicabit  
Deus hunc mundum?



7. Si enim veritas Dei in meo mendacio abundavit in gloriam ipsius, quid adhuc & ego tanquam peccator judicor?

8. Et non (sicut blasphemamur, & sicut ajunt quidam nos dicere) faciamus mala, ut veniant bona, quorum damnatio iusta est.

9. Quid ergo? præcellimus eos? nequaquam. Causati enim sumus, Græcos & Judæos omnes sub peccato esse.

est, Deum judicaturum orbem universum secundum omnem æquitatem. 7. At verò quâ ratione id faciet, si justus non est? si autem justus est plectendo, quod haud dubiè faciet, reos criminum, quæ tamen, uti opponitur, in ejus gloriam subserviunt, an non exinde consequitur, peccatum, ut ut videatur aliquo modo, unde unde tandem in ejus honorem redundare, semper remanere peccatum ob malitiam & turpitudinem suam odiò, abominatione, & poenâ dignissimum? 8. Et quòd eò prætextu minimè liceat patrare malum, ut inde bonum resulet? sanè qui nobis hanc doctrinam imputant, ex eo, quòd audiverint nos aliquando dixisse, ubi abundavit iniquitas, gratiam Dei superabundaturam, calumpniam talem nobis impingunt iniquissimè, quam ultor Deus ob atrocitatem suam non minori severitate, quàm æquitate vindicabit. 9. Sed satis hætenus de firmitate divinarum promissionum, quas Judæi accepere. Videndum porrò, an quoad usum & gratiam horum favorum memoriam præcellant cæteris gentibus. Quod ad justificationem attinet, nullam penitus differentiam agnosco, siqui-

scilicet quidem paulò ante iustissimâ quæ-  
rimoniâ ostendimus, omnes tum Ju-  
dæos suæ legis observantiâ, tum Græ-  
cos naturæ viribus nixos peccato im-  
mersos esse profundissimè. 10. De  
Græcis id ad oculum demonstravi.  
Judæos quod attinet, an nesciunt,  
Davidem de illis amarè hunc in mo-  
dum auditum conqueri: non est ju-  
stus quisquam in hoc mundo, non  
est, qui honestatem, qui virtutem col-  
lat, 11. qui Deum nôsse velit, qui  
eum requirat, qui diligat, uti fas est.  
12. Omnes deflexerunt à semitâ,  
cui debebant insistere, & sincero cul-  
tu, quem oportebat præstare. Quo  
fructu? simul inutiles facti sunt, suis-  
que sacrilegiis, ne uno quidem excep-  
to execrandum & intolerandum fœ-  
torem dederunt in conspectu domi-  
ni. 13. Os eorum patenti sepul-  
chro persimile est, unde sermones  
exhalant spurcissimi, & abominatio-  
ne pleni sive in Deum, sive in proxi-  
mum. Linguis suis ad dolos & frau-  
des uruntur, quasi serpentum toxicò  
imbutis. 14. Verba eorum ama-  
rulentia, furore, & mille diris re-  
dundant. 15. Ad fundendum cru-  
orem sunt promptissimi. 16. Nil  
nisi vim & mala aliis inferenda mente  
ver-

10. *Sicut scriptum  
est, quia non est justus  
quisquam.*

11. *Non est intelli-  
gens, non est requirens  
Deum.*

12. *Omnes declina-  
verunt, simul inutiles fa-  
cti sunt, non est, qui fa-  
cias bonum, non est us-  
que ad unum.*

13. *Sepulchrum pa-  
tens est guttur eorum, lin-  
guis suis dolose agebant:  
venenum aspidum sub la-  
biis eorum.*

14. *Quorum os ma-  
ledictione & amaritudi-  
ne plenum est.*

15. *Veloces pedes eo-  
rum ad effundendum san-  
guinem.*

16. *Contritio & inse-*

*slicitas in viis eorum.* versant, & reipsâ exequuntur. 17.

17. *Et viam pacis non cognoverunt.* Modum agendi pacificum ignorant penitus. 18. *Judicia divina nec cogitant, nec verentur.* 19. *Judæi reponere non possunt, has exprobra-*

18. *Non est timor Dei ante oculos eorum.* tionones ad eos non pertinere, quoniam quacunque lex

19. *Scimus autem, quoniam quacunque lex loquitur, iis qui in lege sunt, loquitur, ut omnes os obstruatur, & subditus fiat omnis mundus Deo.* doquidem certum est, quidquid in lege scriptum, ad eos pertinere, qui sub lege sunt, & hac descriptione perinde repræsentari præsentium temporum, quàm præteritorum statum. Atque hoc argumento os obstruitur omnibus hominibus, & materia superbiendi subtrahitur, cum agnoscere & fateri debeant, omnes & singulos peccato obstrictos mortæque dignissimos esse, adeoque humiliari debere sub potenti manu Dei,

20. *Quia ex operibus legis non justificabitur omnis caro coram illo, per legem enim cognitio peccati.* 20. & neminem justificari posse per opera legis seu naturalis, seu Mosaiæ: ex hac ultimâ adeo difficilern & divinum effectum incassum præstolamur, cum ex officio & naturâ suâ notitiam tantum peccati ingeneret. 21. Nunc verò meliorem in modum mutata sunt omnia, Evangelium enim non tantum in peccati notitiam nos ducit, sed etiam remedium præbet, & absque legis observantiâ justitiam quandam Deiformem confert, cujus promissionibus omnia pro-

21. *Nunc autem sine lege justitia Dei manifestata est, testificata à lege & prophetis.*

Prophetarum oracula redundant, ut nemo eam despiciat quasi novitiam, utque ejus dignitas ac præstantia magis inclarescat. 22. Hæc porro justitia, quæ à Deo venit, hominésque, quibus infunditur, Deo similes reddit, per fidem communicatur omnibus, qui credunt in Jesum Christum. In hoc nulla est distinctio originis, nationis, sexus vel conditionis. 23. Cum enim universi mortales deliquerint & ab amicitia ac benevolentia Dei sint admodum remoti, omnes ejus gratia indigent, & necessario fieri debent, se ne minimam quidem causam habere gloriandi coram Deo, sed potius maximam se in ejus præsentia profundissime humiliandi. 24. Solius gratiæ præsidio absque omni suo merito ex miserrimo illo statu liberantur, ad quem eos deduxerat peccatum, & inestimabile donum justificationis consequuntur, quæ fructus est redemptionis nostræ per Jesum Christum. 25. Ipse enim est, quem Deus constituit in victimam propitiationis pro universis mortalibus per effusionem sui sanguinis, cujus virtutem per fidem sentiunt. 26. In hac redemptione si Deus ex una parte rigorem suæ justitiæ manifestet,

22. *Justitia autem Dei per fidem Jesu Christi in omnes, & super omnes, qui credunt in eum, non enim est distinctio,*

23. *Omnes enim peccaverunt & egent gloria Dei,*

24. *justificati gratis per gratiam ipsius, per redemptionem, quæ est in Christo Jesu.*

25. *Quem proposuit Deus propitiationem per fidem in sanguine ipsius, ad ostensionem justitiæ suæ propter remissionem præcedentium delictorum.*

26. *In sustentatione*  
K

*Dei ad ostensionem justitiae ejus in hoc tempore, ut sit ipse justus, & justificans eum, qui est ex fide Jesu Christi.*

27. *Ubi est ergo gloriatio tua? exclusa est. Per quam legem? factorum? non, sed per legem fidei.*

28. *Arbitramur enim justificari hominem per fidem sine operibus legis.*

testet, cum proprio filio non pepercerit, qui nostra delicta in se suscepit, ex alterâ hoc quidem tempore luculentius ostendit divitias suæ bonitatis, cum eum in hunc mundum miserit, ut satisfaceret pro illis ipsis, quorum infanda flagitia à tanto tempore tam benignè & patienter dissimulabat. Hoc agendi modò palàm facit, se & justum esse, & auctorem omnis justitiæ, quòdque illum justificet, qui veram fidem habet Jesu Christi. 27. Quæ cum ita sint, cur gloriam tibi nunc arrogas, ô Judæe? quare superbis ex operibus legis? omnis profectò gloriandi occasio exclusa est. Quâ verò ratione, qua lege? an lege Moysis, quæ operibus innixa eos videtur justificare, qui in illis fiduciam & operam omnem collocant? haudquaquam, sed eâ potiùs, quæ fidem in Christum proponit, & ad ea peragenda, quæ jussû sunt, auxilium gratiæ præstat. 28. Censemus enim, id quod reipsâ est verissimum, justificari hominem per fidem, nempe vivam, quin opera externa legis Mosaicæ aut purè naturalia ipsi meritum quoddam concilient, aut ullâ ratione concurrant, & quidquam conferant ad beneficium  
tam

tam insigne. 29. Neque id tibi mirum & insolitum videatur. An enim existimamus, Judæorum tantum Deum esse, aut illorum tantum curam & providentiam habere? an non etiam Gentilium Deus est? est sanè, eosque verè diligit, nec minore solertiâ ac sollicitudine iis invigilat, quàm populo, quem olim suum nuncupavit ex speciali prærogativâ. 30. Differentia jam omnis sublata est. Idem Deus est, qui Judæum circumcisum, simulque gentilem non circumcisum eadem fide justificat. 31. Num igitur legem tanquam inutilem & inanem Christi fide abolemus? minimè id quidem, sed legem potius afflictam ac jacentem erigimus & honore debito prosequimur, ostendendo quid sit, quâ virtute possit haud equidem secundum eorum imaginationem, qui de ejus viribus ideam planè fallacem & præposteram conceperunt, sed secundum statum, & juxta limites, intra quos illam restringere Deo placuit.

29. *An Judæorum Deus tantum? nonne & Gentium? imò & Gentium.*

30. *Quoniam quidem unus est Deus, qui justificat circumcisionem ex fide, & præputium per fidem.*

31. *Legem ergò destruimus per fidem? absit, sed legem statuimus.*

✠ ) O ( ✠

K 2

PA-

## PARAPHRASIS

## CAP. IV.

I. *Quid ergò dicemus  
invenisse Abraham pa-  
trem nostrum secundum  
carnem?*

UT Apostolus ulteriùs probet,  
non per opera legis, aut natu-  
ræ, sed per fidem Christi justificari  
omnes homines, inducit exemplum  
Abrahæ, de hoc ergò sic incipit di-  
scurrere. I. Quandoquidem ergò,  
utì pro certo à nobis constitutum est,  
non ex cujusquam actionibus quan-  
tumvis justis, & ex legis præscripto  
peractis justificatio conceditur divi-  
nitus, quam ergò mercedem primus  
ille gentis nostræ secundum carnem  
parens ac princeps Abraham pro om-  
nibus tam præclarè tantòque nume-  
ro gestis recepit? Fateor Abrahæ  
virum fuisse ex omni parte ex-  
celsissimum, ejusque opera Deo fuisse  
gratissima, hinc verò neutiquam ve-  
lim inferas, illum suis duntaxat acti-  
onibus humanâ vi & facultate edi-  
tis justificatum fuisse. Justitia ope-  
rum extrinseca est, ea, de quâ loquor,  
interior, homines de illâ judicium fe-  
runt, istam Deus novit, neque solum-  
modo novit, sed etiam mirificè pro-  
bat

bat, & liberaliter remuneratur. 2. Quare si Abraham justitiam tantum ex operibus habuit, justus præcisè fuit coram hominibus, eorum solum approbationem & laudem habuit, quod sanè magni beneficii locò reputandum non est, quandoquidem talis justitia hominem à peccato non eximit, neque eum in gratiam cum Deo reducere, tantæque Majestatis oculis acceptum reddere valet per veram sanctitatem. Fides sola & quidem viva hos effectus producit, in quibus hominis justificatio consistit, huic suam quoque debet Abrahamus, per eam justificatus Deum glorificavit, quod ejus miseratione donum acceperit, quo se indignum judicabat. 3. An non Scriptura absolutè hanc controversiam dirimit asserendo, Abraham fidem habuisse promissionibus divinis, atque hoc illi reputatum fuisse ad justitiam, seu quod idem est, justificatum esse per hanc fidem. Si ex operibus suis justificatus fuisset in conspectu Domini, in vanum Deus suam fidem illi imputasset in justitiam, quandoquidem istam jam antea habuisset, nempe ex propriis actionibus. 4. Quin imò, si ejus opera promerita fuissent

2. Si enim Abraham ex operibus justificatus est, habet gloriam, sed non apud Deum.

3. Quid enim dicit Scriptura? credidit Abraham Deo, & reputatum est illi ad justitiam. (a)

4. Ei autem, qui operatur, merces non imputatur.

K 3

(a) Gen. 15.



*tatur secundum gratiam, sicut hanc justificationem, nullam ei  
sed secundum debitum.*

5. *Ei vero qui non operatur, credenti autem in eum, qui justificat impium, reputatur fides ejus ad justitiam secundum propositum gratiae Dei.*

6. *Sicut & David dicit beatitudinem hominis, cui Deus accepto fert justitiam sine operibus. (a)*

7. *Beati, quorum remissa sunt iniquitates, & quorum tecta sunt peccata.*

8. *Beatus vir, cui non imputavit dominus peccatum.*

(a) Ps. 31.

gratiam exhibuisset Deus eam illi dando, merces enim, quæ agenti confertur pro actionibus, quas elicit, ipsi non persolvitur pro gratiâ, sed per modum debiti & ex lege justitiæ. 5. Econtrâ homini, qui nullam ipsæ actionem exercet, sed in eum solummodò credit, qui justificat impium, sua illi fides pro justitiâ fertur accepta, eique adeò ipsa justitia per fidem gratis conceditur, non propterea, quòd ex se id fidei debeatur, sed quia divinæ bonitati placuit propter hominum salutem ultrò decernere, & constituere, ut fides Christi merita apprehendat, hoc est, eorum fructum percipiat, eaque ratione inæstimabilem hanc veræ atque inhærentis justitiæ gratiam consequatur. 6. Exemplo Abrahami subnectam auctoritatem regis David. 7. Felices pronuntiabat eos, quorum remissæ sunt iniquitates & tecta peccata, 8. felicem illum, cui Deus non imputavit suum peccatum, sed accepto fert justitiam sine operibus. Vides ergò, quomodo beatitudinem, nempe justitiam, quæ est vera hominis felicitas, non attribuat meritis operum, sed soli Dei

Dei clementiæ, qui ei hanc iustitiam imputat & acceptam fert absque operibus legis Mosaicæ & quidem imputatione verâ ac propriè tali, per quam verè iustus est, quæque ipsius peccata obregit; hoc est, ita delet & extinguit, ut non amplius appareant, neque reipsâ amplius existant. Sed pergamus explorare, num hæc gratia ad Judæos tantum se extendat, an verò etiam Genubus ex parte obveniat. 9. Solutio hujus difficultatis pendet ex observatione temporis, quo Abrahamus insigne hoc justificationis beneficium obtinuit. Tunc ergò temporis erant circumcisus, nec ne? certum est non fuisse. 10. Cur ergò, non nemo fors objiciet, præcepit ei dominus, ut circumcideretur, quandoquidem hoc remedio non indigebat jam priùs justificatus? R. eum circumcisionem suæ carnis accepisse tanquam signum illius, quam in corde gerebat, verè circumcisus per obedientiam & fidelitatem, 11. tanquam notam circumcisionis spiritualis, quæ vigere debebat postmodum in lege evangelicâ, nempe inordinatorum affectuum abnegationis, tanquam pignus foederis, quod Deus cum eo ejusque posterita-

9. *Beatitudo ergò hæc in circumcisione tantum manet, an etiam in præputio? dicimus enim, quia reputata est Abrahamæ fides ad iustitiam.*

10. *Quomodo ergò reputata est, in circumcisione, an in præputio? non in circumcisione, sed præputio.*

11. *Et signum accipit circumcisionis signaculum iustitiæ fidei, quæ est in præputio, ut sit pater omnium credentium per præputium, ut repu-*

rita-

teretur & illis ad justitiam.

12. *Et sit Pater circumcisionis non iis tantum, qui sunt ex circumcissione, sed & iis, qui sequebantur vestigia fidei, quæ est in præputio Patris nostri Abraha.*

13. *Non enim per legem promissio Abraha, aut semini ejus, ut hæres*

ritate lance pa. a. at, denique tanquam signaculum, quo justitia, quam possidebat ante circumcissionem, legitimè confirmanda & cuilibet attestanda erat. Præcipua autem ratio, cur Deus ante circumcissionem eum justificare voluerit, fuit, ut ita evaderet parens omnium credentium, etiam eorum, qui præputii circumcissionem non admitterent, quorum proinde fides etiam reputaretur eis in justitiam, sicut ipsi venerat. 12. Quòd si postea ei præcepit circumcissionem, id eà de causâ fecit, ut eum patrem redderet illorum, qui non solum in carne suâ, sed vel maximè in cordibus suis hoc signum circumferrent, quique ejus vestigia sequerentur, fidem videlicet firmissimam, quam is jam in præputio habuerat. Itaque Abraham credentium Pater appellatus est, non modò ratione Judæorum, sed etiam respectu gentilium, cum fides Abrahæ perinde utrisque possit esse communis, neque in filiorum Abrahæ, aut credentium numerum præputiò aut circumcissione quisquam, sed unâ tantum fide reteratur. 13. Jam verò quod attinet legis obervantiam, quando Dominus Abrahamo, ejusque

que posteritati pollicitus est hæreditatem totius orbis, id est, quòd *Jesum Christum Rex regum, & Dominum dominantium nasciturus esset ex ejus femine, quòd ipsius regnum firmandum esset per orbem universum, & quòd in illo omnes nationes benedicendæ forent, non adjunxit observationem legis tanquam conditionem necessariam ad obtinendum effectum harum promissionum, sed solius justitiæ rationem habuit, quam per fidem suam consecutus fuerat, antequam circumciscus fuisset.* 14. Quòd *illis duntaxat, qui legem profitentur, quique justitiam ex lege habent, competeret jus ad isthanc hæreditatem, vana esset fides, & pollicitatio Dei frustranea, quod nec cogitari, neque dici potest absque blasphemia.* 15. Quo pacto autem, obsecro, lex, quæ ex se non nisi iram & damnationem provocat, ac gignit (cùm planè nulla sit transgressio nisi ex occasione alicujus præcepti, nec poena, nisi ratione alicujus delicti) hæredes nos possit efficere? 16. Superest ergò, ut promissam hæreditatem à solâ fide præstolemur. Et sanè sola ipsa eam confert, ut pateat, nullâ ratione immutari posse promissiones

*esset mundi, sed per justitiam fidei.*

14. *Si enim, qui ex lege hæredes sunt, exinanita est fides, abolita est promissio.*

15. *Lex enim iram operatur, ubi enim non est lex, nec prævaricatio.*

16. *Ideo ex fide, ut secundum gratiam firma sit promissio omni semini, non ei, qui ex lege est, solum, sed & ei, qui ex fi-*

L

*deest Abrahæ, qui pater  
est omnium nostrum.*

17. *Sicut scriptum  
est: quia patrem multa-  
rum gentium posui te an-  
te Deum, cui credidit,  
qui vivificat mortuos, &  
vocat ea, quæ non sunt  
tanquam ea quæ sunt. (a)*

(a) Gen. 17.

fiones gratiæ, quas Deus universo se-  
mini Abrahæ fecit, nempe non iis  
duntaxat, qui legem profitentur, sed  
etiam illis, qui ejus filii sunt per fi-  
dem. Si enim tantum pater esset  
nascentium ex ejus semine, nihil ad-  
modum singulare & eximium suspi-  
ceremus in ejus paternitate, 17. at  
verò pater est omnium hominum se-  
cundum hoc Scripturæ testimoni-  
um: patrem multarum gentium  
posui te, & præterea pater est eâ ra-  
tione, quâ Deus ipse, in quem cre-  
didit. Quemadmodum enim Deus  
non est tantum aliquorum populo-  
rum pater & auctor, ita & Abraham  
non Judæorum solummodò. Que-  
madmodum Deus pater est nos ad-  
optando & non generando, ita A-  
braham pater est per fidem, non  
verò per naturalem & carnalem pro-  
ductionem. Denique quemadmo-  
dum Deus peculiari quadam ratione  
pater est timentium se, ita Abra-  
ham modò quodam longè præstan-  
tiori pater est æmulantium ejus fi-  
dem, quàm carnis propagatione ex  
ipso descendentium. Sed ecce! re-  
lationem novam, eâmq; proximio-  
rem magisque stupendam audia-  
mus. Deus mortuos resuscitat, &  
vocat

vocat ea, quæ non sunt, quasi reipsâ jam existerent, id est, si velit è nihilo producere, mandasse sufficit, ut ex eo prodeant. 18. Fides porro, cui fiduciam suam Abrahamus alligaverat contra omnem apparentiam spei, quod futurus esset progenitor multarum gentium, eandem admirandam virtutem exeruit: etenim vigor ejus genitilis, quem grandævus senectus propè extinxerat, adeo renovatus fuit, ut non tantum Isaacum genuerit, sed etiam pater multarum gentium extiterit secundum promissionem divinam his verbis factam: suspice cælum & numera stellas, sic erit semen tuum. 19. Idcirco minimè hæsitans, aut fide nutans non attendendo ad constitutionem corporis sui jam effæti & prope emortui, quandoquidem centesimum annum vix non attigerat, neque impotentiam uxoris suæ penè decrepitæ ad concipiendam prolem, 20. promissiones divinas absque ullâ fluctuatione aut diffidentiâ de earum effectu firmissimo assensu excepit, totumque se Numinis supremi providentiæ commisit gratias agens impensissimas, quod secum tam benignè disponderet, simul omnem

18. *Qui contra spem in spem credidit, ut fieret pater multarum gentium secundum quod dictum est ei, sic erit sementium.* (a)

19. *Et non infirmatus est fide, nec consideravit corpus suum emortuum, cum jam fere 100. esset annorum, & emortuam vulvam Sara.*

20. *In repromissione etiam Dei non hæsitavit diffidentiâ sed confortatus est fide dans gloriam Deo.*

L 2

(a) Gen. 15.

21. *Plenissimè sciens, quia quaecunque promisit, potens est & facere.*

22. *Ideo & reputatum illi est ad iustitiam.*

23. *Non est autem scriptum tantùm propter ipsum, quia reputatum est illi ad iustitiam.*

24. *Sed & propter nos, quibus reputabitur credentibus in eum, qui suscitavit IESum Christum Dominum nostrum à mortuis,*

25. *Qui traditus est propter delicta nostra, & resurrexit propter justificationem nostram.*

exinde gloriam in ipsum referens, atque eventum spe indubitatâ expectans, 21. cùm planè persuasum sibi haberet, quidquid Deus quavis ratione spoponderit, id verò posse ab eo nullo negotio reipsâ præstari. 22. Et hæc fides adeò robusta, magnanima, & perfecta reputata ei fuit in iustitiam, nempe ejus intuitu justificatus est. 23. Id quod non ob illum tantummodo litterarum monumentis consignatum, sed etiam nostrâ omnium causâ, 24. qui ejus exemplô iustitiam pariter consequemur, si firmâ fide in eum crediderimus, qui exciavit IESum Christum à mortuis, 25. traditum prius in mortem crucis ad remissionem nostrorum criminum, & è sepulchro postmodum redivivum, tum ut secundum ordinatam suam destinationem meritum redemptionis per nominis sui prædicationem nobis applicaretur, tum ut vivâ firmâque spe per ejus resurrectionem renasceremur, sperantes videlicet, quòd aliquando ipse tanquam Caput nos, qui membra ejus sumus, resuscitaturus sit, tum deum, ut nos omnes instrueret, quòd quemadmodum ipse novam vitam recuperavit, quam non amplius amis-  
surus

furus erat, ita & nos novâ gratiæ vitâ  
imposterum vivere debeamus, càm-  
que maximâ fidelitate ac sollicitudi-  
ne servare integram atque incolumem.

## PARAPHRASIS

### CAP. V.

1. **Q**uando gēnebamus sub tyrannide ac iugo peccati, meritò poteramus assiduâ trepidatione formidare, ne Deus gravissimè offensus justam de nobis vindictam sumeret: postquam autem adminiculò fidei veniam justitiâque consecuti sumus ( de cujus effectibus hoc capite disserit institutâ etiam comparatione cum peccato originali ) pacem habemus cum eo, atque adeo sanctâ quadam & tenerrimâ fiduciâ cum eodem agere debemus & studiosè procurare, non tanto bonò privemur imposterum. Hanc pacem obtinimus per Dominum nostrum JESUM Christum.
2. Ipse nobis admissionem procuravit ad thronum & conspectum Patris sui, tanquam filiis, in gratiam istam, in qua
1. *Justificati ergò ex fide pacem habemus ad Deum per Dominum nostrum JESUM Christum.*
2. *Per quem & habemus accessum per fidem*

nos-

L 3



*sumus, & gloriamur in spe gloria filiorum Dei.*

3. *Non solum autem, sed & gloriamur in tribulationibus. Scientes, quod tribulatio patientiam operatur,*

4. *Patientia autem probationem, probatio vero spem.*

5. *Spes autem non confundit, quia charitas Dei diffusa est in cordibus nostris per Spiritum Sanctum, qui datus est nobis.*

nósque per semitam fidei deduxit ad felicissimum hunc gratiæ statum, in quo consistimus, & gloriamur in spe, quam eadem fides nobis facit consequendi aliquando gloriam ac beatitudinem filiorum Dei. 3. Neque huc sistimus, dum enim immortalem hanc vitam expectamus, gloriamur interim & gaudemus in omni adversitate, quæ nobis evenit. Scimus enim, quod adversitas in nobis patientiam gignat, acuat ac perficiat, 4. quodque exercitatio nostræ patientiæ probatio sit nostræ fidei manifestando, quàm benè fundati & radicati simus in amore Dei, quodque hæc probatio ac noticia magis magisque nos stabiliat in spe illo fruendi, quem non obstante quacunque calamitatum acerbitate impensè diligimus, cuique tam arcto dilectionis ac gratiæ vinculo conjuncti sumus. 5. Spes, quæ hominum præcisè verbis, promissisque innititur, fallax est & futilis, non item ea, de quâ loquor, quæ verbo illius innititur, qui fallere nequit. Nihil hac solidius, nihil firmitus. Minimè sanè nos pudet aut poenitet concepisse illam. Testimonia hæc & signa amoris infiniti, quo Deus ipse nos com-

complectitur, thesauri hi divinatorum munerum,, quos Spiritus Sanctus in cordibus nostris habitare dignatus liberalissimè diffudit, certissimæ sunt illius arrhæ. 6. Quis enim de hoc prudens dubitet, si in mentem revocet, quòd Dei filius in hunc mundum venerit, non eo solùm tempore, quod à suo Patre præfixum Prophetarum oraculis designaverat, sed quod simul erat convenientissimum, quandoquidem tunc homines suorum flagitiorum pondere prægravati ad miserrimum languoris & corruptionis cujusdam universalis statum redacti erant, neque medelam ex lege sperare poterant. Quin ejus benignitas processit ulterius. Mortem obire voluit & quidem pro impiis, pro sceleratis. 7. Vix invenire erit, qui mortem oppetere velit pro homine justo, solâ ejus probitate permotus, vel ei aliàs non obstrictus ex reciproca gratitudine pro beneficiis acceptis, vix, inquam, invenire erit, quamvis absolutè non inficias eam, talem denique reperiri posse, sed tunc vel illius probitas, in cujus gratiam vitæ suæ jacturam non curaret, vel peculiare obligationes ad tam generosum facinus ipsum indu-

6. *Ut quid enim Christus, cum adhuc infirmus essemus, secundum tempus pro impiis mortuus est?*

7. *Vix enim pro justo quis moritur, nam pro bono forsitan quis audeat mori?*

8. commendat autem charitatem suam Deus in nobis, quoniam cum adhuc peccatores essemus secundum tempus,

9. Christus pro nobis mortuus est: multò igitur magis nunc justificati in sanguine ipsius salvierimus ab ira per ipsum.

10. Si enim cum inimici essemus, reconciliati sumus Deo per mortem filii ejus, multò magis reconciliati salvierimus in vitâ ipsius.

ducerent. 8. Quid ergò dicemus de amore, quo Deus nos profecturus est? ô quàm eximius est, quàm effusus, quàm longè supra omne quod dici cogitarive potest illustris! 9. quandoquidem tunc temporis, quo Jesus Christus animam suam pro nobis posuit, ut per ipsius pretiosum sanguinem redempti viveremus, ingrati eramus, rebelles, sacrilegi. 10. Si autem tunc, cum inimici essemus Patri cœlesti, nihilominus filium suum unigenitum nobis submittere dignatus est, multò magis profectò nunc justificati ipsius sanguine, & per mortem acerbissimam reconciliati confidere poterimus, fiduciam nostram non fore inanem, nòsque non solùm funestis indignationis divinæ effectibus haud ampliùs premendos, sed etiam certò certius salvandos, vitæque fruituros, quâ beati omnes in illo felicitatis æternæ pelago gaudent. Liberatos porrò nos esse è miserrimo peccati statu, justificatos præterea & conservatos in gratiâ spem habere æternæ beatitudinis favores sunt tam eximii, ut eorum dignitas difficulter cogitatione attingi possit, canalís verò ille, per quem in nos cœlitus derivantur, cos

eos adhuc magis pretiosos reddit.

11. Singulares proin Deo immortali grates agimus, atque in eo præcipue gloriamur, & exultamus, quòd Jesum Christum Dominum nostrum Mediatorem pacis nobiscum inita statuere voluerit, nec non Medicum, per quem vulnera nostra ac languores sanarentur.

12. Et sanè expediebat omnino, ut per aliquem hominem nobis omnia illa bona eveniant, quandoquidem per unum quoque hominem primum omnium parentem peccatum in hunc orbem terrarum penetravit, & per hoc peccatum mors venenum suum in omnes ejus posteros diffudit, qui nemine excepto in illo peccati primigenii labem ac foeditatem contraxere, siquidem caput erat generis humani, ejusque voluntas in se complectebatur illorum omnium voluntates.

13. Post ejus lapsum peccatum non destitit mortales omnes inficere usque ad legis Mosaicæ promulgationem, quo toto tempore uti nulla lex vigeat, ita peccatum non plestebatur tanquam legis transgressio, neque homines illud agnoscebant, aut magnopere verebantur ut plurimum, eò quòd cum nullam prohibitionem

11. *Non solum autem, sed & gloriamur in Deo per Dominum nostrum Jesum Christum, per quem nunc reconciliationem accepimus.*

12. *Propterea sicut per unum hominem peccatum in hunc mundum intravit, & per peccatum mors, & ita in omnes homines mors pertransiit, in quo omnes peccaverunt.*

13. *Usque ad legem enim peccatum erat in mundo, peccatum autem non imputabatur, cum lex non esset.*

14. *Sed regnavit mors ab Adam usque ad Moysen etiam in eos, qui non peccaverunt in similitudinem prævaricationis Adæ, qui est forma futuri.*

15. *Sed non sicut delictum, ita & donum. Si enim unius delictò multi mortui sunt, multò magis gratia Dei & donum in gratiâ unius hominis Jesu Christi in plures abundavit.*

bitionem cernerent, minimè se peccatum incurrere existimarent, complura interim patrant, quæ nihilominus ab honestatis & æquitatis orbitâ deflecterent. Porro si certum est, uti planè est extra controversiam, supplicium esse poenam & effectum peccati, neque Deum poenam inferre posse nisi actioni vel omissioni peccaminosæ, 14. quandoquidem per id tempus, quod ab ipso mundi exordio usque ad Moysen excurrit, mors in omnes tyrannidem suam exercuit, non solum in eos, qui propriis flagitiis divini Numinis iram provocabant, sed etiam in infantes, qui usu rationis destituti non poterant dici imitatores actualis prævaricationis sui protoparentis, qui, uti paulò post ostendam, imago erat secundi Adæ, nempe Jesu Christi. 15. Nunquid inde consequitur peccatum, quemadmodum dixi, in mundo regnasse à primo videlicet parente contractum, vimque suam mortiferam in omnes omnino posteros, uti de cætero actualis malitiæ haud capaces exeruisse? Exploremus modò, quænam sit virtus gratiæ in nostram salutem, quæ-

quænam peccati in nostrum exitium. Nulla planè est paritas. Si enim peccatum unius hominis vim malignam habuit mortem inferendi omnibus ejus posteris, Deus Optimus per gratiam unius hominis nempe Jesu Christi nobis vitam donavit absque ullâ comparatione longè præstantiorem eâ, quam in Adamo perdidimus, nósque innumeris aliis pretiosissimis favoribûs cumulavit.

16. Ita est. Longè alia ratio divini hujus muneris & charismatis est, quàm illius primæ calamitatis & offensæ. Tamen si enim reatus ab unus hominis noxâ ortum habuerit, & in omnium condemnationem ita propagatus fuerit, ut vel una primæ labis macula sempiternæ morti cunctos addicat, gratiæ tamen donum ad omnium mortalium justificationem extenditur, & non solum ab hac primæ maculâ, sed & innumeris aliis insuper adjectis, & accumulatis flagitiis eos liberat. 17.

Si ergo mors per unius hominis funestum lapsum regiam dominationem obtinuit, quis in dubium revocet, illos qui tantam gratiæ redundantiam accipiunt, tam effusam justitiæ communicationem, aliquando

16. *Et non sicut per unum peccatum, ita & donum, nam judicium quidem ex uno in condemnationem, gratia autem ex multis delictis in justificationem.*

17. *Si enim unius delictò mors regnavit per unum, multò magis abundantiam gratiæ & donationis & justitiæ accipientes in vitâ regnabunt per unum Jesum Christum.* M 2

18. *Igitur sicut per unius delictum in omnes homines in condemnationem, sic & per unius justitiam in omnes homines in justificationem vita.*

19. *Sicut enim per inobedientiam unius hominis peccatores constituti sunt multi, ita & per unius obeditionem iusti constituentur multi.*

20. *Lex autem subintravit, ut abundaret delictum, ubi autem abundavit delictum, superabundavit gratia.*

per Jesum Christum & cum Jesu Christo regnatos, vitæque, quam sperant, beatissimâ fruituros? 18. Itaque, ut maneamus in comparatione prioris ac posterioris Adæ, quemadmodum omnes homines mortem incurrerunt, & condemnationem ex offensâ & lapsu unius hominis, ita omnes iustificati & vitam nobilissimam consecuti fuerunt per justitiam & gratiam unius pariter hominis, nempe Jesu Christi. 19. Quemadmodum etiam per inobedientiam sui protoparentis, qui caput erat generis humani, omnes peccati originalis labem contraxerunt, ita iusti omnes suam debent justitiam obedienciæ secundi eorum parentis, qui eorum caput est secundum gratiam. 20. Lex Mosaica (reponet quispiam) constituta est ad delendum hoc peccatum. Imò verò ejus constitutione peccatum vim suam pestiferam longè magis diffudit, & plura quàm antea flagitia induxit, eò quòd plura præceperit atque vetuerit, unde occasionem homines eam violandi acceperunt, Deo ita permittente, ut ostenderet illis, qui eâ gloriabantur, ejus insufficientiam ad abolendum peccatum, & necessi-  
ta-

tatem alterius efficacioris remedii, quod gratiam suppeditaret ad observantiam præceptorum summopere requisitam. Porro Evangelium habet rationem & vim hujus legis, per illud tanta è cœlo gratiæ copia atque affluentia effusa est, ut peccatum non æquârit modò, sed multis etiam partibus superârit non omnem duntaxat labem facillimè abstergendo, sed vires insuper longè maximas & planè insolitas ad implendam legem fidei-  
lium mentibus conferendo. 21.

Quòd si peccatum despoticum mortis imperium ac tyrannidem induxit, gratia illud penitus destruxit, ei-  
que substituit principatum vitæ, quæ nunc quidem est vita justitiæ, postmodum autem erit vita gloriæ, per meritum JESU CHRISTI Domini nostri, à quo illam sperare fas est, cùm eam nobis sanctè promiserit, & luculenter promeritus sit effusione sanguinis sui infinite pretiosi.

21. *Ut sicut regnavit  
peccatum in mortem, ita  
& gratia regnet per ju-  
stitiam in vitam æternam  
per JESUM CHRISTUM  
Dominum nostrum.*

✠ ) O ( ✠

M 3

PA-



## PARAPHRASIS

## CAP. VI.

1. *Quid ergò dicemus? permanebimus in peccato, ut gratia abundet?*

2. *Absit. Qui enim mortui sumus peccato, quomodo adhuc vivemus in illo?*

3. *An ignoratis, quia quicumque baptizati sumus in Christo Jesu, in morte ipsius baptizati sumus?*

1. **S**i vera sunt, quæ modò diximus, uti sunt verissima, quid inde inferemus? hærebimúsne in peccati sordibus, ut gratia tantò abundantior in nobis resplendeat, & prodigiosam hanc virtutem exerat, quam priùs tantopere deprædicavi?  
 2. absit. Recordamur, proh dolor! illius temporis, quo sub peccati jugo oppressi gemebamus, nunc verò peccato non ampliùs vivimus, neque sumus obnoxii. Erimúsne adeo stolidi ac miseri, ut illi denuo vitam reddere, locum cedere in conscientiiis nostris, atque ejus tyrannidi nos ultrò subjicere velimus?  
 3. Anne vobis mente excidit, fratres mei, quòd per baptismum in nomine Jesu Christi acceptum baptizati fuerimus in ejus morte, id est, quòd baptizatus noster figura & typus sit mortis illius, quòdque is modò quodam spiritali id ipsum præster, quod illa præstitit in ejus corpore supra montem calvariae? Quemadmodum enim

nim JESUS Christus moriendo carnem destruxit, quæ secundum externam speciem peccato erat obnoxia, quemadmodum etiam peccatum delevit, quod in se non habuit, nisi in quantum illud tanquam fidei iussor in se suscepit ad satisfaciendum divinæ justitiæ, ita & baptis-  
mus hominem veterem, qui propriè peccatò infectus est, verè in nobis destruit, ut novum induamus, atque peccatum, quod reverà nostrum est, exterminat, ad conferendam nobis gratiam. 4. Aqua, cui immergi-  
mur, exhibet sepulturam nostri Ser-  
vatoris, atque significat universa no-  
stra delicta cum eo simul sepelien-  
da. Cùm inde extrahimur, repræ-  
sentatur nobis ejus resurrectio, quæ  
cessit in gloriam æterni Patris, no-  
bisque præterea indicat, quòd ejus  
exemplò longè aliam vitam, sanctitate  
videlicet conspicuam impofterum  
nos ducere conveniat. 5. Vitam  
hanc gratiæ excipiet aliquando vita  
gloriæ post resurrectionem, si su-  
pra crucem JESU Christi tanquam sur-  
culi insiti fuerimus, si imaginem ac  
similitudinem mortis ejus in nobis  
gestemus eà perfectione, quam no-  
stræ fragilitatis conditio ac status per-  
mit-

4. *Consepulti enim sumus cum illo per baptismum in mortem, ut quomodo Christus surrexit à mortuis per gloriam Patris, ita & nos in novitate vite ambulemus.*

5. *Si enim complantati facti sumus similitudini mortis ejus, simul & resurrectionis erimus.*

6. *Hoc scientes, quia  
vetus homo noster simul  
crucifixus est, ut destrua-  
tur corpus peccati, &  
ultrà non serviamus pec-  
cato.*

7. *Qui enim mortuus  
est, justificatus est à pec-  
cato.*

8. *Si autem mortui  
sumus cum Christo cre-*

mittit, si denique vità vivamus, qua-  
lem nos Magister noster cœlestis in  
crucis cathedrâ edocuit. 6. Huic  
oculos, huic animos continuâ atten-  
tione affixos teneamus, quippe quæ  
instrumentum fuit mortis illius.  
Etenim præter justum hunc & inno-  
centem hominem, quem in eâ pen-  
dentem suspicimus, & nunquam fa-  
tis revereri, atque grati animi obse-  
quüs colere valemus, alium ibi con-  
spicimus, quem nec satis metuere,  
nec satis abominari possumus: at-  
que hic est vetus ille Adamus, hæc  
concupiscentia, hæc massa infecta,  
hoc corpus perversissimarum affe-  
ctionum, quæ funestæ sunt peccati  
reliquiæ. Ne igitur in nostram ip-  
sorum perniciem nebulonem hunc  
à cruce denuo refigamus, ac priori  
denuo libertate vel potius tyrannide  
donatum nostris cervicebus impona-  
mus improvidi. 7. Mortui enim  
peccare haud amplius possunt, atqui  
peccati vitam, uti vobis dixi, jam  
planè in nobis extinximus, manea-  
mus igitur in hac beatâ morte à pec-  
cato justificati, ejusque vinculis solu-  
ti ac liberi, & non amplius peccemus.  
8. Quod si quemadmodum Chri-  
stus corpore mortem appetiit, sic  
nos

nos peccato mortui sumus, confidimus utique fore, ut cum eodem resuscitati vitâ beemur immortali. 9. Quippe cum certò sciamus, eum à mortuis semel excitatum haud amplius morti esse obnoxium, neque illam in ipsum quidquam juris habere. 10. Etenim mortem appetiit ad destruendum & expiandum peccatum, idque semel duntaxat, nunc porò vivit in Deo, & de Deo & pro Deo. 11. Ita & vos mementote vos peccato esse mortuos, & vivendum proin in Deo per Jesum Christum Dominum nostrum, at verò attendite, ne unquam vitam tam divinam atque beatam amittere vos contingat. 12. Peccatum ergò (ita concupiscentiam nuncupo) non dominetur amplius in mortali vestro corpore, ut ejus effroenatis cupiditatibus obtemperetis infani. 13. Facultates sensuum mentisque vestræ ejus imperio ne sistite, ut velut injustitiæ atque improbitatis instrumenta serviant, & quasi quidam scelerum ac flagitiorum administri, sed exhibete vos ipsos Deo quasi ex mortuis redivivos, atque immortalitate donatos, & justitiæ facultates omnes animæ corporisque vestri tradite tanquam instrumenta per-

*dimus, quia simul etiam vivemus cum Christo.*

9. *Scientes, quòd Christus resurgens ex mortuis jam non moritur, mors illi ultra non dominabitur*

10. *Quòd enim mortuus est peccato, mortuus est semel, quòd autem vivit, vivit Deo.*

11. *Ita & vos existimate, vos mortuos quidem esse peccato, viventes autem Deo in Christo Jesu Domino nostro.*

12. *Non ergò regnet peccatum in vestro mortali corpore, ut obediat concupiscentiis ejus.*

13. *Sed neque exhibeatis membra vestra arma iniquitatis peccato, sed exhibete vos Deo tanquam ex mortuis viventes, & membra vestra arma justitiæ Deo.*

14. *Peccatum enim vobis non dominabitur, non enim sub lege estis, sed sub gratiâ.*

15. *Quid ergo? peccabimus? quoniam non sumus sub lege, sed sub gratiâ? absit.*

16. *Nescitis, quoniam cui exhibetis vos servos ad obediendum servi estis ejus, cui obeditis, sive peccati ad mortem sive obedientiæ ad justitiam?*

idonea quarumlibet sanctarum actionum, ad quas producendas industria ac cooperatione vestra uti dignabitur. 14. Nolite existimare, peccati vos tyrannidem excutere non posse: credite mihi, nequaquam vobis dominabitur, si fortiter illi ac constanter resistere velitis, estis enim in statu gratiæ, quæ non solum docet, quid facto opus, sed etiam vires suppeditat ad id perficiendum. Non estis amplius sub iugo legis, in quâ tanta farrago erat præceptorum, & auxilium prope nullum ad ea servanda, vel pertenuè, ubi merces quidem promissa erat ea custodientibus, sed venia minimè indulta ea transgressis. 15. At enim? an quia non amplius sub hac lege mortis vivimus, sed sub suavissimâ gratiæ & Evangelii lege, idcirco liberi ac soluti sumus, ut peccare nobis impunè pro nostro arbitratu liceat? absit à vobis, fratres mei, talis illatio ex meo discursu. 16. An enim ignoratis, quòd exhibeatis vos servos eorum, quorum imperio vos mancipatis, sive sit gratia, quæ vitam affert, sive peccatum, quod generat mortem? Porro per fidem, quam recepistis, Evangelio vos ultro subjecistis, estis ergo ejus

ejus servi, ex illius ergò præscripto vivendum vobis posthac, & abstinendum à peccato, quod modis omnibus prohibet. 17. Gratia igitur

Deo Optimo Maximo sint immortales. Si prius peccati servitus vos tenuit, nunc illà exempti estis, si iniquitati obtemperastis, jam vicissim doctrinæ vobis annuntiatae leges ad amissim servatis. 18. Verbo, liberati estis à peccato & transcripti in obsequia justitiæ legitimæ Dominae vestrae, extra cujus servitium nulla reperiri valet sincera ac verà libertas.

19. Quà ergò ratione poteritis jugum excutere tam suave, tam honorificum? dabo aliquid vestrae infirmitati, nihilque exigam, nisi quod sit perinde facile, ac rationi est conveniens. Illud igitur tantummodo postulo, ut sicut olim membra vestra impurae nequitiae & iniquitati ad omnes flagitiorum sordes addixistis, ita nunc eadem obsequia justitiæ ad omnem probitatem ac sanctimoniam exponere & impendere velitis.

20. Cum dirà peccati tyrannide premeremini, exempti eratis à suavi felicique jugo justitiæ, & fatali libertate gaudebatis. 21. Edicite autem, obsecro, quem fructum per id tem-

17. *Gratias autem Deo, quod fuistis servi peccati, obedistis autem ex corde in eam formam doctrinae in quam traditi estis.*

18. *Liberati autem à peccato servi facti estis justitiæ.*

19. *Humanum dico propter infirmitatem carnis vestra, sicut enim exhibuistis membra vestra servire immunditiæ & iniquitati ad iniquitatem, ita nunc exhibete membra vestra servire justitiæ in sanctificationem.*

20. *Cum enim servi essetis peccati, liberi fuistis justitiæ.*

21. *Quem ergò fructum habuistis tunc in*

pus

N 2

*illis, in quibus nunc erubescitis? nam finis illorum mors est.*

22. *Nunc verò liberati à peccato servi autem facti Deo habetis fructum vestrum in sanctificationem, finem verò vitam aeternam.*

23. *Stipendia enim peccati mors, gratia autem Dei vita aeterna in Christo IESU Domino nostro.*

pus et utilitas innocentiae vestrae effusissimae ex tot flagitiis, in quae vos illa praecipitavit, & unde nunc tanto pudore erubescitis? fateamini, quod res est, non alium videlicet, quam exitus amarissimos, mortemque sempiternam, hanc unam producere possunt. 22. Jam verò peccati jugo excusso ac penitus disiecto & in servitutem filiorum Dei adsciti, an non uberrimum pulcherrimumque fructum percipitis, nunc quidem vitae sanctimoniam, postmodum autem vitae sempiternae felicitatem speratis ineffabilem? 23. Id evenire aliter haudquaquam potest: pro stipendio enim peccati mortem referunt, quicumque sub ejus signis militant, Deus autem ubi suis bellatoribus ac sequacibus gratiam liberaliter contulit, huic tam pretioso stipendio donum insuper addit inextimabile vitae ac felicitatis aeternae, per merita IESU Christi Domini nostri auspicando & perficiendo opus salutis nostrae solâ sua bonitate ac clementiâ ad tollendam nobis omnem materiam & ansam vanae gloriolae ac inanis jactantiae.

## PARAPHRASIS

## CAP. VII.

1. **P**ostquam vobis palàm feci, ju-  
 gum peccati à vobis excu-  
 sum, nunc animus est vobis ostende-  
 re, quòd neque Legis vinculis ampli-  
 us adstricti teneamini. Scitis utique,  
 fratres mei (cum his enim mihi res  
 est, qui Legis habent notitiam) legi  
 neminem esse subditum, nisi quam-  
 diu vivit. 2. Uxor enim marito  
 suo connubii lege subjecta, quoad is  
 vixerit, neque eo derelicto alteri ad-  
 hære potest, nisi ream se velit facere  
 adulterii. 3. Quamprimùm autem  
 è vivis decessit, desinit isthæc subje-  
 ctio, vinculum, quo constrieta erat,  
 solum est, & si alteri viro nubat,  
 argui non potest violatæ fidei conju-  
 galis. 4. Pari ratione, fratres mei,  
 quandoquidem mortui estis legi, e-  
 jusque imperiò exempti, & lex ipsa,  
 cui tanquam viro alligati eratis, re-  
 spectu vestri mortua est & extincta  
 per mortem Jesu Christi, qui offe-  
 rendo corpus suum DEO per sangui-  
 nem novi testamenti ac foederis no-  
 vam
1. *An ignoratis fra-  
 tres (scientibus enim le-  
 gem loquor) quia lex in  
 homine dominatur, quan-  
 to tempore vivit?*
2. *Nam quæ sub viro  
 est mulier, vivente viro  
 alligata est legi, si autem  
 mortuus fuerit vir ejus,  
 soluta est à lege viri.*
3. *Igitur vivente vi-  
 ro vocabitur adultera,  
 si fuerit cum alio viro, si  
 autem mortuus fuerit vir  
 ejus, liberata est à lege vi-  
 ri, ut non sit adultera, si  
 fuerit cum alio viro.*
4. *Itaque fratres mei,  
 & vos mortificati estis le-  
 gi per corpus Christi, ut  
 sitis alterius, qui ex mor-*



tuis resurrexit, ut fructum legem instituit, veteremque hominem in vobis destruxit, lex nulum amplius in vos jus habet, estis-  
*edificemus DEO.*

5. Cum enim essemus in carne, passiones peccatorum, quæ per legem erant, operabantur in membris nostris, ut fructificarent morti.

6. Nunc autem soluti sumus à lege mortis, in quâ detinebamur, ita ut serviamus in novitate spiritûs, & non in vetustate litteræ,

7. Quid ergo dicemus? lex peccatum est? absit, sed peccatum non cognovi nisi per legem, nam

minem in vobis destruxit, lex nulum amplius in vos jus habet, estisque modò felici unionem alteri sponso juncti, & tali quidem sponso, qui à mortuis resurrexit, ut fructus dignos tam sancto divinòque fœdere proferatis. 5. Quamdiu enim sub hac lege carnis vivebamus, concupiscentia nostra excessivo præceptorum numero irritata, nec non poenarum sanè acerbarum comminatione despotice nobis imperitabat, & excitatis intra nos affectuum tumultuantium gravissimis intemperis membris nostris pro libitu utebatur ad ea patrandam, è quibus non nisi funestissimi fructus mortis redundarent. 6. Nunc autem à lege mortis, cujus mancipia eramus, exempti sumus, ut novo spiritu animati & perfracto cortice litteræ, quæ duris Majorum nostrorum ingeniis conveniebat, non amplius Deo serviamus intuitu promissionum temporalium, vel ad effugiendam castigationem, sed quia ob infinitam bonitatem suam amore summo est dignissimus. 7. Quid autem ex prædictis arguimus? numquid lex improba sit, & peccatum gignat, vel certè peccato fomitem, ac

ac veluti patrocinium præstet? Absit: *concupiscentiam nescie-*  
 hæc illatio absurda foret, & planè *bam, nisi lex diceret: non*  
 impia. Nam tantum abest, ut lex *concupisces.*

peccatum gignat aut foveat, ut quàm  
 qui maximè ei repugnet & adverfe-  
 tur, atque hoc est certissimum, sed  
 non minùs indubitatum est, quòd  
 per legem præcisè in peccati notitiam  
 venerim, cum enim lex præcipiat,  
 quid faciendum sit, prohibeátque  
 contrarium, illud necessariò conse-  
 quitur, ut peccatum alioquin latens  
 ac velut abditum eruatur in lucem  
 & quodammodo detegatur. Nisi  
 enim lex diceret: non concupisces,  
 nunquam advertissem, quòd servus  
 sim propriæ concupiscentiæ, quòd  
 invitum me quasi ac reluctantem per-  
 trahat ad innumeros excessus, quòd-  
 que ex me sat virium non habeam  
 ad excutiendam importunam ejus  
 tyrannidem, nunquam perspicuè  
 agnovissem, quænam sit indoles ac  
 vis concupiscentiæ, quòdque non so-  
 lùm opera ejus prava sint, sed vel ip-  
 sa desideria, & cogitationes acce-  
 dente consensu poenâ sint dignissimæ.

8. Hæc concupiscentia, quam pec-  
 catum appello (quia poena est pecca-  
 ti à primis parentibus admissi, & *accepta peccatum per*  
 omnium aliorum causâ, quæ nos ipsi *mandatum operatum est*  
 in me omnem concupi-  
 pa-

*-scientiam, sine lege enim  
peccatum mortuum erat.*

9. *Ego autem vive-  
bam sine lege aliquando,  
sed cum venisset manda-  
tum, peccatum revixit.*

patramus) per legem prohibentem magis irritata inde occasione arripuit suscitandi in me inordinatos omnis generis motus, ac titillationes voluptatis, cum ea naturæ sit perversitas atque corruptio, ut inhibitiō desiderium excitet reddatque vehementius. Antea peccatum quasi inanime erat, videlicet præcipua ejus turpitudine in eo sita, quod Deo, qui eam lege suâ prohibet, injuriōsa sit, atque invisâ summopere, nos quodammodo latebat, neque tanto furore mentes nostras affliebat, uti postmodum, siquidem cum nihil de ejus prohibitione constaret, absque ullâ interiori repugnantia passim committebatur. 9. Quando eram sub lege, vivebam, vel potius credebam me vivere, & profundâ pace fruebar, utrum ea plena discriminis esset (in personâ propriâ fidenter loquor, quò melius intelligas, me autem cum dico omnes mortales intelligo) profundâ, inquam, pace fruebar, quia nullum inde remorsum conscientia sentiebam agendo ea, quæ opinione meâ non erant prohibita, quæque adeo considerare non poteram & nosse ut illicita. Quamprimum autem lex promulgata fuit, velum,

velum, sub quo peccatum latebat, rescissum est, idque cum omni sua deformitate apparuit, cepitque quasi legis adminiculò excitatum reviviscere, suasque vires exerere. 10. Cumque antea sat tranquillam vitam egissem, persentiscere cepi tum impotentes animi motus, tum intolerandos remorsus, ac reip̃ā mortuum me esse deprehendi, legisque præceptum, quod ad vitam tum largiendam tum conservandam institutum erat, mihi naturā vitiato atque labefactato cessisse in exitium sui violatione. Concupiscentia, quæ extincta videbatur vel sopita, exarsit illicò, & in furias acta intuitu ac consideratione tot compedum, quos ei injicere parabat lex, in omne flagitiorum genus habenas liberrimè laxavit. 11. Hac ratione peccatum, quod leviora mihi hætenus inflixerat vulnera, nunc lethalia infixit, meaque inobedienciâ accocitate mentis factum est, ut eadem remedia, quæ sanitatem ac vitam asferre debuerant, plus nocumenti mihi attulerint, & tandem exitium creaverint. Mihi soli itaque imputare debeo calamitatem meam, non ergò lex ipsa, sed pestilens illa pravæ cupiditatis lues arrep-

10. *Ego autem mortuus sum, & inventum est mihi mandatum, quod erat ad vitam, hoc esse ad mortem.*

11. *Nam peccatum occasione acceptâ per mandatum seduxit me, & per illud occidit.*

12. *Itaque lex quidem sancta, & mandatum sanctum & justum & bonum.*

13. *Quod ergò bonum est, mihi factum est mors? Abst. sed peccatum, ut appareat peccatum, per bonum operatum est mihi mortem, ut fiat supra modum peccans peccatum per mandatum.*

14. *Scimus enim, quia lex spiritalis est, ego autem carnalis sum,*

arreptâ, uti paulò antea dicebam, occasione per ipsum præceptum non modò me seduxit, sed & funestam mortem intulit. 12. Quocirca ne quis me putet legem damnare, aut tanquam peccati ministram accusare, aio, me quidvis potius affirmare, nam lex ipsa per se sanctitate plena est, neque alia nisi æquissima & optima præcepta continet. 13. Quid ergò ex hac veritate deducam? an id fortè quod naturâ suâ bonum est, fuisse propriè causam mortis meæ? Minimè id quidem: imò verò labe illa pravæ cupiditatis illius occasione, quod optimum erat, mortem intentans mihi interitum sempiternum attulit, ut vel inde appareret, quanta & quàm fæva esset illius virulentia, quæ Deo ita permittente remedium in toxicum vertit, & illud pro instrumento suæ dominationis adhibuit, quod institutum erat in ejus destructionem facta in animis hominum quasi scaturigo quædam flagitiorum, eosque impellens ad extrema quæque omnis impudentiæ ac nequitiae, quò mortales pertingere possunt. 14. Porro lex ipsa minimè culpari debet, scimus enim, quòd homines ad exercitationem bonorum

rum operum excitaverit spe factâ remunerationis, à malo dehortata sit metu supplicii, mediisque diversissimis usâ fuerit ad eos meliores reddendos, quare ritè intellecta & observata planè spiritualis erat.

Tametsi autem non ampliùs huic legi sim obnoxius, mea tamen concupiscentia, quam ex ejus attentione adeo vehementer irritatam dixeram, nondum penitus extincta est. Non acquiesco absque aliquâ repugnantia legi JESU Christi, quæ spiritualis est, quia adhuc carnalis sum. Habeo etiamnum intra me hanc pravorum desideriorum scaturiginem, hanc perversam inclinationem, quæ totam Adami posteritatem inficit. Verbò. sum adhuc servus peccati.

15. Nam quod impellente perturbatione & impotenti cupiditate victus perago, non equidem approbo, & pro eo, quod deberem bonum, quo afficior, prosequi, in malum quodammodo rapior, quod secundum rationem mihi displicet. Cuperem motus concupiscentiæ minimè persentiscere, & adhuc sentio. 16. Porro si in me pars inferior appetit, quod superior & sanior respuit, si considerans ab omni concupiscentia libe-

*venundatus sub peccato.*

15. *Quod enim operor, non intelligo: non enim quod volo bonum, hoc ago, sed quod odi malum, illud facio.*

16. *Si autem quod nolo illud facio, consensio legi, quoniam bona est.*

be-

Q 2

17. *Nunc autem jam non ego operor illud, sed quod habitat in me peccatum.*

18. *Scio enim, quia non habitat in me, hoc est in carne meâ bonum, nam velle adjacet mihi, perficere autem bonum non invenio.*

19. *Non enim quod volo bonum, hoc facio, sed quod nolo malum, hoc ago.*

berari, tamen concupisco, nuñquid palam ostendo, legem illam, quæ me jubet rectæ rationi obtemperare, concupiscentiæ autem modis omnibus resistere, sanctam esse & justissimam. 17. Itaque si rectè & cum ratione de re totâ judicare velimus, deprehendemus profectò, mala, quæ repugnante ratione perpetramus, non à nobis ipsis manare, quâ parte homines sumus judiciò consiliòque utentes, sed à naturâ per peccatum vitiatâ atque corrupta, quæ rebellis insurgit, nósque invitos quodammodo post se trahit. 18. Nequaquam ex amore proprio, vel pudore quidquam dissimulo. Scio perbene in hoc perverso appetitu, de quo conqueror & ingemisco, nullam esse intelligentiæ ac rationis perspicuam lucem, nullum vigorem, sed caliginem, sed impotentiam, sed malitiam. 19. Libenter bonum agerem, quod per lumen gratiæ agnosco, & cujus desiderium in me persentisco, non possum autem eâ perfectione id præstare, quâ deceret, quâmqve percuperem. Tamen enim inordinatis meis appetitionibus non obtemperem, sentio tamen illas, cùmque illas sentiam & quidem contu-

tumacēs atque rebelles, dum operi manum accingo, longē abesse mihi videor à perfectione, quā peroptarem actiones meas resplendere. Non operor malum, quia depravatis meis desideriis non consentio, sed neque bonum præsto satis perfectē, quandoquidem necdum liberum me video à turbulentis inclinationibus, motibusque rationi ac honestati contrariis. 20. Atque ita rectē à me conclusum, si id facio, quod recta ratio non approbat, neque voluntas libero consensu amplectitur, non id à me eā ratione effici, quā hominum mente, atque intelligentiā præditus, sed ab inolitā atque ex primævi peccati reliquiis inhirente etiamnum naturæ vitiatæ cupiditate provenire hos motus, quos impedire non valeo. 21. Itaque experior malum mihi adhærere, dum bonum præstare cupio, & nefariam quandam ad illud propensionem tantquam legem ferream me prope constrictum tenere. 22. Sum quasi in medio positus, secundum mentem & partem superiorem à gratiā collustratam, omnia divinæ legis præcepta videntur mihi æquissima, suavissima, meque ad eorum observantiam

20. *Si autem quod nolo, illud facio, jam non ego operor illud, sed quod habitat in me peccatum.*

21. *Invenio igitur legem volenti mihi facere bonum, quoniam mihi malum adjacet.*

22. *Condelector enim legi Dei secundum interiorem hominem.*



23. *Videō autem aliam legem in membris meis repugnantem legi mentis meae & captivantem me in lege peccati quae est in membris meis.*

24. *Infelix ego homo, quis me liberabit de corpore mortis huius?*

tiam acerbis stimulis excitari sentio, secundum partem inferiorem vel ea ipsa mihi apparet nimium gravis, molesta, & prope intolerabilis. 23. Sentio siquidem in hoc ipso homine exteriori membrisque meis legem aliam oppositam ac reluctantem ei legi, quae mentem ad superiora & coelestia evehit, & sustollit, adeoque repugnantem ac repugnantem usque eo, ut me pene captivum ac victum teneat sub lege peccati tanquam bello captum sub manu victoris sui, & ad omnem flagitiorum licentiam tanto impetu ac ardore impellat, ut ægrè admodum me à relapsu cohibere possim, retinens in me ipso exæstantem peccati fomitem, ejusque tyrannidi vix non omnino subjectus.

24. Me miserum, adeo periculosis ac prope perpetuis pugnis fatigatum! quis me (quæso) ab his corporis vinculis eripiet, quibus quasi mancipium morti destinatum constringi me sentio? quis finem tandem imponet tam vehementi luctui? quis redimet partem isthanc, quam concupiscentia tam infami servitute subjectam tenet? quis mihi libertatem perfectam plenamque dabit, quam tamdiu jam gemens suspiro?

ro? 25. Nempe immortalis Dei gratia per infinita merita Domini nostri JESU Christi humano generi concessa. Ab hoc uno exspecto adimplerionem promissæ adoptionis, redemptionem mei corporis, pacem & tranquillitatem animæ & liberationem à depravatis meis cupiditatibus. Illud interea me solatur, quod mens mea subjecta sit legi divinæ ejus beneficiô, quodque in me verus tantum homo & concupiscentia carnis legi peccati obediat non quidem per consensum liberum, sed per inordinatos motus, quos, ne insurgant, præpedire non valeo.

25. *Gratia Dei per JESUM Christum Dominum nostrum. Igitur ego ipse mente servio legi Dei, carne autem legi peccati.*

## PARAPHRASIS

### CAP. VIII.

**D**E gratiâ JESU Christi mentionem iniecerat in fine capitis prioris, nunc ejus præpotentem virtutem hoc capite describit tum contra molestos concupiscentiæ assultus, tum supra legem. 1. Quemadmodum autem ingens discrimen est inter tentationem præcisè, & consensum in eam, non

1. *Nihil ergò nunc damnationis est iis, qui sunt in Christo JESU,*

non

qui non secundum carnem ambulant,

2. *Lex enim spiritus vite in Christo Jesu liberavit me à lege peccati, & mortis:*

3. *Nam quod impossibile erat legi, in quo infirmabatur per carnem, Deus filium suum mitens in similitudinem carnis peccati & de peccato damnavit peccatum in carne,*

non est, quòd ii, qui JESU Christi sunt, qui in illo & secundum ejus spiritum vivunt, non autem in carne, & secundum carnis dictamina, non est, inquam, quòd multum angantur, tametsi in seipsis sentiant hos concupiscentiæ motus, de quibus tam luculenter disserui. 2. Neque enim damnationem amplius, aut supplicium quod metuant, habent, quia lex JESU Christi lex est spiritus & vitæ, quæ suos sequaces revocat ab oppositâ lege peccati, & mortis, in quâ frequens occurrebat tentatio absque facili remedio eam superandi. 3. Quod enim supra illius vires erat, tum ob ejus infirmitatem, tum quia merè carnalis erat, Deus effectum voluit per Filium suum, quem in mundum misit. Induerat is carnem corruptibilem mortique obnoxiam, adeoque secundum externam speciem peccatricem, peccatum tamen, à quo immunis erat, per ipsum peccatum, cujus similitudinem & pœnas in se susceperat, debellavit, & jure æquissimo illud suo imperiò spoliavit, quod per nefas in ipsum attentaverat, non quidem ullam maculam, sed mortem tamen ei inferendo, quasi illam fuisset commertus.

tus. 4. Et hanc quidem victoriam  
 retulit, ut perficeret in nobis grande  
 illud opus justificationis, nobisque  
 facile & expeditum redderet, quod  
 nobis prius propè impossibile erat,  
 nempe observantiam legis, nobis, in-  
 quam, qui per ejus gratiam non am-  
 pliùs ambulamus secundùm car-  
 nem, sed secundùm spiritum. 5.  
 Qui enim carni sese penitus confor-  
 mant, meditantur identidem, &  
 mente agitant, quæ carni blandiun-  
 tur, quæ concupiscentiæ arrident,  
 in his toti sunt; qui verò spiritum  
 sectantur, superna tantùm inquirunt,  
 thesauros meritorum sibi pro alterâ  
 vitâ congregant, ac terrestres deli-  
 cias omnino fastidiunt coelestium  
 avidi. 6. Fructus ex utraque parte  
 colligendi toto cœlo pariter diffi-  
 runt, hæc enim prudentia sæculi &  
 carnis, quæ vanis spurcisque deside-  
 riis perpetuò agitur, mortem infert  
 suis amatoribus, prudentia verò spiri-  
 tûs & pia illa sollicitudo acquirendi  
 conservandique cœlestes thesauros,  
 mirâ animum tranquillitate ac lœti-  
 tiâ recreat. 7. Quibuscunque de-  
 mum titulis gloriatur prudentia car-  
 nis, Dei tamen inimicam se palâm  
 profitetur, bellumque infert modis

4. *Ut justificatio legis  
 impleretur in nobis, qui  
 non secundùm carnem  
 ambulamus, sed secun-  
 dùm spiritum.*

5. *Qui enim secun-  
 dùm carnem sunt, quæ  
 carnis sunt, sapiunt, qui  
 verò secundùm spiritum  
 sunt, quæ sunt spiritûs,  
 sentiunt.*

6. *Nam prudentia  
 carnis mors est, pruden-  
 tia autem spiritûs vita &  
 pax,*

7. *Quoniam sapientia  
 carnis inimica est Deo,  
 legi enim Dei non est sub-  
 jecta, nec enim potest,*

om-  
 l

P

8. *Qui autem in carne sunt, Deo placere non possunt.*

9. *Vos autem in carne non estis, sed in spiritu, si tamen spiritus Dei habitat in vobis, si quis autem spiritum Christi non habet, non est ejus.*

10. *Si autem Christus in vobis est, corpus qui-*

omnibus impediens, ne homines in ejus servitio gnavi sint ac fideles, illius legibus submittere se non tantum respuit, sed neque potest, quamdiu in sua cœcitate persistit, etenim non major est inter diem noctemque oppositio, quam inter illius ac divinæ sapientiæ dictamina legesque. 8. Quô fit, ut qui carnis affectionibus, sordidisque voluptatibus tenentur impliciti, Deo, cui omnis fœda libido exosa est, placere neutiquam possint.

9. Vos autem non amplius estis ex horum improborum numero, sed potius inter eos recensendi, qui sese totos spiritui colendo ac perpoliando animo tradiderunt, si tamen divinus ille spiritus, quem in vestrâ regeneratione spirituali per baptismum accepistis, adhuc in vestris cordibus cum pleno imperio habitat, quemadmodum enim qui hoc spiritu Christi destituitur, nullo modo inter Christi sectatores atque discipulos numerandus est, nec de ejus vitâ quidquam participat, ita is, in quo etiamnum residet ac regnat, totus perinde ac propriè ipsius est, uti surculus arboris, eademque ut talis vitâ vivit. 10. Porro si Christus in vobis habitat, sedemque suam fixit, tamen si

meriti corpus vestrum moriendi necessitati obnoxium sit tanquam poenæ universali peccati, spiritus tamen vester vitâ animatur longè præstantiori, quàm sit vita naturalis, vitâ nimirum justitiæ; quæ tenebras dissipat, maculas ejus abstergit, sensusque atque affectus illius penitus immutatos atque à terrenis bonis avulsos cœlestibus affigit. 11. Sanè ist-

hæc Dei benevolentia non est exigua, siquæ tantum amorem non æstimatis pro merito; ingratiissimi estis mortalium, ac supplicio dignissimi. Neque hic sistet benignissimus Deus utcunque contentus corpus vestrum mortale spiritu vitæ animâsse. Si enim ejus spiritus in vobis refidet, quemadmodum Jesum Christum à morte suscitavit, ita & vos suscitabit, ut adeo si hunc divinum spiritum ac thesaurum in cordibus vestris possideris, gloriari possitis, habere vos semen quoddam immortalitatis. 12. Itaque fratres mei dilectissimi, in-

numeris ei nominibus obstricti vi-

*dem mortuum est propter peccatum, spiritus verò vivit propter justificationem.*

11. *Quòd si spiritus ejus, qui suscitavit Jesum à mortuis, habitat in vobis, qui suscitavit Jesum Christum à mortuis, vivificabit & mortalia corpora vestra propter inhabitantem spiritum ejus in vobis.*

12. *Ergò fratres debitores sumus non carni, ut secundum carnem vivamus,*

13. *Si enim secundum carnem vixeritis,*

futu-

P 2

*moriemini, si autem spiritu facta carnis mortificaveritis, vivetis.*

*14. Quicumque enim spiritu Dei aguntur, ii sunt filii Dei.*

*15. Non enim accepistis spiritum servitutis iterum in timore, sed accepistis spiritum adoptionis filiorum, in quo clamamus, Abba Pater.*

*16. Ipse enim spiritus testimonium reddit spiritui nostro, quod sumus filii Dei.*

futurum profectò est, ut geminà quodammodo morte moriamini, & hac, quæ spirituali vitæ adversatur, & illâ, quæ impios apud inferos manet: sin autem spiritu carnis affectiones ac petulantes motus compresseritis, nullam aliam voluptatem captantes, quàm in actionibus ex directione & impulsu divini spiritus procedentibus, planè vivetis & quidem vitâ, quæ oritur à gratiâ, & illâ deinde, quæ hanc consequitur, cœlesti ac omnino beatâ.

14. Scitote, eos tantum, qui spiritu Dei ducuntur, & in quorum mentibus agit, ut agant, nomen filiorum Dei promereri, & tales reipsâ esse.

15. Spiritus, quo Judæi compellebantur ad ejus obsequium, spiritus erat amoris proprii, timoris, & servitutis, quem autem vos recepistis, spiritus est amoris, & probè conveniens filiis adoptionis,

quales vos estis. 16. Hic spiritus potestatem nobis præbet ac fiduciam, ut cum affligimur, ad eum clamemus, compellantes eum dulcissimo Patris nomine. Is ipse spiritui nostro pro testimonio servit infallibili, quòd simus filii Dei, non modò ex secretâ hac & piâ invocatione, sed etiam ex amoris impulsibus, quos

in

in nobis excitat sive in Deum, sive erga proximum, ex firmis propositis inconcussam ei fidem servandi, ex mirâ conscientiæ tranquillitate, quæ sunt argumenta certissima novæ hujus ac divinæ filiationis. 17. Quod si filii ejus non modò appellamur, sed etiam reipsâ sumus, necesse est profectò, esse nos itidem ad jus hæreditatis vocatos, ut hæredes quidem simus Dei jure adoptionis, cohæredes autem Christi Domini, cui soli secundùm se debetur hæreditas. Quemadmodum autem is ad fastigium gloriæ ascendit per viam crucis, ita pariter, si ejusdem gloriæ ac coronæ participes fieri volumus, necesse omnino est, nos unâ cum illo adversa quæque fortiter pati. 18. Neque hæc illatio vos admodum turbet, aut attonitos præter morem habeat, certus sum enim, si mala & incommoda omnia, quibus hæc vita exercetur, imponantur lanci cum gloriâ nobis in coelo præparatâ, hanc illis omnibus longissimè præponderaturam. Et adhuc adhærebimus nugis præsentibus, & tam cæci ac insensati erimus, ut expectare nolimus diem illum fortunatissimum, quo filii Dei ex misero & lugubri statu, qui haud

17. *Si autem filii, & hæredes, hæredes quidem Dei, cohæredes autem Christi, si tamen compati-mur, ut & glorificemur.*

18. *Existimo enim, quod non sunt condignæ passiones hujus temporis ad futuram gloriam, quæ revelabitur in nobis.*



19. *Nam expectatio creatura revelationem filiorum Dei expectat.*

20. *Vanitati enim creatura subjecta est non volens, sed propter eum, qui subiecit eam in spe:*

21. *Quia & ipsa creatura liberabitur a servitute corruptionis in libertatem gloria filiorum Dei.*

22. *Scimus enim quod omnis creatura ingemiscit & parturit usque adhuc.*

diu duraverit, transibunt ad longè felicissimum atque jucundissimum sine fine perennaturum? 19. Creatura quidem corporeæ, cœli nempe & elementa dudum jam, cupidissimèque illum præstolantur, & quasi exerto capite observant. ... 20. Si enim modò mutationibus subjacent, unde corruptio sequitur, sive id demonum malitiâ eveniat, qui illis utuntur ad affligendos mortales, sive ipsorum hominum vanitate, qui cum per eas tanquam per scalas ad Deum ascendere deberent, sese ab illo avertunt fœdo earum ad omne flagitiorum genus abusu. 21. si, inquam, huic servituti modò obnoxie sunt, contra naturæ suæ inclinationem eam subeunt, & ad obsequendum divinæ ordinationi, quæ ita subdita sperare jubet, & malorum finem; & quando filii ejus ad sempiternam illam gloriam eveherentur, communionem libertatis, & consecutionem gloriæ, quantum quidem illius capaces sunt, nempe novarum perfectionum, sidera novæ lucis, cœli quietis, & elementa depurationis. 22. Scimus enim hanc rerum creaturarum universitatem hætenus suspirare & ingemiscere, & quodam-

modo parturientium dolores tolerare, usquedum diem illum exoptatissimum attingant, quo nostram libertatem illarum pariter liberatio excipiat. 23. Neque illæ solæ hac imparientiâ cruciantur, nos ipsi, qui primitias spiritûs, eximia videlicet illa charismata accepimus, & primum veluti gustum futuræ felicitatis delibavimus, taciti nobiscum suspiramus, & ingemiscimus promissam adoptionem præstolantes, id est, extremam illam corporis nostri instaurationem, quam suo tempore futuram certò speramus. 24. Et sanè non abs re suspiramus. Desiderium nostræ felicitatis impressum est nostris mentibus; urgetque nos identidem, sed salus nostra tantùm inchoata est, & spe solum beati sumus, sperare autem felicitatem non est illam possidere, cum spes non possit pro objecto & termino habere, nisi ea, quæ non habemus. Quis enim, quæso, aut quam ob rem speret id, quod oculis cernit, aut jam manibus contrectat? 25. Spes isthæc non est vana & friyola in nobis, cum enim eâ animati fidenter expectemus, quæ modò ab aspectu nostro remota sunt, hinc placidè interim

23. *Non solum autem illa, sed & nos ipsi primitias spiritûs habentes, & ipsi intra nos gemimus adoptionem filiorum Dei expectantes redemptionem corporis nostri.*

24. *Spe enim salvifacti sumus, spes autem, qua videtur, non est spes, nam quod videt quis, quid sperat?*

25. *Si autem quod non videmus, speramus, per patientiam expectamus.*

26. *Similiter autem & spiritus adjuvat infirmitatem nostram : nam quid oremus, sicut oportet, nescimus, sed ipse spiritus postulat pro nobis gemitibus inenarrabilibus.*

27. *Qui autem scrutatur corda, scit, quid desideret spiritus, quia secundum Deum postulat pro sanctis.*

terim sustinemus adversa quæque, ut quæ nobis promissa sunt, reipsâ denique consequamur. 26. Jure possemus metuere, ne sub pondere tot calamitatum fatiscamus, si vires præcisè nostras attendamus, ac verò ille ipse spiritus, cujus primitias degustavimus, quique nobis eam fiducia impartit, ut non vereamur Deum parentem appellare, suâ divinâ vi nos omni ex parte pervadet, unâ etiam sublevat infirmitates atque imbecillitates nostras, cumque ignoremus, quid & quâ ratione conveniat à Deo petere, docet nos orare, motusque in nobis excitat mirificos, quos equidem persentiscimus, verbis tamen explicare haudquaquam possumus. 27. Quamvis autem nesciamus, quid petamus, is qui omnium corda scrutatur Deus, probè novit cogitationes, affectus, ac suspiria, quæ à spiritu sui afflatu proficiuntur, eaque omnino approbat tanquam voluntati suæ nostræque sanctificationi maxime consentanea. In illum ergo curam omnem ac sollicitudinem deponite, cumque ignoretis, quid vobis conveniat, aut expediat, quidquid ei placuerit de vobis disponere, illud quâ par est submissione, subentes acci-

accipere. 28. Quæcunque enim veniant sive secunda, sive adversa, diligentibus Deum in eorum salutem & emolumentum serviunt, quia iis rectè utuntur: de illis autem loquor, quos ipse æterno suo consilio ac voluntate omnino liberâ vocavit, ut essent sancti. 29. Nam quos ab omni retrò æternitate dilexit, ii sunt, quos ita prædestinavit, ut aliquando conformes fierent imaginis filii sui, nempe ut eos quoque in filios suos adoptaret, hæredesque institueret ac simili gloriâ coronaret, quâ filium, ut is nimirum primogenitus esset inter multos fratres, quorum honores in eum redundarent veluti rivuli ad suam scaruriginem, radiique ad solem. Nihil perinde firmum, atque hoc decretum voluntatis divinæ respectu illorum, ad quem finem ut pervenirent, hunc in modum rem instituit. 30. Prædestinavit illos, quemadmodum dixi, ut similes fierent unigenito suo, postmodum tempore destinato vocavit eos ad fidem per Evangelii prædicationem, sed gratiâ ita præpotenti, ut ab eâ semel acceptâ non ampliùs deficerent. Deinde justificavit eos per remissionem delictorum, & infusionem gratiæ suæ,

28. Scimus autem, quoniam diligentibus Deum omnia cooperantur in bonum iis, qui secundum propositum vocati sunt sancti.

29. Nam quos præcivit, & prædestinavit conformes fieri imaginis filii sui, ut sit ipse primogenitus in multis fratribus.

30. Quos autem prædestinavit, hos & vocavit, & quos vocavit, hos & justificavit, quos autem justificavit, illos & glorificavit.

quam  
Q

31. *Quid ergò dicemus ad hæc? Si Deus pro nobis, quis contra nos?*

32. *Qui etiam pro proprio filio suo non pepercit, sed pro nobis omnibus tradidit illum: quomodo non etiam cum illo omnia nobis donavit?*

33. *Quis accusabit adversus electos Dei? Deus qui justificat.*

quam denique justificationem subsecuta est ejus gloria, subsecuta, inquam, quia certissimò illam consequentur, dicique cum veritate potest, haberi jam illud, quod Deus promittit.

31. Quid amplius jam ab ipso expetimus? quibûs verbis, quibus obsequiis, quâ gratitudine ac fidelitate tantam benignitatem prosequemur? an forte adversarii nos terrent? sed quid animò dejicimur, vel de salute desperamus? Si Deus à nobis stat, nostrâque ipse salutem admirabili suâ providentiâ atque consilio procurat; quis (quæso) nobis adversabitur, vel divino patrociniò tutos in discrimen adducet? 32. Si filio suo unigenito non pepercit amore nostri, si ipsum in mortem tradidit, ut vitam nobis redderet, debitâque nostra expungeret, cum tamen adhuc inimici ejus essemus, quâ ratione tandem gloriam suam nobis denegabit ac media eam consequendi, quæ hac donatione antecedente longè sunt inferiora?

33. Quis porro intentabit crimina adversus eos, quos sibi Deus peculiari quâdam benevolentia selegit? Deus quidem certè Optimus Maximus ipse est, qui justificat, tantum abest,

abest, ut accuset, aut criminetur.  
 34. Quis verò electos condemna-  
 bit? Christus profectò quâ ratione  
 homo est, pro hominibus liberandis  
 sponte mortem oppetiit, idemque ab  
 inferis excitatus assidet ad dexteram  
 Patris, ibique optimi Patroni atque  
 Advocati munere suæ necis perenni  
 commemoratione, vulnerumque ac-  
 ceptorum ostensione nostram apud  
 Deum causam agit.

35. Quæ si ve-  
 ra sunt omnia, atque hoc tam stabi-  
 li fundamento spes nostra innititur,  
 si Deus tanta facit amore no-  
 stri, quis hunc amorem, quo nos  
 tanquam suos electos complectitur,  
 immutare valebit? Quòd si tantis fa-  
 voribus ex æquo respondemus, quis  
 nos divellere poterit ab eo? an æ-  
 rumnæ? an angustiae, & afflictiones  
 mentis? an fames? an probum nu-  
 ditatis? an discrimen aliquod non  
 evitabile? an persecutio? an mors  
 ipsa? minimè gentium, hæc omnia  
 nimis exilia & invalida sunt ad indu-  
 cendam ullam ejus oblivionem. 36.  
 Quin imò mala isthæc, quæ enume-  
 ravimus, nobis unice & ex æquo de-  
 bentur, nos siquidem Propheta de-  
 signavit, cùm diceret: propter te  
 mortificamur totâ die, & æstimati

34. *Quis est, qui con-  
 demnet? Christus Jesus,  
 qui mortuus est, imò qui  
 & resurrexit, qui est ad  
 dexteram Dei, qui etiam  
 interpellat pro nobis.*

35. *Quis ergò nos se-  
 parabit à charitate Chri-  
 sti? à tribulatio? an an-  
 gustia? an fames? an nu-  
 ditas? an periculum? an  
 persecutio? an gladius?*

36. *Sicut scriptum est:  
 quia propter te mortifica-  
 mur totâ die, æstimati su-  
 mus sicut oves occisionis.*

(a)

Q. 2

(a) Pl. 43.

su-

37. *Sed in his omnibus superamus propter eum, qui dilexit nos.*

38. *Certus sum enim, quia neque mors, neque vita, neque angeli, neque principatus, neque virtutes, neque instantia, neque futura, neque fortitudo,*

39. *Neque altitudo, neque profundum, neque creatura alia poterit nos separare à charitate Dei, quæ est in Christo Jesu Domino nostro.*

sumus, sicut oves occisionis, quæ nimirum macello destinatæ sunt. At verò ad patiendum promptiores sumus, quàm carnifices ad inferenda nobis supplicia. 37. Vincimus illos non repugnando, & victores evadimus tolerando, quæcunque illis rabies efferata in nos suggerit. Ex hac tamen victoriâ non idcirco gloriam nobis arrogemus elati, cam enim auxilianti Deo debemus, qui nos prior diligit, qui mentes nostras mirificè illuminat, virèsque voluntati suppeditat, quas ex se habere nequit. 38. Hoc præsidio ac patrocinio fretus in quibuscunque sim angustis, quacunque tempestate jacter, à quocunque adversario impetar, ut ut derelictus ab omnibus videar, spe tamen ac fiduciâ plenus vivo, certoque mihi persuasum habeo, quòd nec vita, neque mors, nec principatus, neque angeli, neque virtutes, neque omnes Orci satellites cujuscunque sint gradus, nec præsentia, nec futura, nec Principes, 39. nec cœlum, nec terra, nec inferi, neque altitudo seu spes dignitatum, neque profundum, sive metus confusionis ac depressionis, neque res ulla creata nos separatura sit unquam ab illâ charita-

ritate, quā nos Deus immortalis intuitu Christi Jesu Domini nostri complectitur, & quod ex opposito hæc omnia ad salutem nostram servitura sint per amorem ex parte nostrā reciprocū, nōsque tantæ Bonitati arctioribus longē vinculis affixurā.

## PARAPHRASIS

### CAP. IX.

Singulariter hoc & seqq. 2. capitulū agit contra Judæorum infidelitatem, quæ illos à regno Dei exclusit, cū gentiles propter fidem suam ad illud sint adsciti. 1. Quando attentā consideratione, ô Judæi, deprehendo, nullum vos experimentum aut sensum habere istius amoris, quodque alii prærogativis fruantur, quæ ad vos pertinerent, tristitiā insolitā depressus vix non deficio, & infixum altè doloris gladium sentio, qui me mirum in modum discruciat. Nolite hunc loquendi modum adulationi imputare: conscientia mea nullius me mendacii redarguit hæc

1. Veritatem dico in Christo, non mentior, testimonium mihi perhibente conscientia mea in Spiritu sancto;



2. *Quoniam tristitia mihi magna est, & continuus dolor cordi meo.*

3. *Optabam enim ego ipse anathema esse à Christo pro fratribus meis, qui sunt cognati mei secundum carnem,*

4. *Qui sunt Israëlita, quorum adoptio est filiorum, & gloria, & testamentum, & legislatio, & obsequium, & promissa:*

5. *Quorum patres, & ex quibus est Christus se-*

hæc asseverantem : sanctè enim affirmo, verba mea à mente non discrepare, & ad majorem confirmationem interioris hujus sensus ac doloris Jesum Christum, sanctumque Spiritum fidenter in testes invoco meorum dictorum. 2. Nihil est, quod non agerem, nihil mali, quod non libentissimè perferrem ad erudendos vos de tenebris, & educendos in statum beatitudinis vobis promissæ. 3. Ardentè diligo Jesum Christum Dominum meum, sed in excessu amoris, quem is mihi pro vestrà salute inspirat, cuperem quasi devotum caput fieri anathema, id est, privari ejus possessione per gloriam, ut ea meis fratribus, id est, iis, qui me quodammodo sanguinis cognatione attingunt, obveniret. 4. Et quippe ni sollicitus essem pro salute eorum, qui mei sunt conterranei, qui & ipsi Israëlita nuncupantur, quos Deus olim in filios suos elegit inter alias nationes, quos tanta gloriâ decoravit, in quorum gratiam tot prodigia patravit, quibuscum tam arctum foedus contraxit, quibus legem statuit, qui noverant, quem sibi cultum exhiberi vellet, 5. quique inter suos Majores numerare possunt mag-

magnos illos patriarchas, è quibus secundum carnem, qui est Christus secundum humanam naturam originem traxit, cui honor sit & gloria in omnem æternitatem tantumquam vero Deo, ac cœli terræque Domino, qui omnia creavit, qui est super omnia, & qui in omnibus operatur. Amen. 6. Quamquam autem magnopere discrucior, cum præsentem Israëlitarum statum considero, absit, ut exinde arguatis, promissiones iis à Deo factas irritas atque inanes evasisse. Nihil iis certius: & vel nunc adimplentur, quamvis in eorum favorem id accadat, quos concernere non videbantur. Mira est & præter expectationem hæc ordinis inversio, unde majori indiget declaratione. Non inficias eo, promissa omnia, quibus sacræ paginæ abundant, ad Israëlitas dirigi, sciendum autem non omnes, qui nati sunt in Judæâ & præputiō circumcisi glorianur, esse veros Israëlitas, 7. neque omnes quicunque cognatione sanguinis Abrahamum attingunt, eos illico inter veros ac germanos ipsius filios recensendos esse. Nomen istud propriè convenit filiis Dei, illis nempe, qui nati sunt, veluti olim Isaac per fidem. 8. Abraham genuit

*secundum carnem, qui est  
super omnia Deus benedictus in sæcula. Amen.*

*6. Non autem quòd  
exciderit verbum Dei.  
Non enim omnes, qui ex  
Israël sunt, ii sunt Is-  
raelita:*

*7. Neque qui semen  
sunt Abraham, omnes filii:  
sed in Isaac vocabitur  
tibi semen :*

*8. Id est, non qui filii*

nuc-

*carnis, hi filii Dei: sed qui filii sunt promissionis, aestimantur in semine.*

9. *Promissionis enim verbum hoc est: secundum hoc tempus veniam: & eris Sara filius. (a)*

10. *Non solum autem illa: sed & Rebecca ex uno concubitu habens Isaac patris nostri.*

(a) Gen. 18.

nuerat Iſmaëlem ætate adhuc vegetâ, & generationi idoneâ, Iſaacum autem genuit eo tempore, quo corpus ejus ætate decrepitâ eſt ætatem erat, exſuccum, & quaſi inanime, 9. juxta promiſſionem ei factam: ſecundum hoc tempus veniam, & erit Saræ filius. Præter admirabilem hunc partum dictum fuit de illo peculiari-ter: in Iſaac ſemen tuum vocabitur, id eſt, qui originem ex Iſaac fortien-tur, proprio ac ſingulari modo tui e-runt poſteri. Scire autem vos oportet, hanc temporalem Iſaaci reſpe-ctu Iſmaëlis præcellentiam figuram eſſe illius, quod modò in perſonâ Ju-dæorum & gentilium impletur, ſi-quidem hi potiùs, quàm illi electi ſunt ad portandum nomen filiorum Dei & conſequendum effectum ſa-ctarum promiſſionum. At verò quispian replicabit, hoc exemplum fortaliſ minùs effiaciter probare intentum, & rationi omnino fuiſſe conveniens, ut Iſaac natus ex conju-ge præferretur Iſmaëli oriundo ex ancillâ. 10. Idcirco aliam vobis figu-ram propono tam claram & accom-modam, ut nil in contrarium moveri poſſit. Rebecca ex ipſo Patre ve-ſtro Iſaac duos ſimul filios concepit.

11.

11. Priusquàm autem in lucem ederentur, cum necdum quidquam boni malive egissent, Deus (ut 12. decretum, quo unum elegerat, alterum verò reprobaverat secundum liberum suum beneplacitum, non verò intuitu boni aut mali ab eis præstiti, in suo robore persisteret, & præcisè ad liberam ejus voluntatem referretur) 13. Rebecca significavit, majorem natu servitutum minori. Ad confirmationem hujus electionis apud Prophetam Malachiam inquit: Jacob dilexi, Esau autem odio habui.

14. Cùm hæc igitur ita se habeant, num poterit quisquam Deo Opt. Max. injustitiæ alicujus notam inungere? Apage: cogitare hoc nefas est, cùm auctor sit æquitatis, & omnes viæ ejus justitia & veritas. Facere quidem potest, quæ rationi humanæ admodum habeti repugnare videntur. Non verò quæ justitiæ ejus sunt contraria, ut adeo neutiquam ea damnare conveniat, quæ sunt supra caput nostrum, ut taceam, justitiæ rationem imprudenter exigi, ubi una duntaxat divina liberalitas & misericordia cuncta perficit, id sanè sacræ litteræ non obscurè prædicant, quæ mortalium salutem uni-

11. Cùm enim nondum nati fuissent, aut aliquid boni egissent, aut mali (ut secundum electionem propositum Dei maneret)

12. Non ex operibus, sed ex vocante dictum est ei,

13. Quia major serviet minori, sicut scriptum est: Jacob dilexi, Esau autem odio habui (a).

14. Quid ergò dicemus? numquid iniquitas apud Deum? Absit.

R  
(a) Mal. c. i.

15. *Moyſi enim dicitur miſerebor, cujus miſerebor: & miſericordiam præſtabo, cujus miſerebor. (a)*

16. *Igitur non volentis, neque currentis, ſed miſerentis eſt Dei.*

17. *Dicit enim Scriptura Pharaoni: quia in hoc ipſum excitavi te, ut oſtendam in te virtutem meam: & ut annuntietur nomen meum in univerſa terrâ. (b)*

18. *Ergo cujus vult, (a) Exod. 33. (b) Exod. 9.*

miſericordiæ tribuunt. 15. Nam in Exodo conſtat, oraculum ad Moyſen divinitus miſſum: Miſerebor, cujus miſereor, & miſericordiam præſtabo, cujus miſerebor. Cap. 33. cui nimirum liberè voluero.

16. Qui igitur cæteris inſuper habitis electi ſunt, cauſam meritumque ſuæ electionis refundere nequaquam poſſunt in ſancta ſua propoſita, aut opera, aut piam voluntatem currendi in viâ mandatorum Domini, aut in ipſum curſum, ſed ſolummodo in miſerationem Domini, qui eos elegit, non quòd id promeriti eſſent, ſed quia ipſi placuit eos eligere, qui eos non invenit, ſed primum facit electione ſua dignos.

17. Cæteris, ſi pereant, non fit injuria, ſibi id imputare debent; Scriptura enim, ubi ſatis fuſè deſcripſit captivitatem filiorum in Ægypto, tyrannidem Pharaonis, prodigia à Moyſe patrata in ejus præſentiâ ad impetrandam diſmiſſionem populi, hæc tremenda verba ex ore Dei pronuntiat, & ad Pharaonem dirigit; in hoc ipſum excitavi te, ut oſtendam in te virtutem meam, & ut annuntietur nomen meum in univerſa terrâ.

18. Itaque ſic demum concludere licet, Deum

uni misericordiam exhibere cui vult, & quem libuerit indurare, non equidem perversitatis aliquid imprimendo voluntati, sed eam præcisè relinquendo in obstinatione, in quam ex iustâ vindictâ eam permisit præcipientem cadere. Nonnemo mihi fors objiciet: an æquitati est consentaneum, Deum ita procedere? quare hos vocat? quare illos reprobât absque aliâ ratione, quàm beneplaciti sui? cur postmodum queritur damnari homines, cum ipse velit, ut pereant, & nemo resistere possit voluntati ejus? 20. O Temerarium caput! quis es, obsecro, ut ausis Deo obloqui, & ab eo exigere rationem ejus, quod agit? Homines in manibus ejus sunt tanquam argilla in manibus figuli. Dicîtne argilla figulo, cur mihi hanc formam adaptas? 21. An ei non licet ex eâdem massâ formare aliud quidem vas ad honestos, aliud verò ad sordidos, fœdos, & impuros usus? Quid? non exigitur ratio operis ab opifice, sed integra ei dispositio relinquitur: tu verò eò impudentiæ progredieris, tam impius es, ut discutere velis motiva rationesque operum divinorum? 22. Potèstne Deum immortalē

*miseretur, & quem vult, indurat.*

19. *Dicis itaque mihi: quid adhuc queritur? voluntati enim ejus quis resistit?*

20. *O homo, tu quis es, qui respondeas Deo? numquid dicit figmentum ei, qui se finxit: quid me fecisti sic?*

21. *An non habet potestatem figulus luti ex eâdem massâ facere aliud quidem vas in honorem, aliud verò in contumeliā?*

22. *Quid si Deus vol-*  
R 2

*lens ostendere iram, & notam facere potentiam suam, sustinuit in multâ patientiâ, vasa ira, apta in interitum,*

23. *Ut ostenderet divitias gloriæ suæ in vasa misericordiæ, quæ præparavit in gloriam.*

24. *Quos & vocavit nos non solum ex Judæis, sed etiam ex Gentibus.*

25. *Sicut in Osee dicit: vocabo non plebem meam, plebem meam: & non dilectam dilectam: & non misericordiam consecutam, misericordiam consecutam.*

26. *Et erit: in loco, ubi dictum est eis: non plebs mea vos: ibi vocabuntur filii Dei vivi.*

lem iniquitatis vel impietatis insimulare, aut illi diem dicere, si ad ostendendam justam suam indignationem & potentiam in plectendis reprobis, postquam eorum flagitia multâ cum lenitate & patientiâ pertulit, tandem iis mortem ac supplicia præparata irrogat, quibûs sese dignos reddidêre sceleribus plenissimâ libertate commissis, sæpiusque repetitis? 23. Contrâ verò, ut ingentes gloriæ suæ divitias patefaciat in vasa misericordiæ, ea ad vitam sempiternam, gloriâque beatorum destinat? 24. Horum porrò de numero electorum Gentiles perinde vult esse ac Judæos, ut palàm ostendat, in hac electione se neque conditionem attendere, neque originem. 25. Juxta testimonium Osee cap. 2. populum, qui meus non erat, populum meum vocabo, & eam nationem, quæ dilecta non erat, eximiâ charitate complectar, quæque expers misericordiæ videbatur, singularem quandam misericordiam consequetur. 26. Itemque futurum planè est, ut quò loco populus erat à Deo prorsus alienus, & veræ religionis expers, ibi viventis, atque immortalis Dei plurimi filii ex illo ipso populo numerentur.

27. Idem annuntiat Isaias, quando deplorans calamitatem populi Israël: sic exclamat: si fuerit numerus filiorum Israël tanquam arena maris, reliquiae salvae fient, nempe perpauca ex tanto numero, 28. quos Deus ex eis seliget, ut participes reddat suae justitiae, adeo ut quis existimare posset, totam ferme stirpem penitus interiisse. Salus interim pauculorum istorum electorum singularis est effectus bonitatis divinae. 29. Etenim nisi Deo exercituum placuisset reliquias hasce (ut Isaias paulò ante testatur) à tanto naufragio servare, Sodomitis ac Gomorreis, qui omnes nullo propè excepto perierunt, fuissetur persimiles. 30. Quid igitur ex tot exemplis & praelectionibus deducemus? profectò nil aliud, quàm quod antea demonstrare intendi, videlicet, divinas pollicitationes adimpletas esse in personam Gentilium. quòdque ii, qui ejus notitiam carebant, qui de justitia, quae ei placere possent, ne quidem cogitabant, justitiam invenerint, & receperint, sed justitiam fidei. 31. Ex opposito, qui legem habebant magistratam justitiae, quique profitebantur se ejus sectatores, verae justitiae

27. *Isaias autem clamat pro Israël: si fuerit numerus filiorum Israël tanquam arena maris, reliquiae salvae fient.*

(a)

28. *Verbum enim consummans & abbrevians in aquitate; quia verbum brevium faciet Dominus super terram;*

29. *Et sicut prae-dixit Isaias: nisi Dominus Sabaoth reliquisset nobis semem, sicut Sodoma facti essemus, & sicut Gomorrha similes fuissetur.*

30. *Quid ergò dicemus? quòd gentes, quae non sectabantur justitiam, apprehenderunt justitiam: justitiam autem, quae ex fide est.*

31. *Israël verò sectando legem justitiae, in legem justitiae non pervenit.*

tiae (4) Isai. 10. R 3



32. *Quare? Quia non ex fide, sed quasi ex operibus: offenderunt enim in lapidem offensionis.* tix adipiscendæ rationem nequam invenisse. 32. Quam ob causam, interrogabit nonnemo? non ob aliam, respondeo, nisi quod ad justitiam non tenderent per semitam fidei, quâ solâ viâ eò pervenitur, sed per opera fidei, in quibus omnem suam fiduciam collocabant, cum eam fundare debuissent in Christo JESU. Neque satis ipsis erat, in eo non sperâsse: in lapidem etiam offensionis & scandali vertebant hanc petram, supra quam suæ salutis systema construere debuissent. Ad hunc porro lapidem Christum Dominum allisi contriti sunt. 33. Is ipse Isaias dilucidè, illud his verbis prædixerat: ecce pono in Sion lapidem offensionis, & petram scandali, & omnis qui credit in eum, non confundetur. (a) nempe quasi spe suâ delusus ac frustratus;
33. *Sicut scriptum est: ecce pono in Sion lapidem offensionis, & petram scandali: & omnis, qui credit in eum, non confundetur. (a)*
- (a) Iai. 8. & 28.

22 ) 0 ( 22

Pa

## PARAPHRASIS

## CAP. X.

1. **F**Ratres, nolite existimare, exprobrationes, quas Judæis facio, ex malevolentia vel odio provenire. Cor meum tenerrimo in eos affectu propendet, & Deum assidue pro eorum salute obsecro. 2. Imò in eorum laudem & gratiam libens attestor, eos habere zelum pro gloria Dei, sed splendide decipiuntur, quòd nesciant, quâ ratione illam promovere possint ac debeant. 3. Dum enim propriam justiciam pro fundamento ponere allaborant, eamque intra se ipsos requirunt, id est, dum fiduciam suam in propriis actionibus collocant, ignorant justiciam Deo acceptabilem, eamque minimè possident, quia semitam non tenent, quâ eò pervenitur, nempe semitam fidei. 4. Si legem probè intelligerent, quam identidem jactant, & ore verfant, scirent utique Christum Jesum non tantum finem illius esse, quippe ad quem figuræ omnes diriguntur, & universa lex Moysis refertur, sed etiam

1. *Fratres, voluntas quidem cordis mei, & obsecratio ad Deum, fit pro illis in salutem.*

2. *Testimonium enim perhibeo illis, quòd amulationem Dei habent, sed non secundum scientiam.*

3. *Ignorantes enim justiciam Dei, & suam quærentes statuere, justitia Dei non sunt subiecti.*

4. *Finis enim legis, Christus, ad justiciam omnim credenti.*

5. *Moyſes enim ſcripſit, quoniam juſtitiam, quæ ex lege eſt, qui fecerit homo, vivet in eâ.*

6. *Quæ autem ex fide eſt juſtitia, ſic dicit: ne dixeris in corde tuo: quis aſcendet in cælum? id eſt, Chriſtum deducere:*  
(a)

7. *Aut quis deſcendet in abyſſum? hoc*  
(a) Deut. 30.

etiam complementum ac perfectionem, quandoquidem juſtificando eos, qui in ipſum credunt, compendio facit, quod illa tantâ præceptorum ac rituum farragine præſtare non poterat. 5. Moyſes certè cum Levit. 18. de hac lege diſſerens pronuntiat, quicumque ea præſtiterit, quæ lege præciuntur, vitam habiturum in eâ, intelligendus eſt de perfectâ obſervantiâ, deque vitâ longè præſtantiori, quàm ſit naturalis, nempe de vitâ juſtitia.

6. At verò jam ſæpiùs oſtendimus, neminem poſſe legem perfectè ſervare ex viribus ac virtute ſolius legis: recurrendum ergò eſt ad fidem, quæ nobis hanc juſtitiam procurat obtinendo à Deo gratiam neceſſariam ad implendam legem, veniâque ſperando, ſi fors illam transgrediamur. Semita, quæ ad hanc juſtitiam fidei ducit, expedita eſt, neque quærentes illam tot ritibus, inhibitionibus ac mândatis onerat. O quisquis ad ejus conſecutionem invitariſ, ne dixeris intra teipſum: quis aſcendet in cælum? quaſi diceret: quis ex alto Chriſtum deducet ad aſſerendam nobis juſtitiam? 7. Nedixeris: quis intrabit abyſſos? eonem.

nempe consilio, ut Christum ab inferis revocet? Ne talibus, inquam, cogitationibus mentem fatiges, quod enim tibi videtur factu impossibile, jam factum est. 8. Credere id debes, cum tibi annuntiatur, omnia allegatione impossibilitatum, quas tibi fingis atque hoc verbum prono assensu recipere, quod (ut Scriptura de Veteri lege dicit) resonat in auribus tuis, & prope est in ore tuo ac corde. Hoc verbum adeo facile est ipsum Evangelium, quod predicamus. 9. Si ergo illud recipis, sique ore confiteris nomen Domini nostri Jesu Christi, si ex corde credis, id est, perfectam firmamque fide, cum ab inferis fuisse excitatum, hac fide tanquam salutis initio ac radice fore te salvum confidito. 10. Linguam a vobis postulo & cor, quia per fidem consequimur justitiam, confessione autem meremur salutem, quam Deus iis promittit, qui non erubescunt illum coram hominibus confiteri.

11. Divinarum namque litterarum oraculis certi reddimur, neminem, qui in eum crediderit, ullo unquam tempore confundendum aut decipiendum, 12. cumque Græcus per-

inde

*est, Christum à mortuis revocare.*

8. *Sed quid dicit Scriptura? prope est verbum in ore tuo: & in corde tuo: hoc est verbum fidei, quod prædicamus.*

9. *Quia si confitearis in ore tuo Dominum Jesum, & in corde tuo credideris, quod Deus illum suscitavit à mortuis, salvus eris.*

10. *Corde enim creditur ad justitiam, ore autem confessio fit ad salutem (a).*

11. *Dicit enim Scriptura: omnis, qui credit in illum, non confundetur.*

12. *Non enim est distinctio*  
S  
(a) *Isai. 28.*

*Etio Judæi & Græci,  
nam idem Dominus om-  
nium, dives in omnes, qui  
invocant illum.*

13. *Omnisenim, qui-  
cunque invocaverit no-  
men Domini, salvaverit.*  
(a)

14. *Quomodo ergo  
invocabunt, in quem non  
crediderunt? aut quomo-  
do credent ei, quem non  
audierunt? quomodo au-  
tem audient sine prædi-  
cante?*

15. *Quomodo verò  
prædicabunt, nisi mittan-  
tur? sicut scriptum est:  
quæ non speciosi pedes evan-  
gelizantium pacem, evan-  
gelizantium bona.* (b)

(a) Joel. 2. (b) Isa. 52.

inde ac Judæus hujus fidei capax sit, promissa merces utrumque æquali modò respicit. Itaque mirum videri non debet, si nulla inter eos detur aut fiat distinctio, quando idem est omnium Dominus, qui affluenter ac liberaliter cœlestes suas opes effundit in quosvis homines, qui suum nomen ac Numen ritè, religiosèque implorant. 13. Sic enim scriptum accepimus, quicumque nomen Domini invocaverit, sive is Gentilis sit, sive Judæus, fore sàlvum, quocirca mirari nemo jure potest, quòd ego Gentibus Evangelium promulgem, cum ipsæ etiam ad eorum numerum pertineant, qui ad invocandum nomen Domini invitantur. 14. Quomodo autem Gentes invocabunt eum in quem non crediderunt? quomodo credent in eum, si nunquam de eo loquentes audiant? quomodo autem audient de eo loquentes, si nulli sint prædicatores, qui eum annuntient? 15. Quomodo verò annuntiabunt eum, nisi mittantur: auctoritate legitimâ? Divinitus autem hoc Evangelicæ prædicationis munus de-mandatum est mihi, ut jure illud usurpare queam, quod scriptum est apud Isaiam: quàm speciosi pedes Evan-

Evangelizantium pacem, evangelizantium bona? nunquid enim non evangelizamus pacem hominum cum Deo? nunquid non annuntiamus bona, quando annuntiamus remissionem peccatorum, infusionem divinæ gratiæ, vitæ sanctimoniam, conscientiae tranquillitatem, & remunerationem sempiternam? 16. Sed objiciet fortasse nonnemo ex ipso Judæorum populo, cui potissimum Christus à Patre destinatus erat: si à Deo missi estis, cur non omnes obediunt Evangelio? imò cur paucissimi? Equidem non nego, hinc verò tantum abest, ut vel hoc maximè argumentò constet, eum esse Messiam in lege promissum, quippe de quo multò ante vaticinati sunt Prophetæ, fore illum etiam inter suos penè ignotum. Isaias enim cum de Christo sermonem haberet: Domine, inquit, quis nostris sermonibus fidem habuit? quod perinde est, ac si diceret: pauci admodum crediderunt verbis, quæ ex ore tuo audientes exceperimus. 17. Sive tamen pauci, sive multi crediderint, profectò ad amplectendam fidem Jesu Christi necesse est, quod ante dixi, audire prius de eâ loquentes, & con-

16. *Sed non omnes obediunt Evangelio. Isaias enim dicit: Domine quis credidit auditui nostro? (a)*

17. *Ergò fides ex auditu, auditus autem per verbum Christi.*

S 2

(a) Isa. 53.

18. Sed dico: num-  
quid non audierunt? &  
quidem in omnem terram  
exiit sonus eorum, & in  
fines orbis terra verba  
eorum (a).

19. Sed dico: num-  
quid Israël non cognovit?  
Primus Moyses dicit: e-  
go ad æmulationem vos  
adducam in non gentem:  
in gentem insipientem, in  
iram vos mittam (b).

20. Isaias autem au-  
det & dicit: inventus  
sum à non quærentibus  
me, palam apparui iis,  
qui me non interrogabant.  
(c)

21. Ad Israël autem  
dicit: tota dje expandi

(a) Pl. 18. (b) Deut.  
32. (c) Il. 65.

sequenter ut quis eam annuntiet au-  
thoritate & imperiò Dei. 18. Jam  
verò vos interrogo: quis est, qui non  
audierit hujus fidei promulgationem  
publicam? quandoquidem in om-  
nem terram apostolicæ prædicatio-  
nis fama pervasit, & ad extremos or-  
bis terræ fines Apostolorum verba  
penetrârunt.

19. Iterum vos &  
pressiùs interrogo, viri Israëlitæ: e-  
dicite, obsecro, an non & vobis an-  
nuntiata est fides Christi ut omnino  
necessaria ad salutem quibuscunque  
demum mortalibus? Moyses ante  
omnes ad litteram loquitur de ve-  
stris Majoribus, & spiritu propheti-  
co de vobis ipsis in hodiernum diem  
incredulis: ego vos æmulatione ac-  
cendam contra gentem, quam ne  
quidem nomine gentis dignam æsti-  
mabatis; ego vos ad iracundiam pro-  
vocabo contra gentem intelligentiæ  
expertem. 20. Isaias autem libe-  
riùs adhuc loquitur hæc pronunti-  
ans nomine Dei: inventus sum ab  
iis, qui me non quærebant, palam  
iis me conspiciendum præbui, qui  
de me ne interrogabant quidem. 21.  
Adversus hunc modum procedendi  
non est, quod musset ac conquæ-  
ratur Israël, ejus enim perditio aliun-  
de

de non provenit, quam propriâ ejus culpâ, in cujus rei comprobationem expendite, obsecro, quid per eundem Prophetam Deus loquatur de favoribus in eum congestis, & palmari ejus ingratitude: totâ die expandi manus meas ad populum non credentem, immorigerum, & imperiis meis obluſtancem. Hiſce profeſſò verbis innuere vult, quòd extenderit ad eum manus ſuas, ut ipſum ex amore complexu ſtringeret, quòd extrema quæque fecerit, quò eum ſibi devinciret, is autem nullum recipro-æ gratitudinis ſignum dederit, neque ei fidem habere, aut obtemperare ullâ ratione voluerit ſurdus ad omnia, & obſtinatus,

*manus meas ad populum non credentem, & contradicentem (a).*

## PARAPHRASIS

### CAP. XI.

**C**onſolatur Apoſtolus Judæos prædicendo eorum converſionem ſaltem in fine mundi.

1. At verò ſi hæc ita ſe habent, actum ergò eſt de integrâ Judæo-

1. Dico ergò: numquid Deus repulit popu-

rum (a) Iſai. 65. S 3



*lum suum? Absit. Nam & ego Israëlita sum ex semine Abraham de tribu Benjamin.*

2. *Non repulit Deus plebem suam, quam prae-sciuit. An nescitis in Eliâ, quid dicit Scriptura: quemadmodum interpellat Deum adversum Israël?*

3. *Domine, Prophetas tuos occiderunt, altaria tua suffoderunt: & ego relictus sum solus, & quarunt animam meam.*

rum natione, cui Deus tamen Optimus Maximus tam eximia promissâ dedit, tot favores exhibuit, ergò illam penitus à se rejecit, ut ne unus quidem ad salutem sempiternam capessendam admittatur. Absit, ut talem sequelam ex discursu præmissò quisquam inferat, nam & ego Israëlita sum, non profelytus, sed ex semine Abrahæ, & tribu Benjamin progenitus, & tamen veritas illuxit mihi. 2. Neutiquam ergò Deus populum suum penitus abjecit, quem olim ut suum ardentè dilexit, & favoribus innumeris cumulavit. Exemplum unius tantum hominis, reponetis mihi, non sufficit ad eximendam nobis omnem sollicitudinem. Jure itaque expectatis à me majorem auctoritatem, cui contradicere non valeatis. Etenim: produco vobis è sacris, Eliam ingenti divinæ gloriæ zelô correptum, qui hunc ferme in modum contra filios Israël amarè conqueritur, quòd à vero Numine recesserint ad adoranda Deorum simulacra. 3. Domine, Prophetas tuos occiderunt, altaria tua everterunt, & ego verò relictus sum solus ex omnibus tuis cultoribus, & impii tamen ac nefarii homines

mines vitæ meæ insidiantur quotidie.

4. Audite nunc etiam divini oraculi responsum : perfecti, inquit, ut superstitēs sint septem virorum millia, qui veram religionem fidemque retinentes idolo Baal genua non flexerunt.

5. Idem hodie dum accidit. Videtur tota gens mea in tenebris infidelitatis sepulta, neque spes superesse, eam aliquando inde eruendam, interea certum est, complures gratuitâ Dei electione ac bonitate ab hoc exitio præservatos & fidem Christi ac religionem complexos, cæteris Evangelio reluctanti-  
bûs. 6. Dixi, gratuitâ Dei electione, ne sibi perperam imaginentur, operibûs suis ac propriis meritis se aliquatenus hanc electionem consecutos. Et sanè

qui dicit gratiam, excludit omne meritum : gratia enim desinit esse gratia, si datur in mercedem vel stipendium alicujus actionis. 7. Qui autem contigit, quod non omnes filii Israël, qui gratiam quærebant, eam invenerint, sed solummodò illi, quos Deus elegerat, quod aliqui lumen veritatis agnoverint clarè, alii densissimis tenebris oppressos habuerint oculos, & mente in errore obstinatissimâ occalluerint? 8. Prædictum

4. *Sed quid dicit illi divinum responsum? Reliqui mihi septem millia virorum, qui non curaverunt genua ante Baal* (a)

5. *Sic ergo & in hoc tempore reliqua secundum electionem gratia salva facta sunt.*

6. *Si autem gratia, jam non ex operibus, alioquin gratia jam non est gratia.*

7. *Quid ergo? quod quærebat Israël, hoc non est consecutus: electio autem consecuta est: cæteri verò excæcati sunt.*

8. *Sicut scriptum est:*

id (a) 3. Reg. 19.

*dedit illis Deus spiritum compunctionis: oculos, ut non videant, & aures ut non audiant, usque in hodiernum diem* (a).

9. *Et David dicit: fiat mensa eorum in laqueum & in captionem, & in scandalum, & in retributionem illis* (b).

10. *Obscurentur oculi eorum, ne videant: & dorsum eorum semper incurva* (c).

11. *Dico ergo: numquid sic offenderunt; ut caderent? Absit. Sed illorum delicto, salus est gentibus, ut illos amarentur.*

(a) Isai cap. 29. (b) Pl. 68. (c) ibid.

id ante fuerat illis Isaiæ verbis: dedit illis Deus spiritum compunctionis, seu expertem omnis sensus, oculos, ut non videant, aures, ut non audiant usque in hodiernum diem, id est, permisit Deus, ut in poenam suæ infidelitatis surdi essent ad ejus vocem, & cæci ad ejus lumen, utque omni sensu destituerentur, quasi profundo quodam lethargo correpti. 9. In eundem sensum Propheta regius imprecatur illis: fiat ipsis mensa eorum pro laqueo, & tendiculâ, & offendiculo, & talione: 10. obtenebrentur oculi eorum, ut nihil penitus cernant, & terga eorum semper incurva, id est, pabulum spirituale, quod eis offeretur, pro eo, ut illos reficiat atque nutriat, nauseam potius moveat, & in venenum cedat. Lux excoecandi potius quàm illuminandi vim habeat, oculos humi defixos semper teneant, neque alia mente agitent, vel corde appetant, nisi terræ quisquilias ac sordes, ac denique flagitiorum suorum pondere pressi fatiscant. 11. Sed, inquires, adeone miseri impegerunt, ut cadentes à lapsu resurgere nequeant? Nequaquam. Calamitas, & ruina illorum non excludit omne remedium. Quin imò

imò contigit illa sapienti omnino ordinatione divinæ providentiæ, & fanè effectus est clementiæ ejus infinitæ. Cùm enim Gentes amplectantur gratiam Evangelii & salutem æternam consequantur ipsis exclusis, hæc illarum prærogativa pro acri stimulo servit excitandi in iis sanctam quandam æmulationem eam ipsam fidem recipiendi, quam modò despiciunt, ut participes se reddant benedictionum illis olim promissarum, quæ eo solùm ex capite in alios translatae sunt, quòd ipsi eas respuerint. 12. Jam verò si incredulitas eorum ansam Deo dedit vocandi Gentes, & divitias gratiæ suæ super eos effundendi, si depressio domesticorum, & pusillus numerus fidelium, ad quem reducti sunt, servivit ad attollendos exteros, eosque tanto numerò in Ecclesiam inducendos, quando econtrà prosperâ vicissitudine ingens multitudo eorundem Israëlitarum eam salutis doctrinam denique amplectetur, quam nunc quidem audire nolunt. Admiranda isthæc mutatio nunquid præpotens medium erit ad redigendas sub jugum fidei reliquias ipsorum infidelium, qui necdum veritati manus de-

12. *Quòd si delictum illorum divitiæ sunt mundi, & diminutio eorum divitiæ Gentium: quantò magis plenitudo eorum?*

13. *Vobis enim dico Gentibus; quamdiu quidem ego sum Gentium Apostolus, ministerium meum honorificabo.*

14. *Si quomodo ad æmulandum provocem carnem meam, & salvos faciam aliquos ex illis.*

15. *Si enim amissio eorum, reconciliatio est mundi: quæ assumptio, nisi vitæ ex mortuis?*

derint? 13. Sum quidem Gentium Apostolus, fratres mei dilectissimi, quicumque Romæ degitis, & ministerii mei partibus nequaquam deero, sed quâ potero fide ac sedulitate illud administrabo, quam tanti muneris mihi impositi dignitas requirit, fateor tamen, gentis meæ oblivisci me haudquaquam posse: 14. ejus salutem semper præ oculis habeo, & si tanto ardore feror ad ingenerandam vobis veritatis noticiam, si vos laudibus extollo ob fidem receptam, id ago, tum ut eos studiô vos æmulandi accendam, & aliquos ex eis in rectam salutis semitam reducam, tum ut vestrum bonum, & profectum in spiritu promoveam, ut vos excitem ad persistendum in firmitate fidei, ut honorem demum vobis jure debitum reddam. 15. Si enim Deo eos repudiante, ac derelinquente hæc reprobatio, uti jam meminimus, occasionem præbuit reconciliandi Gentes cum eo, quando postmodum eos dignabitur & Judæos in gratiam recipere, nunquid & eorum cum ipso reconciliatio felicius erit & uberius scaturigo vitæ spiritualis pro gentilibus, qui sub illud tempus adhuc in tenebris idololatriæ jacebunt,

atque adeo communicatō & his gaudio ac fidei bono mundus universus quodammodo reviviscet? 16. Neque verò existimare quisquam debet, generis aut sanguinis vitio fuisse Judæos ab immortalī Deo rejectos, nam quemadmodum panes primitiarum ritē oblati reliquis frugibus quamdam veluti sanctimoniam impertiunt, ita, cū eorum parentes, Patriarchæ nimirum atque Prophetæ quasi primitiæ quædam sancti fuerint, idem de totâ reliquâ massâ existimandum erit, & si illi veluti radix sanctitatem retinuerunt, cū necesse sit ramos naturam induere ac sequi suæ radicis, profectō successoribus tanquam quibusdam ramis eandem sanctitatem quasi succum vitamque transmiserint. 17. Quod si furculi nonnulli hujus arboris fracti sunt, aut excisi, vos, qui oleastri tantummodo eratis, Dei clementiā insiti estis pro ipsis trunco fidei horum Patriarcharum ac Prophetarum, ex quo si succum & pinguedinem olivæ attraxistis, id est, si ad noticiam veri Numinis pervenistis, & effectum promissionum illius consecuti estis, 18. nolite idcirco gloriari, & ramos genuinos despicere. Si enim in-

16. *Quod si delibatio sancta est, & massa: & si radix sancta, & rami.*

17. *Quod si aliqui ex ramis fracti sunt, tu autem cū oleaster esses, infertus es in illis, & socius radicis, & pinguedinis olivæ factus es.*

18. *Noli gloriari adversus ramos. Quod si glo-*

nem

T 2

*riaris: non tu radicem  
portas, se radix te.*

19. *Dices ergò: fra-  
cti sunt rami, ut ego in-  
scrar.*

20. *Bene: propter  
incredulitatem fracti  
sunt. Tu autem fide stas:  
noli aliud sapere, sed ti-  
me.*

21. *Si enim Deus  
naturalibus ramis non  
pepercit: ne fortè nec ti-  
bi parcat.*

22. *Vide ergò boni-  
tatem & severitatem*

nem gloriam exinde imprudenter  
captatis, illicò redarguemini, non e-  
nim vos radicem sustinetis, sed ra-  
dix potius vos sustinet, hæc porrò  
radix est gens Judaica, quemadmo-  
dum ergò furculi folia sua ac fru-  
ctus trunco suo aut radici debent,  
ita prærogativas vestras universas  
progenitoribus hujus populi debetis,  
quos tamen pro dignitate nimis pa-  
rùm æstimatis.

19. Non nemo fors  
reponet: fracti sunt rami, ut eorum  
locò inferar, jure ergò gloriari pos-  
sum respectu illorum. 20. Esto,  
fracti & avulsi sint propriæ infideli-  
tatis vitiò, te autem fide stare, dum  
illi prostrati & neglecti jacent. No-  
li propterea æstimatione propriâ ni-  
miùm extolli, noli te magnificentius  
circumspicere, sed potius metue, ne  
ipse quoque fortè abscindaris, & fa-  
vore excidas unde intumescis: sin-  
gulari potius sollicitudine, cuique de-  
spicientiâ fidem serva, quæ te mira-  
bili mutatione tam beatum reddidit,

21. Si enim Deus naturalibus  
ramis non pepercit, credisne cum  
sylvestribus acturum mitiùs? 22.  
Considera ergò attentè quâ benig-  
nitatem, quâ severitatem, hanc qui-  
dem in punitione eorum, qui in ma-  
lum

lum præcipientes ruerunt, illam verò in electione tui gratuità. Ut autem eam conserves, exhibere vicissim debes profundam animi demissionem, vitam ab omni labe puram ducere, & persistere in fide fortiter, aliàs ex hac arbore, in quam inisitione coauluisti, excideris perinde, ac Judæi.

23. Imò verò illi ipsi, qui jam veluti rami à trunco revulsi videntur, nisi in suâ infidelitate & obstinatione permanserint, denuo nativo trunco inferentur, cum eadem utique potestas Deo competat eos alterâ vice inferendi, quam habuit ad illos refecandos. 24. Quiscunque demum sis, ô pagane, hoc tibi neque mirum, neque difficile videri debet. Ut enim maneamus in eâdem similitudine, quam usurpavimus, si tu ex oleastro avulsus, postquam præter naturam, in veram ac germanam oleam es insitus, succum inde vitamque ducis, ac germinas, quamvis ea non sit prima ac naturalis tua parens, longè magis Judæi, qui sunt naturales & primigenii rami oleæ, germinabunt, si ei denuò inferantur. 25. Nolim enim celare vos fratres, grande aliquod magnique momenti arcanum, quod vobis jam insinuavi, &

*Dei: in eos quidem, qui exciderunt, severitate mente autem bonitatem Dei, si permanseris in bonitate, alioquin & tu excideris.*

23. *Sed & illi, si non permanserint in incredulitate, inferentur: potense est enim Deus iterum inferere illos.*

24. *Nam si tu ex naturali excisus es oleastro, & contra naturam insertus es in bonam olivam: quanto magis ii, qui secundum naturam, inferentur sua oliva?*

25. *Nolo enim vos ignorare fratres mysterium hoc: (ut non sitis vobis ipsis sapientes) quia*

aper-

T. 3



*cæcitas ex parte contigit in Israël, donec plenitudo Gentium intraret.*

26. *Et sic omnis Israël salvus fieret, sicut scriptum est: veniet ex Sion, qui eripiat, & avertat impietatem à Jacob (a).*

27. *Et hoc illis à me testamentum: cum abstergero peccata eorum.*

28. *Secundum Evangelium quidem, inimici propter vos: secundum electionem autem, charissimi propter patres,*

29. *Sine pœnitentiâ*  
(a) *Isai. 59.*

apertius modò declarare constitui. Obstinatio, & excoecatio mentis, quâ laborat pars aliqua filiorum Israël, neque omnibus in universum communis est, & durabit solummodò, usque dum Gentes omnes ovile Ecclesiæ ingressæ fuerint. 26. Tunc enim omnis Israëlitarum natio, quæ videbatur hætenus ex omni parte quasi derelicta, Christianis sacris perceptis revocabitur ad Ecclesiæ gremium secundum prædictionem Isaïæ: veniet ex Sion ille dudum expectatus liberator, & impietates Jacob abolebit, 27. atque hæc universalis abolitio pactum est, quod cum illis in eo. 28. Diffiteri quidem non possum, plures ex hoc populo Evangelio reluctantes, ejusque præconibus inensos ob vestram ipsorum salutem, vel ejus certè occasione inimicos Dei factos esse, reliquos tamen, quod attinet, quos ab æterno delegit, indubitatum est, propter sanctimoniam suorum Patriarcharum ac Prophetarum, quibus tot oracula & promissa sunt edita, eos illi perquam acceptos esse; Deus enim qui falli non potest, non est mutabilis in suis decretis: electio ipsius est immobilis: 29. ejus pro-

promissio idem est ac ipsa præstatio, *enim sunt dona & vocatio & promissi poenitentia in eo locum Dei.*

non habet. 30. Quemadmodum enim vos ipsi aliquando nullam in ipsum fidem habuistis, nunc autem istorum contumaciâ atque alienatione effectus bonitatis illius persentiscitis. 31. Pari ratione Judæi modò

in animum inducere non possunt, quòd ejus benignitas se ad vos extendere valeat, atque hoc fit provido optimi Dei consiliò, ut vestro exemplo ad parem fidelitatem excitati eandem misericordiam consequantur, quæ vobis fuit exhibita.

32. Sanè non abs re Deus permisit, ut omnes mortales infidelitatis caligine involverentur: dum enim in hoc misero statu etiamnum vocantur, ejus clementia magis magisque inclarescit, nec est, qui asseverare possit, se illâ non indigere. 33. O abyssus misericordiæ, sapientiæ, & scientiæ Dei! quàm incomprehensibilia sunt judicia ejus! quàm impenetrabiles sunt consiliorum divinatorum rationes! 34. Quis enim, (quæso) cognovit abditos divini mentis recessus? aut quis ei fuit à consiliis? 35. quis ei quidquam prior contulit, unde merito remunerationem expectet?

36. ei?

30. Sicut enim aliquando & vos non credidistis Deo, nunc autem misericordiam consecuti estis propter incredulitatem illorum:

31. Ita & isti nunc non crediderunt in vestram misericordiam; ut & ipsi misericordiam consequantur.

32. Conclusis enim Deus omnia in incredulitate: ut omnium misereatur.

33. O altitudo divitiarum sapientiæ, & scientiæ Dei: quàm incomprehensibilia sunt judicia ejus, & investigabiles viæ ejus!

34. Quis enim cognovit sensum Domini? aut quis consiliarius ejus fuit?

35. Aut quis prior dedit illi, & retribuetur?

36. ei?

36. *Quoniam ex ipso, & per ipsum, & in ipso* & 6. Omnia enim ab ipso tanquam auctore proveniunt, per ipsum tanquam conservatorem & custodem existunt, sunt omnia : ipsi gloria in sæcula. Amen. & ad ipsum ut extremum finem referuntur, quippe qui nihil facere possit nisi ad propriam suam gloriam. Ipsi ergo honor sit & gloria in sæcula. Amen.

# PARAPHRASIS

## CAP. XII.

1. *Obsecro itaque vos fratres per misericordiam DEI, ut exhibeatis corpora vestra hostiam viventem, sanctam, Deo placentem, rationabile obsequium vestrum.* 1. **P**ostquam vos edocui, quid intellectu credere vos oporteat, superest, ut vos etiam instruam, quid voluntate amplecti & exercere debeatis. Obtestor ergo vos per innumera gratiarum dona, quæ accepistis ab optimo Deo, ut ipsi imoletis corpora vestra tanquam hostias viventes, sanctas, & immaculatas. Olim sacrificia & victimas carniū accepit, nunc autem adorari vult in spiritu : hic solus est cultus rationi conformis, quem illi potestis reddere, & cor vestrum holocaustum est ei debitum. 2. *Et nolite conformari huic sæculo, sed reformamini* 2. Quandoquidem non amplius estis de hoc sæculo, nolite

te sequi ejus dictamina, neque ei assimi-  
lari. Quæ in eo sublimia ac magnifica,  
ne æstimetis, quæ blanda & speciosa,  
ne diligatis. Novum hominem induiti nova  
concupite desideria, nova principia.

Animati novo spiritu inquirite diligenter,  
quas actiones sanctas, perfectas, sibi-  
que gratas Deus à vobis exigit.

3. Assumpsit me in Apostolum,  
ut salutaria vobis monita darem, ne-  
que ante omnia pro fundamento  
quid salubrius solidiusque suadere pos-  
sum, quam animi demissionem. Omnes  
vos itaque etiam atque etiam hortor,  
ne sinatis vos nimiam vestræ  
capacitatis ac prudentiæ æstimatione  
fascinari: ne desideretis plus & aliter  
sapere, quam oportet, sed estote  
humiles atque modesti in quocun-  
que gradu vestræ scientiæ, non  
scrutantes mysteria fidei ambiciosam  
quadam curiositate, sed contenti noti-  
tiam vobis à Deo concessam, quando  
fidem recepistis, quæ est principium  
ac fundamentum omnium ejus gratiarum.

4. Quemadmodum corpus naturale  
pluribus membris constat, quæ sibi  
mutua obsequia præstant absque omni  
invidia, quod non eodem officio fun-  
gantur. 5. Ita corpus my-

mini in novitate sensus vestri: ut probetis, quæ sit voluntas Dei bona, & beneplacens & perfecta.

3. Dico enim per gratiam, quæ data est mihi, omnibus qui sunt inter vos: non plus sapere, quam oportet sapere, sed sapere ad sobrietatem: & unicuique, sicut Deus divisit mensuram fidei.

4. Sicut enim in uno corpore multa membra habemus, omnia autem membra non eundem actum habent:

5. Ita multi unum cor-

U

*pus sumus in Christo, singuli autem alter alterius membra.* mysticum Jesu Christi, quod est Ecclesia, complectitur plures fideles, qui diversos influxus à suo Capite recipiunt, & tamen aliqui aliis sint inferiores, mutuam tamen sibi opem operamque præstant tanquam membra ejusdem corporis.

6. *Habentes autem donationes secundum gratiam, qua data est nobis, differentes: sive prophetiam secundum rationem fidei.* 6. Si quis igitur donum prophetiæ sortitus est vel futura vaticinando, vel obscuriora sacrarum litterarum loca interpretando, utatur sanè illo in nomine Domini, attendat tamen, ne quid principii fidei, cui sermones ejus consonare debent, oppositum proferat.

7. *Sive ministerium in ministrando, sive qui docet in doctrinâ,* 7. Si quis ad ecclesiasticum ministerium promotus est, fungatur illo, ardenti zelô sollicitus, ut aliis serviat potius, quàm dominetur.

8. *Qui exhortatur in exhortando, qui tribuit in simplicitate, qui præst in sollicitudine, qui misereatur in hilaritate.* Si vocatus est speciali gratiâ ad munus docendi, doctrinam tradat incorruptam & ex omni parte sanctam. 8. Si donum accepit consolandi afflictos, utatur illo, cùm necesse, aut opportunum fuerit, si elemosynas publicas ac communes distribuendas accepit, fideliter ac discretè id præster consideratis præcisè necessitatibus indigentium absque acceptione personarum. Si provincia cui imposita est aliis invigilandi, eosque dirigendi, ne ex hac promotione effe-

effe-

effertur inani gloriâ, sed potius omnium sollicitudine ac industriâ subditos regat. Si constitutus est ad invifendos ægros, soletur illos animò vultûque hilari, modisque omnibûs juvet. 9. Atque hæc quidem ad singulos, cæterum ut jam alloquar universos, esto primum inter vos mutua charitas & benevolentia minimè ficta aut fucata. Deinde peccatum cane pejus & angue fugite, virtutem verò ita diligite ac colite, ut mens vestra videatur ei quodammodo agglutinata. 10. Mutuo vos amore, eoque ardenti ac fraterno stringite, certate invicem non in exigendis honoribus, sed ut quivis in iis exhibendis proximum suum præveniat. 11. Thesauros vobis copiosorum merituum in cœlis congregare indefessâ industriâ: attendite vobis ipsis, & quotidie de virtute in virtutem progressum facere studete. Ardore divini spiritûs plena sint in vobis omnia. Deum non tantum ut Dominum vestrum agnoscite, sed etiam ut talem reverenter & obsequiosè colite. 12. Quacunque calamitate non obstante spem bonorum vobis cœlicus promissorum tanquam anchoram tenete firmiter, eorumque

re-

9. *Dilectio sine simulatione. Odientes malum adherentes bono:*

10. *Charitate fraternitatis invicem diligentes; honore invicem prævenientes:*

11. *Solitudine non pigri: spiritu ferventes: Domino servientes:*

12. *Spe gaudentes: in tribulatione patientes: orationi instantes:*

13. *Necessitatibus san-  
ctorum communicantes :  
hospitalitatem sectantes,*

14. *Benedicite per-  
sequentibus vos: benedici-  
te, & nolite maledice-  
re.*

15. *Gaudere cum gau-  
dentibus, flere cum flenti-  
bus:*

16. *Id ipsum invicem  
sentientes: non alta sapi-  
entes, sed humilibus con-  
sentientes. Nolite esse pru-  
dentes apud vosmetipsos.*

17. *Null. malum pro*

II

recordatione gaudete & communi-  
si adversa premant, patientiam ex-  
hibete absque omni murmure & re-  
plicâ: orationi estote addictissimi.

13. De temporalibus commodis  
provide de sanctis, nempe pauperibus  
inter fideles: exteros hospitio fre-  
quentes excipite, & omni charitate  
foвете.

14. Bene precamini perse-  
quentibus vos, orate pro illis, ne ma-  
ledictionem pro maledictione redda-  
tis: charitas vestra in omnes for-  
mas se induat.

15. Gaudete cum  
gaudentibus, modò eorum læticia  
sit sancta, & honestati non repug-  
nans: flete cum flentibus.

16. Mens una, cor unum, lingua una ea-  
démque sit omnibus. Nolite supra  
alios extolli nimia vestra sagacitatis  
æstimatione, & vanâ contemplatio-  
ne rerum captum vestrum transcen-  
dentium, sed in omni opere exem-  
plum potius sequimini eorum, qui  
humilitate ac modestiâ præcellunt,  
neque refugite conversationem cum  
personis conditionis postremæ. Sa-  
pientiæ famam vobis ne arrogetis,  
neque de scientiâ vestrâ plus æquò  
præsumatis, quasi alienâ prudentiâ  
& consilio nullo modò indigi-  
17. Nunquam malum pro malo red-  
dite.

dite. Bonis operibus vos totos studiosè impendite non tantùm coram Deo, sed etiam coram omnibus hominibus, quos exemplò vestro edificare debetis. 18. Salvâ autem pietate & justitiâ omnem operam date, ne jurgia inter vos suboriantur, sed pax cum omnibus vigeat. 19. Si qua vobis infertur injuria verbo vel opere, fratres mei dilectissimi, vindictam ne ipsi assumite, sed altiori tribunali, nempe divino reservate, scriptum est enim: meum est ulcisci & plectere injurias, quas propter nomen meum vos perpeti contigerit. 20. Si quis hostili animò contra vos egerit, nolite par pari referre, sed si fame prematur, esurgentem pascite, si siti, refocillate, siquâ aliâ in re indiget vestris obsequiis, ea liberaliter ac libenter præstare. Hac ratione carbones ignitos congeretis super caput ejus, id est, amore illum ad vos redamandos incendetis. 21. Secus, dum vobis injuriam vel damnum irrogat si vindictam illico referre studebitis, ejus perversitas superior evadet bonitate vestrà. At verò in ejusmodi conflictu ista potiùs triumphare debet, & per constantem tolerantiam novis beneficiis atque favo-

*ri malo reddentes: providentes bona non tantùm coram Deo, sed etiam coram omnibus hominibus.*

18. *Si fieri potest, quod ex vobis est, cum omnibus hominibus pacem habentes:*

19. *Non vosmetipsos defendentes charissimi, sed date locum ira. Scriptum est enim: mihi vindicta; ego retribuam, dicit Dominus. (a)*

20. *Sed si esurierit inimicus tuus, cibus illum: si sitit, potum da illi: hoc enim faciens carbones ignis congeres super caput ejus.*

21. *Noli vinci à malo, sed vince in bono malo.*

U 3

(a) Deut. 32.



ribus illius malitiam atque ingratitude  
vincere, quod victoriæ genus  
Christianis duntaxat proprium est, &  
quodammodo eorum insigne.

# PARAPHRASIS

## CAP. XIII.

*1. Omnis anima po-  
testatibus sublimioribus  
subdita sit: non est enim  
potestas nisi à Deo: que  
autem sunt, à Deo ordina-  
ta sunt.*

**A** charitate & humilitate priori  
capite luculenter commenda-  
tâ transiit hic Apostolus ad obe-  
dientiam erga Superiores, tum  
ad charitatem rursus erga æqua-  
les, & inferiores, demum ad tempe-  
rantiam, continentiam, & mode-  
stiam erga se ipsum inculcandam.  
I. Satis non est novisse, quâ ratio-  
ne mutuum debeatis inter vos fovere  
commercium: cum in statu politi-  
co vivatis, necesse insuper est, ut di-  
scatis Magistratus ac Principes ve-  
stros debitâ observantiâ colere. Ne-  
minem excipio à subjectione hac  
æquissimâ, tantumque abest, ut E-  
vangelium juribus Superiorum sese  
opponat, vel subditos ab eorum obe-  
dientiâ eximat, ut potius nihil tam  
studiosè ac impensè iis commenda-  
rum

tum velit. 2. Quilibet ergò potestati superiori subditum se exhibeat, *potestati, Dei ordinationi resistit. Qui autem resistunt, ipsi sibi damnationem acquirunt :* atque morigerum, nulla enim in hoc terrarum orbe est, quæ non sit

& ordinata, ut adeo illi resistere perinde sit, ac resistere ordinationi divinæ, & tacitè respuere ejus dispositionem, quæ non potest non esse sapientissima, adeoque non in humano solum, sed multò magis in divino tribunali justæ damnationis sententiam incurrere. Argumentum hoc vim maximam habere deberet respectu eorum, qui profitentur verum Dei cultum. Si quos autem invenire est adeo vel hebetes, vel obstinatos, ut eò perparùm videantur moveri, considerent etiam atque etiam eorum repugnantiam impunè non abituram, nam præterquàm quòd divina Nemesis in eos suo tempore sit animadversura, indignatio contempti Principis etiam in hoc mundo debitum iis supplicium irrogabit.

3. Meruendum is se exhibet præcisè agentibus perperam, sique arcum desideras omnem à te metum superioris potestatis repellendi, paucis id te docebo. Observa leges ab eo constitutas, in eo gradu subjectionis,

*3. Nam principes non sunt timori boni operis, sed mali. Vis autem non timere potestatem? bonum fac: & habebis laudem ex illâ:*

4. *Dei enim minister est tibi in bonum. Si autem malum feceris, time: non enim sine causâ gladium portat. Dei enim minister est: vindex in iram ei, qui malum agit.*

5. *Ideo necessitate subditi estote non solum propter iram, sed etiam propter conscientiam.*

nis, in quo conditio nativæ originis te collocavit, persiste, omnem ei, quam debes, observantiam exhibe, non modò nihil habebis, quod metuas, sed meritò ab illo laudem ac etiam præmium referes, 4. tanquam ab eo, quo Deus ut Ministrò suo utitur ad te remunerandum. Si autem delictum patnaveris, tunc enimvevò jure tibi metuendum erit, nec enim sibi temerè Princeps gladium usurpat, sed eo legitimè utitur ad exterminandos facinorosos, sique Deum repræsentat in remuneratione actionum ex virtutis præscripto positarum, eundem quoque repræsentat in punitione flagitiorum tanquam ejus Minister, ac vindex. Hæc ratio, inquam, vos vel invitos compellere posset ad obtemperandum, at verò respectu mentium generosarum ac verè Christianarum neque sufficiens videtur, neque necessaria. 5. Itaque ad morem gerendum vestris Superioribus vos impensè hortor non tam ex eâ ratione, quòd necessitas vos eò adigat, quòd repugnantia vestra supplicio, à quo abhorretis, foret obnoxia, sed potiùs, quia Deus id à vobis reposcit, quia id ordinata rerum in hoc universo dispositio requi-

quiris, & vestra conscientia id præcipit. 6. Et sanè, cùm subditi sitis, ad iussu dominorum vestrorum exequenda ob id ipsum estis obstricti, & cur tributa penditis, nisi quia subditi? & jure quidem æquissimo, cùm enim Princeps constitutus sit à Deo ad procurandam & fovendam in populo tranquillitatem, ad vigilandum, dum is quiescit, ad eum tuendum pacis tempore à domesticis inimicis, bello autem vigente ab assultibus & læsionibus externis, jus habet omnino ad exigendam hanc grati & obstricti animi significationem, tum ut auctoritatem suam illibatam servet, tum ut rempublicam necessariis expensis sustentare valeat. Itaque hæc tributa diligenter persolvere.

7. Reddite ergò cuilibet, quod ipsi debetur, cui tributum præstandum est, tributum, cui vectigal solvendum, vectigal, cui reverentia metu mixta exhibenda, reverentiam, cui honor deferendus, honorem. 8. Industriam vestram omni officiorum genere ita aliis probate, ut nihil amplius à vobis exigi possit præter mutuam charitatem, ac benevolentiam, quam ita debetis singuli singulis, ut hoc debitum nunquam integrè expun-

*6. Ideo enim & tributa præstatis: ministri enim Dei sunt in hoc ipsum servientes.*

*7. Reddite ergò omnibus debita: cui tributum, tributum: cui vectigal, vectigal; cui timorem, timorem: cui honorem, honorem.*

*8. Nemini quidquam debeatis, nisi ut invicem diligatis: qui enim diligis proximum, legem implevit.*

9. *Nam: non adulterabis: non occides: non furaberis: non falsum testimonium dices: non concupisces: & si quod est aliud mandatum in hoc verbo instauratur: diliges proximum tuum sicut te ipsum.*

10. *Dilectio proximi malum non operatur. Plenitudo ergo legis est dilectio.*

11. *Et hoc scientes tempus, quia hora est jam nos de somno surgere. Nunc enim propior est nostra salus, quam cum credidimus.*

pungi valeat. 9. Lex Moïsaica suos sectatores prægravabat innumeris præceptis ac cæremoniis: lex Jesu Christi longè facilior est & compendiosior. Qui enim verè & ex animo diligit proximum suum, is quidquid lex præcipit, vitâ ac moribus præstitisse dicendus est. Siquidem illa: non mœchaberis, non occides, non furaberis, non falsum testimonium dices, & si quod aliud est divinum mandatum in hoc uno præcepto summatim comprehenditur, ut nimirum suum quisque proximum non aliter, atque ipse sese diligit. 10. Dilectio quippe proximi excludit omnem ejus offensam ac læsionem, & compendiô facit, ut lex tota servetur. 11. Quæ cum ita sint, operemur bonum, & quidem absque dilatione temporis hodie, venit enim hora, quâ absque ulteriori morâ, & tergiversatione consurgendum nobis est à somno peccati, & piis operibus omni animi contentione vacandum. Consummatio salutis nostræ per gloriam propior nunc est, quàm cum prima fidei rudimenta percepimus. Quare nihil remittendum est de primo illo ardore, quem tunc habuimus in exercitatione vir-

tu-

tutum, præcipue verò charitatis. 12. Nox infidelitatis præcessit, lumen fidei eam dispulit, & orto veluti die mentibus nostris affulsit. Vita, ætâsque præsens jam admodum prope est, magnisque passibus appropinquat dies illa tremenda æternitatis. Desistamus ergò ab illis operibus, quæ non nisi in abscondito exerceri solent, quæ opera sunt tenebrarum, & propria amantibus tenebras ac latibula, & novos mores, novamque vivendi rationem meridianæ luci congruentem instituamus. Corripiamus arma ad repellendam vim nostrorum adversariorum, hæc autem oportet splendescere, non enim satis est, ut nos protegant, sed radios quoque vibrare debent, qui nos illustres reddant, atque non tantum pro conflictu, sed etiam pro triumpho serviant. 13. Perinde ut in clarissimâ luce vitæ nostræ rationes componamus, compareamus & exhibeamus nos publicè eo habitu, situ, gestu, qui honestatem spiret, ruborem nullum nobis ingerat, & decorum servet coram spectatoribus, & arbitro nostri conflictûs. Tempus nostrum ne consumamus in convivorum luxu, & popinarum ni-

12. *Nox præcessit, dies autem appropinquavit. Abjiciamus ergò opera tenebrarum, & induamur arma lucis.*

13. *Sicut in die honestè ambulemus: non in comeſſationibus & ebrietatibus, non in cubilibus & impudiciis, non in contentione, & amulatione:*

14. *Sed induimini  
Dominum Jesum Chri-  
stum, & carnis curam ne  
feceritis in desideriis.*

dore : ejusmodi sordibûs ne inquî-  
nari patiamur, ad quas infrunita  
concupiscentia stimulat, quin ab iis  
etiam, quæ passim invalûere, longè  
abhorreamus, multò autem magis  
à monstis turpitudinum. Absti-  
neamus ab omni contentione mu-  
tuâ, & caveamus studiosissimè à qui-  
buscunque injuriosis disertiis in æstu  
iracundiæ. Neque livor neque æ-  
mulatio nos incendat illarum præ-  
rogativarum, quas in proximo no-  
stro suspicimus. 14. Denique ex-  
to veteri homine induamur ipso Chri-  
sto Domino velut cœlesti ac divino  
paludamentò eum videlicet imitan-  
do pro viribus, & mensurâ gratiæ  
nobis cœlitùs concessæ. Non pro-  
hibeo aliquam curam corporis ve-  
stri, sed illud tantùm postulo, ut  
ne obtemperetis inordinatis ejus sti-  
mulis, atque intempestivis desi-  
deriis.



Pa-

## PARAPHRASIS

## CAP. XIV.

**S**Uam hic mentem explicat Apostolus circa ciborum, dierumque certorum observationes. I. Quandoquidem unum omnes corpus constituitis, cujus caput est Jesus Christus, & religio, quam profiteri, animi demissionem pro fundamento habet, pax vobis & unio mutua diligenter servanda est, neque frenum laxandum fallaci imaginationi, ac æstimationi propriæ scientiæ aut prudentiæ. Consilium isthoc vobis do, quia ejus necessitas & occasio in vestra occurrit Ecclesiâ, in qua non omnes probè ac ritè intelligunt, quid exigat vel permittat libertas Evangelii. Quare si quis infirmus est, & non satis informatus fide Jesu Christi, quique legis Moisaicæ, in quâ vivebat ante Christianæ legis professionem, jugo nondum penitus excussò adhuc existimat, à certo ciborum genere etiamnum abstinendum sibi, certaque festa servanda, vos qui hujusmodi scrupulis jam libe-

*I. Infirmum autem in fide assumite, non in disceptionibus cogitationum.*



2. *Alius enim credit, se manducare omnia; qui autem infirmus est, olus manducet.*

3. *Is, qui manducat, non manducantem non spernat: & qui non manducat, manducantem non judicat: Deus enim illum assumpsit.*

liberi estis, talem ne ipseveritis, neque multum cum eo disceptetis exploraturi, [num rectè id faciat, nec ne, sed ejus fragilitatem æquis animis dissimulate, & ab ejus consortio ac communione nequaquam vos segregate. 2. Sunt, qui existiment, sibi omne genus eduliorum promiscuè permissum, sunt econtrà, qui oleribus tantum & radicibus pascuntur, ut securius agant, & longius absint à transgressione tot inhibitionum in Lege. Optarem equidem hanc opinionum repugnantiam inter vos sublatam, quia tamen tempus nondum maturum est huic malo inveterato medicinam applicandi, ferendum tantisper, & lenioribus utendum remediis, ne morbus exasperetur. 3. Itaque qui neglectâ legis antiquæ superstitione, atque inani ciborum delectu, quem illa præscribebat, absque scrupulo & discrimine quibûslibet vescitur, ne eum condemner, qui nonnullis abstinet: qui autem inter cibos discernit, & delectum facit, ratus hunc morem in Evangelicâ lege retinendum, cum pariter non redarguat, aut temerè judicet, qui liberè quibûscunque vescitur, Deus enim, qui ei mentem ab omni

omni scrupulo & anxietate liberam contulit, ipsum in famulum suum adscivit, & benevolentiam suam non indignum judicavit. 4. Quis autem tibi potestatem dedit judicium ferendi in alienum servum? Memineris proprio illum Domino, nempe supremo stare aut cadere, ab eo ipsum condemnari aut absolvi debere, quippe cui soli jus competat, recte an perperam egerit, non verò tibi, cui arcana cordis illius minimè patent, adeoque nec intentio, cujus proinde salus aut interitus ad te minimè pertinet. Deus, ad cujus jurisdictionem is tanquam ejus subditus unicè spectat, optimè noverit pro sua æquitate ac potestate ipsum absolvere & defendere contra eorum criminationes, qui ipsum tanquam profanum, & nullius religionis hominem respuunt, quòd cibos comedat, quos ipsi pollutos existimant, quia eam notitiam, quam ille, non habens de libertate & permissione fidei. 5. Præter hanc diversitatem opinionum circa esum ciborum, alia vobis controversia est circa differentiam dierum. Sunt enim qui aliquos solenniter celebrant, alii porò id minimè observant, Quando-

4. *Tu quis es, qui judicas alienum servum? Domino suo stat, aut cadit: stabit autem: potens est enim Deus statuerè illum.*

5. *Nam alius judicat diem inter diem: alius autem judicat omnem diem: unusquisque in suo sensu abundet.*

6. *Qui sapit diem, Domino sapit: & qui manducat, Domino manducat: gratias enim agit Deo. Et qui non manducat, Domino non manducat & gratias agit Deo.\**

\* Hæc tantum habentur in textu græco.

quidem autem in his non consistit Christianæ religionis substantia, pace meâ sequatur quilibet in hoc sensum ac dictamen conscientiæ suæ. Intentio tam horum, quàm illorum laudabilis esse potest, quare eorum actionibus neutiquam censuram inungere constitui. 6. Qui inter dies discrimen observat, haud dubiè animum habet honorandi Jesum Christum, quem scit tanquam Deum auctorem fuisse legis Mosaicæ, ad cuius etiam honorem omnes suas actiones refert (alter, qui hoc discrimen non observat, pariter pro suo scopo habet gloriam ejusdem Dei, qui hac in re eum exemit antiquæ observationis vinculô) qui promiscuè de omnibus comedit, quæ ei apponuntur, comedit ad gloriam Dei ei gratias referens, quòd sibi indulgeat usum omnium animantium in sustentationem vitæ suæ. Is pariter, qui à certo ciborum genere abstinet, quamvis in eo ostendat, se non adeo exquisitam habere noticiam, ad quid à religione suâ obligetur, id tamen facit ex piâ credulitate, Deum id præcipere, & reipsâ hac abstinentiâ eum honorare intendit: manducando quoque id, quod existimat non

non esse polutum, gratias Deo agit, quod ipsi aliqua saltem in suum nutrimentum animantia indulserit, quorum tamen usum absolute prohibere potuisset. 7. Nullus enim nostrum sibi ipse vivit, & nullus sibi ipse moritur, cum non simus arbitri vite nostrae, aut mortis. 8. Sive aurem vivimus, sive morimur, Dei ex asse sumus, & ad gloriam nominis ejus, quaecunque agimus, referre debemus omnia. 9. Et certe hanc potissimum ob causam Servator noster & mortem oppetiit, & denuo reviviscens vitam quandam immortalem adeptus est, ut hoc imperium in vivos & mortuos sibi assereret, in vivos, quos gratis suis cumulat, & in sortem elevat suorum cohæredum, in mortuos, quos ex corruptione sepulchri eruit, ut eos vitam donet sempiternam, ut adeo quocunque in statu homines fuerint, sui juris non amplius sint, nec de seipsis pro libitu disponere valeant. 10. Quare ergo tu, qui certis rebûs abstines, condemnas illum, qui non iis abstinet, & tu, qui probe scis, nihil eorum, quæ Deus creavit, pollutum esse, infirmitatem fratris tui, qui Dei jurisdictioni subest, tam parum curas, ut in

7. *Nemo enim nostrum sibi vivit, & nemo sibi moritur.*

8. *Sive enim vivimus, Domino vivimus, sive morimur, Domino morimur. Sive ergo vivimus, sive morimur, Domini sumus.*

9. *In hoc enim Christus mortuus est, & resurrexit: ut & mortuorum, & vivorum dominetur.*

10. *Tu autem quid judicas fratrem tuum? aut tu quare spernis fratrem tuum? Omnes enim stabimus ante tribunal Christi.*

11. *Scriptum est enim: vivo ego, dicit Dominus, quoniam mihi flectetur omne genu, & omnis lingua confitebitur Deo. (a)*

12. *Itaque unusquisque nostrum pro se rationem reddet Deo.*

13. *Non ergo amplius invicem judicemus: sed hoc judicate magis, ne ponatis offendiculum fratri, vel scandalum.*

in ejus præsentiâ vescaris cibis, quos ille ut pollutos abominatur, scandalum ei hac ratione præbens, & periculo exponens, ut id ipsum faciat contra propriam conscientiam, vel penitus relabatur ad pristinum Judaismum? 11. An nescis, comparituros omnes coram tribunali Jesu Christi secundum verba, quæ Isaias adducit: vivo ego, dicit Dominus, quia mihi sese flectet omne genu, omnisque lingua meam divinam Majestatem justis laudibus celebrabit & extollet, reddendo rationem actionum suarum tanquam communi omnium Domino ac Judici? 12. Suarum, inquam, non de aliorum vitâ ac moribus. 13. Itaque nobis ipsis deinceps attentis aliorum facta ne judicemus, quippe quod absque multiplici illusione & injuriâ fieri nequit, cum nobis explorata minimè sit fratrum nostrorum intentio, è quâ tamen pravitas vel rectitudo actionum dependet. Illud potius judicate & pro certo tenete, nunquam permissum esse dare occasionem offendiculi vel scandali proximo suo, ut à fide Christi quasi minùs religiosâ vestrâ intempestivâ libertate revocetur, vel exemplò vestro provocatus etiam relu-

(a) Isai. c. 45.

reluctante conscientia aliquid agat.

14. Equidem novi scientia infallibili, quam habeo ex ipsa Veritate, nempe Christo Iesu, nullum esculentum per se, ac naturam suam immundum esse atque inquinatum, neque desinere esse purum atque impollutam, nisi respectu illius, qui falsa persuasionem contrarium opinatur. 15. Nihilominus tibi hujus veritatis habenti notitiam ejus abusus minimè permixtus est, comedendo enim coram fratre tuo de iis, à quibus abhorret, ut illicitis, contra charitatem agis, quam ei debes. Accommoda te potius ejus ignorantia prudenti dissimulatione, cave, ne ipsum in precipitium infidelitatis impellas, noli pietatem omnem abjicere, & indiscretam libertatis tuæ ostentatione animam perdere, pro qua Iesus Christus vitam posuit. 16. Inimici crucis sacis superque exasperati sunt, pronique ad insultandum Evangelio, ne præbeas illis ansam novis id obrectationibus & maledictis impetendi per obstinatum tuam sententia defensionem, per exiguam attentionem ad eos, qui eandem tecum profitentur religionem, per dissensionem denique perniciosam, quam in

Eccle-

14. Scio, & confido in Domino Iesu, quia nihil commune per ipsum, nisi ei, qui existimat, quid commune esse, illi commune est.

15. Si enim propter cibum frater tuus contristatur: jam non secundum charitatem ambulas. Non licet cibo tuo illum perdere, pro quo Christus mortuus est.

16. Non ergò blasphemetur bonum nostrum.

17. *Non est enim regnum Dei esca, & potus: sed iustitia, & pax, & rebus essentialibus religionis, sed gaudium in Spiritu Sancto:*

18. *Qui enim in hoc servit Christo, placet Deo, & probatus est hominibus.*

19. *Itaque quæ pacis sunt, sectemur: & quæ adificationis sunt, in invicem custodiamus.*

20. *Noli propter escam destruere opus Dei. Omnia quidem sunt mundæ: sed malum est homini, qui per offendiculum manducat.*

21. *Bonum est non manducare carnem, &*

ecclesiâ iuicitas. 17. Extollerem laudibus zelum tuum, si ageretur de rebus essentialibus religionis, sed crede mihi, regnum Dei non consistit in escâ, aut potu, neque in usu aut abstinentiâ à certo esculentorum genere: in his neutiquam sita est perfectio, ad quam aspirare nos convenit, sed in innocentia, in concordia mutuâ, in sanctâ lætitiâ, quæ est inseparabilis à rectâ conscientia, & à solo Dei spiritu proficitur. 18.

Qui hunc in modum Christo Domino servit, acceptus est tum Deo, tum hominibus. 19. Sectemur igitur omni studiô, quæ ad pacem tum conciliandam, tum retinendam faciunt, quæque ad publicam ædificationem fideique propagationem maximè valent. 20. Nemo reperiat ex nobis, qui in discretionem suâ cibi causâ opus Dei destruat, id est, qui fratrem suum inducat ad id faciendum, quod non verit ejus conscientia neutiquam probari. Sæpius jam vobis insinuaui, nullum esse ciborum genus suapte naturâ immundum, quicumque tamen eorum usu scandalum suo proximo præbet, certò delinquit.

21. Quin imò præstat carnibus non vesci, à vino abstinere, & omni eo, quo

quo frater tuus, cujus conscientia infirma est, ac erronea, offendi posset, vel molestis animi angoribus percelli. 22. Repones mihi, te non esse adeo hebetem aut rudem, ut nescias, libertatem Evangelii te absolvere ab his scrupulis & distinctionibus faciendis. Acquiesce sane huic tuæ notitiæ, càmque tibi serva, neque propala in præjudicium ac detrimentum illius, qui tanquam simplicior actionem tuam in sinistram partem interpretabitur, & inde fors occasionem sumet attentandi aliquid contra proprium dictamen, & quod inde sequitur, peccandi contra principium toties jam inculcatum, 23. quòd is, qui comedit ex eo, quod existimat sibi haudquaquam permissum esse, Deum offendat, quoniam quidquid contra dictamen conscientiae vel eam hæsitante fit, peccatum est. Beatus ille, qui importunis his scrupulis liberatus sive vescatur, sive abstineat cibis, sive certa festa observet, sive non, in omnibus, quæ agit, ita se gerit, ut nullum intra se testem habeat, qui eum redarguat, neque iudicem, qui eum condemnet.

*non bibere vinum, neque in quo frater tuus offenditur, aut scandalizatur, aut infirmatur.*

22. *Tu fidem habes? penes te ipsum habe coram Deo: Beatus, qui non iudicat semetipsum in eo, quod probat.*

23. *Qui autem discernit, si manducaverit, damnatus est: quia non ex fide. Omne autem, quod non est ex fide, peccatum est.*



## PARAPHRASIS

## CAP. XV.

**H**ortatur omnes Apostolus, ut gratias Deo, pacem verò invicem habeant: subdit paucula de itinere suo proximo Ierusalem, Romam, & in Hispaniam.

1. *Debemus autem nos firmiores imbecillitates infirmorum sustinere, & non nobis placere.*

2. *Unusquisque vestrum proximo suo placeat in bonum, ad edificationem.*

3. *Etenim Christus non sibi placuit, sed sicut scriptum est: impropria impropertium tibi ce-*

1. Si cæteris peritiores, majorique scientiâ & fidei cognitione præditi sumus, plus etiam charitatis debemus ostendere in perferendis infirmitatibus eorum, qui rudiores sunt iisque sanctâ quadam & prudenti conniventia ac conformitate lucrands, & nullo modo nobis ipsis indulgere, sensui proprio obstinate adhærescere, ac vanâ complacentiâ de sapientiâ nost: à inaniter gestire.

2. Itaque unusquisque nostrum proximo indulgeat potius, eumque optima vitæ exemplis ædificare, & ad omnem virtutem inducere studeat.

3. Neque enim Christus, quem vobis ad imitandum tanquam præstantissimum exemplar propositum esse oportet, propriam gloriam quæ-

vit,

vit, suisve commodis consuluit, sed *ciderunt super me*  
illud potius, quod voluntati Patris (a)

sui consentaneum esse noverat, diligenter præstitit, injurias sibi privatim inflictas ex animo remisit, neque calumniis, quibus eum opprimere tentabant, commotus est. Si quando autem de honore ejus, qui ipsum miserat, ageretur, secundum Prophetam regium in ejus personam loquentem, blasphemiam, quæ effundebantur contra Patrem coelestem, recidebant in caput ipsius, id est, tanquam sibi impactas accipiebat. Ex hoc testimonio non tantum licet colligere zelum, quo pro honore sui Patris ardentissimo flagrabat Redemptor noster, & resignationem in ejus beneplacitum, sed etiam sanctam & benevolam complacentiam, quam à vobis requiro, perfectam animi submissionem in ordinationes divinæ providentiæ, ad quam vos impensè hortor, & sinceram commodorum vestrorum despicientiam, quam vobis summopere commendo. 4. Etenim sacrarum literarum monimenta, si attentè considerentur, ad vitæ nostræ eruditionem, morumque institutionem referuntur universa. Ex iis oportet

4. *Quæcunque enim scripta sunt, ad nostram doctrinam scripta sunt: ut per patientiam & con-*

con- (a) Pf. 68.

176 PARAPHRASIS IN EPISTOL. S. PAULI

*solationem Scripturarum* condiscere generosam rerum ad-  
*spem habeamus,* versarum perpeffionem, continuamque

5. *Deus autem pati-*  
*entia & solatii det vobis*  
*id ipsum sapere in alte-*  
*rutrum secundum Jesum*  
*Christum :*

6. *Ut, unanimes, uno*  
*ore honorificetis Deum,*  
*& Patrem Domini no-*  
*stri Jesu Christi.*

7. *Propter quod sus-*  
*cipite invicem, sicut &*  
*Christus suscepit vos in*  
*honorem Dei.*

8. *Dico enim Chri-*

in Deum fiduciam, ut nihil memo-  
rem de animi solatio atque oblecta-  
tione, quam ex Scripturarum lectio-  
ne maximam haurire & percipere  
possumus. 5. Hunc autem fru-  
ctum propriâ industriâ percipere  
non valet. Quare Deo supplico  
tanquam veræ scaturigini patientiæ,  
& lætitiæ interioris, ut vobis det spi-  
ritum pacis & concordiæ, quo ad-  
juvante præcepta & exempla eò col-  
limantia altâ mente reposta & im-  
pressâ mancant, 6. & ut ipsum uno  
corde & ore prædicantes honoretis  
tanquam Deum & Patrem Domini  
nostri Jesu Christi sine omni im-  
posterum discrepantiâ inclinatio-  
num, aut dictaminum circa obser-  
vantiam sive festorum, sive ciborum,  
sive quamcunque aliam rem. 7.  
Quamobrem unionem animorum  
ac conspirationem mutuam sedulo  
servate, quemadmodum Jesus Chri-  
stus non dedignatur vos amicitia suæ  
ac gratiæ reddere participes ad glo-  
riam Dei Patris. Intereff planè om-  
nium, ut reciproco honore, affe-  
ctu, & consensione quisque alte-  
rum prosequatur. 8. Quod enim  
Ju-

Judæos attinet, vobis, ô Gentiles, affirmo, JESUM Christum ad eos fuisse missum tanquam Ministrum veritatis, qui eis prius circumcisis & contrariis suum evangelium annuntiaret ad complendas divinas promissiones, quæ eorum Patribus sæpius iteratæ fuerant, & ad ostendendum, Deum neque fallere, neque instabilem esse aut mutabilem in decretis suæ providentiæ. 9. Quod Gentes autem concernit, ipsis quoque eandem fidei lucem gratiamque contulit, unde par est, ut immortales divinx clementiæ grates persolvant, ejusque laudes perpetuò celebrent, quò pariter eorum veritas appareat, quæ dudum antea sacri Vates prædixerant. Adducam eorum sententias, ne quilibet tantæ authoritati refragari ausit. Et rex David quidem nomine JESU Christi ita pronuntiat: propterea confitebor tibi in Gentibus Domine, & nomini tuo cantabo, nempe in gratiarum actionem pro Gentibus, quas ex præscripto voluntatis tuæ tecum in gratiam reduxi, & è tenebris suis erui. 10. Moyses exclamat: lætaminini Gentes cum populo ejus, illis enim perinde se manifestat, quemadmodum se illi

*sum JESUM ministrum fuisse circumcissionis propter veritatem Dei, ad confirmandas promissiones patrum;*

9. *Gentes autem super misericordiâ honorare Deum, sicut scriptum est: propterea confitebor tibi in Gentibus Domine, & nomini tuo cantabo. (a)*

10. *Et iterum dicit: lætaminini Gentes cum plebe ejus. (b)*

Z

(a) Ps. 117. (b) Deut. 32.

11. *Et iterum: Laudate omnes Gentes Dominum; & magnificate eum omnes populi.* manifestavit. 11. Alio Psalmô exultat David inquires: laudate omnes Gentes Dominum, & magnificate eum omnes populi. (a)

12. *Et rursus Isaias ait: erit radix Jesse, & qui exurget regere Gentes, in eum Gentes sperabunt.* (a) accedit Isaias, cujus verbis nil clarius, nil apertius: erit radix Jesse, & qui exurget regere Gentes, in eum Gentes sperabunt. 13. Quandoquidem ergò unum corpus omnes con-

13. *Deus autem spei repleat vos omni gaudiò, & pace in credendo: ut abundetis in spe, & virtute Spiritûs sancti.* stituitis, idemque objectum spei habetis universi, nempe Deum optimum Maximum, obsecro illum enixè, ut omni vos gaudiò repleat, & ex mentibus vestris penitus aboleat æmulationes illas ac dissensiones, quæ unitatem vestræ fidei dissolvunt, atque ita de virtute in virtutem progrediamini, & de die in diem spes firma evadat adhuc firmior virtute efficaci ac præpotenti Spiritûs Sancti. Si hæcenus tam varia vobis documenta ac monita dedi, id non ex eâ ratione factum, quòd crederem, neminem inter vos esse, qui hoc ipsum

14. *Certus sum autem fratres mei, & ego, ipse de vobis, quoniam & ipsi pleni estis dilectione, repleti omni scientiâ, ita ut possitis alterutrum monere.* præstare possit. 14. Non ignoro, fratres mei, complures esse, quibus nec scientia deficit ad communicandam vobis sanam doctrinam, neque charitas ad hoc obsequium vobis præstandum. 15. Scripsi autem

15. *Advociis autem*  
(a) cap. 11.

(a) Ps. 116.

VO

vobis, charissimi mei, satis cordatè, & terminis usus sum, ut fateor, fortassis duriusculis, id tamen potius egi ad revocandam vobis memoriam pristinae vitae, quàm ad eam vobis acerbius exprobandam. 16. Munus à Deo mihi impositum me ad hoc compulit, suà enim infinità bonitate me in Ministrum Jesu Christi elegit atque constituit, qui ejus Evangelium Gentibus prædicaret, tamque sancto ministerio ritè & ex ejus dignitate fungeretur, ut ita & Gentes dignæ redderentur, quæ Deo offerri possent tanquam hostia pura, immaculata, & per Spiritum Sanctum auctorem omnis sanctitatis dignè sanctificata. 17. Habeo igitur, unde per Jesum Christum gloriari queam, non quidem de rebus caducis atque mortalibus, sed de iis, quæ in meo ministerio præstiti, vel ut magis sobriè loquar, quæ ille per me præstitit. 18. Non enim sum tam arrogans, ut gloriam quæram ex iis rebus, quas Jesus Christus per me non operatus est ad subjiciendas sibi Gentes quâ prædicatione verbi sui, quâ miraculis, quæ quidem & mihi patrandi potestatem contulit, quâ aliis charismatis Spiritus Sancti,

*scripsi vobis, fratres, ex parte, tanquam in memoriam vos reducens: propter gratiam, qua data est mihi à Deo,*

*16. Ut sim Minister Christi Jesu in Gentibus, sanctificans Evangelium Dei, ut fiat oblatio Gentium accepta, & sanctificata in Spiritu Sancto.*

*17. Habeo igitur gloriam in Christo Jesu ad Deum,*

*18. Non enim audeo aliquid loqui eorum, quæ per me non efficit Christus in obedientiam Gentium verbò & factis,*

19. *In virtute signorum, & prodigiorum, in virtute Spiritus Sancti: ita ut ab Jerusalem per circuitum usque ad Illyricum repleverim Evangelium Christi.*

20. *Sic autem prædicavi Evangelium hoc, non ubi nominatus est Christus, ne super alienum fundamentum edificarem, sed sicut scriptum est:*

21. *Quibus non est annuntiatum de eo, videbunt: & qui non audierunt, intelligunt.*

22. *Propter quod impediebar plurimum venire ad vos, & prohibitus sum usque adhuc.*

23. *Nunc verò ulterius locum non habens in his regionibus, cupiditatem autem habens veniendi ad*

quibus & me liberalissimè cumulare dignatus est, ut eas ad veram religionem adducerem adjuvante divinâ gratiâ. 19. Itaque ab Jerosolymâ in Illyricum usque ex utraque parte Evangelium JESU Christi promulgavi, neque arbitror me prætermisissè quid, quod ad ejus fructum in hac provinciarum amplitudine multiplicandum, ubi nulla ejus erat notitia, usui potuisset esse.

20. Doctrinam enim prædicans cum ardenti desiderio eam passim propagatam cernendi diligenter nihilominus attendi, ne id facerem in iis locis, ubi JESUS CHRISTUS jam erat annuntiatus, ne super alienum fundamentum ædificarem, sed potius illam Prophetæ prædictionem verificarem: 21.

quibus non est annuntiatum de eo, videbunt, & qui non audierunt, intelligunt. Itai. 52. 22. Quod mihi hactenus remoram iniecit, quò minus ad vos inviserem, plurimis nempe occupationibus præpeditus. 23. Sed Deo sint laudes, cum non amplius in his regionibus locus occurrat, in quo jacienda sint fundamenta fidei, cumque ingenti flagrem desiderio à pluribus jam annis vos videndi, spero me brevè Romæ transiturum, & aliquam-

quamdiu ibi commoraturum, ut consuetudine vestrâ colloquioque ex parte recreer, & quodammodo explear, 24. priusquàm in Hispanias proficiam, quò confido nonnullos ex vobis comitandi gratiâ me secuturos. 25. Nunc quidem accinctus sum ad ineundum iter Hierosolymam allaturus fidelibus ibi de gentibus, qui omnes facultates suas in usum pauperum distribuerunt, eleemosynas corrogatas in Ecclesiis Macedoniæ & Achajæ, 26. qui expedire iudicarunt, ut collatio universalis fieret ex causâ adeo legitimâ.

27. Et sane gentiles omnes, quibus nunc ea felicitas obtigit credendi in Jesum Christum, eis sunt obstricti, & quia participes evaserunt donorum ac favorum spiritualium, qui illis promissi erant in personâ antecessorum, æquum etiam est, ut eis facultates temporaneas, quas possident, communicent, ad inopiam & egestatem sublevandam, id quod etiam liberaliter ac perlibenter præstitere. 28. Aliud ergò non superest, nisi ut eleemosynas mihi consignatas deponam in manus eorum, qui frui debent hac liberalitate, quo facto statim iter Romam versum ar-

vos ex multis jam præcedentibus annis.

24. Cum in Hispaniam proficisci cæpero, spero, quòd præteriens videam vos, & à vobis deducar illuc, si vobis primum ex parte fruius fuero.

25. Nuncigitur proficiscar in Jerusalem ministrare sanctis.

26. Probaverunt enim Macedonia & Achaja, collationem aliquam facere in pauperes sanctorum, qui sunt in Jerusalem.

27. Placuit enim eis: & debitores sunt eorum. Nam si spiritualium eorum participes facti sunt Gentiles: debent & carnalibus ministrare illis.

28. Hoc igitur cum consummavero, & assignavero eis fructum hunc: per vos proficiscar in Hispaniam.



29. Scio autem, quoniam veniens ad vos, in abundantia benedictionis Evangelii Christi veniam.

30. Obsecro ergo vos fratres per Dominum nostrum Jesum Christum, & per charitatem sancti Spiritus, ut adjuvetis me in orationibus vestris pro me ad Deum,

31. Ut liberer ab infidelibus, qui sunt in Judæa, & obsequii mei oblatio accepta fiat in Jerusalem sanctis,

32. Ut veniam ad vos in gaudio per voluntatem Dei, & refrigerer vobiscum.

33. Deus autem pa-

ripiam ad proticiscendum inde in Hispaniam. 29. Hanc videndi & alloquendi vos occasionem avidissime dudum suspiro, speroque sub adventum meum Deum optimum summis precibus à me implorandum exhibiturum vobis novos quosdam favores, vestram vicissim vivendi rationem sanctæ professioni omnino conformem apparituram, ac denique propensos vos etiam futuros ad sublevandos pauperes perinde ac eos, de quibus antea memini. Nihilominus mihi non constar, an & quæ remoræ profectionem meam suspendere valeant.

30. Quare obsecro vos, dilectissimi fratres mei per Jesum Christum Dominum nostrum, cujus sum Minister, & per charitatem, quam Spiritus Sanctus in cordibus vestris diffudit, ut me vestris orationibus adjuvetis, 31. earumque præsidio mecum impensè contendatis apud Deum, ut me præferret incolumem ab insidiis quas infideles in Judæa mihi struere possunt, utque 32. post eleemosynas, quas collegi, inter egenos magno eorum solatio distributas ad vos tuto venire possim refrigerii inter nos captandi gratiâ. 33. Interea Deum pacis a-

ma-

matorem & auctorem supplex rogo, *cis sit cum omnibus vobis.*  
 vos omnes mutuâ charitate conjun- *Amen.*  
 ctos perpetuò teneatur ac servet.  
*Amen.*

# PARAPHRASIS

## - CAP. XVI.

**P**ost varias salutationes claudit  
 epistolam S. Paulus gratiarum  
 actione, & faustâ appreciatione.

1. Interea commendo vobis Phœ-  
 ben sororem nostram in Domino,  
 quæ sese in obsequium Ecclesiæ  
 Cenchrensis diligenter impendit.  
 2. Excipite eam omni charitate, quâ  
 par est eam recipi ab illis, qui eandem  
 doctrinam ac religionem profiten-  
 tur, quique ex nomine suo ad san-  
 ctitatem vocati sunt. Si quâ in re  
 ope vestrâ indiget, eam illi benevo-  
 lè præstare, quantum quidem pote-  
 ritis, in grati animi memoriam ob  
 ea obsequia, quæ complures Dei fa-  
 muli in variis occasionebus ab eâ ac-  
 ceperunt, quos inter meipsum profi-  
 teor ejus beneficentiæ plurimum ob-  
 strictum, multis enim ipsa, mihi quæ  
 etiam

1. *Commendo autem*  
*vobis Phæben sororem*  
*nostram, quæ est in mini-*  
*sterio Ecclesiæ, quæ est in*  
*Cenchris.*

2. *Ut eam suscipiatis*  
*in Domino dignè sanctis:*  
*& assistatis ei, in quocun-*  
*que negotio vestri in-*  
*digerit: etenim ipsa quo-*  
*que assistit multis, & mi-*  
*hi ipsi.*

3. *Salutate Priscam, & Aquilam adjutores meos in Christo Jesu;*

4. *(Qui pro animâ meâ suas cervices supposuerunt: quibus non solum ego gratias ago, sed et cuncta Ecclesiæ gentium)*

5. *Et domesticam Ecclesiam eorum. Salutate Epænetum dilectum mihi, qui est primitivus Asia in Christo.*

6. *Salutate Mariam, quæ multum laboravit in vobis.*

7. *Salutate Andronicum, & Juniam cognatos & concaptivos meos: qui sunt nobiles in Apostolis, qui & ante me fuerunt in Christo.*

8. *Salutate Ampliatum dilectissimum mihi in Domino.*

9. *Salutate Urbanum,*

etiam ipsi hospitium præbuit, & semper ejus ædes hospitibus ac peregrinis quasi publicè patuerunt. 3. Salutate ex me Priscam & Aquilam adjutores meos in prædicatione, 4. qui pro salute ac vitâ meâ suam ipsorum cervicem opposuerunt, quibus non solum ego gratias ago, sed omnes Ecclesiæ Gentium eo se nomine plurimum debere & agnoscunt, & fatentur. 5. Salvere item jubeo eorum familiam admodum piâ, nec non charissimum meum Epænetum, quem meritò Asiæ minoris primitias in Christo appellare possum, sive quia primus inter omnes Christo nomen dedit, sive quia tanquam vir primarius eminet inter omnes. 6. Eâdem salute imperior Mariam, quæ nulli labori pepercit ad fovendam nostram prædicationem, nostrique curam habuit per diligentem. 7. Præterea Andronicum & Juniam cognatos meos, & olim unâ mecum captivos, qui crediderunt in Christum ante me, & inter Apostolos præclara multa & laude dignissima gessere. 8. Ampliatum per dilectum mihi in Domino. 9. Urbanum, qui assistit mihi in meo ministerio, & Stachyn charum

rum mihi in paucis. 10. Appellen, *torem nostrum in Christo*  
 quem tanquam virum antiquæ pro- *Jesu, & Stachyn dile-*  
 bitatis veneror. 11. Salvere etiam *ctum meum.*  
 jubeo domesticos familiæ Aristobuli, 10. *Salutate Apellen*  
 & Narcissi, qui Christo adhærent, *probum in Christo.*  
 item Herodionem cognatum meum. 11. *Salutate eos, qui*  
 12. Tryphænam & Tryphosam, & *sunt ex Aristoboli domo.*  
 dilectam meam Persidem, quæ in- *Salutate Herodionem*  
 genti ardore dilatationem Evange- *cognatum meum. Salutate*  
 lii promovent, & pauperibus assi- *eos, qui sunt ex Narcis-*  
 stunt. 13. Nec non Rufum, cujus *si domo, qui sunt in Do-*  
 eximia est inter fideles pietas, ejus- *mino.*  
 que matrem, quam non aliter ac 12. *Salutate Trypha-*  
 meam matrem observo & colo. *nam & Tryphosam, qua*  
*laborant in Domino. Sa-*

14. Asyncritum, Phlegontem, *lutate Persidem charissi-*  
 Hermam, Patrobam, Hermen, cæ- *mam, qua multum labo-*  
 terosque fratres, qui unâ cum illis *ravit in Domino.*  
 sunt. 15. Philologum, & Juliam, 13. *Salutate Rufum*  
 & Nereum, & sororem ejus, & O- *electum in Domino, &*  
 lympiadem, & denique sanctos om- *matrem eius, & meam.*  
 nes, qui cum iis vivunt. 16. De- 14. *Salutate Asyncri-*  
 nique ut aliquando concludam, sa- *tum, Phlegontem, Her-*  
 lutate alii alios osculô sancto, nam *mam, Patrobam, Her-*  
 vos quidem omnes cunctæ Ecclesiæ *men, & qui cum eis sunt,*  
 Christi salvere jubent. Hanc *fratres.*  
 testificationem recordationis eorum 15. *Salutate Philo-*  
 permagni æstimate, his in spiri- *logum & Juliam, Nere-*  
 Aa tuum & sororem ejus, &

*Olympiadem, & omnes, qui cum eis sunt, sanctes.*

16. *Salutate invicem in osculo sancto. Salutant vos om-*  
*nes Ecclesia Christi*

17. *Ego autem vos fratres, ut observetis eos, qui dissensiones & offensus dicula, prater doctrinam, quam vos didicistis, faciunt, & declinate ab illis.*

18. *Hujuscemodini enim Christo Domino nostro non serviunt, sed suo ventri: & per dulces sermones & benedictiones seducunt corda innocentium.*

19. *Vestra enim obedientia in omnem locum divulgata est. Gaudeo igitur in vobis. Sed volo vos sapientes esse in bono, & simplices in malo.*

20. *Deus autem pacis conterat Satanam sub pedibus vestris velociter. Gratia Domini nostri Jesu Christi vobiscum.*

tu vos acutè conjungite. 17. Oblecto autem vos, fratres, ut observetis eos, qui discordes vos volunt, & nova dogmata committuntur, ac inter vos disseminant ei doctrinæ repugnantia, quam vos pridem didicistis: eorum consuetudinem ac familiaritatem, addo etiam, colloquium aspectumque longissimè fugite.

18. Nam qui ejusmodi sunt, Domino Jesu Christo nequaquam serviunt, sed potius suo ventri, blandisque suis sermonibus, & laudibus adulatoriis seducunt animas simplices, quæ eorum rethoras artesque non animadvertunt.

19. Vestræ porro obedientiæ fama ad omnes ferè gentes penetravit: itaque quod ad vos attingit, est profectò, quod magnopere gaudeam, quippe qui vos in Christo Jesu ardentè diligo, iterum tamen, iterumque admonéo, ut in rebus quidem bonis atque honestis cauti sitis atque prudentes, in malis autem planè innocentes.

20. Deus pacis ad id vobis gratiam suam largiatur, qui, ut auguratur animus, Satanam, ac quoscunque alios Evangelii advers-

versarios. brevi conterer, pedibus-  
que vestris substernet. Gratia  
Domini nostri Jesu Christi ma-  
neat vobiscum. 21. Salutem vo-  
bis dicunt Timotheus meus præ-  
dicatione socius, Lucius, Jason, &  
Sospater cognati mei. 22. Ego  
verò Tertius amanuensis, qui  
hanc epistolam scripsi, vos pluri-  
mum in Domino salvere jubeo.  
23. Salutat vos Cajus hospes me-  
us, imò verò totius Ecclesiæ hu-  
jus loci. Itémque Erastus urbis  
procurator, & Quartus denique  
frater. 24. Idipsum facio, & ex  
animo denuo precor, ut gratia  
Domini nostri Jesu Christi vobis  
omnibus adsit, semperque opitu-  
letur. 25. Illi autem, qui con-  
firmare vos potest ac stabilire in  
fide Evangelii, quod vobis an-  
nuntiavi, quòdque olim mundo  
ignotum, & ante omnem æter-  
nitatem arcano quodam silentio  
involutum, 26. nunc patefactum  
est per sacra Prophetarum ora-  
cula, & per universum orbem  
promulgatur ex imperio immor-  
talis Dei, ut omnes omnino Gen-  
tes ad Christi fidem traducantur.

21. Salutat vos Ti-  
motheus adjutor meus,  
& Lucius, & Jason, &  
Sospater, cognati mei.

22. Saluto vos ego  
Tertius, qui scripsi episto-  
lam, in Domino.

23. Salutat vos Cajus  
hospes meus, & univer-  
sa Ecclesia. Salutat vos  
Erastus arcarius civita-  
tis, & Quartus frater.

24. Gratia Do-  
mini nostri Jesu Chri-  
sti cum omnibus vo-  
bis. Amen.

25. Ei autem, qui po-  
tens est vos confirmare  
juxta Evangelium me-  
um, & prædicationem  
Jesu Christi, secundum  
revelationem mysterii  
temporibus æternis ta-  
nenti,

26. (Quod nunc pate-  
factum est per Scripturas  
Prophetarum secundum  
præceptum æterni Dei ad  
obedientiam fidei) in

27. cunctis Gentibus cogniti,

A a 2

27. *Soli sapienti Deo*, 27. illi ipsi, inquam, Deo, qui  
per *JESum Christum*, cui solus est sapiens, sit gloria, ho-  
nor & gloria in sac- nor, & laus in omnia sæcula per  
la sæculorum, *JESum Christum* ejus  
*Amen.* filium.

A M E N.



AR-



# ARGUMENTUM

## EPISTOLÆ PRIMÆ D. PAULI

AD

### CORINTHIOS.

**P**ostquam D. Paulus Evangelii doctrinam Atheniensibus prædicatione publicâ exposuerat, Corinthum se con-  
lit eâ tempestate Achajæ metropolim, & Græciæ de-  
cus. Substitit ibi per selsquiannum, atque intra hoc sat pro-  
lixum commorationis tempus numerosam admodum Gen-  
tilium multitudinem ad Christi fidem traduxit, quod du-  
dum ante revelatione quapiam cœlesti præviderat, uti Lu-  
cas commemorat in Actis Apost. cap. 18. Ubi autem ita  
exigente Ministerio suo Apostolico in alias Græciæ urbes  
avocatus est, Corinthii ex negotiatorum frequentâ, & ex-  
teriorum affluxu prædivites facti, & inde luxu ac deliciis cor-  
rupti haud ita multò post à primo fervore desciverant, do-  
ctrinamque sibi à Gentium Doctore annuntiatam vix non pro-  
fundâ oblivione sepeliverant. A novis siquidem Evange-  
lii præconibus, qui à discessu Apostoli supervenerant, & co-



piosâ, floridâ, atque ornatâ eloquentiâ eorum aures demulcebant, fascinati Paulum, cujus oratio gravis, nervosâ, atque Evangelicæ sanctitati conveniens erat, despicere cœperunt, & fastidire, præsertim ubi Apollo virum sacrarum litterarum peritiâ eximium, & eloquiô facundissimum perorantem tantisper audierant. Quandoquidem autem hæc labes nondum omnes hujus Ecclesiæ fideles afflaverat, invenire etiamnum erat nonnullos, qui partes Gentium Apostoli strenuè ruerentur. Inde subortum periculosum schisma, & persuasio quædam falsissima paulatim invaluerat, baptismi Sacramentum plus minúsve efficaciar virtutisque habere pro ratione majoris, minorisve sanctitatis, ac dignitatis eorum, qui illud administrarent. Huic errori paulatim accesserant alii atque alii, cò demum progressâ sive morum licentia, sive mentis vrsania, ut passim ad sacram Eucharistiam indigni & sacrilegi sine scrupulo accederent, & de resurrectione mortuorum non parùm addubitarent. D. Paulus, qui tum temporis Ephesi morabatur, de tristi hac & mutatâ rerum facie certior ab iis redditus, qui doctrinæ à se prædicatæ integram etiamnum illibatamque fidem servaverant, cùm Corinthios suos amaret tenerrimè, hanc ad eos mox epistolam dedit per Thimotheum per dilectum suum discipulum, ut eos denuo in rectam semitam reduceret, unde adeo turpiter deflexerant.

Capite 1<sup>mo</sup>. præmissis consuetis salutationibus dissensiones inter eos gliscientes redarguit, quæ scaturiebant ex cœcâ quadam & immoderatâ in suos Magistros propensione, nec non ex persuasione illâ imbibitâ, quòd baptismus vim suam atque virtutem omnem ex meritis illum conferentium hauriat. Hortatur illos postmodum ad comprimenda, & tollenda hæc animorum dissidia, ostenditque, qui verbo-

borum lenocinia, & ingenii lusus atque acumina in prædicando sectantur, eos planè imperitos esse Evangelicæ doctrinæ pro dignitate & cum fructu tractandæ, Deum siquidem consultò in Apostolos adeoque Evangelii sui præcones elegisse homines rudes, ut factum confunderet sapientiæ humanæ, cùmque fides Christiana principiis philosophicis è diametro sit opposita, diversâ longè ratione eam prædicandam esse, nimirum non tam ingenii, artificiique oratorii studiosâ ostentatione, quàm adminiculò & virtute signorum, operumque naturæ vires transcendentium.

Capite 2do. à thesi ad hypothefin progressus Corinthiis in mentem revocat modum, quem maximo cum fructu tenuit in prædicatione doctrinæ evangelicæ, nempe ab eo longè alium, quem ipsi modò tantopere sed imprudenter suspiciunt, atque dilaudant. Monet præterea mysterium crucis absconditum esse à sapientibus hujus sæculi, solique divino spiritui proprium esse, fidei, adeoque veræ solidæque sapientiæ arcana revelare. Postremò manifestum ostendit discrimen inter hominem animale, sive illum, qui naturæ tantummodo ductum sequitur, & spirituale, seu spiritu Dei, & altiori fidei lumine præditum.

Capite 3tio. Corinthios denuo corripit, quòd nimio partium studiò quibusdam sacris oratoribus adhærescerent fascinati eorum eloquentiâ, quæ sophistam magis sapiat deceatque, quàm Ministrum Evangelii. Admonet eos, Deo imprimis acceptas referendas esse gratias omnes, quibus fruerentur, homines ei tantum pro instrumentis servire tanquam supremo artifice, qui ultimam demum operi perficiendo manum imponat. Postmodum differentiam explicat inter concionatores melioris, & deterioris notæ, quæve ratione dicta eorum & gesta aliquando discutienda sunt, ac  
pro

pro meritis vel remuneranda, vel plectenda. Sancti Patres diversimodè exponunt aurum, argentum, lapides preciosos, lignum, fœnum, & stipulam, de quibus mentio occurrit v. 13. Divus enim Chrysostomus, Theodoretus, Theophylactus, Oecumenius & Augustinus existimant, Christianos omnes architectos esse, qui ædificant supra fundamentum fidei, quòdque eorum opera meritoria significantur per aurum, argentum, & gemmas, quemadmodum vitiosa per lignum, fœnum & stipulam. D. Ambrosius, Hieronymus, Doctor Angelicus, D. Anselmus, & Dionysius Carthusianus, ac Recentiores complures hoc textu intelligunt solos divini verbi præcones, quibus etiam accedo, cum persuasum habeam, hunc sensum esse magis litteralem, & intentioni Apostoli conformem, qui meâ quidem sententiâ hoc capite præcipuè destinavit Corinthi prædicatores perstringere, qui ad aucupandam suorum auditorum gratiam, quod & hodièdum fit, læci Evangelii dogmata phaleratâ potiùs & ingeniosâ declamatione, quàm solidâ utillique instructione proponebant. Opiniones quoque interpretum supra 14. & 15. versiculum magopere variant. Sunt enim, qui per ignem, cuius ibi fit mentio, purgatorii rogam intelligant, alii præsentis vitæ calamitates, quæ sunt probationes veræ fidei. S. Augustinus cap. 68. sui Enchiridii hanc tenet sententiam. Utcunque res se habeat, in hæsi metaphoræ Apostoli, cumque Ecclesia liberum cuilibet reliqueris, utrumlibet ut amplecteretur sensum, illum prætuli, qui meo quidem iudiciò, cuius imbecillitatem non diffiteor, litteræ pressius insisteret. Nolim illum tamen pertinaciùs defendere, sed Ecclesiæ iudicio reverenter submitto. Ad finem capitis in pseudo-apostolos gravi oratione invehitur, qui auctoritate & scientiâ suâ ad inanem pompam & ostent-

ostentationem abusi materiam suppeditabant dissidiis, factionibusque turbulentis, ac proinde indignationem divinam illis comminatur, si pergant auditores suos verborum blanditiis corrumpere, qui sunt templa supremi Numinis ad ejus solius honorem & gloriam consecrata per Spiritum Sanctum pacis & concordiae mutuae auctorem.

Capite 4to. hortatur Corinthios ad debitam sinceris Evangelii Ministris observantiam, veracique sinistrum quidquam de iis suspicari. Subin eos reprehendit, quod inanem gloriam aucupentur ex sacris charismatis in baptismo acceptis, cum potius Deo bonorum omnium largitori singulares propterea gratias debeant. Illorum concionatores exagitat, & ironiâ quâdam perappositâ differentiam exprimit inter genuinos & pseudodoctores. Concludit demum contestando paternam suam in eos benevolentiam, sancteque pollicendo, se brevi ad eos venturum, ut mendacii illos redarguat, qui contrarium in vulgus sparserant, omniâque disponat, prout in Domino visum fuerit.

Cap. 5. invehitur in publicum incestuosum, quem à communione fidelium ob enorme flagitium sacro anathematis fulmine remover, quâ occasione acceptâ Corinthiorum rurem & arrogantiam deprimit, & Christianorum palam criminorum consortia ab omnibus fidelibus studiosissimè vitanda denuntiat.

Capite 6to. exprobrat illis, quod lites suas forenses, ac civiles controversias ad judices paganos deferant non absque scandalo & dedecore ex mutuis Christianorum dissidiis proveniente, hortaturque, ut rerum ad se pertinentium jacturam potius dissimulent, quam tam acri eas contentione repetant: quod si tamen jure suo cedere respuant, illud sanè persequantur, sed arbitris ex Ecclesiâ ad dirimendas vel

B b

com-

componendas causas delectis. Monet insuper non omnia continuò tentanda, quæ videntur utcunque licita, posse enim tales circumstantias, tantique ponderis rationes in contrarium occurrere, in quibus non ampliùs fas sit illud executioni dare, quod alias justè licebat, atque in hujus rei confirmationem seipsum in exemplum proponit, qui cùm à Corinthiis congruam sustentationem requirere potuisset, eâ tamen supersedit, ne ulli molestus esset, & gravis. Postremò agit de vitæ integritate, ad quam Christianus quivis obstringitur, & contra fornicationis turpitudinem zelò plenus spiritûque divinæ charitatis vehementer declamat.

Cap. 7mo. ad plura quæsita sibi proposita respondet. 1mò. de conjugio, quomodo eo ligati se gerere debeant, ut statui & obligationi suæ satisfaciant. Vitam cælibem exemplò suo magnopere commendat, ut eximiis prærogativis decoratam, & reliquis statibus longè præferendam. Conjugatis tamen edicit, ne separationem quærant, nisi ad aliquod tempus, & de consensu utriusque, ut Deo liberiùs in oratione vacare possint. 2do. præcipit, ut uxor à marito ex legitimâ causâ sejuncta in eo statu perseveret, neque ad alteras nuptias transeat, si verò ex levitate aut inconsulto impetu ab eo discessit, ad eum postliminio redeat. 3tiò docet, quibus casibus separari possint aut Christianus ab uxore Gentili, aut uxor Christiana à marito infideli. Subin hortatur quemlibet, ut in eo statu permaneat, in quo fuit, antequam Christo nomen daret. Postmodum virginitatem magnis laudibus extollit, quin tamen eam præcipiat, ostendit molestias, curasque multiplices conjugum, miramque facilitatem, quam personæ cælibes habent vacandi Deo, animæque suæ saluti. Demum viduas alloquitur, iisque facultatem indulget nubendi denuo, sed conjugii  
Chri-

Christiano, si in statu suo solitario vivere nequeant, si verò id haud adeo difficile ipsis accidat, suadet modis omnibus, ut in eo perseverent.

Cap. 8vo, ex Corinthiis illos increpat, qui cibis idolorum immolatione notatis in aliorum præsentiâ, quibus ea res offensionis erat, liberrimè vescabantur. Docet illos secundum se quidem esse indifferentes & permissores, charitate tamen obligari quemlibet, ut attendat, quibuscum sibi manducandum sit, ne per imprudentiam proximum suum adhuc infirmum, pro quo tamen Servator noster mortem oppetere dignatus est, in ruinam spiritualem dato scandalò impellat.

Capite 9no, Corinthiis demonstrat, potuisse se necessaria pro victu quotidiano alimenta ab eis expetere, cum tempus omne in prædicatione Evangelii illis impenderit, maluisse tamen ea comparare sudore proprio, atque opificii cujusdam labore, ne ansam ulli præberet querimoniarum. Revocat præterea eis in mentem, quàm promptè, quàm alacriter cujuslibet genio atque indoli sese attemperaverit, ut omnes Christo lucrifaceret, suoque exemplò demum ad perseverantiam illos hortatur, quam sperare meritò debeant, si ad finem usque constantes in bene cœpto vitæ curriculo perseverent.

Cap. 10mo. meminit filiorum Israël, qui post accepta coelitus complura beneficia Dei tamen immemores in abominandam idololatriam prolapsi sunt, & cruciatis in Optimum Numen blasphemis vocibus omni se flagitiorum genere contaminarunt, ut Corinthii eorum exemplò sapiant, sibi-que à tali perfidiâ diligenter caveant: præcessisse Judæorum supplicium in signum prænuntium non inferioris castigationis Christianis obventuræ, quemadmodum favores il-

lis collati in Veteri Lege eos significabant, qui in novâ Lege istis exhibendi forent. Versiculô 8vo. asserit, 23. millia Israëlitarum morti tradita ob fornicationem cum Moabitis commissam. In eâ sui sententiâ, poenam hanc referendam esse ad adorationem vituli aurei, cujus fit mentio versu præcedenti. Quamobrem immutato ordine textûs eam immediatè subjunxi eâ ratione inductus, quòd 25. cap. Numer. ubi peccatum isthoc commemoratur, Scriptura 24. millia occisorum numeret, non verò 23. ut hoc loco contingit. Cajetanus existimat errorem contigisse in transcribendo. Oecumenius affirmat nonnullos prædicto capite 23. solum millia legere. S. Thomas judicat numerum minorem, qui hic ponitur, comprehendi in majore alibi posito. Pace meâ nunc lector dijudicet, num hæ rationes vel conjecturæ sint satis firmæ, an verò magis fundata sit mea sententia, quandoquidem 32. cap. Exodi, ubi hebræi populi idololatria unâ cum infecurâ vindictâ refertur, Romani Codices tantum 23. millium meminerunt. Ad capitis calcem Apostolus iterato prohibet esum idolothylorum eâ de causâ, quòd Gentes exinde fortassis inferant, simulacra sua etiamnum in pretio & honore esse, & fideles patiantur scandalum, cum nesciant esse indifferentia. Ostendit, quâ prudentiâ in conviviis, ubi apponuntur, quilibet se gerere debeat, omnibûsque magnopere commendat ædificationem sui proximi, ne quid fiat, quod ei offensiculo esse possit, vel progressum Evangelii remorari.

Cap. I Imo, damnat abusum Corinthiorum, quos inter viri capite velato, foeminæ verò nudo incedebant. Rationem dat, quòd vir sui sit juris, adeoque nullum signum servitutis gerere debeat, econtrâ foemina marito suo sit subdita, adeoque in publicum procedere non debeat absque velo

velo in signum suæ subjectionis. Inde dissertationem or-  
 ditur de cœnis communibus, Græci agapes vocant, inter  
 primos Christianos institui solitis ad conservandam mu-  
 tuam inter fideles unionem ac dilectionem ad exemplum  
 ultimæ cœnæ, quam Christus Dominus cum Apostolis suis,  
 antequam ex hoc mundo discederet, celebravit. Et inpri-  
 mis invehitur in divites, qui pauperes mensâ suâ excluderant,  
 & ipsi bene poti ac pasti, imò non rarò ebrii sacræ mensæ ac-  
 cumbebant, more enim antiquo receptum erat, ut quilibet  
 post frugalem refectionem accederet ad sacrosancta my-  
 steria. Postremus versiculus, ubi Apostolus iis, qui alios  
 præstolari non poterant, indulget, ut domi suæ se reficiant,  
 priusquàm Ecclesiam ingrediantur, luculenter demonstrat,  
 tum temporis sacram Communionem à jejunis non fuisse  
 acceptam. Hic ritus communis cœnæ adhuc in usu fuit apud  
 Ægyptios tempore Sozomeni, uti ipse refert lib. 7. cap.  
 14. suæ historiæ. Concilium verò Laodicense hanc con-  
 fuerudinem sustulit ob complures excessus irreverentiæ, qui  
 irrepserant. Certè à tempore Apostolorum nemini amplius,  
 qui jejunos non esset, accedere licuit ad mensam Eucharisti-  
 cam, unde Tertullianus ad uxorem suam lib. 2. cap. 5. in  
 hæc verba scripsit: non sciet maritus, quid secretò ante  
 omnem cibum gustes. Agit dein Apostolus de institutio-  
 ne Sacrosanctæ Eucharistiæ, demum declarat, quâ puritate  
 præparanda sit anima ad sacram Communionem, quàm sol-  
 licitè prius discutere debeat conscientiam suam, quantique  
 sacrilegii se reos constituent, qui indignè recipere non ve-  
 rentur sacrosanctum Christi corpus & sanguinem.

Cap. 12. agit de unitate Ecclesiæ, probatque dona Spi-  
 ritûs Sancti esse plurima, & non absque ratione pulchrâ in-  
 ter se varietate differre. Id ut planius explicet, paritèr



uitur humani corporis ex pluribus membris compositi, quorum singula non uno eodemque loco collocata, aut officio prædita sint. Hortatur subin Corinthios, ut similitate omni depositâ charismatis acceptis contenti, alienis non inuideant, tempore enim primitivæ Ecclesiæ unâcum baptismo eas gratias recipiebant, quas scholastici gratis datas nuncupant, eò quòd dentur gratuito, neque hominem idcirco sanctiorem, aut Deo gratiorem reddant, qualis est notitia linguarum, potestas patrandi miracula, intelligentia Scripturarum, & aliæ huiusmodi. Corinthii verò vanæ gloriæ, rerumque novarum percupidi pluris faciebant donum linguarum, quàm alia, adeo, ut qui eo destituti essent, in illos murmurando insurgerent, quos eò doratos & conspicuos esse nôssent miris laudibus extollerent. Hunc quoque abusum ipsis exprobrat, & gravi demum oratione eos excitat ad sectandas potiùs omnique studiò sibi comparandas eas gratias, quæ ad proximi ædificationem, animarumque fructum maximè faciunt.

Cap. 13tio demonstrat charitatem virtutibus omniùs longè præcellere, absque eâ in vanum laborari, tempus madè perdi, & aërem tantum verberari. In fine disserit de cognitione Dei, quam in huius vitæ ergastulo admodum tenuem obscuramque habemus, longè clarissimam autem habituri sumus in cœlesti gloriâ.

Parte 1mâ. Capitis 14. reprehendit eos, qui cùm donò linguarum præditi essent, inde sibi mirum in modum plaudebant, aliòsque infra se despiciebant. Ostendit, donum interpretandi sacras Scripturas, & fidei dogmata ritè explicandi longè præstantius esse, cùm ex isto fructus in proximum luculentus redundet, & utique, si variis linguis loquentes non intelligantur, in cassum garriant. Ut autem ista probè percipiantur, nôsse oportet, cùm in primitivâ Ecclesiâ

clesiâ gratiæ gratis data diversis diversâ obtingerent, contigisse haud rarò, ut, qui donum linguarum acceperat, quod loquebatur, explicare ad aliorum captum non valeret, propterea v. 13. monet Apostolus, ei, qui plurimum linguarum peritiam habet, implorandam enixe à Deo gratiam, ut à suis auditoribus etiam intelligi possit, illisque explanare, quod Spiritus Sanctus ei suggererit. Alterâ parte explicat, quâ ratione utendum sit hâc donis sive linguarum, sive interpretationum, ut inde fructum Ecclesiâ hauriat, & mutua servetur inter fideles concordia æmulatione omni sublata. Prænotandum hic ulterius, quando primorum temporum Christiani ad celebrandas suas agapes (de his enim hoc capite sermo est) conveniebant, descendisse nonnunquam in illos Spiritum Sanctum, & modò his inspirasse futurorum notitiam, modò illis interpretationem divini verbi, aliis cantica ad laudandum Deum, aliis donum linguarum. His ita expeditis præscribit Apostolus ordinem servandum in sacris conventibus, in quibus mulieres vetat loqui, iisque, qui suis legibus refractarios sese ostendere non verituri essent, gravissimam supremi Numinis indignationem ac vindictam intrent.

Cap. 15. de Resurrectione disserit, eamque, quæ omnes homines concernit, ex gloriosâ Christi anastasi probat, nec non ex eâ consuetudine, quam nonnulli ex ipsis habebant, se in eorum locum baptizandi, qui absque baptismo è vivis decesserant. Hæc expositio mihi præplacet, quòd videatur magis accedere ad genuinum litteralem sensum præ aliis, quòdque mens Apostoli allegantis observantiam quandam supersticiosam fuerit demonstrare ad oculum, quòd sibi ipsis contradicant negando resurrectionem, quæ enim baptismi utilitas, si corpora non resuscitantur? Tertullianus hunc

hunc textum ita explicat non uno loco. S. Chrysostomus, Ambrosius, & Primasius in suis commentariis ejusdem sunt sententiæ. Doctor Angelicus de suffragiis mortuorum differens sibi met hunc textum opponit, dissolvitque dicendo, hoc loco Apostolum tantummodo loqui secundum aliquorum errorem, qui baptismum pro mortuis suscipiebant. His testimoniis multas possem rationes adjicere ad comprobendam meam explanationem, quam tamen perinde ut alias omnes Ecclesiæ judicio submitto. Ad extremum discurrit de ordine futuræ resurrectionis, deque differentiâ non modicâ inter gloriosa corpora.

Postremo capite omnes excitat ad eleemosynas contri-  
buendas pro fidelibus Jerosolymæ. Sciendum enim tantum fuisse primorum Christianorum fervorem, ut omnes suas facultates ad pedes Apostolorum deposuerint pauperibus postmodum distribuendas, quo factum ut & ipsi indigerent reciprocè aliorum liberalitate ad vitæ sustentationem. Id ubi Apostoli animadverterunt, collectas præceperunt fieri in omnibus Ecclesiis ad sublevandam eorum inopiam. Ob eam ipsam rationem ad initium hujus capituli præscribit Corinthiis circa modum & ordinem colligendæ stipis eandem legem, quam statuerat in Ecclesia Galatarum. Tum pollicetur se ad eos invisurum, Apollo autem excusat, quod is necdum ad eos se contulerit, ipsemque facit, venturum proximè. Demum commendat ipsis Thimotheum, ut omni honore dignissimum, quo etiam utitur ad perferendam epistolam, & exempla Stephani, Fortunati, Achaici imitanda proponit. Claudat epistolam consuetis salutationibus, utque pro suo zelo anathema dicit, qui Jesum Christum debito amore non prosequuntur.



# PARAPHRASIS

## IN EPISTOLAM PRIMAM

### D. PAULI.

AD

### CORINTHIOS.

#### CAPUT PRIMUM.

1. **P**Aulus gratuità Dei voluntate ex persecutore nominis Christiani in Apostolum Evangelii electus junctis unà cum fratre Sosthene votis 2. non solum fidelibus Corinthi baptismo illustratis, & ad vitæ sanctimoniam tam sublimi statui consentaneam vocatis, adeoque vocatione, professione & debito sanctis, sed etiam omnibus aliis, qui Jesu Christo suo ac nostro Domino constanti fide devincti ejus nomen invocant, ubicunque terrarum degant, 3. salutem dicit, gratiamque & pacem à bonorum omnium
1. *Paulus vocatus Apostolus Jesu Christi per voluntatem Dei, & Sosthenes frater,*
2. *Ecclesia Dei, quæ est Corinthi, sanctificatis in Christo Jesu, vocatis sanctis cum omnibus, qui invocant nomen Domini nostri Jesu Christi, in omn. loco ipsorum & nostro.*
3. *Gratia vobis, & pax à Deo Patre nostro*
- fon- C c

*stro, & Domino JEsu Christo.*

4. *Gratias ago Deo meo semper pro vobis in gratiâ Dei, quæ data est vobis in Christo JEsu:*

5. *Quòd in omnibus divites facti estis in illo, in omni verbo, & in omni scientiâ:*

6. *Sicut testimonium Christi confirmatum est in vobis:*

7. *Ita ut nihil vobis desit in ullâ gratiâ, expectantibus revelationem Domini nostri JEsu Christi,*

8. *Qui & confirmabit vos usque in finem sine crimine, in die adven-*

fonte Deo Patre nostro, ac Domino JEsu Christo ex animo precatur. 4. Dilectissimi fratres, gratias ago Deo meo immortales, idque quotidie pro supernis favoribus tam liberali manu in vos congestis per merita JEsu Christi. 5. Quòdque vos omni genere cœlestium charismatum abundè locupletârît revelans vobis grandia illa Evangelii sui mysteria, & verborum copiam iis explicandis idoneam suggerens, 6. quâ in re ejus promissiones factæ vobis in susceptione baptismi adeo ad amussim impletæ sunt, ut neque vos, neque alii ambigere amplius possitis, quin verissima sint, quæ vobis annuntiata fuerunt, & quin reipsâ sitis filii Dei. 7. Et sanè nulla vobis deest gratia, sive ad salutem vestram necessaria, sive ad aliorum profectum in spiritu conducent, vobis, inquam, qui expectatis auspiciatissimum illum diem, quo Dominus noster JEsus Christus totum splendorem gloriæ ac Majestatis suæ orbi universo conspicuum exhibebit, quem modò ad acue-dam fidem oculis nostris subducit. 8. Non diffiteor, dum vitam in terris degitis, rem vobis esse cum præpotentibus adversariis, is tamen, qui stre-

strenuè dimicantibus coronam gloriae pollicetur, suâ ope vobis aderit, gratiamque largietur transigendi vitæ vestrae curriculum absque omni graviori noxâ usque ad adventum Domini nostri JESU Christi.

9. Deus promissis suis stat firmissimè, & non solum verax est, sed ipsa veritas, quare cum in societatem & ecclesiam filii sui Domini nostri JESU Christi vos vocaverit, minimè potestis ambigere, quin vobis semper sit astitutus & opitulaturus, donec eo dirigente pertingatis ad hæreditatem vobis preparatam in cœlis.

10. Quandoquidem autem filii estis ejusdem Patris, & hæredes ejusdem coronæ, obtestor vos, fratres mei, in nomine Domini nostri JESU Christi, ut sepositâ omni æmulatione & contentione unâ mente, corde & ore conspiretis omnes in unitatem & consensionem perfectam circa Evangelicæ doctrinæ veritates. Neque id absque ratione postulo,

11. intellexi enim ex domesticis nonnullis familiæ Chloës, quotidie inter vos novas gliscere opinionum, verborumque pugnas ac velitationes.

12. Hic Paulô Magistro gloriatur, ille ab Apollo se baptizatum pluris æsti-

tus Domini nostri JESU Christi.

9. *Fidelis Deus: per quem vocati estis in societatem filii ejus JESU Christi Domini nostri.*

10. *Obsecro autem vos fratres per nomen Domini nostri JESU Christi, ut id ipsum dicatis omnes, & non sint in vobis schismata: sitis autem perfecti in eodem sensu, & in eadem sententiâ.*

11. *Significatum est enim mihi de vobis, fratres mei, ab iis, qui sunt Chloës, quia contentiones sunt inter vos*

12. *Hoc autem dico, quod unusquisque ve-*

*strum dicit: ego quidem æstimat, iste conversionem suam Cephæ cum plausu adscribit, alius vero pollo: ego vero Cephæ: ego autem Christi.*

13. *Divisus est Christus? Nunquid Paulus crucifixus est pro vobis? aut in nomine Pauli baptizati estis?*

14. *Gratias ago Deo, quod neminem vestrum baptizavi, nisi Crispum & Cajum:*

15. *Ne quis dicat, quod in nomine meo baptizati estis.*

16. *Baptizavi autem & Stephanam domum, ceterum nescio, si quem alium baptizaverim.*

17. *Non enim misit me Christus baptizare,*

libus undis fuisse regeneratum solâ virtute Jesu Christi.

13. Quid igitur? an existimatis Jesum Christum hac ratione dividi posse, ac veluti in partes dissecari? cur igitur unam Christi religionem ac fidem in varias quasi sectas ac factiones discerpitis? an hominibus acceptum referre vultis, quod uni Deo debentis? num pro vobis (ut hoc exempli gratiâ dicam) Paulus affixus est cruci? aut in nomine Pauli baptismô expiati estis, quandoquidem adeo ineptè & perperam de rebus fidei Christianæ judicatis, ut existimetis, baptismum vim suam accipere ab ejus Ministro, ejusque dictamina omnia pro infal-

libili morum regulâ cæcorum more amplectimini? 14. Ego sanè grates Deo habeo singulares, quod nemini Sacramentum baptismi administra-

verim, nisi Crispo & Cajo, uti & piæ familiæ Stephanæ. 15. Ne quis edicere queat, se in nomine meo baptizatum fuisse. 16. Non enim me- mini, me quemquam alium, quàm præfatos sacro fonte lustrâsse.

17. Neque enim à Jesu Christo missus sum

sum ad baptisum conferendum, *sed evangelizare: non in sapientia verbi, ut non evacuetur crux Christi.*  
 sed ad annuntiandum cunctis Gentibus & nationibus ejus Evangelium, idque oratione simplici & planâ, non floridâ, non artificiosâ, non subtili & argutâ, ne meritum crucis reddatur inane, meique auditores eloquentiæ emphasi fors suam conversionem attribuant. Nullus dubito, sensâ ac judicia eorum admodum diversa esse & contraria, quando verba facio de mysteriis adeo reconditis ac sublimibus. 18. Iis enim, qui nimîâ sapientiæ suæ æstimatione inflantur, crucis prædicatio delirationis cujusdam perspicuum videtur signum esse atque argumentum, qui autem tam grande mysterium submissâ promptâque fide amplectuntur, salutis suæ consultum volunt, in infirmitate & opprobrio crucis agnoscunt ac venerantur eximiam divinæ omnipotentis virtutem triumphantis de mundi fastu atque prudentiâ, illisque incomparabiles vires conferentis ad propulsandos ac debellandos suos adversarios, quæ sanè non ita emereret, & quasi in tenebris emicaret, si vel ab humanarum artium, vel creatæ sapientiæ, vel ullius denique rei interituræ subsidio præsidio-

vel

18. *Verbum enim crucis pereuntibus quidem stultitia est: iis autem qui salvi sunt, id est, nobis, Dei virtus est.*

Cc 3



19. *Scriptum est enim: ve penderet. 19. Priusquam hoc perdam sapientiam sapientium, & prudentiam prudentium reprobabo.* eveniret, dudum ante id prædixerat Dominus per Isaiam prophetam, qui Apostolicæ prædicationis gloriam non tanquam futuram sed tanquam præsentem divino afflatus numine descripsit cap. 29. sapientiam sapientum confundam auferendo eis omnem veri notitiam, & sagacitatem prudentium rejiciam tanquam inanem & evanidam.

20. *Ubi sapiens? ubi scriba? ubi conquisitor hujus sæculi? nonne stultitiam fecit Deus sapientiam hujus mundi?*

20, Multa habeo insignia prorsus miræque in terris patranda, quando autem opportunum tempus id præstandi advenit, quomodo tandem evanescet arrogantia philosophorum? quanta erit legisperitorum confusio & ignominia? quanta consternatio sciolorum hujus sæculi? Isai. c. 33. vaticinia hæc nunc videmus impleta. Nunquid enim verissimum, Jesum Christum vitæ suæ rationes ac mortis subeundæ modum longè aliter instituisse, quàm prudentia humana sibi imaginari potuerit, ejusque reverà cœcam dementiam crassamque ignorantiam palam fecisse? 21. Sapientes hujus sæculi noluerunt sapientiam Dei agnoscere in admirandâ hujus universi creatione, & ordinatissimâ rerum omnium connexionem, ubi

21. *Nam quia in Dei sapientiâ non cognovit mundus per sapientiam Deum: placuit Deo per stultitiam prædicationis salvos facere credentes.*

ubi tam manifestè relucet, Deus autem ad confundendam eorum superbiam voluit gloriæ suæ participes reddere, qui fidem habituri essent prædicationi doctrinæ pro insigni stultitiâ ab aliis reputandæ & exhibilandæ. 22. Judæi rebus admirabilibus assueti, quæ in lege veteri divinitus contigerunt, prodigia & signa expectant, Græci requirunt eloquentiæ flores & argumentorum copiam atque vim demonstrativam, quare neutiquam mirum videri debet, si aures nobis præbere respuant, 23. prædicamus enim mysterium omni naturali sapientiâ sublimius, omnibusque prodigiis prodigiosius Christum Dei Filium affixum cruci, quod objectum judæi, tanquam scandalum & probrum suo Messia ac Reparatore indignum execrantur, Gentes verò quæ tantam Numinis abjectionem non capiunt, ut fabulam vel delirium explodunt. 24. Illi duntaxat, quos divina bonitas dignata est veritatis Judæis atque Græcis, Christum Dei virtutem & Dei sapientiam;

22. Quoniam & Judæi signa petunt, & Græci sapientiam querunt;

23. Nos autem prædicamus Christum crucifixum: Judæis quidem scandalum, Gentibus autem stultitiam;

24. Ipsi autem vocatis Judæis atque Græcis, Christum Dei virtutem & Dei sapientiam;

pienti-

25. *Quia quod stultum est Dei, sapientius est hominibus: & quod infirmum est Dei, fortius est hominibus.*

26. *Videte enim vocationem vestram, fratres, quia non multi sapientes secundum carnem, non multi potentes, non multi nobiles:*

27. *Sed, quia stulti sunt mundi elegit Deus, ut confundat sapientes: & infirma mundi elegit Deus, ut confundat fortia:*

28. *Et ignobilia mundi & contemptibilia ele-*

pientiam increatam Patris cœlestis. 25. Et sanè minimè hac in re hallucinantur, quandoquidem actiones Dei, quæ videntur rationi ac prudentiæ minùs consentaneæ, & à supremâ illâ Majestate alienæ, longissimè sapientiâ suâ transcendunt omnè hominum calliditatem atque prudentiam, quodque in illis infirmum & inefficax cœcis mortalibus apparet, tantæ virtutis est, atque potentiæ, ut natura universa viribus junctis simile quid nequaquam efficere valeat, Christus enim cruce, passione, & morte suâ, quâ quasi devictus videbatur, mundum universum vicit, suoque imperio subjugavit, inquit S. Ambrosius, & Anselmus. 26. Observate, quæso, fratres mei, quoniam Evangelio, Christoque nomen dederint, deprehendetis sanè raros admodum litterarum peritiâ insignes, opibus & auctoritate valentes, genere & majorum natalibus conspicuos. 27. Deus admirabili providentiæ suæ arcanò seligere voluit ejusmodi, quos mundus aspernabatur tanquam stupidos, ut sapientes confunderet, infirmos præterea, ut præpotentes subigeret, 28. ab omnibus despectos, ut deprimeret arrogantes.

rogantiam eorum, qui sive nascendi sorte, sive præclaris naturæ dotibus potestatem sibi in alios & gratiam apud omnes comparaverant, seseque magnificè circumspicientes contemptui habebant cæteros, credebantque se rerum omnium notitiâ præditos aliorum magisteriò, consilio, auxilio minimè gentium indigere. Imò quæ mundi opinione non sunt alicujus notæ aut momenti, sed pro nihilo reputantur, assumpsit Deus, ut ea, quæ maximè eminent, atque extant, quæque incredibilem sui admirationem apud homines excitant, everteret, destrueret, & in nihilum redigeret. Ita cernimus Apostolos cæterosque discipulos Christi, pleròsque, neque nobiles, neque divites, neque humanâ sapientiâ præditos omnē philosophorum scientiam, divitum gloriam ac principum potentiam superasse, & quod magis admirandum, rudes atque imperitos ad Christi fidem traductos, & virgines, puerosque imbelles de tyrannis ac morte, ipsòque adeo inferorum principe triumphasse. 29. Id autem eo consilio fecit, ut animi demissionem fidelium mentibus altè imprimeret, præpedirétque, ne coram ipso gloriari aude-

*git Deus, & ea, quæ non sunt, ut ea, quæ sunt, destrueret.*

29. *Ut non gloriatur omnis caro in conspectu ejus.*

D d

30. *Ex ipso autem  
vos estis in Christo Jesu,  
qui factus est nobis sapi-  
entia à Deo, & justitia,  
& sanctificatio, & re-  
demptio,*

31. *Ut quemadmodum  
scriptum est: qui glori-  
atur, in Domino glorie-  
tur. (a)*

(a) Jerem. 9.

auderent, quasi scientiâ tuâ, nobili-  
tate, aliisve insignibus meritis dig-  
nos se præ aliis reddiderint, qui ad  
fidem, vel munus apostolicum vo-  
carentur. 30. Illud itaque persua-  
sissimum vobis habete, meram esse  
Dei bonitatem ac gratiam, quòd ad-  
missi fueritis ad unionem & amicitia-  
m intimam cum Christo Domino,  
cujus meritis vestram sapientiam, ju-  
sticiam, sanctificationem, redemp-  
tionem unicè debetis, quòdque De-  
us seipsum vobis dederit, ut in ipso  
hæc omnia simul habeatis. Ubi e-  
nim, ut verbis utar D. Bern. in Cant.  
serm. 22. vera prudentia, nisi in  
Christi doctrinâ, ubi vera justitia,  
nisi de Christi misericordiâ &c. Chri-  
stus factus est nobis sapientia in præ-  
dicatione, justitia in absolutione pec-  
catorum, sanctificatio in conversa-  
tione, quam habuit cum peccatori-  
bus, redemptio in passione, quam  
sustinuit pro peccatoribus, 31. ut  
adeo si quâ de re gloriari velitis, non  
in vestrâ sapientiâ, viribus, aut meri-  
tis, sed solum in Domino ut Scriptu-  
ra loquitur, gloriemini, eumque  
publicè prædicetis tanquam fontem  
& originem bonorum omnium, qui-  
bûs modò abundatis.

PARA-

## PARAPHRASIS

## CAP. II.

I. **M**emineritis utique, fratres mei, me secundum hanc divinæ providentiæ agendi rationem neque ornamenta eloquentiæ adhibuisse, neque subtilem philosophorum more ratiocinationem, quando vobis Evangelium promulgavi, ejusque infallibili testimoniô miserationes Dei ter Optimi Maximi, & eminentem Jesu Christi dignitatem declaravi. 2. Unica scientia, quam me probè callere inter vos reputavi, quàmque cæteris omnibus sapientiæ præfidiis longè præfero, ea est, quam de Jesu Christo, eoque pro hominum salute cruci affixo per Dei gratiam habeo. 3. Meis equidem ipse viribus ut plurimum diffusus, meæque tenuitatis probè conscius omni, quâ poteram, demissione, animique candore vobiscum conversatus sum assiduè sollicitus, ne Evangelii progressum remorarer ratione meâ vivendi ac prædicandi. 4. Idcirco, quan-

1. *Et ego, cum venissem ad vos, fratres, veni non in sublimitate sermonis, aut sapientiæ, annuntians vobis testimonium Christi.*

2. *Non enim judicavi me scire aliquid inter vos, nisi Jesum Christum, & hunc crucifixum.*

3. *Et ego in infirmitate & timore, & tremore multo fui apud vos.*

4. *Et sermo meus, & Dd 2*

*prædicatio mea non in persuasibilibus humana sapientiæ verbis, sed in ostensione spiritûs & virtutis:*

*5. Ut fides vestra non sit in sapientiâ hominum sed in virtute Dei.*

*6. Sapientiam autem loquimur inter perfectos: sapientiam verò non hujus sæculi, neque principum hujus sæculi, qui destruuntur;*

quando mysteria religionis seu publicè, seu privatim exponenda erant, diligenter cavi, ne aures vestras aut verborum exquisitorum lenociniis, aut eruditâ speciosorum argumentorum copiâ demulcerem, sed usus sum firmis paribûsque rationum momentis, quæ & rem certò concluderent, & divinam potentiam sapientiâque luculenter demonstrarent. 5. Spiritus divinus prædicationi meæ virtutem indidit, ejûsque veritatem atque soliditatem miraculis comprobavit, ne quis existimaret, facundiâ meâ vos ad fidem inductos, sed manifestè omnes agnoscerent, eam non ex artificio humanæ eloquentiæ, sed ex altiori virtute divinæ gratiæ provenire, quæ miris & occultis modis in hominum animis agit, intelligentiam cœlesti lumine perfundens, & suaviter excitans atque adjuvans voluntatem. 6. Meâ parùm interest, quid Gentes sentiant de meâ doct:inâ, cûmque sciam eam intellectu humano comprehendere haud quaquam posse, nisi cœlestis gratiæ adminiculum accedat, hinc neutiquam miror, si ridicula eis appareat. Vobis fratres mei, quos Deus suâ luce collustravit, quòsque allo-

alloquimur ut principiis fidei probè instructos, annuntiamus mysteria sublimis sapientiæ ab eâ longè diversæ, quæ solum terrena hæc & inferiora contemplatur, quàmque Philosophi, Oratores, Politici, hujus sæculi heroës, qui nunc arrogantia suæ fastigium Evangelii prædicatione depressum atque pessumdatum cernunt, tantopere prius venditare consueverunt. Doctrina, quam illi in suis lyceis tradunt, methodusque eam explicandi sensui rationique humanæ admodum conveniunt, 7. sapientia tamen, de quâ loquimur, longè supra utriusque captum est, & plena mysteriis, quæ solâ fide possunt intelligi, & ante omnia sæcula ordinata fuerunt, ut ad nostra tempora devolverentur, nósque credendo perducerent ad metam felicitatis æviternæ. 8. Principes hujus sæculi ignorârunt eam, nempe dynastæ, pontifices, ac magistratus, nam si quâ ratione illam cognitione sent, nunquam Dominum gloriam crucifixique, quid Christi mors tum in hac mortali, tum in aliâ sempiternâ vitâ paritura esset, nequaquam profectò Dominum gloriæ tam nefariè atque impiè egissent in crucem. 9. Noli

7. *Sed loquimur Dei sapientiam in mysterio, qua abscondita est, quam prædestinavit Deus ante secula in gloriam nostram,*

8. *Quam nemo principum hujus sæculi cognovit: si enim cognovissent, nunquam Dominum gloria crucifixique sent.*

9. *Sed sicut scriptum*  
D d 3



*est: quod oculus non vidit, nec auris audivit, nec in cor hominis ascendit, quæ præparavit Deus iis, qui diligunt illum;*

10. *Nobis autem revelavit Deus per Spiritum suum. Spiritus enim omnia scrutatur, etiam profunda Dei.*

11. *Quis enim hominum scit, quæ sunt hominis, nisi spiritus hominis, qui in ipso est? ita & quæ Dei sunt, nemo cognovit, nisi Spiritus Dei.*

12. *Nos autem non spiritum huius mundi accepimus, sed Spiritum, qui ex Deo est, ut sciamus, quæ à Deo donata sunt nobis:*

13. *Quæ & loquimur non in doctis huma-*

te autem mirari hanc ignorantiam divinæ sapientiæ adeoque & coelestis gloriæ, ad quam illa tanquam ad finem ultimum omnia ordinat. Sacrae paginæ quæ nos docent, neque oculis hominum unquam vilâ, neque auditu accepta, neque ullâ imaginatione unquam percepta fuisse, quæ Deus, eâ quâ par est, charitate se diligentibus proposita esse voluit,

atque parata, 10. nobis autem manifestare dignatus per spiritum suum, qui omnia novit etiam intima divinitatis arcana: 11. Sicut enim nemo novit ea, quæ sunt in humanâ mente recondita, nisi is ipse hominis spiritus, qui in eâ residet, & agit, ita profectò quæ Dei sunt, & ad illius sive naturæ maiestatem sive occultam providentiam pertinent, nemo profectè intelligit, nisi spiritus Dei, qui omnem divinitatis plenitudinem in se continet.

12. Nos autem non accepimus spiritum, qui docet ea, quæ mundus curat, sed spiritum qui ex Deo est, qui quæ nos ad Deum usque subvehat, ut intelligamus, quanta sit præcellentia favorum, quos ipse nobis exhibuit, quosque

vobis annuntiavimus, 13. verbis non ab humanâ sapientiâ, sed à spiri-

tu divino dictatus, quæ ita rebus accommodamus, ut sicut spiritualia sunt, quæ docemus, ita etiam modus ea explicandi spiritualis sit, & nil terrenum aut materiale sapiat. 14. Homo quidem non aliâ quàm naturali animi luce & cognitione præditus non percipit ea, quæ sunt Spiritus Dei, quippe illa pro deliramentis ridiculis habet assensu indignis, eò quòd mente terrestri, crassâ, sensibusque immerisâ, & pingui, ut ajunt, Minervâ, aut secundum principia rationis humanæ discuit, quod examinandum esset cœlesti quadam intelligentiâ, ab omni sæce depuratâ, & per fidem supra vires consuetæ rationationis elevatâ. 15. Non sic homo spiritualis, qui luce divini spiritus collustratur & agitur, capit enim altissima fidei mysteria, judicium de qualitate rerum fert, prout sunt in se, & non prout apparent, ut eas vel amore vel odio prosequatur, ut iis vel abstineat, vel utatur, eas æstimet vel contemnat pro meritis: hæc ipsa verò lux, quæ ipsum supra omnia elevat, & in judicem aliorum erigit, facit, ut à nemine alio judicari possit de suâ agendi ratione, quæ conformis est immutabili legi divinæ justitiæ

*na sapientia verbis, sed in doctrinâ spiritus, spiritualibus spiritualia comparantes.*

14. *Animalis autem homo non percipit ea, quæ sunt Spiritus Dei: stulti-  
tia enim est illi, & non potest intelligere: quia spiritualiter examinatur.*

15. *Spiritualis autem judicat omnia: & ipse à nemine judicatur.*

16. *Quis enim cognovit sensum Domini, qui instruat eum? Nos autem sensum Christi habemus.*

tiz, neque redargui intus sententia per hominem animale, quia ea consentanea est veritati, quæ soli Deo perspecta est, iisque, quibus ab eo per revelationem communicatur.

16. Quis enim, uti Scriptura perhibet, novit mentem Domini, ut quasi collatis consiliis quid ei agendum sit, certò præscribat, atque adeo spiritualem arguere possit atque condemnare? nemo utique, sed ipse ineffabili suâ bonitate manifestavit divina sua consilia per Jesum Christum, ejus spiritum nobis impertiendo, qui nobis arcana illa alioqui abdita & occulta, atque humanæ imbecillitati penitus inscrutabilia, omnemque adeo veritatem patefecit.

## PARAPHRASIS

### CAP. III.

1. *Et ego, fratres, non potui vobis loqui quasi spiritualibus, sed quasi carnalibus. Tanquam parvulis in Christo*

1. Splendide vos ipsos decipitis, fratres mei, si existimatis, vos rerum omnium, quæ scitu sunt necessaria, plenam, absolutamque possidere noticiam: tamen enim sublimia sint, quæ à nobis accepistis, longè

gè

gè tamen sublimiora sunt, quæ vobis significanda restant. Nolui ea vobis statim manifestare, quandoquidem vobiscum agendum censui tanquam cum iis, qui nondum omnem mentis caliginem dissipaverant, ac proin minimè idonei erant ad concipiendam perfectam rerum omnium divinarum scientiam, quippe qui intellectu adhuc crassiore vix è tenebris idololatriæ utcumque emerferant. Quemadmodum enim mater paulò prudentior parvulis suis aliud nutrimentum non porrigit nisi lac, quòd eorum debiliores stomachi solidiorem cibum digerere nequeant, 2. ita etiam vobis faciliora solum mysteria tanquam prima Christianæ religionis initia, & veluti rudimenta tradidi, cum probè scirem, quòd tanquam recenter in Christo geniti necdum pares essetis comprehendendis sublimioribus: & ne nunc quidem estis, contrarium siquidem profitemini, nempe statum adhuc animale, cui non nisi terrena, & quæ sensibus blandiuntur, sapiunt. 3. Dissidia & æmulationes, quæ inter vos gliscunt, nunquid palam ostendunt, vos non secundum spiritum, sed secundum carnem e-

2. *Lac vobis potum dedi, non escam: nondum enim poteratis: sed nec nunc quidem potestis: adhuc enim carnales estis,*

3. *Cùm enim sit inter vos zelus & contentio: nonne carnales estis, & secundum hominem ambulatis?* E c

4. Cum enim quis dicat: ego quidem sum Pauli alius autem: ego Apollo, nonne homines estis? Quid igitur est Apollo? quid verò Paulus?

5. Ministri ejus, cui credidistis, & unicuique sicut Dominus dedit.

6. Ego plantavi, Apollo rigavit: sed Deus autem incrementum dedit,

etiamnum ambulare, parùmque à cæteris hominibus discrepare, qui minimè credunt, quæ vestra vos fidei Christianæ professio edocet. 4. Enimverò, cùm verbis invicem contenditis dicendo: ego sum Pauli discipulus, ego verò Apollo &c. quid aliud hæc sibi volunt, & indicant, quàm vos adhuc carnales esse, vos instar puerorum inaniter de dignitate magistrorum vestrorum contendere, dum hic suum Paulum, alter suum Apollo præfert, & venditat. Quòd Magistros vestros cultu ac honore prosequimini, id equidem non improbo, hac tamen in re moderationem debitam requiro. Quid ergò (replicabitis) sentiendum nobis de Paulo? quid de Appollo? 5. Respondeo, eos esse præcisè Ministros Altissimi, in quem creditis, & quemlibet eorum suo fungi ministeriò secundum mensuram gratiæ sibi à Domino collatæ. 6. Equidem si dicendum sit, quod res est, nihil austin mihi arrogare præter obsequium, & Ministri functionem. Ego igitur prima jeci in mentibus vestris semina fidei, Appollò ea excoluit, suisque admonitionibus ac præceptis quodammodo rigavit, solus au-

tem

tem Deus suo spiritu ac vigore indito ea animavit, atque ad maturitatem perduxit.

7. Quemadmodum autem neque industriae plantantis, neque sollicitudini irrigantis præcipua laus fructus inde germinantis tribuitur, sed soli, qui calore & influxu suo vigorem ac nutrimentum suppeditat, plantamque maturefcere facit, ita profectò neque nobis illustre fidei donum debetis, sed invisibili & increato soli, Numini videlicet supremo. Profectus vester in spiritu ejus potissimum benignitati adscribendus est, absque eo omnis nostra diligentia inutilis foret ac supervacanea.

8. Cum ergò & qui plantat, & qui rigat, ministri sint ejusdem Domini, eodemque labores conatusque suos referant, ac eandem omnino doctrinam annuntient, pariter eos affectu ac benevolentia completi debetis, & neutiquam eorum causam in diversas partes distrahi, suam cuique merces suo tempore proportionem impensi laboris obveniet.

9. Interim Dei sumus administri, atque ejusdem operis quodammodo participes & adjuvatores: vult siquidem, ut junctis cum eo viribus collaboremus in excolendis menibus, quas sibi

7. *Itaque neque qui plantat, est aliquid, neque qui rigat: sed, qui incrementum dat, Deus.*

8. *Qui autem plantat, & qui rigat, unum sunt. Unusquisque autem propriam mercedem accipiet secundum suum laborem.*

9. *Dei enim sumus adjuvatores: Dei agriculturae, Dei adificatioe.*

tan-

E c 2

10. *Secundum gratiam Dei, quæ data est mihi, ut sapiens architectus fundamentum posui, alius autem superadificat. Unusquisque autem videat, quomodo superadificet.*

11. *Fundamentum enim aliud nemo potest ponere præter id, quod positum est, quod est Christus Jesus.*

tanquam agrum delegit ad inserenda pulcherrima virtutum germina, desiderat etiam (ut diversâ metaphorâ Hebræorum more rem eandem explicem) ut auxiliares ei manus commodemus ad erigendum illud ædificium, quod in vobis ipsis extruere dignatur. 10. Me quod attinet, opitulante cœlesti gratiâ Dei, coepi initar periti architecti fundamenta jacere illius, quæ in vobis est, spiritualis substructionis, cùm autem ratione ministerii aliò avocatus fuissẽm, à nostro discessu alius manum admovit promovendæ in altum fabricæ. Hic ego eos alloquor, qui vobis prædicant, atque quàm possum enixè obtestor, ut non solum diligenter attendant ad rem & materiam, quam præ manibus habent, sed etiam ad formam modumque eam tractandi. 11. De fundamento quidem nulla est difficultas, certum etenim est, unicum ædificii Christiani fundamentum esse Jesum Christum, cujus vobis fidem doctrinamque complectendam proposuimus, neque aliud præter ipsum poni posse absque gravissimâ ejus offensâ, & impietatis notâ, non omnes autem, qui supra hanc petram ædificant,

cant, vel eadem utuntur materiâ, vel formâ ac methodo. Sunt enim inter Evangelii præcones, qui ingenti animarum zelô inflammati, solique gloriæ Jesu Christi propagandæ intenti utilem solidamque doctrinam tradunt. Sunt etiam, qui reipsâ nihil in medium afferunt, quod religionis nostræ dogmatis repugnet, & verò modus proponendi ingeniosis argutiis, verborum sententiarumque flosculis plus nimio inspersus vanitatem sapit, pompam, ostentationem, & ad popularem auram captandam, ad inanem plausum aucupandum factus videtur. 12. Illi magnificum quoddam palatium ex auro, argento, lapidibusque pretiosis ædificare videntur, hi verò malè compactum ex ligno, fœno, & stipulâ tugurium erigere. 13. Nolite porro in animum inducere, hanc operum diversitatem tenebris semper involutam mansuram, veniet aliquando tremenda illa dies Domini, quæ extremum cuique occasum affert, & igne omnia perlustrante in lucem proferet cujuslibet agendi rationem in suo ministerio evangelico: quemadmodum enim splendor ignis res absconditas detegit, ejusque ardor ve-

he-

12. Si quis autem  
superadificat super fun-  
damentum hoc, aurum,  
argentum, lapides pretio-  
sos, ligna, fœnum, stipu-  
lam,

13. Uniuscujusque o-  
pus manifestum erit: dies  
enim Domini declarabit,  
quia in igne revelabitur:  
& unius cujusque opus  
quale sit, ignis probabit.

Ec 3



14. *Si cujus opus manserit, quod superædificavit, mercedem accipiet.*

15. *Si cujus opus arserit, detrimentum patietur: ipse autem salvus erit: sic tamen quasi per ignem.*

hemens præstantiam auri probat, ita etiam supremum Dei, qui est ignis consumens, judicium dissipabit tenebras cordium, & oculis omnium mortalium piacula hætenus occulta exhibebit. 14 Si quis igitur ejusmodi materiam solidam ac firmam superædificaverit, quæ vim ignis illiusque rigidi examinis perferat, atque illaesa inviolataque permaneat, is sui laboris atque industriæ fructum amplissimum capiet, & justam ab immortali Deo mercedis compensationem percipiet. 15 Cujus verò ædificium in favillam & cinerem redactum fuerit, quod ex eâ materiâ constet, quæ ignis ardorem perferre non possit qui nimirum vanam minimæque solidam suæ prædicationis rationem coram gravissimo illo Judice defendere haudquaquam poterit, non minorem incurret ignominiam, quàm architectus quispiam, qui post absolutam ex materiâ minùs durabili fabricam alium operis ac laboris sui fructum non refert, quàm opprobrium, & dolendam necessitatem eam contemplandi in cineres intra momentum redactam. Nihilominus contingere adhuc poterit, ut salvus ex hoc judicio ac incendio evadat,

dat, eâ tamen ratione, quâ qui necessario per ignem transeunt, vitâ quidem incolumi evadunt, ustulatis tamen & fumigantibus adhuc vestimentis & crinibus. Nempe labor omnis imprudentis hujus Ministri Evangelici inanis erit & irritus, quidquid vitiosum, minusque sincerum supra fundamentum ceterâ bonum ædificaverit, igne consumetur, meritum omnium jacturam patietur, quæ tamen non exigua prædicando sibi comparâsse imaginabitur, idque quoniam suæ potius gloriæ, quàm aliorum utilitati studuit, hinc igne purgante probandus erit atque expiandus. Jam verò si isti, qui sanam cæteroquin doctrinam verborum fucô vel vanitatis stibio modicè corrumpunt, tam rigidè plectuntur, quid illis fiet, qui falsa vobis annuntiant, animasque vestras pervertunt,

16. quæ tamen, ut in ædificii metaphorâ persistamus, sunt præclarum & sacrosanctum Dei templum, in quo Spiritus Sanctus tanquam in domicilio sibi consecrato sedem suam collocatam habet.

17. Quare qui Sanctitatem violant, & destructionem attentant, ipsi destruentur; peribunt; Deus enim ardenti æmulatio-

16. *Nescitis, quia templum Dei estis, & Spiritus Dei habitat in vobis?*

17. *Si quis autem Templum Dei violaverit, disperdet illum Deus: templum enim Dei sanctum est, quod estis vos,*

18. *Nemo se seducat: si quis videtur inter vos sapiens esse in hoc saeculo, stultus fiat, ut sit sapiens.*

19. *Sapientia enim huius mundi stultitia est apud Deum. Scriptum est enim: comprehendam sapientes in astutiâ eorum.*

20. *Et iterum: Dominus novit cogitationes sapientium, quoniam vana sunt.*

latione hæc domicilia custodit, quæ sibi pro suo cultu & obsequio delegit, siquæ sacrilegis templorum materialium incendiariis non parcat, multò minùs parcat impiis templorum suorum vivorum atque spiritualium profanatoribus. 18. Attendite ergò vobis, ô prædicatores, ne blanda capacitaris vestræ persuasio vos fascinet, ne prudentiæ ac doctrinæ exquisitæ vana titillatio vos in transversum agat, ista potius, quæ & gentibus communia sunt, contemnite, & ut verè sapientes efficiamini, estote simplices, & hanc, quam tanti facimus, induite Christi stulticiam, id est, credite firmiter, & prædicate sincerè & absque fuco christiana dogmata, quæ hominibus paradoxa esse videntur. 19. Hæc enim mundi sapientia, quæ prædicatur, atque admirationi est inter mortales, reverà apud Deum iustissimum rerum æstimatorem nihil est aliud, quàm mera stultitia: scriptum est enim Jobi 8. Sapientes eorum propriis laqueis, quibùs alios calliditate suâ implicare volebant, irretitos capiam. 20. Iterum Ps. 93. novit Dominus vanas ac prorsus inutiles esse cogitationes sapientum, sive dum

dum suam sapientiam insolentiùs prædicant, séque magnificentiùs circumspiciunt, sive dum imperitam multitudinem superstitiosâ idolorum veneratione imbuunt. 21.

Nemo itaque vestrum deinceps suis Magistris tantâ æmulatione sit addiçtus, & inde sibi auctoritatem comparare studeat, quòd denique hominum sit discipulus. 22.

Hi ipsi enim, qualescunque sint, sive Paulus, sive Apollo, sive Cephas, quin mundus universus, vita quoque & mors adeo sibi opposita, præsentia denique, quæ possidetis, futura, quæ speratis, vestra sunt, vobisque servire tantummodo debent, ut instrumenta & adminicula ad salutem vestram à Deo immortaliter ordinata.

23. Vos autem estis Jesu Christi, secuti & Jesus Christus est Dei filius, cui semper obtemperavit, ad cujus etiam gloriam quæcunque agebat, retulit, unde ejus exemplò omnia pariter ad ejus honorem, non autem vestrum referre, eique perfectam ac constantem obedientiam præstare debetis.

21. *Nemo itaque gloriatur in hominibus.*

22. *Omnia enim vestra sunt, sive Paulus, sive Apollo, sive Cephas, sive mundus, sive vita, sive mors, sive præsentia, sive futura: omnia enim vestra sunt:*

23. *Vos autem Christi: Christus autem Dei.*

Ff

PA-

## PARAPHRASIS

## CAP. IV.

1. *Sic nos existimetis homo, ut Ministros Christi & dispensatores mysteriorum Dei.*

2. *Hic jam queritur inter dispensatores, ut fidelis quis inveniat.*

3. *Mihi autem pro minimo est, ut à vobis judicer, aut ab humano die: sed neque meipsum judico.*

4. *Nihil enim mihi conscius sum: sed non in hoc justificatus sum: qui autem judicat me, Dominus est.*

1. Itaque alium characterem nec habemus, nec in nobis considerare debetis, quàm quòd sumus Ministri JESU CHRISTI, quibus animarum vestrarum directionem, suorum charismatum dispensationem, ac provinciam revelandi ejus mysteria demandavit. 2. Illud tantummodo controversum & discutendum nunc restat, num qui munus isthæc sibi impositum habet, coritè, & qua par est, integritate fungatur, adeoque gloriam Dei unicè quærat, an verò emolumentum proprium sectetur. 3. Me quod attinet, candidè vobis edico, mihi perinde esse, an vobis probetur, & arrideat nec ne mea agendi ratio in prædicatione Evangelii, 4. tantùmque abest, ut aliorum de me judicia curiosè exquisiram, ut potiùs ea flocci faciam, & neque de meipso quidquam statuere ausim aut mihi arrogare, probè gnarus, quàm sit hominum natura sui ipsius adulatrix, & in propriis vitiis

coe.

coecutiat. Tametsi enim mea me conscientia nullius in functione meâ piaculi redarguit, facîle tamen contingere potuit secundùm humanam fragilitatem defectus & lapsus hinc inde aliquis, qui vel aciem mentis per inadvertentiam effugerit, vel memoriâ per oblivionem exciderit, ut adeo nequaquam me innocentem propterea existimem, quòd nullius me culpæ reum sciam. DEo soli relinquitur hoc iudicium, cuius oculi intimos cordis recessus penetrant, & sæpe ulcera detegunt, quæ sensum ac notitiam nostram per obscuram subterfugunt. 5. Has veritates, dilectissimi fratres, altè animò imbibite, neque ante tempus de aliorum vitâ aut meritis pronuntiate, sed expectare, dum veniat iudex omnium Dominus, qui divini sui luminis splendore omnia complens in lucem & conspectum omnium proferet, quæ nunc tenebris ignorantie involuta jacent, & abdita consilia cordium admirabili quadam ratione patefaciet. Tunc sua cuique laus mercesque debita aut vituperatio à Deo obveniet, & quemadmodum nec levissima noxa abibit impunita: ita ne minimus quidem virtutis actus suâ

care-

5. Itaque nolite ante tempus iudicare, quoad usque veniat Dominus: qui & illuminabit abscondita tenebrarum, & manifestabit consilia cordium: & tunc laus erit unicuique à Deo.

6. *Hac autem, fratres, transfiguravi in me et Apollo, propter vos: ut in vobis discatis, ne super quam scriptum est, unus adversus alterum infletur pro alio.*

7. *Quis enim te discernit? quid autem habes, quod non accepisti? si autem accepisti, quid gloriaris, quasi non acceperis?*

carebit remuneratione. Nolite interea eò temeritatis progredi, ut hanc judicandi, discernendi, laudandi aut corripiendi provinciam vobis arrogetis, quam sibi soli reservavit supremus noster arbiter ac Judex Deus. : 6. Hactenus dicta sub quodam veluti schemate meae personae ac Apollo, quorum nominibus Magistri vestri abutuntur, proposui, ut & illi exinde discant, quo loco seipsum habere debeant, & vos ipsi ex modo nostro loquendi de propria personâ colligatis, neminem præ alio gloriandi causam habere, quòd ab hoc vel illo prima fidei elementa vel baptismum acceperit, neque cuiquam nostrum plustribuendum, quam Dei Ministris & dispensatoribus mysteriorum ejus debeat. 7. O perfidos vos Ministerii Evangelici profanatores, qui tantum adoratores quaeritis & mancipia vestrae auctoritatis, divinae immemores! quis est, qui vos tanquam præstantiores discernere valeat ab aliis, quibus vos tanquam hominibus nauci tanto fastu atque arrogantia præfertis? quid habetis, quod non ab Optimo Numine acceperitis, & precario possideatis? & si ab eo gratias omnes ac-

cepistis, quid inde intollescitis jactabundi, & ingrati, quasi illi nullâ ratione obstricti? 8. Nimirum, quæ vestra est felicitas, herôes estis, nobis quasi pumilionibus comparati, omnia vobis abundant, sapientia, doctrina, eruditio, adeo divites estis, ut etiam in alios thesauros vestros effundere possitis, in aliorum conscientias imperium tenetis neglectâ operâ nostrâ, atque utinam hoc imperium ævum ferret, tamque solidum, quàm splendidum & inane, legibusque Servatoris nostri conforme potius quàm diffôrme esset, ut & nos junctis unâ vobiscum studiis consiliisque has conscientias dirigere possemus ad promovendam eorum salutem, qui nobis subderentur. 9. Verùm enimverò probè novi, me tanquam indignum & inutilem servum nunquam à vobis in partem laborum assumendum: me siquidem despiciatis tanquam novissimum Apostolorum, cùmque vestram agendirationem attentius considero, adverto, me perinde ac reliquos Apostolos postremo locò à vobis haberi tanquam homines, qui vitam ducant in eum præcisè finem, ut tanquam vitæ mortis destinatæ aliquando

ca-

8. *Jam saturati estis, jam divites facti estis: si ne nobis regnatis; & utinam regnetis, ut & nos vobiscum regnemus.*

9. *Puto enim, quòd Deus nos Apostolos novissimos ostendit, tanquam morti destinatos: quia spectaculum facti sumus mundo, & angelis & hominibus.*

Ff 3



10. *Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles.*

11. *Usque in hanc horam & esurimus, & sitiimus, & nudi sumus, & colaphis cedimus, & instabiles sumus.*

cadant. Et sanè nunquid non coram omni hominum genere tanquam in amplissimo theatro expositi fuimus contemptui ac ludibrio publico? nunquid non spectaculum facti sumus & angelorum mentibus & mortalium quisquiliis? 10. Traducimur à vobis vestrique similibus ut stulti, dum Jesum Christum prædicamus more nobis consueto, vos autem tanquam viri omnium pene sententiâ prudentes, & sapientiâ pleni auditis, quando eundem Jesum annuntiaris aliâ quadam ratione dicendi vobis peculiari: nos ægri atque infirmi, hoc est, rerum adversarum tum multitudine tum magnitudine obruti, ac prope oppressi, vos autem validi ac robusti, secundo videlicet rerum cursu fruantes ac bonis omnibus circumfusi, vos denique illustres & omnium voce ac prædicatione celebres, nos contra probris & contumeliis cooperti. 11. Usque in hanc horam fame siti que premimur, adversus tempestatum injurias malè tecti ab omnibus excludimur, in ultimas terras amandamur, verberibus tanquam vilissima mancipia pulsamur, huc illuc trudemur, nulloque fixo domiciliô

cui

ruti incertis sedibus continenter vagamur. 12. Manuum opificiō vitam ægerrimè toleramus, convitiis laceſſiti bene precamur maledicis linguis, adverſa denique forti ac patienti animō absque replicā perferimus. 13. Injuriis atrocibus proſcindimur, & reddimus gratiarum actiones, & laudum divinarum cantica. Denique ut paucis multa completar, nihil nobis egentius, nihil ſpoliarius, nihil contemptibilius fingi poteſt. Videntur omnes angulorum omnium ſordes in nos congeſtæ, ut expiemus in nobis, quod alii deliquerunt, neque pluris habemur, quàm extrema mundi ſæx, & reſectamentum, lutumve, quod pedibùs calcatur quotidie. 14. Neque ſanè hæc vobis ſcribo, ex amarulento quodam indignationis ſtudio, ut vos pudore ſuffundam, ſed id potiùs mihi propoſitum eſt, ut vobis tanquam filiis meis amantiffimis pro ſalubri admonitione differentiam oſtendam inter eos, qui eandem mecum in miniſterio Evangelico orbitam reſerunt, & inter Magiſtros veſtros grandiloquos, qui longè diverſam ſemitam tenent. 15. Tametiſi enim decem millia prædagogorum &

12. *Et laboramus operantes manibus noſtris: maledicimur & benedicimus: perſecutionem patimur & ſuſtinemus:*

13. *Blasphemamur, & obſecramus tanquam purgamenta hujus mundi facti ſumus, omnium peripſema uſque adhuc.*

14. *Non ut confundam vos, hac ſcribo, ſed ut filios meos chariſſimos moneo.*

15. *Nam ſi decem millia prædagogorum ha-*

am-

*beatissim in Christo, sed non  
multos patres. Nam in  
Christo Jesu per Evan-  
gelium ego vos genui.*

16. *Rogo ergo vos,  
imitatores mei estote, si-  
cut & ego Christi.*

17. *Ideo misi ad vos  
Timotheum, qui est filius  
meus charissimus, & fi-  
delis in Domino, qui vos  
commonefaciet vias me-  
as, quæ sunt in Christo  
Jesu, sicut ubique in om-  
ni Ecclesia doceo.*

amplius haberetis, qui vos erudiant,  
& supra fundamentum à me posi-  
tum inædificent, at verò quàm pau-  
cos patres numeratis, qui paternâ  
vos charitate complectantur? solus  
ego hoc nomen mihi arrogo, & ju-  
re quidem optimo, in Christo enim  
Jesu per Evangelium ego vos genui,  
& ipsius Ecclesiæ summo Dei bene-  
ficiò aggregavi. Decet autem om-  
nino filios vestigiis Patrum insistere.  
16. Quare vos enixè rogo & obte-  
stor, ut neglectis iis, quæ ad inanem  
pompam atque ostentationem refe-  
runtur, meam potius vivendi do-  
cendique rationem probetis, vobis-  
que imitandam proponatis, nam &  
ego, quoad ejus fieri potuit Chri-  
stum mihi tanquam exemplar om-  
nibus numeris absolutum imitan-  
dum proposui. 17. Interea, do-  
nec oretenus de hoc ipso vos pluri-  
bus edoceam, mitto vobis Timothe-  
um perdilectum filium meum, &  
Ministrum fidelem in Domino, qui  
vobis in memoriam revocet doctri-  
nam à me tradi solitam per omnes  
Ecclesias, conversationem item  
meam, totumque vitæ institutum,  
nempe ut habeatis, quæ in me ut  
genuini filii in patre imitemini.

18. Non me latet, complures in eâ fuisse sententiâ, me non ampliùs rediturum Corinthum, atque hoc supposito immunes se credidisse ac liberos à multis Christianæ vitæ officiis, 19. spero autem me Deo volente brevè venturum ad vos. 19. Tunc discutiam spiritus illos æstimatione sui prætumidos, & observabo attentius non doctrinæ profunditatem, non sermonis elegantiam, sed spirituales docendi agendive facultatem, quid nempe præstiterint pro amplificatione regni Dei. 20. Illud enim non disserendi subtilitate, aut dicendi lepore ac venustate firmatur ac propagatur, sed arcanâ divinæ potentiae ac sapientiae virtute atque efficaciam. 21. Cæterum si scire cupitis, qualisnam futurus sit adventus meus, cum ad vos rediero, an pacificus & in spiritu lenitatis, an verò illætabilis & in virgâ correptionis, respondeo, me id vestro arbitrio permittere. Si enim hac epistolâ permoti ad mentem redieritis, & scandala omnia amoveritis, experiemini patrem me benignissimum pristinâ vos charitate complectentem, & acrioribus remediis superfedentem, si autem obstinati in vestris diffi-

18. *Tanquam non venturus sim ad vos, sic inflati sunt quidam.*

19. *Veniam autem ad vos citò, si Dominus voluerit; & cognoscam non sermonem eorum, qui inflati sunt, sed virtutem.*

20. *Non enim in sermone est regnum Dei, sed in virtute.*

21. *Quid vultis? in virgâ veniam ad vos, an in charitate, & spiritu mansuetudinis?*

diffidiis, aliisque corruptelis perseveratis, non possum non partes Judicis assumere, & pro potestate mihi à Deo concessâ omni cum rigore animadvertere in discolos & inmorigeros filios.

## PARAPHRASIS

### CAP. V.

1. *Omnino auditur inter vos fornicatio, & talis fornicatio, qualis nec inter Gentes, ita ut uxorem patris sui aliquis habeat.*

2. *Et vos inflati estis: & non magis luctum habuistis, ut tollatur de medio vestrum, qui hoc opus fecit.*

1. **A**T ecce, quæ publicis rumoribus ad me perlata sunt, me prohibent vobiscum mitius agere. Fama siquidem quaquaversum sparsa vulgavit tam infandum inter vos libidinis flagitum, quale ne quidem inter gentes à Christi fide alienas auditum unquam, ut quis videlicet novercæ nefario atque incesto concubitu impunè commisceatur, quod vel ipsi idolorum cultores, ut portentum libidinis execrantur.

2. Interea cum fratris vestri funestum casum vix non sanguineis lacrymis deberetis prosequi, ejusque consortium ut pestem fugere, vobis ipsis tanquam ex omni parte perfectis

fectis applauditis, nimiam vestri æstimatione & complacentiâ foedum in modum delusi. Ego verò tam atrox flagitium dissimulare nequeo, neque impunitum relinquere, mihi enim ita mandante Deo incumbit pro conservatione Ecclesiæ suæ vigilare assidue.

3. Quamobrem non quidem corpore, spiritu tamen vobis præsentissimus 4. constitui in nomine Domini nostri Jesu Christi ex potestate mihi aliisque Ecclesiæ præsidibus, traditâ hunc impurissimum nebulonem satanæ tradere, & reipsâ trado torquendum, eumque à communione fidelium segrego, ut opprobrium supplicii cedat ipsi in expiationem flagitii, & afflictio corporis redundet in salutem animæ, ne damnationem æternam incurrat die illo supremo, quo Dominus noster Jesus Christus venturus est cum potestate supremâ ad judicandum orbem universum.

6. Profectò post tolerantiam inter vos tam scelerati monstri non est, quòd vobis multum blandiamini de insigni sapientiâ ac probitate. An ignoratis (quod vel ipso rerum usu atque experimento facilè quivis intelligat) exiguâ fermenti particulâ massam universam,

cui

3. *Ego quidem absens corpore, præsens autem spiritu, jam judicavi ut præsens eum, qui sic operatus est,*

4. *In Nomine Domini nostri Jesu Christi, congregatis vobis & meo spiritu, cum virtute Domini nostri Jesu,*

5. *Tradere hujusmodi satanæ in interitum carnis, ut spiritus salvus sit in die Domini nostri Jesu Christi.*

6. *Non est bona gloriatio vestra. Nescitis, quia modicum fermentum totam massam corrumpit?*

7. *Expurgate vetus fermentum, ut sitis nova conspersio, sicut estis azymi. Etenim pascha nostrum immolatus est Christus.*

8. *Itaque epulemur, non in fermento veteri, neque in fermento malitiae & nequitiae: sed in azymis sinceritatis & veritatis.*

cui miscetur, acorem illum contrahere, adeoque pari ratione vel unicuique facinorosum hominem exemplum suo plures innocentes & ingenuos pervertere possit? 7. Ut vos igitur purgetis, omnique offendiculum tollaris, necesse est omnino, hunc incestuosum, ac proinde pestilentem hominem procul hinc relegari tanquam vetus quoddam fermentum, ut sitis secundum professionis vestrae vinculum nova sine fermento massa, id est, ut nihil inter vos invenire sit, quod pravitate exempli vos possit pervertere. Hebraeis non licebat agnum paschalem comedere nisi cum pane azymo, quia verò is tantum per figuram representabat Servatorem nostrum amantissimum, qui pro nobis nostraque salute sacrificatus pascha nostrum novumque est, 8. vescamur sane illo, sed non veteri fermento malitiae & perversitatis, sed cum panibus azymis sinceris atque veris, hoc est, castis atque integris moribus. Purgemus ergo conscientias nostras à pristinis sordibus, easque eliminatà omni malignitate, fraudulentia ac simulatione domicilia faciamus innocentiae ac candoris ingenui, firmiterque apud nos

nos statuamus, totum vitæ nostræ curriculum festum esse continuum, quod religiosè celebrare & transigere convenit abstinendo ab omni morum corruptelâ. 9. Ne-

que tamen sufficit ab omni graviore noxâ deinceps committenda desistere, cum ipsis facinorosis hominibus commercium omne abrumpendum est. Hæc tamen regula interpretationem ac limitationem admittit.

10. Cùm enim hac epistolâ vobis præcipio, ut omnem cum impuris scortatoribus scortisve consuetudinem abrumpatis, non perinde hoc à me accipi volo, quasi omnino nefas sit, cum scortatoribus, avaris, rapacibus, aut idolorum cultoribus versari, qui sunt extra Ecclesiam, aliàs exeundum vobis foret ex hoc mundo, cujus illi maximam partem constituunt, & in novum aliquem commigrandum. 11. Hoc ergo præ-

ceptum illos tantummodo concernit, qui veri Numinis cultum ac fidem profitentur: & in hoc sensu absque exceptione loquor, modisque omnibus cupio, ut ad amussim illud servetis, & si quis ex fratribus vestris legitime ac publicè reus in-

veniat vel fornicationis, vel frau-

9. *Scripti vobis in epistola, ne commisceamini fornicariis.*

10. *Non utique fornicariis hujus mundi, aut avaris, aut rapacibus, aut idolis servientibus: alioquin debueratis de hoc mundo exiisse.*

11. *Nunc autem scripti vobis, non commisceri: si is, qui frater nominatur, est fornicator, aut avarus, aut idolis serviens, aut maledicus, aut ebriosus, aut ravestris legitime ac publicè reus in-*

*cibum sumere.*

du-

Gg 3



12. *Quid enim mihi  
de iis, qui foris sunt, ju-  
dicare? nonne de iis, qui  
intus sunt, vos iudicatis?*

13. *Nam eos, qui fo-  
ris sunt, Deus iudicabit.  
Auferte malum ex vobis  
ipsis.*

dulentiæ ex impulsu sordidæ avari-  
tiæ in negotiatione commissæ, vel i-  
dololatriæ, aut furti, aut calumniæ,  
cum huiusmodi commercium omne  
abrumpendum, & nec cibum quidem  
sumendum cenſeo: videtur enim  
approbari flagitium, si flagitioso fa-  
miliaris esse pergas, & improbi, qui  
à cœptis desisterent, si adverterent;  
se aliis horrore esse, & abominatio-  
ni, quò diutius tolerantur, eò magis  
obstinantur. 12. Non me immisceo  
eorum negotiis, qui omnino extra  
Ecclesiam sunt, qui enim foris sunt,  
ad forum nostrum ac jurisdictionem  
non pertinent, sed Dei illos iudicio  
ac supplicio relinquimus, illorum au-  
tem, qui in ejus gremium admissi  
sunt, vitam & mores nunquid obser-  
vare vos & castigare oportet, si de-  
lictâ graviora & cum scandalo publi-  
co perpètrant, quandoquidem &  
Magistrorum vestrorum agendi ra-  
tionem acri censurâ non rarò per-  
stringitis? 13. Itaque si me auditis,  
sceleratum hoc ac putridum mem-  
brum è corpore ac cætu vestro re-  
secate, neque diutius patiamini, ejus  
vos consuetudine convictûque inquini.

PA-

## PARAPHRASIS

## CAP. VI.

1. **P**Ræmissâ hac tam salubri admonitione plura adhuc restant vobis exprobranda. Idoneis enim auctoribus comperi, esse inter vos complures, qui subortas inter se lites causasque civiles ad iudices paganos deferunt, maluntque eorum utrum nomini Christiano infensum, quam sanctorum, nempe Christianorum decisioni stare.
2. **A**d eone rudes estis singularium factorum, quibus nostra gaudet religio, ut ignoretis, quod tamen persæpe ex me intellixistis, futurum aliquando, ut sancti cunctos mortales in supremo mundi die iudicent? quod si universus mundus cum omnibus coronatis capitibus ac principibus terræ vestro iudicio subijcitur, vestraque sententiæ acquiescet, adeone exigua vobis videtur capacitas vestra, ut vos impares credatis discutiendis ac dirimendis leviculis illis causis, quas inter vos agitis?
3. **A**n ignoratis, quod cum Iesus potest angelos iudicabimus? Ita quantò magis secularia?
1. *Audet aliquis vestrum habens negotium adversus alterum, judicari apud iniquos, & non apud sanctos?*
2. *An nescitis, quoniam sancti de hoc mundo judicabunt? & si in vobis judicabitur mundus, indigni estis, qui de minimis iudicetis?*
3. *Nescitis, quoniam angelos iudicabimus? Ita quantò magis secularia?*

4. *Sacularia igitur  
judicia si habueritis; con-  
temptibiles, qui sunt in  
Ecclesiâ, illos constituite  
ad judicandum.*

5. *Ad verecundiam  
vestram dico. Sic non est  
inter vos sapiens quis-  
quam, qui possit judicare  
inter fratrem suum?*

statem à Patre acceptam sedendi pro  
supremo illo decretorio tribunali  
nobis communicaverit, sententiam  
laturi sumus in ipsos reprobos spiri-  
tus eorumque Principem infernalem,  
quantò magis decidere poterimus  
controversias subortas circa negotia  
hujus sæculi, quæ ad vitæ hujus mor-  
talis usum pertinent, & momenti  
planè sunt levissimi? 4. Opponetis  
quidem in contrarium contingere  
haud quaquam possè, ut civiles con-  
certationes litèsque forenses univer-  
sim declinentur. Esto res ita se ha-  
beat, at verò quid necesse est judices  
infideles adire? Equidem cum de  
rebus caducis & corporeis, quæ ad  
hanc brevissimam vitam sive tuen-  
dam sive ornandam disceptetur,  
præstaret millies, & abundè suffice-  
ret eos à vobis constitui judices, qui  
minimi sunt pretii inter vos. 5.  
Hæc idcirco à me commemorata  
sunt, ut hanc potissimum ob cau-  
sam justum vobis pudorem incutiam,  
cui enim credibile videatur, eò remi  
devenissè, ut ne unus quidem inter  
vos tantâ sapientiâ ac prudentiâ præ-  
ditus inveniat, qui fratrum suo-  
rum lites componere & contentio-  
nes dirimere aut sciat, aut velit?

6. Sed

6. Sed profectò ita res se habet ( quod non sine magno animi sensu ac dolore dico ) frater cum fratre injustè iudiciò experitur , & alter alterum ad iudices infideles & à Christianâ religione alienos trahit.
7. Nolite , obsecro , vobis ipsis plus æquò blandiri , fucumque facere. Cum tales in vobis regnent discordiæ , palàm facitis , quàm procul absitis à perfectione Christianæ legis ; magis planè animi impotentia est , & ut semel dicam , non leve crimen , quòd de rebus terrenis non sine gravi infidelium offensione tam acriter disceptatis. Quare non potius injurias , fraudes , rerumque vobis debitarum repulsam patienti fortique animò toleratis ?
8. Sed pro dolor ! inmemores fraternæ necessitudinis vos invicem persequimini , fraude ac dolo circumvenitis , & citra ullum sive pudorem , sive timorem , injuriâ damnòque afficitis ?
9. Quid ? an ignoratis , tales Christianæ charitatis sanctæque justitiæ violatores cœlesti regno , & paternâ Dei immortalis hereditate in æternum excludendos ? Nolite , quæso , vano errore deludi , sed sic prorsus habetote : neque scortatores , neque idololâtras , neque moechos ,
6. *Sed frater cum fratre iudicio contendit : & hoc apud infideles ?*
7. *Jam quidem omninò delictum est in vobis , quòd iudicia habetis inter vos. Quare non magis injuriam accipitis ? quare non magis fraudem patimini ?*
8. *Sed vos injuriam facitis , & fraudatis : & hoc fratribus.*
9. *An nescitis , quia iniqui regnum Dei non possidebunt ? Nolite errare : neque fornicarii , neque idolis servientes , neque adulteri ,*

10. *Neque molles, neque masculorum concubitores, neque fures, neque avari, neque ebriosi, neque maledici, neque rapaces regnum Dei possidebunt.*

11. *Et hæc quidam fuistis: sed abluti estis, sed sanctificati estis, sed justificati estis in nomine Domini nostri JESU Christi, & in spiritu Dei nostri.*

12. *Omnia mihi licent, sed non omnia expediunt. Omnia mihi licent, sed ego sub nullius redigar potestate.*

10. Neque cinædos, neque qui præposterâ masculorum venereruntur, neque fures, neque avaros, nec ebrietati deditos, neque convitiatores, neque rapaces regni Dei possessionem consecuturos. 11. Hactenus (id quod de nonnullis intellectum volo) tales eratis, quales modò descripsi, ejusmodi pene sceleribus inquinati, sed (quæ Dei benignitas fuit) per baptismi lavacrum ab his sordibus abluti estis, sed sanctificati estis, verâmq; justiciam adepti per gratiam Domini nostri JESU Christi & virtutem Spiritûs Sancti. Unius ejusdémque fidei professio tam arctè vos debuisset conjungere, ut nulla vis sufficeret scissionibus inter vos excitandis, & agitando processibus judicialibus cum infallibili charitatis dispendio. Quamobrem vobis jam significavi, præstare potiùs, ut injurias omnes atque adeo facultatum vestrarum jacturam æquo animò perferatis, quàm ut mutuis contentionibus litibusque forensibus vosmetipsos in extremam ruinam præcipitetis. 12. Reponet autem nonnemo: an ergò mihi non liceat per viam juris repetere, quod meum est? Licet sanè, sed

sed non omne quod licitum, tēper  
& quocunque casu expedit, ut fiat.  
Meliori sanè jure, quàm alii, qui ad de-  
fendendas mordicūs suas prætensio-  
nes atque altercationes hoc clypeō  
utuntur, dicere possem, omnia mihi  
permissa esse: ego autem animō ita  
sum comparatus, ut nolim rebus  
caducis servilem in modum adhæ-  
rescere, easque inordinatè & ultra  
modum diligere. Exempli causā  
scio, nullā me lege prohiberi, quō  
minus necessāria pro meā sustenta-  
tione exigam, cum in bonum ve-  
strum laborem, meque totum quan-  
tum impendam: nolui autem hoc  
qualicunque jure inter vos uti, ne vi-  
delicet cum obligatione ab iis de-  
penderem, à quibus aliquid accepis-  
sem, utque vobis exemplum darem  
charitatis ab omni emolumento pro-  
prio alienæ, quā à Ministris Evange-  
lii illud promulgari oporteret. 13.  
Quandoquidem autem usus cibo-  
rum est indifferens, ventérque de-  
stinatus est ad eos recipiendos, iique  
vicissim ad illum nutriendum, nun-  
quid ingentis dementiæ est mutuas  
accusationes gliscere ad ea compa-  
randa vel retinenda, quæ vitæ  
quidem sunt utcunque necessaria,

sed

13. *Esca ventri, & ven-  
ter escis: Deus autem &  
hunc & has destruet: cor-  
pus autem non fornicatio-  
ni, sed Domino: & Do-  
minus corpori.*

H h 2

14. *Deus verò & Dominum suscitavit, & nos suscitabit per virtutem suam.*

15. *Nescitis, quoniam corpora vestra membra sunt Christi? tollens ergò membra Christi faciam membra meretricis? Absit.*

sed tantum ad usum brevissimum, & nunquam ferme desunt hominibus probitate conspicuis. Me quod attinet, tanti eas non curo, ut à consuetà meâ gratis prædicandi consuetudine recedere velim. Hæc tamen indifferentia nequiquam se ad omnia extendit, tamen enim venter pro escâ, & escâ pro ventre sit, corpus tamen minimè conditum est, & destinatum pro usu & disputatione libidinis. Quantumcunque terrestre sit & animale, Dei tamen imperio subjacet, & Dominus pro suâ potestate de illo disponere valet tanquam de re suâ. 14. Quin imò Deus, qui Christum Dominum revocavit ab inferis, illud pariter, ut ut periiſſe videatur, virtute suâ excitabit ad superos. Quis vestrum hac de re ambigat? 15. Quemadmodum etiam, quòd corpora vestra sint quodammodo membra Christi? ex hac qualitate necessario sequitur, ea cum capite suo aliquando vivificanda ac reunienda, ac proin sanctè tractanda & reverenter cum omni sollicitudine pro eorum puritate, cum quilibet ita secum ratiocinari debeat: Quid? subtrahamne Jesu Christo sua membra, quæ ad cor-

corporis ejus mystici integritatem pertinent, & prostibulo alicui in detestabilem usum consignem? 16. Non enim ignorare potestis, cum qui meretrici nefariè copulatur, non tantum ex parte, sed ex integro ab eâ possideri, & unione quadam fœtissimâ unum quodammodo ex duobus fieri corpus, quemadmodum ex conjunctione legitimâ utriusque conjugis duo sunt in carne una. 17. Econtrâ qui Domino adhæret, & præpotenti amoris vinculô ei quodammodo agglutinatur, unus planè spiritus efficitur cum illo, & ejusdem propemodum naturæ fit particeps, atque adeo nihil mortale aut caducum cogitat, tantum abest, ut sese fœdis voluptatibûs constringendum præbeat. 18. Fugite ergò fornicationem cane pejûs & angue. Ut autem de hoc capitali hoste victoriam plenam referatis, minimè hærendum est in extimâ ejus superficie ac specie. Existimatis forsitan non esse illud adeò grande fœdumque piaculum, sed patiamini, quæso, hunc vobis crassissimum errorem eximi. Qui aliorum criminum se reos faciunt, id citra corporis injuriam aut contumeliam agunt, propriam

16. *An nescitis, quoniam qui adhæret meretrici, unum corpus efficitur? erunt enim, inquit, duo in carne unâ.*

17. *Qui autem adhæret Domino, unus spiritus est.*

18. *Fugite fornicationem, Omne peccatum, quodcunque fecerit homo, extra corpus est: qui autem fornicatur, in corpus suum peccat.*



19. *An nescitis, quoniam membra vestra templum sunt Spiritus sancti, qui in vobis est, quem habetis à Deo, & non estis vestri?*

20. *Empti enim estis pretiò magno. Glorificate & portate Deum in corpore vestro.*

ámque solummodo animam inquinant. Quicumque autem libidinosè agit, præter animam etiam proprium corpus polluit, & contumeliosè tractat tum ratione sordium, quibûs seipsum conspucat, tum ratione lascivorum motuum, quibus in se excitatis in bestiam tandem degenerat. 19. An vos latet, corpus vestrum templum esse Spiritus Sancti, qui quâdam ratione sedem suam in vobis collocavit, ex quo illum baptismò expiati cœlitus percepistis? Itaque oportet vos esse Deo sic penitus addictos, ut memineritis, vestri vos juris non ampliùs esse, nec de vobis pro libitu disponere possè. 20. Christus enim Dominus vos morte suâ pretiosissimâ redemit, & in libertatem asseruit lytrò inæstimabili. Æquum igitur est vos tanto beneficio Deo immortalì obstrictos tum corpore tum etiam spiritu omnem honorem & gloriam exhibere, cum & hic, & illud ad ipsum tanquam supremum Dominum omni jure titulòque pertineant, ejusque præsentia ac sanctitate honorentur tanquam templa & sacraria veneranda.

Pa-

## PARAPHRASIS

## CAP. VII.

1. **T**Empus nunc est, ut ad aliqua quaesita respondeam mihi vestris epistolis proposita. Et Imò quidem, tametsi perquam laudabile & eximium quidpiam sit omni prorsus abjectâ conjugis consuetudine eâ consentiente castimoniam perpetuò colere, 2. ad evitandam tamen fornicationem, aliâsque libidinis sordes auctor sum vobis, ut suam quisque uxorem, & proprium quæque femina virum ad honestum conjugii usum sanctè retineat, & opportuno tempore adhibeat. 3. Porro vir uxori debitam benevolentiam exhibeat, reliquæque conjugii officia præstet, quæ jure à viro exiguntur, nec absimili ratione vicissim uxor viro ea ne deneget, quæ connubii lege jure optimo debet. 4. Sicut enim uxor potestatem corporis sui ex nuptiarum lege in virum transtulit, ita & maritus in uxorem. 5. Quare nolite ab invicem separari, neque recusare mutuuum debitum, nisi uterque
1. *De quibus autem scripsisti mihi: Bonum est homini mulierem non tangere:*
2. *Propter fornicationem autem unusquisque suam uxorem habeat, & unaquæque suum virum habeat.*
3. *Uxori vir debitum reddat: similiter autem & uxor viro.*
4. *Mulier sui corporis potestatem non habet, sed vir: similiter autem & vir sui corporis potestatem non habet, sed mulier.*
5. *Nolite fraudare*

*in vicem, nisi forte ex consensu ad tempus, ut vacetis orationi: & iterum revertimini in id ipsum, ne tentet vos satanas propter incontinentiam vestram.*

*6. Hoc autem dico secundum indulgentiam non secundum imperium.*

*7. Volo enim omnes vos esse, sicut me ipsum: sed unusquisque proprium donum habet ex Deo: alius quidem sic, alius verò sic.*

*8. Dico autem non nuptis & viduis: bonum est illis, si sic permaneant, sicut & ego.*

que consentiat, & ad modicum tempus, ut orationi liberius vacare possitis. Oportet autem, ut postmodum ad eandem vitæ socialis consuetudinem redeatis, ne sub prætextu pietatis vos exponatis assultibus diaboli, eoque instigante in concessæ libidini succumbatis miseri. 6. Hæc autem nolim à vobis ita intelligi, quasi usum matrimonii ad declinandum periculum alicujus impudiciæ absolutè præcipiam, sed humanæ conditionis memor, vestræque infirmitatis conscius hoc ei remedium ad vitanda graviora mala utcunque indulgendum censeo. 7. Optarem equidem, ut vos omnes exemplò meo cælibes viveretis, sed Deus, qui pro libitu dona sua distribuit, his aliqua tribuit, quæ aliis negat, & quemlibet suâ providentiâ per diversas semitas ducit ac dirigit, adeò ut hic quidem hoc modo, ille verò secus & longè aliâ quapiam ratione comparatus sit, & animò constitutus. 8. Si considerem prærogativas castimonie, suadeo sanè iis, qui nondum matrimonio ligati, vel eo jam liberati sunt, ut eam exemplò meo studiosè sectentur, sanctæque observent, si tamen præstare id valeant.

9. Quòd si cupiditatum æstu, atque impotenti libidine vincuntur, nec voluptatum illecebris delinunt, castè atque integrè se vivere possunt, sperant, incant sanè pace meâ matrimonium, satiùs enim multò est sedare flammæ concupiscentiæ honesto coniugiò, quàm iis succendi assidue, & tandem tentationi fœdæque libidini succumbere. 10. Iis autem, qui nuptiarum fœdere obstricti tenentur, non meâ tantùm sententiâ, sed Domini ipsius præceptò denuntio, ut sanctitatem connubii ad extremum usque spiritum perpetuò colant, neque uxor à viro sibi recedendum unquam putet, aut vir sibi fas esse persuadeat, uxori nuntium remittere, nisi gravis subsit ratio. 11. Si talis separationem urgeat, prout contingere nonnunquam potest, alterum è duobus necessariò eligendum, ut aut absque connubio cælibem vitam ducat, vel si se continere nequeat, ad priorem conjugem & cum eo in gratiam redeat. Idem observandum est marito, cuius vinculum conjugale minimè solvitur etiam licitâ separatione thori. 12. Interrogabitur modò, an fidelis quispian retinere possit uxorem suam

9. *Quòd si non se continent, nubant. Melius est enim nubere quàm uri.*

10. *Iis autem, qui matrimonio juncti sunt, precipio non ego, sed Dominus, uxorem à viro non discedere:*

11. *Quòd si discesserit, manere innuptam, aut viro suo reconciliari. Et vir uxorem non dimittat.*

12. *Nam cateris ego dico, non Dominus. Si quis frater uxorem ha-*

*bet infidelem, & hac consentit habitare cum illo, non dimittat illam.*

13. *Et si qua mulier fidelis habet virum infidelem, & hic consentit habitare cum illâ, non dimittat virum.*

14. *Sanctificatus est enim vir infidelis per mulierem fidelem, & sanctificata est mulier infidelis per virum fidelem: alioquin filii vestri im-mundi essent, nunc autem sancti sunt.*

necdum Christianis sacris initiatam, vel an uxor Christiana obligetur ei cohabitare, qui Christianus non est: Fateor hac de re, quid factum opus, nullum me accepisse præceptum à

Domino. 13. Nihilominus suadeo, si utroque casu ambo pacificè amicèque vivant citra Creatoris contumeliam, vel periculum subversionis, & ab omni cæteroquin divor-tio alieni sint, suadeo, inquam, ut conjugalis vitæ societatem continu-ent. 14. Sanctitas enim mariti Christiani sanctificat quodammodo uxorem gentilem, & uxoris Christianæ sanctitas comunicatur etiam viro infideli, eumque morali quadam denominatione, & quasi sanctitatis extrinsecæ aspergine, paulatim adap-tat ad veram iustitiam ac sanctita-tem percipiendam. Differentia fi-dei non reddit per se illicitam am- borum conjunctionem, quin imò puritas alterutrius sufficit ad per-purgandum & sanctificandum usum conjugii: pietas enim consortis fi-delis benedictionem & favorem su-premi Numinis in infidelem attra-hit, & exemplis eximiae probitatis paulatim disponit ad amorem & æ-

stimationem sinceræ Religionis. Quòd

Quòd si mutuam separationem eligeretis, tunc liberi vestri jam dispositi ad sanctificationem per sanctitatem patris vel matris, vel sancti per ipsum baptismum, in maximo forent discrimine, ne postmodum immundi & vel adulterini redderentur, vel saltem perversi. Si enim fidem jam amplexi sunt, possent facto divortio ab eâ rursus abduci instigatione alterutrius ex parentibus idololatrarum, sin minus, ab eâ amplectendâ absterrentur ejus exemplò, & in infidelitatis immunditiâ educarentur. Quòd si fidem sanctam ejurare nollent, quasi ex illegitimo thoro nati pro adulterinis haberentur & rejicerentur factâ separatione à parente infideli. Nunc autem continuato conjugio sancti, id est, mundi sunt ac legitimi utpote ex legitimo matrimonio concepti & nati, & industriâ parentis fidelis faciliè possunt baptizari, in fide instrui, atque ita verè sanctificari. 15. Quòd si infidelis repudiare velit conjugem Christianam, aut si uxor infidelis nolit unâ cum fidei vitam degere, non illis prohibeo separationem mutuam, qui enim legem evangelicam amplectuntur, neuriquam mancipia sunt

15. *Quòd si infidelis discedit, discedat: non enim servituti subjectus est frater, aut soror in hujusmodi; in pace autem vocavit nos Deus.*

sunt eam ignorantium, aut averse-  
 tantium, & libertas separationis haud  
 dubiè si qua est, est reciproca.  
 Quandoquidem enim Deus nos vo-  
 cavit ad vitam tranquillè & pacificè  
 ducendam, quæ nulla esse potest,  
 ubi inter fidelem atque infidelem  
 alienatio voluntatum intercedit, præ-  
 stat utique hanc separationem fieri,  
 quàm perpetuam animorum divisio-  
 nem vigere, vel ut confors fidelis  
 continuas audiat blasphemias eru-  
 ctari contra Jesum Christum ab al-  
 tero consorte, vel de fide periclite-  
 tur ob assiduas instigationes ad eam  
 ejurandam. Sanè si qua ratio pug-  
 naret pro continuatione mutue co-  
 habitationis, esset fors spes aliqua  
 ad veram fidem permovendi perso-  
 nam infidelem. 16. At verò, o  
 mulier, fatin tibi perspectum ac li-  
 quidum est, virum tuis moribus at-  
 que exemplis posse aliquando ad  
 salutem sempiternam perducì, tuque  
 vir, potèrne tibi absque temeritatis  
 notâ prudenter polliceri, uxorem  
 tuam ab idolorum cultu certò desti-  
 turam? 17. Fiat ergò separatio mu-  
 tua, nisi Deus, qui cuilibet pro li-  
 berâ sua voluntate gratias suas lar-  
 gitur, tam efficacem det marito vel

uxo-

16. Unde enim scis  
 mulier, si virum salvum  
 facies? aut unde scis vir,  
 si mulierem salvam fa-  
 cies?

17. Nisi unicuique  
 sicut divisit Dominus,  
 unumquemque sicut vo-  
 cavit Deus, ita ambu-

uxori fidei, ut non solum nullum sit *let, & sicut in omnibus*  
periculum deficiendi à fide, sed spes *Ecclesiis doceo.*

insuper non modica affulgeat, eorum instructione ac patientiâ tandem alterum consortem infidelem adducendum, ut manus det agnitæ veritati, noménque Christo Domino. Tamen autem transitus ad veram religionem mutationem aliquam inducat in matrimonio permittendo illius dissolutionem in casu allegato, eadem tamen mutatio locum minimè habet in reliquis vitæ statibus. Persistendum enim est in eo, in quo quis erat, antequam fidem christianam amplecteretur, & qualem unumquemque voluerit esse Deus, talem se quisque exhibere debet, divinæque vocationi pro virili respondere, quam ego doctrinam omnibus Ecclesiis trado. 18. Si

circumcissus baptismô abluatur, non debet erubescere circumcisionem, neque de procurando novo præputio esse sollicitus, pariter, qui præputium habebat, dum christianæ militiæ aggregaretur, circumcisionem nullo modo admittat, nec Judaicos ritus ac cæremonias consecetur.

19. In ordine enim ad professionem veræ religionis, & salutem sem-

18. *Circumcissus aliquis vocatus est? non adducat præputium. In præputio aliquis vocatus est? non circumcidatur.*

19. *Circumcisso nihil est, & præputium nihil est.*  
li 3



*hil est, sed observatio  
mandatorum Dei.*

20. *Unusquisque in  
quâ vocatione vocatus est,  
in ea permaneat.*

21. *Servus vocatus  
es? non sit tibi cura: sed  
& si potes fieri liber,  
magis utere.*

22. *Qui enim in Do-  
mino vocatus est servus,  
libertus est Domini: si-  
militer qui liber vocatus  
est, servus est Christi.*

piternam nil refert, præputium ha-  
beas necne, Judæus fueris, aut genti-  
lis, sed tota perfectio consistit in ex-  
actâ observatione legis divinæ. 20.  
Quilibet ergo suo gradu contentus  
vivat, in eoque statu permaneat, in  
quo erat, cum vocaretur ad verita-  
tis Christianæ agnitionem, neque  
suam conditionem fastidiat, quasi  
minus aliquid consecurus sit, quàm  
cæteri, & pauciora habeat ad gra-  
tiam, & justiciam assequendam ad-  
jumenta. 21. Si servus es, noli ra-  
tione servitutis affligi, quasi ea sit  
Christianis indigna conditio, tamet-  
si etiam libertatem recuperare pos-  
sēs, utere tamen conditione tuâ ser-  
vili, in quâ degis, tanquam medi-  
o Deo tibi suppeditato ad procu-  
randam tuam salutem, & majorem  
in cælo gloriam promerendam.  
Quamvis non videaris libertate ullâ  
gaudere, eâ tamen gloriari potes  
tanquam & tibi propriâ, tanquam à  
miseriâ peccati, ac mortis servitute  
per Christum manumissus. 22.  
Qui enim servi erant, priusquam  
Christum libertatis auctorem ag-  
noscerent, quampiùm ad ejus ob-  
sequium admissi sunt, per ejus gra-  
tiam eximuntur imperio satanæ, &  
ser-

servitute vitiorum, ejusque liberti efficiuntur. Simili ratione, qui prius erant ingenui, antequam ejus gratia ad veram fidem vocarentur, quamprimum eam amplectuntur, in servitutem ejus transeunt: Oportet siquidem, ut intellectum suum subjiciant fidei mysteriorum, quæ ratione assequi non poterant, priusque assueti suis cupiditatibus effrenatis obsequi, jugum postmodum subeant exactæ disciplinæ, & delictis omnibus renuntient. Nolite fratres mei dilectissimi de hac beatissimâ servitute conqueri. 23. Quin imò ejus auctori immortales grates reddite, & cavete, ne tanto pretio redempti hominibus rursus ut mancipia vos subjiciatis, si prava jubeant. 24. Omnibus ergò suadeo, ut in eo statu, quem inierunt, permaneant, planèque persuasum habean, nullum esse hominum genus, cui beneficiò Christi non pateat ad cælum aditus. Perinde igitur ac milites coram duce stationem servare solet, sic vos apud Deum estote constantes in eo quisque vitæ genere, cui vos ineffabili suâ providentiâ destinavit, perpetuò scilicet memores, vos in ejus conspectu continenter

23. *Pretio empti estis, nolite fieri servi hominum.*

24. *Unusquisque, in quo vocatus est, fratres, in hoc permaneat apud Deum.*

25. *De virginibus autem praeceptum Domini non habeo; consilium autem do tanquam misericordiam consecutus à Domino, ut sim fidelis.*

26. *Existimo ergò hoc bonum esse propter instantem necessitatem, quoniam bonum est homini sic esse.*

27. *Alligatus es uxori? noli querere solutionem. Solutus es ab uxore? noli querere uxorem.*

versari, qui vigili oculò omnia observat, sibi quæ illibatâ fide servientes liberalissimè remuneratur, quacunque tandem conditione sitis: 25. Hactenus de matrimonio, nunc de statu Virginitatis agendum est. Quandoquidem nullum à Deo præceptum accepi, vos ad illam obligandi, non illam quidem præcipio, sua deo tamen, non legislatorem hac in re me profiteor, sed tanquam per Dei gratiam ad apostolicum munus vocatus sententiam consiliûmque meum aperio ea proponens, quæ coram Deo judico vobis esse cumprimis salutaria, dignus utique, cui jure optimo habenda sit fides. 26. Existimo ergò ob innumera incommoda & molestias, quæ plerumque sequuntur nuptias, illum longè beatissimum esse, & prudentissimè agere, qui vinculo matrimonii alligari se non patiat. 27. Verbò dicam; si uxori addictus es, & jure conjugii obstrictus, ferendum tibi hoc jugum, ut per molestum, neque ullâ ratione excutiendum. Si autem ab hoc vinculo immunis es, frui, obsecro, hac libertate, neque cum illius dispendio maximo, de ducendâ uxore, & subeundis conjugii

jugii legibus cogita. 28. Si uxorem accepisti, non peccasti, neque virgo si nupserit, deliquit. Utriusque actio licita, sancta & perhonestae est: hoc tamen affirmare possum, eos, qui matrimonii jugo colla subdiderint, carnis afflictionem, onera, fastidia, maximasque molestias ei annexas declinare nequaquam posse. Cum autem vos amem, tenerrimè, vestraeque libertati ac tranquillitati consultum maximè cupiam, optarem vos curis ac molestiis immunes, quibus conjugati ut plurimum sunt obnoxii. 29. Tempus, quod nobis reliquum est ad procurandam nostram salutem, est admodum breve, quare, fratres mei, illud nequaquam prodigendum est in voluptatibus uti licitis. Proinde qui uxoribus copulati sunt, perinde se gerant, atque si eis omninò carerent, nempe ut non ita eis adhæreant, quasi earum conjunctio perpetua futura sit, nec pariantur se earum causâ his caducis mortalibusque rebus penitus implicari, aut plus æquò voluptatibus indulgeant. 30. Qui premuntur adversis, non aliter animo sint constituti, quasi nihil incommodi paterentur, qui verò fortunâ

28. Si autem accep-  
ris uxorem: non peccasti.  
Et si nupserit virgo, non  
peccavit: tribulationem  
tamen carnis habebunt  
hujusmodi. Ego autem  
vobis parco.

29. Hoc itaque dico  
fratres: tempus breve  
est, reliquum est, ut & qui  
habent uxores, tanquam  
non habentes sint:

30. Et qui flent, tan-  
quam non flentes: & qui  
gaudent, tanquam non  
gaudentes: & qui emunt,

utun-

Kk

*tanquam non possiden-  
tes :*

*31. Et qui utuntur  
hoc mundo, tanquam non  
utantur : præterit enim  
figura hujus mundi.*

*32. Volo autem vos  
sine sollicitudine esse. Qui  
sine uxore est, sollicitus  
est, quia Domini sunt,  
quomodo placeant Deo.*

utuntur prosperâ, bonisque omni-  
bus affluunt, inde tam parùm inso-  
lescere debent, ac si nec ad votum  
res fluere, neque mens ullam exu-  
berantis lætitiæ dulcedinem persen-  
tisceret : qui mercimoniis vacant,  
ut rem familiarem augeant, conge-  
stis divitiis tam parum afficiantur,  
ac si nihil omnino possiderent. 31.  
Qui in sæculo degunt, & in eo perfi-  
stere coguntur, rebus mundanis ne  
perperam & præposterè ad pom-  
pam & luxum abutantur, ne pa-  
scentur & oblectentur iis immo-  
dicè, sed præcisè ad necessitatem, id-  
que sobriè & neglectim quasi per  
transennam. Oportet meminisse  
nos, quòd mundus hic perpetuè vi-  
cissitudini sit obnoxius, quòd rerum  
facies in momenta singula vertatur,  
quòd ejus bona evanidum quendam  
fulgorem habeant, unicùmque reme-  
dium iis rectè utendi sit ad eorum  
jacturam animo sereno, & impertur-  
bato semper paratum stare. 32.  
Quandoquidem autem satis arduum  
est secundùm hæc principia vitam  
conjugalem ducere, meum autem  
ardentissimum votum est, ut curis  
procul omnibus vivatis tranquillè,  
hinc statum cœlibem vobis magno-  
pere

pere suadeo, commendóque. Sanè qui coelibem vitam agit, cœlestia ac divina meditatur, sedulóque invigilat, atque omni animi contentione laborat, ut sese Deo prober, eíque uni tantummodo placeat. 33. U-

xoratus verò seipsum in varias partes curásque quasi dividere debet, & id potissimum spectare, ut uxori satisfaciatur, cui placere cupit. 34. Foemina vicissim innupta, præsertim

si Virgo sit, tota est in contemplatione rerum divinarum, & unicè sollicita pro conservandâ puritate mentis & corporis. Quòd si nupta sit, curis ac negotiis rei œconomicæ ut plurimum distinctur, in id potissimum intenta, ne viro displiceat.

35. Cæterum, ne quis minùs rectè officii sui rationem intelligat, repetam denuo quæ dixi. Quando in favorem & commendationem continentia tam studiosè & copiosè differo, non ideâ mente ago, ut vobis onus ullum imponam, aut laqueum injiciam, sed ut indicem, quam ratione honestè & commodè cæteris omnibus curis abjectis uni Domino perfectè servire, placere, & orationi liberius vacare possitis. 36. Quare si quis filiam habeat ætate sa-

33. *Qui autem cum uxore est, sollicitus est, quæ sunt mundi, quomodo placeat uxori & divitisus est.*

34. *Et mulier innupta, & virgo cogitat, quæ Domini sunt, ut sit sancta corpore & spiritu. Quæ autem nupta est, cogitat, quæ sunt mundi, quomodo placeat viro.*

35. *Porro hoc ad utilitatem vestram dico: non ut laqueum vobis injiciam sed ad id, quod honestum est, & quod facultatem præbeat sine impedimento Dominum obsecrandi.*

36. *Si quis autem turpem se videri existimat*

ris]

Kk 2

*super virgine sua, quod sit superadulta, & ita oportet fieri: quod vult, faciat; non peccat, si nubat.*

*37. Nam qui statuit in corde suo firmus, non habens necessitatem, potestatem autem habens suae voluntatis, & hoc iudicavit in corde suo, servare virginem suam, bene facit.*

*38. Igitur & qui matrimonio jungit virginem suam, bene facit: & qui non jungit, melius fa-*

*39. Mulier alligata est legi, quanto tempore vir ejus vivit: quod si dormierit vir ejus, liberata est, cui vult, nubat: tantum in Domino.*

*40. Beatior autem e-*

*tis provec̃tam, existimetque sibi decori esse, quod eam nondum alteri despond. rit, vel tempus esse eam in matrimonium tradendi, id enim verò absque piaculo praestiterit. 37.*

*Similiter qui maturâ deliberatione praemissâ firmiter statuit filiam suam servare virginem, utpote nullâ in contrarium efficaci ratione, aut metu alicujus inconvenientiae occurrente, si huic proposito inhæreat, haud dubiè bene agit. 38. imò rectiùs quàm prior. Ille filiam suam iugo*

*alligat sancto quidem & perhonesto, quod obstat, ne tam faciliè in flagitia proruat fragilitati sexûs, & ardori concupiscentiae juvenilis secus difficulter evitabilia, iste verò occasionem ei praebet amplectendi vitam angelicam, suoque cœlesti sponso JEsu Christo liberiùs perfectiùsque serviendi. 39. Idem de viduis dictum volo. Quamdiu maritus*

*vivit, uxor necdum est libera, mors autem solvit vinculum, quo tenebatur, adeò ut ad secundas nuptias procedere possit, si ita ipsi expedire videatur, modò id fiat in Domino, sive secundum praescriptum Domini, nempe cum sectatore ejusdem religionis christianæ. 40. Nihilomi-*

*nus*

nus, si meum amplecti vellet consilium, remaneret vidua, longéque evaderet beator. Hoc autem consilium ei suggero tantò liberius, quantò magis certus sum, divino me ad id spiritu compelli, hunc siquidem me habere minimè dubito, cum sciam, eum mihi pernecessarium esse ad dirigendas in viam salutis animas vestras, quodque cui Deus ministerium quoddam committit, huic etiam auxilia suppediret & consilia suggerat, quæ requiruntur ad id pro dignitate & cum fructu exoptato obeundum.

*rit, si sic permanferit secundum meum consilium: puto autem, quòd & ego Spiritum Dei habeam.*

## PARAPHRASIS

### CAP. VIII.

1. **E**Xpeditis controversiis, quæ statum matrimonii, ac virginitatis concernunt, declamandum mihi nunc est contra abusum quendam, quem induxerunt nonnulli inter vos spectabiles, qui cum sciant, cibos idolis immolatos esse indifferentes ac lic-

*1. De iis autem, quæ idolis sacrificantur, scimus, quia omnes scientiam habemus. Scientia inflat, charitas verò edificat.*

Kk 3



- licitos, illis vescuntur liberrimè nullâ aliorum præsentium ratione habitâ. At verò mihi credite, scientia sæpe fallit, & nisi per diligentem attendamus, mentem inflare solet vanæque sui æstimatione extollere supra alios ipsis tanquam stupidis & ignorantibus insultando, quâ ratione non minus perniciosa est, quàm charitas ædificationem proximi spectans proficua. Nunquam licet superbè gloriari & abuti scientiâ suâ in scholâ Iesu Christi.
2. Quicumque in eâ se bene versatum existimat, eoque nomine sibi nimium placens cæteris se anteponit, & plus æquò sibi indulget, hic profectò nescit, quod omnium primum scitu dignum est, neque quomodo suâ scientiâ uti debeat.
3. Qui autem verâ Deum proximûmque charitate complectitur, hic enim verò Deo familiariter notus, probatusque est, solidamque ab eo scientiam hausisse putandus est.
4. Itaque, ut ad propositum meum redeam, extra omnem controversiam est, idolum quodlibet sensu vitæque destitui; ejusque obiectum repræsentatum nullam adorationem promereri, sed unicum omnino esse rerum omnium Dominum
2. *Si quis autem se existimat scire aliquid, nondum cognovit, quemadmodum oporteat eum scire.*
3. *Si quis autem diligit Deum, hic cognitus est ab eo.*
4. *De escis autem, quæ idolis immolantur, scimus, quia nihil est idolum in mundo, & quod nullus est Deus, nisi unus.*

num ac Deum omnipotentem. 5. Nam tametsi gentes plures sibi fingant Deos ac Dominos tam in cœlo, quàm in terrâ, suâ tamen ridiculâ credulitate non tam illis divinitatem tribuunt, quàm seipsos aliôsque splendidè decipiunt. 6. Siquidem longè certissimum est, unicum esse verum Deum, summum illum parentem nostrum, & conditorem rerum omnium, cuius vi ac potestate subsistimus, à quo bona omnia habemus quæ possidemus, ad cuius etiam honorem & gloriam creati sumus. Certum pariter est, unicum esse Dominum, nempe Jesum Christum, per quem adeò, nosque adeò vitam ac sensum habemus, cui etiam redemptionem nostram debemus. 7. Sed non omnes hac scientiâ sunt præditi, unde contingit nonnullos rudiores tacito quodam animi sensu immunda esse sibi persuadere, quæ idolis fuerunt oblata, neque tamen propterea ab eorum usu hætenus abstinuerunt, quòd Christianos scilicet cernerent absque scrupulo iis vesci, quo fit, ut illa ipsorum conscientia de fidei dogmatis haud satis instructa, ratione hujus erroris per accidens polluaturs: vel potest etiam

con-

5. *Nam etsi sunt, qui dicantur dii, sive in cælo, sive in terrâ (siquidem sunt dii multi & domini multi.)*

6. *Nobis tamen unus Deus, Pater, ex quo omnia, & nos in illum: & unus Dominus, Jesus Christus: per quem omnia, & nos per ipsum.*

7. *Sed non in omnibus est scientia. Quidam autem cum conscientia usque nunc idoli quasi idolothytum manducant: & conscientia ipsorum cum sit infirma, polluitur.*

8. *Esca autem nos non commendat Deo. Neque enim si manducaverimus, abundabimus: neque si non manducaverimus, deficiemus.*

9. *Videte autem, ne fortè hac licentia vestra offendiculum fiat infirmis.*

10. *Si enim quis viderit eum, qui habet scientiam, in idolio recumbentem: nonne conscientia ejus cum sit infirma, edificabitur ad manducandum idolothyta?*

contingere, ejusmodi cibos à sacrificiis reliquos ab iis cum reverentiâ & veneratione manducari suspicantibus etiamnum, quasi trunco illi, cui offerebantur, divinum quid inesset.

8. Dicent equidem auctores hujus scandali, Deum non attendere ad qualitatem ciborum, quibus utimur, & si ve illos vescamur, si abstineamus, nihil inde boni aut mali in nos redundare.

9. Non equidem id diffiteor, fratres mei, charitas tamen vos obligat, ut providè attendatis, num hac licentiâ uti possitis absque præjudicio & damno fratrum vestrorum, quibus hæc ipsa licentia non ita perspecta & persuasa est. Ego sanè neutiquam judico, id salvâ conscientiâ vestrâ fieri posse.

10. Si quis enim, qui supponit vos non ignorare quid licitum sit necne, vos viderit convivis accumbere, in quibus hujusmodi cibi apponuntur, an non exemplò vestro provocatus idem faciet, ne notam singularitatis incurrat, id tamen, cum non eandem vobiscum certitudinem habeat de licito talium escarum usu, non absque scrupulo ager & remorsu quodam conscientiæ, quod vos absque ullâ formidine vel anxietate præsta-

statis? 11. adeoque vestrae scientiæ, cui charitatis directio deest, imputabitur ruina spiritualis animæ, *11. Et peribit infirmus in tuâ scientiâ frater, propter quem Christus mortuus est?*

pro eâ sanguinem & vitam suam prodigere non dubitarit? 12. Noli te autem arbitrari, exiguum hoc esse malum, hac enim ratione delinquendo contra fratrem vestrum, dum occasionem præbetis inquinandæ ejus conscientia, delinquitis pariter gravissimè contra Christum ipsum humanæ libertatis vindicem, cui tanto pretiò emptam animam per summam injuriam pravo vestro exemplò abripitis, satanæque traditis infernissimo utriusque hosti. *12. Sic autem peccantes in fratres, & percutientes conscientiam eorum infirmam, in Christum peccatis.*

Ego sanè in omnem æternitatem mallem carnibûs abstinere, quàm iis vescendo etiam minimo ex fratribus meis ullum præbere offendiculum, *13. Quapropter scisco scandalizai fratrem meum; non manducabo carnem in æternum, ne fratrem meum scandalizem.*

✠ ) o ( ✠

LI

PA-

## PARAPHRASIS

## CAP. IX.

1. *Non sum liber? non sum Apostolus? Nonne Christum Jesum Dominum nostrum vidi? Nonne opus meum vobis estis in Domino?*

1. **N**on adductis solum rationibus vos in meam sententiam pertrahere contendo, ut scandalum proximi vestri omni studio declinetis, sed exemplò insuper meo ad id vos excito. Tamen enim jure quàm optimo ea à vobis exigere possem, quæ necessaria sunt ad vitæ sustentationem, nolui tamen id facere, ne ansam præberem ulli querimoniarum. Atque idcirco nunquid plenissimam libertatem possideo obstrictus nemini? an non sum verus apostolus? quòd si ad hunc titulum promerendum necesse est vidisse Dominum, an non illum hisce meis oculis conspexi, quando ex persecutore, qualis antè fueram, me subito Ministrum Evangelii sui creavit? nunquid etiam conversionem vestram meis debetis laboribus? 2. Si Apostolus, sed tamen vobis sum; nam signaculum

noscere, vos certè mihi hanc prærogat-

gativam non possētis negare, fides enim, quā Evangelii dogmatis & miraculis inter vos per me editis præsūistis, pro sigillo est, atque testimonio, quo apostolatus meus signatur, atque confirmatur, quasi divinā auctoritate subnixus, 3. nec non pro clypeo defensionis contra eos, quibus vitæ meæ rationem curiosius explorantibus vocatio mea dubia vel suspecta videri posset. 4. Si resita se habet, cur nobis non liceat victum potūmqve vestris procurare expensis? 5. nec non fidem quampiam foeminam circumducere, quæ nostris necessitatibus invigilet, solatiūqve ferat sollicitæ instar sororis? hoc ipsum factitant cæteri Apostoli, fratres Domini, & ipse Petrus. 6. Cur igitur Barnabæ, mihiqve eodem ministerio fungentibus non iisdem concessum sit uti privilegiis? potestatem utique habeo idipsum præstandi, hac tamen studiosè abstineo, ne simplicioribus, inter quos dego, offensionem ullam præbeam. 7. Quis unquam militem vidit in acie stare, excubias agere, cæteraqve militaris disciplinæ munia obire absque stipendio? quis vineam plantat & colit, quin botrum

*apostolatus mei vos estis in Domino.*

*3. Mea defensio apud eos, qui me interrogant, hac est.*

*4. Nunquid non habemus potestatem manducandi & bibendi?*

*5. Nunquid non habemus potestatem mulierem sororem circumducendi sicut & ceteri Apostoli, & fratres Domini, & Cephas?*

*6. Aut ego solus, & Barnabas, non habemus potestatem hoc operandi?*

*7. Quis militat suis stipendiis unquam? Quis plantat vineam, & de fructu ejus non edit? Quis pascit gregem, & de*

ex

L 1 2

*lacte gregis non manducat?*

8. *Nunquid secundum hominem hæc dico? an & lex hæc non dicit?*

9. *Scriptum est enim in lege Moysi: non alligabis os bovi trituranti. Nunquid de bobus cura est Deo?*

10. *An propter nos tantique hoc dicit? Nam propter nos scripta sunt. Quoniam debet in spe, qui arat, arare: & qui triturat, in spe fructus percipiendi.*

11. *Si nos vobis spiritualia seminavimus, magnum est, si nos carnalia vestra metamus?*

ex eâ decerpatur, ac degustetur? quis gregem pascit & ab ejus lacte sibi penitus abstinendum existimat? 8. Non hæc in favorem meum dixerō, aut humanā tantum ratione consuetudineque nixus. 9. Id ipsum adtribuunt sacræ paginæ, Moysēsque expressè vetat bovi trituranti obligari os. Tamen si autem Dei providentia curam gerat omnium rerum creaturarum, minimè tamen hæc verba de solis bobus intelligenda sunt.

10. Ultra hunc sensum litteralem attolli oportet mentem nostram altius, idque nobis prædicatoribus jure sanè meliori applicare. Cum ergo æquissimum sit & agricolam sui laboris in colendo agro, bovemque in triturando frumento fructum aliquem referre, nobis sanè in culturam animorum vestrorum incumbentibus aliqua compensatio, si peteretur, jure negari non posset. 11. Et sanè non levem ingrata crassæque mentis incurreretis notam, si eam ob rem velletis conqueri: etenim si nos divini verbi satores spiritualium rerum amplam vobis sementem fecimus, an grande quid, scilicet inauditum quasi videri debet, si quid temporalis commodi inde in nostram sustentationem messuerimus? ecquid

ecquid non longè plura vobis tribuimus mentes vestras donis cœlestibus locupletando, & ad perennem felicitatè disponendo, quàm à vobis accipere valeamus in qualecunque corporis nostri alimentum? 12. Pseudodoctores illi, quos tanti aestimatis & extollitis, liberrimè vestris utuntur facultatibùs, & à vobis, quæ necessaria sunt, pro victu quotidiano liberaliter obtinent, cur ergò non eodem cum illis utamur jure, quin imò meliori, cum primi fuerimus Magistri vestri, plùsque laboris vobis ritè instruendis impenderimus? haud dubiè eodem gaudemus privilegiò, maluimus tamen extrema quæque perpeti, quàm illo uti, ne ullum prædicationi Evangelii poneremus obstaculum. 13. Ministri templi Judæorum nutriuntur ex redditibus templi, quique altari deserviunt, fruuntur ejusdem oblationibùs. 14. Eàdem sanè ratione voluit Dominus Ministros novæ legis & præcones sui Evangelii non esse deterioris conditionis quàm illos, & ab iis, quibus annuntiant verbum Dei, necessaria vitæ subsidia accipere. 15. Quòd autem hac facultate usus non fuerim, id neque ignorantiae meæ tribuendum, neque ita accipiendum, quasi

12. *Si alii potestatis vestra participes sunt, quare non potiùs nos? sed non usi sumus hac potestate: sed omnia sustinemus, ne quod offendiculum demus Evangelio Christi.*

13. *Nescitis, quoniam qui in sacrario operantur, quæ de sacrario sunt, edunt? & qui altari ceserviunt, cum altari participant?*

14. *Ita & Dominus ordinavit iis, qui Evangelium annuntiant, de Evangelio vivere.*

15. *Ego autem nullo horum usus sum. Non*

L 1 3



aut in scripsi hac, ut ita  
fiant in me: bonum est  
enim mihi magis mori,  
quàm ut gloriam meam  
quis evacuet.

16. Nam si evangeli-  
zaverò, non est mihi  
gloria: necessitas enim  
mihi incumbit: va enim  
mihi est, si non evangeli-  
zavero.

17. Si enim volens  
hoc ago, mercedem habeo:  
si autem invitus, dispen-  
satio mihi credita est.

18. Quæ est ergò mer-  
ces mea? Ut evangelium  
prædicans sine sumptu po-  
nam Evangelium, ut non

quasi impostertum uti cogitem.  
Mallem certè vitæ jacturam perpeti,  
quàm gloriæ ac meritum, quæ mi-  
hi comparavi in prædicando gratis  
Evangelio, aut ulli materiam præbe-  
re exprobrandi mihi, quòd emolu-  
menta mea studiosè quæram in fun-  
ctione hac apostolicâ. 16. Neque  
enim hoc nomine gloriari queo,  
quòd doctrinam evangelicam vobis  
utrunque annuntiem, cum potius e-  
jus muneris mihi à Domino impositi  
functio, dum in Apostolum me af-  
sumpsit, summo jure exigatur, ut si  
eâ tantisper supersedeam, vel illam  
penitus deferam, supplicium mihi me-  
ritò metuendum videatur. 17. Que-  
madmodum enim si lubenti prom-  
tòque animò intuitu divinæ gloriæ  
Evangelium prædicem, mercedem  
quandam excellentem spe possum  
præcipere, ita vicissim si hoc munus  
obeam servilem in modum & instar  
mercenarii, rem quidem debitam  
mihique commissam præsto, sed  
fructu non adeo magno, præsertim  
si laudem exinde vanam, vel tempo-  
ralem utilitatem prensam. 18. Quæ  
igitur erit diligentæ aut laboris mei  
vel merces, vel gloria? nempe ita E-  
vangelicæ prædicationis munere de-  
fun-

fungi, ut nullo sumptu stet iis, qui mihi aures dederint, & ipse interea Evangelici Ministri auctoritate ac potestate cum aliorum incommodum vel onere abuti nullo modo videar.

19. Cum enim nemini obstrictus essem, quippe qui à nemine quidquam acceperim, ita tamen me gessi, eamque vitæ rationem institui, ut me omnibus quodammodo servum exhibuerim, quò plures ad Christi fidem, religionemque traderem.

20. Si quando cum Judæis agendum erat, qui legis cærimonias adhuc retinent, illis me attemperavi, quantum quidem fas erat, tametsi probè scirem me ad earum observantiam neutiquam obligatum, ut eos scilicet hac conformitate mihi devincirem, induceremque suavius ad dandas Christo manus.

21. Paganis verò, qui ne quidem sciebant quid lex præciperet, factus sum velut exlex, cum tamen reverà non sine lege Dei essem, sed potius Christi legi subiectus viverem, usus hac piâ industriâ, ut eos lucrificerem, qui nullam divinæ legis habebant notitiam.

22. Cum rudibus egi quasi mortalium simplicissimus, attemperavi me eorum imbecillitati, ut vel hac

*abutar potestate meâ in Evangelio.*

19. *Nam cum liber essem ab omnibus, omnium me servum feci, ut plures lucrificerem.*

20. *Et factus sum Judæis tanquam Judæus, ut Judæos lucrarer:*

21. *Iis, qui sub lege sunt, quasi sub lege essem (cum ipse non essem sub lege) ut eos qui sub lege erant, lucrificerem. Iis, qui sine lege erant, tanquam sine lege essem (cum sine lege Dei non essem: sed in lege essem Christi) ut lucrificerem eos, qui sine lege erant.*

22. *Factus sum infirmis infirmus, ut infirmos lucrificerem. Om-*

nibus omnia factus sum,  
ut omnes facerem salvos.

23. Omnia autem facio propter Evangelium: ut particeps ejus efficiar.

24. Nescitis, quod ii, qui in stadio currunt, omnes quidem currunt, sed unus accipit bravium? sic currite, ut comprehendatis.

25. Omnis autem, qui in agone contendit, ab omnibus se abstinere, & illi quidem, ut corruptibilem coronam accipiant: nos autem incorruptam.

hac ratione ipsos ad veram fidem ac salutare disciplinam perducerem. Denique in omnes me formas indui, omnium moribus me conformavi, ut omnes, quantum in me est, salvos facerem. 23. Ad hanc ipsam agendi rationem illud præterea, ut verum fatear, non parum me animavit, quod ipsemet vehementer cupiam fructum percipere ex propagatione Evangelii, & amplissimam mercedem iis propositam qui secundum ejus canones vitam suam instituunt. 24. Vita hæc mortalis, quam ducimus, stadium est, ubi omnes ad eandem metam præmiūque cursu contendimus, sed non omnes victoriam palmamque consequuntur, quia non omnes pari celeritate feruntur, ut præfixam metam attingere valeant. Quare; fratres mei, ita currite, id est, tanto studiō præcepta Dei observare, ut palmam propositam sempiternæ beatitudinis eximiam vestrā diligentia consequamini. 25. Porro quisquis agonale certamen seu luctum gymnasticam aggreditur, miram rerum omnium continentiam sectatur, quæ corpus minus agile, firmumque reddere possunt. Jam verò si athletæ

tan-

tantum in se laboris ac temperantiae suscipiunt, ut humanae laudis praeconium & perituram coronam obtineant, quid nos pro immortali ac sempiterna conveniet agere? 26. Ego quidem, qui probe novi, perseverantes tantummodo eam coronari, ita curro, ut nequaquam currendo deficiam in hoc mortalis vitae curriculo, quodque mihi non levi est solatio, stimuloque, inter dura quaeque & adversa, quibus obruor, de praemio mihi destinato spem longè firmissimam in sinu foveo. Continuum equidem cum carne meâ lutam habeo, cui tanquam hosti perniciosissimo implacabile bellum infero, & sanè per Dei gratiam non inanibus planè ictibus aërem aut umbras verbero, nempe non incassum malefanas ac rebelles ejus cupiditates perpetuis assultibus frangere ac debellare studeo. 27. Castigo illam, laboribus attero, verberibus contundo, & menti rationique penitus subjugare assiduis jejuniis & afflictationibus non cesso, ne quo modo, cum aliis viam salutis docendo monstraverim, ab eâ infelix ipsemet aberrem turpiter, & inter reprobos connumerer, postquam tot alios la-

26. *Ego igitur sic curro, non quasi in incertum: sic pugno non quasi aërem verberans:*

27. *Sed castigo corpus meum, & in servitutum redigo: ne fortè cum aliis predicaverim, ipse reprobus efficiar.*

bo-

M m

boribus ac sudoribus meis apostolicis ad perennem felicitatem promovero.

# PARAPHRASIS

## CAP. X.

1. *Nolo enim vos ignorare, fratres, quoniam patres nostri omnes sub nube fuerunt, & omnes mare transierunt.*

2. *Et omnes in Moysen baptizati sunt in nube & in mari ;*

1. **V**idetur, fratres mei, quanti momenti sit in bene coëptis perseverare, neque sufficere, si vocati simus ad agnitionem Evangelii, nisi etiam huic vocationi respondeamus bene operando. Ut autem hanc vobis veritatem declarem apertius, exempla afferam in hanc rem tam idonea & exquisita, ut nullus amplius dubio vel exceptioni sit locus. Patres nostri, qui in Veteri lege vivebant, omnes eandem nobis columnam pro itineris sui duce habuerunt, omnes transierunt mare

2. Moysen præcunte, cui sese penitus regendos curandosque permiserant, ubi typum quandam baptismi acceperunt sub illis undis, & nubes eam eos regente, nam aqua quidem baptismi materiam, nubes verò colum-

lumna Spiritum Sanctum indicabat, qui dum corpus undâ abluitur, animam expiat. 3. Omnes eâdem escâ refecti sunt, manna videlicet, quod Deus quotidie manè formaverat in eorum alimentum, ac figuram alterius verè cœlestis ac divini cibi, quo fruimur in lege evangelicâ. 4. Omnes ex eâdem biberunt scaturigine, quam Deus omnipotenti virtute suâ è petrà quadam produxerat eos insequente, quocunque pergebant, ad relevandam sitim. Favores hi majoribus nostris collati figuræ & symbola erant illorum, quos in nos congerere destinaverat, atque idcirco petra illa, unde aqua scaturiebat, representabat Jesum Christum, cujus sanguine omnia delicta nostra abolentur.

5. Tanta amoris divini testificatio videtur sanè omnium animos debuisse sibi ad reciproca obsequia devincire, eosque idcirco Deo longè charissimos in omne ævum reddere, inventi tamen sunt complures, qui offensam tanti Benefactoris incurrerunt, quod funestus eorum interitus in vastâ illa solitudine satius superque testatur.

6. Hæc porrò vindicta in eos cecidit, ut illorum exem-

3. *Et omnes eandem escam spiritalem manducaverunt.*

4. *Et omnes eundem potum spiritalem biberunt (bibebant autem de spiritali, consequente eos petra: petra autem erat Christus)*

5. *Sed non in pluribus eorum beneplacitum est Deo: nam prostrati sunt in deserto.*

6. *Hæc autem in figurâ facta sunt nostri.*

Mm 2

*ut non simus concupiscentes malorum, sicut & illi concupierunt.*

7. *Neque idololatric efficiamini, sicut quidam ex ipsis: quemadmodum scriptum est: sedit populus manducare & bibere, & surrexerunt ludere.*

8. *Neque fornicemur, sicut quidam ex ipsis fornicati sunt, & ceciderunt unâ die viginti tria millia.*

9. *Neque tentemus Christum: sicut quidam eorum tentaverunt, & à sperentibus perierunt.*

10. *Neque murmuraveritis, sicut quidam eorum murmuraverunt & perierunt ab exterminatore.*

11. *Hac autem om-*

exemplô disceremus troena nequitiam laxare pravis cupiditatibus, quibus illi obstricti, cùm carnes à Moyse expeterent, miserandum in modum periëre. 7. Nève ad idolorum cultum postliminio redeamus aliquorum instar ex eis, qui bene poti saginatique coram vitulo aureo, quem conflaverant absente ductore, à mensâ surrexerunt ad celebrandas more Gentium choreas in ejus honorem. 8. Admonemur etiam, ne in exitiale fornicationis flagitium prolabamur, quo se illi contaminârunt cum uxoribus Madianitarum, quod supremum Deum adeò exacerbavit, ut intra unicum diem ejus justû viginti tria millia virorum interfecta sint. 9. Caveamus etiam, ne Jesum Christum tentemus, id est, ne dubium ullum admittamus circa ejus pollicitationes, uti factum ab illis scimus in deserto, ubi eorum incredulitas venenatis serpentum morsibûs caltigata fuit. 10. Abstineamus denique ab omni murmure & querimoniâ contra Dominum, ne cum ipsis nos Angelus divinæ justitiæ Minister exterminet. 11. Hæc omnia supplicia promeriti erant palmari suâ ingrati-

tudi-

rudine, at verò, uti modò commemora-  
 moravi, Deus non solùm justiciam  
 suam palàm facere voluit illos hac ra-  
 tione plectendo: desiderat insuper,  
 ut hæc rigidæ animadversionis exem-  
 pla nobis documento sint, qui in  
 postrema hæc tempora incidimus,  
 ut modicum illud tempus, quod ad-  
 huc reliquum est, nostræ saluti stu-  
 diosissimè impendamus. Ingratitu-  
 do nostra longè gravior est, quàm  
 illa Hebræorum, quandoquidem fa-  
 vores illis exhibiti umbræ quodam-  
 modo fuerunt gratiarum, quas in  
 novâ lege accepimus.

12. Nemo igitur sibi plus æquò blandiatur fi-  
 datque vanâ atque arroganti se-  
 curitate, quasi extra omnem teli  
 jactum positus, & siquidem tanti  
 momenti est perseverantia, qui stul-  
 tâ de se opinione inflatus existi-  
 mat se titubare non posse sive in  
 Christianæ fidei, sive in virtutis pro-  
 fessione, is etiam atque etiam sibi at-  
 tendat, ne improvîso lapsu cadat.

Fucum vobis facitis, si superata jam  
 creditis graviora certamina, & pro-  
 pe debellatum. 13. Assùltus ve-  
 stri hætenus leviores tantùm velita-  
 tiones fuere, ex quibus nemo pru-  
 dens gloriæ laudem captaverit. No-

*nia in figurâ contingebant  
 illis: scripta sunt autem,  
 ad correptionem nostram,  
 in quos fines sæculorum  
 devenerunt.*

12. *Itaque qui se e-  
 xistimat stare, videat, ne  
 cadat.*

13. *Tentatio vos non  
 apprehendat nisi humana:  
 fidelis autem Deus est,  
 qui non patietur vos ten-*

lim

M m 3



*tari supra id, quod potestis, sed faciet etiam cum tentatione proventum, ut possitis sustinere.*

14. *Propter quod charissimi mihi, fugite ab idolorum culturâ.*

15. *Ut prudentibus loquor, vos ipsi judicate quod dico.*

lim tamen idcirco vos magnopere turbari. Tanta enim est Dei benignitas, ut nunquam permissurus sit vos supra vires periclitari. Quin imò ex ipsâ tentatione eo dante fructum uberrimum referre poteritis. Perficiet illa zelum vestrum aliâsque virtutes, neque diu durabit hæc dimicatio: pugnate fortiter, & vestra brevi erit victoria & gloria. Cave- te tamen, ne vos ipsos temerè & ultro discrimini exponatis factis quibusdam indiscretam præfidentiam spirantibus, quæ primâ fronte momenti videntur exigui, nec attentione peculiari digna, reipsâ tamen periculi plenissimos sortiuntur exitus.

14. Quapropter per eam vos oro atque obtestor, quâ vos prosequor, benevolentiam, ut abstineatis ab omni re, quæ suspicionem excitare potest, quasi idolis nonnullum honorem exhibere velletis, præsertim ab esu ciborum ipsis immolatorum. Error hic longè gravior est opinione vestrâ, utque cum probè capiat, solidiora longè rationum momenta afferam, quàm hactenus fecerim.

15. Prudentiæ vestræ mihi dudum perspectæ tantum confido, ut vestrum eâ de re iudicium ultrò expe-

petam, tanti enim momenti ponderis-  
que videntur, quæ dicturus sum, ut  
minimè dubitem vos penitus con-  
victos in meam ituros sententiam. 16.

Quando cum gratiarum actione ca-  
licem à Christo Domino consecra-  
rum accipimus, eúmque postmo-  
dum benedicimus ut scaruriginem  
omnium coelestium gratiarum, an  
non sacrosanctum JESU Christi san-  
guinem haurimus? an non in hac  
sacrâ communionem, quæ nos ipsi ad-  
mirabili nexu conjungit, ostendimus,  
nos ipsum ut Dominum nostrum  
demississimè revereri? pari ratione  
quando in memoriam passionis ejus  
acerbissimæ panem frangimus, an  
non vero corpore JESU Christi pasci-  
mur? an non ei tam arctè unimur,  
ut in eandem cum ipso substantiam  
immutati quodammodo transeam-  
us? hæc autem participatio ejus-  
dem cibi & potûs non solum inti-  
mam nos inter & Deum unionem  
producit, sed etiam eam denotat,  
quæ inter nos ipsos vigere deberet.

17. Manducando enim eundem  
panem, & bibendo ex eodem calice

satis testamur, quamvis numeró plu-  
res simus, unum tamen corpus nos  
efficere, quemadmodum plura gra-

na

16. *Calix benedictionis  
cui benedicimus, nonne  
communicatio sanguinis  
Christi est? & panis,  
quem frangimus, nonne  
participatio corporis Do-  
mini est?*

17. *Quoniam unus  
panis, unum corpus multi  
sumus, omnes, qui de u-  
no pane participamus.*

18. *Videte Israël secundum carnem: nonne qui edunt hostias, participes sunt altaris?*

19. *Quid ergo? dico, quòd idolis immolatum sit aliquid? aut quòd idolum sit aliquid?*

20. *Sed qua immolant Gentes; demoniis immolant, & non Deo. Nolo autem vos socios fieri demoniorum: non potestis calicem Domini bibere, & calicem demoniorum.*

ina unum eundemque panem conficiunt. 18. Conjicite oculos tantisper in sacrificia carnalia Hebræorum. Nunquid inter eos qui victimis vescuntur Deo immolatis, participant de altari, hoc est, consentiunt sacrificio, & tanquam Deum eum venerantur, cui illud offertur? 19. Si hæc vera sunt, uti sunt verissima, quando vos unà cum idolorum cultoribus in cibum ea sumitis, quæ idolis sacrificata sunt, nunquid non tacitam cum iis contrahitis societatem, & idolis hac ratione venerationem aliquam desertis? respondet fors quispiam, me loqui pugnantia, cum prius asseveraverim, idolum nihil aliud esse, quam truncum sensu vitæque destitutum, consequenter esum ciborum illi immolatorum indifferentem esse. Nullâ ratione à pristinâ meâ recedo sententiâ, hunc tamen usum ex aliâ ratione vobis prohibeo. 20. Gentes non Deo immolant, sed demoniis. Neutiquam autem ferre possum, vobis quidquam commercii esse cum hoc Orci satellitio, quod tamen haud dubiè fieret, si de eorum sacrificiis participaretis. Alterutrum ergò eligit, Si vultis calicem

licem Domini bibere, renuntiare oportet calici dæmoniorum. 21.

Siquē ejus mensæ accumbere vultis, *sa Domini participes estis ante omnia eorum conviviis abstinere necesse est: neque enim cor vestrum inter Deum, ejusque hostes juratissimos dividere concessum est.*

22. An ex destinato, studioque eum ad iracundiam provocare satagimus? adeone desipimus, ut eo nos validiores esse existimemus? an verò contrā credimus, nos ab eo pro meritis castigari posse? Dicetis equidem, utcunque modò reclamem, id tamen vobis permissum esse: ego autem vobis edico, hanc qualemcunque licentiam non sufficere semper in ipsâ praxi. Non omne, quod mihi licet, semper aliis expedit. 23. Dantur quædam licentiæ, quibûs tamen uti prohibemur, ubi ædificationi & salutî proximi earum usus repugnat. 24. Cessant nimirum, ubi charitas suadet contrarium. Non enim propria commoda, aut delectationem nostram studiosè quærere, sed fratrum nostrorum emolumenta potius, ac salutem animæ debemus attendere. 25. Pace meâ comedite de omni re, quæ in publico foro venditur, modò non

*21. Non potestis Mensæ Domini participes esse & mensæ dæmoniorum*

*22. An amulamur Dominum? Numquid fortiores illo sumus? Omnia mihi licent, sed non omnia expediunt.*

*23. Omnia mihi licent, sed non omnia edificant.*

*24. Nemo, quod suum est, quarat, sed quod alterius.*

*25. Omne, quod in macello venit, manducate, nihil interro-*

• inquit. N n

*gantes propter conscientiam.*

26. *Domini est terra, & plenitudo ejus.*

27. *Si quis vocat vos infidelium, & vultis ire: omne quod vobis apponitur, manducate, nihil interrogantes propter conscientiam.*

28. *Si quis autem dixerit: hoc immolatum est idolis: nolite manducare propter illum, qui indicavit, & propter conscientiam:*

29. *Conscientiam autem dico non tuam, sed alterius: Ut quidem libertas mea judicatur ab aliena conscientia?*

30. *Si ego cum gra-*

inquiratis anxie, unde ea proveniat.

26. Domini enim est terra, & quidquid usquam è terrâ gignitur, Dei donum est, adeoque bonum, cum sit Conditoris Optimi. - 27. Quin etiam si infidelium quispiam vos ad mensam invitet, si placet accumbere, accumbite, & pro libitu absque ullo discrimine vel scrupulo de omni cibo comedite, qui vobis apponitur.

28. Si autem è convivis non nemo vos admoneat, hunc vel illum cibum idolis fuisse sacrificatum, tunc enim verò abstinendum reor, 29. non tam propter conscientiam vestram, quam illius, qui studiosè indicavit, ne is fortassis id ipsum, quod animò indifferenti comeditis, comedat cum aliquâ veneratione tanquam rem ex illâ immolatione quodammodo sacram, adeoque animò non perinde indifferenti & innoxio. Verum quidem est, à conscientia erroneâ hominis nondum satis instructi perperram condemnari libertatem, quam mihi lex evangelica concessit vescendi etiam tali ciborum genere. Sed cur ego libertate meâ ita temerè utor, ut hoc libertatis beneficium ægro fratri, qui meâ actione læditur, interitum astringat? 30. Si cum debita

bitâ gratiarum actione fumo, quod Deus in alimentum meum producere, mihi que largiri dignatus est, injuriam facit utique, quisquis mihi id crimini vertit, id ipsum tamen non in omni casu permissum assero. Ut verò absque scrupulo deinceps agatis, en vobis regulam universalem. 31. Sive manducatis, sive bibitis, sive aliud quidpiam agitis, date diligenter operam, ut omnia ad Dei immortalis gloriam referatis, quæ etiam ædificationem proximi vestri involvit. 32. Cum Judæis, cum Gentibus, cum fidelibus eam agendi rationem servate, quæ nulli unquam scandalum præbeat. 33. Denique exemplum meum vobis hac in re imitandum propono. Studeo, quacunque ratione possum, gratificari omnibus, & attemperare me nonnullorum imbecillitati perinde, ac aliorum capacitati majori. Meorum commodorum penitus oblitus unicè in aliorum utilitatem curas omnes ac cogitationes meas converto, ut nempe multi per me salutem consequantur sempiternam.

*tia participo, quid blasphemor pro eo, quod gratias ago?*

31. *Sive ergo manducatis, sive bibitis, sive aliud quid facitis: omnia in gloriam Dei facite.*

32. *Sine offensione estote Judæis, & Gentibus & Ecclesie Dei:*

33. *Sicut & ego per omnia omnibus placeo, non quarens, quod mihi utile est, sed quod multis: ut salvi fiant.*

## PARAPHRASIS

## CAP. XI.

1. *Imitatores mei estote, sicut & ego Christi.*

2. *Laudo autem vos fratres, quod per omnia mei memores estis: & sicut tradidi vobis, praecepta mea tenetis.*

I. **P**ROPOSUI me vobis in exemplum, & adhuc proponere non vereor, quemadmodum & ego actiones meas omnes atque consilia ad perfectam quandam Christi Domini tanquam prototypi mei imitationem quam diligentissime componere studeo, qui cum imago sit Patris sui & rex gloriae, imbecillitati tamen mortalium sese mirum in modum attemperavit, quamdiu inter eos in terris degere voluit. Nunc plusquam satis de idolothytis disseruimus, pergendum nunc ad alia.

2. Antequam vero ad rem veniam, non possum non, dilectissimi fratres, hoc potissimum nomine vos magnopere laudare, quod recenti adhuc memoria teneatis praecepta mea, & traditiones observetis, quas à me accepistis. Pergite tantum vos ita dociles ac morigeros exhibere deinceps, & leges, quas modò praescribo, dili-

diligenter custodite. 3. Ante omnia nō se vos oportet & meminisse, *scire, quod omnis viri quod Iesus Christus sit caput viri, caput Christus est: caput vir caput mulieris, & Deus caput Iesu Christi, id est, quemadmodum verò Christi, Deus.*

Iesus Christus secundum humanam naturam suo Patri subditus est, ita & vir Iesu Christo, & femina viro subesse debet.

4. Quare vir, qui in templo orationi vacat, vel explicat, quæ à Deo revelatione accepit, si capite quomocunque recto id faciat, injuriam facit Christo suo Capiti, eò quod cum ei soli subjiatur, hoc signo servilis conditionis declarare videtur, se alterius cuiuspiam in hoc mundo esse mancipium.

5. Pari ratione femina, quæ non attendit se ex professione Christianæ religionis obligatam esse ad exteriori modestiam perinde ac ad puritatem animi, seque sine Creatoris offensâ non posse dissimulare discrimen, quod is inter virum illamque constituit, si dum orationi intenta est, vel rerum divinarum, quas peculiari revelatione à Deo accepit, expositioni, capite detecto id faciat, injuriam marito suo irrogat.

6. Quandoquidem enim velum, quod est signum suæ subjectionis, vertici suo

*4. Omnis vir orans, aut prophetans velato capite deturpat caput suum.*

*5. Omnis autem mulier orans, aut prophetans non velato capite, deturpat caput suum, unum enim est, ac si decalvetur.*

*6. Nam si non velatur mulier, tondeatur. Si verò turpe est mulierem*

Nn 3



*tonderi, aut decalvari, suo non imponit, palam facit, quod  
velet caput suum.*

*7. Vir quidem non  
debet velare caput suum:  
quoniam imago & gloria  
Dei est, mulier autem  
gloria viri est.*

*8. Non enim vir ex  
muliere est, sed mulier  
ex viro.*

*9. Etenim non est  
creatus vir propter mu-  
lierem, sed mulier prop-  
ter virum.*

*10. Ideo debet mu-*

eum tanquam Caput suum non, uti  
par est, vereatur. Certè hoc perin-  
de eam dedecet, quam si publicè  
calva compareat. Quandoquidem  
enim velum aspernatur exemplò vi-  
ri, cur non & cum illo crines suos re-  
secari præcipit? quòd si nec tond-  
ri velit, nec calva comparere, cum  
hoc sexus sui honestati ac decentiæ  
repugnet, operiat ergò caput suum,  
uti postulo. 7. Viro autem tegu-  
mentum capitis non convenit, siqui-  
dem auctoritatē ac potestatem suā su-  
pra uxorem gloria est, & imago Dei,  
in quo scilicet elucet Dei Majestas  
& imperium, cui immediatè subji-  
tur, hanc autem gloriam minimè o-  
portet occultari, neque hanc superio-  
ritatem ullo subjectionis signo in-  
fringi, foeminam autem velari decet,  
cùm gloria sit mariti per subjectionem,  
quam illi debet, & hoc vela-  
mine utcunque proficetur. 8. Ne-  
que enim vir ex muliere, sed con-  
trà potius ex viro mulier efficta  
& condita est. 9. Neque vir con-  
ditus est propter mulierem, sed po-  
tius mulier propter virum, ut eum  
adjuvet tum in societate vitæ, tum in  
propagatione prolis. 10. Idcirco  
mu-

mulier capiti velamen imponat, oportet, quo se viro subiectam atque obnoxiam esse testetur, nec non ex reverentiâ, quam debet Angelis fidelium cætui præsentibus, quorum oculos attendere perdiligenter debet, ne offendat ullâ immodestiâ vel inverecundiâ. Nolim tamen exinde viros insolentiùs efferri ac superbire, quandoquidem circa favores, quos Deus in hac mortali vitâ distribuit, & mercedem amplissimam, quam in alterâ præstat, nullum omninò discrimen facit inter utrumque sexum, qui æqualiter ipsi subijcitur.

II. Porro vir & fœmina ita inter se comparantur ut vir quidem hætenus emineat, consortiò tamen & operâ fœminæ indigeat, ut illa viri ad tuendam & alendam familiam suam domesticam & alias vitæ necessitates. 12. Et quemadmodum prima fœmina ex viro formata est, ita nunc sexus virilis ex fœmineo ortum ducit. Itaque neque ille suâ potestate abutatur ut tyrannus, neque mulier de suâ conditione ut nimium abjectâ conqueratur, sed ambo uni Deo coalescant, qui eos hac conditione creavit, ut alter alterius ope auxiliòque indigeat. Quem-

ad-

*lier potestatem habere supra caput propter Angelos.*

II. *Verumtamen neque vir sine muliere; neque mulier sine viro in Domino.*

12. *Nam sicut mulier de viro, ita & vir per mulierem; omnia autem ex Deo.*

13. *Vos ipsi iudicate: decet mulierem non velatam orare Deum?*

14. *Nec ipsa natura docet vos, quod vir quidem si comam nutriat, ignominia est illi.*

15. *Mulier verò si comam nutriat, gloria est illi: quoniam capilli pro velamine ei dati sunt.*

16. *Si quis autem videtur contentiosus esse: nos talem consuetudinem non habemus, neque Ecclesia Dei.*

17. *Hoc autem præcipio: non laudans, quod non in melius, sed in deterius convenitis.*

18. *Primum quidem*

admodum autem à viro mulier, & per mulierem rursus vir propagatur, ita ab uno Deo tanquam auctore pendet universa. 13. Quæ cum ita sint, vos ipsi nunc ferte sententiam, num deceat mulierem absque velo preces in Ecclesiâ fundere. 14. Natura ipsa hanc indecentiam damnat, dum fœminis longiores crines conferat, ut pro velo serviant, & in signum subjectionis, ad quam ratione sexus obstricti sunt. 15. Ad eò ut non minùs ad decorem & ornatum illarum faciant, si longiores sint, quàm viros dedeçant, quippe qui liberi sunt. 16. Quòd si quis mordicus & contentiosè hunc abusum velit defendere, nolim equidem pugnaciùs cum eo contendere, illud tantùm dico, me à tali consuetudine penitus abhorrere, quippe quam Ecclesia Dei pariter repudiat. 17. His monitis præmissis alium longè gravio rem abusum in vobis carpendum & eliminandum subjungo. Audio celebrari à vobis conventus in Ecclesiâ, non, ut par erat, cum spiritali fructu atque emolumento, sed potiùs (quod maximè dolendum est) cum detrimento non exiguo. 18. Ecclesia, in quâ congregamini, locus

locus deberet esse pacis ac concordantibus vobis in  
 diae mutuae fovendae, interim plures Ecclesiam, audio scissu-  
 in vobis factiones ac contentiones esse inter vos, & ex-  
 dominari intelligo. Peste hac omni-  
 nes afflatos esse non crediderim, ali-  
 quos interim ea infectos non dubi-  
 to.

19. Divina enim providentia  
 permittit solet haereses, ac dissen-  
 siones, & haec quodammodo viden-  
 tur necessariae necessitate non qui-

19. Nam oportet &  
 haereses esse, ut &, qui  
 probati sunt, manifesti  
 fiant in vobis.

dem antecedente & absolutâ, sed pro  
 humanâ imbecillitate, ut probentur &  
 dignoscantur palam, qui in fide sunt  
 constantes. 20. Itaque firmissimè per-  
 suasum habeo modum in Ecclesiâ o-  
 tim usitatum celebrandi convivia ad  
 exemplum ultimae coenae Christi Do-  
 mini memoriâ vestrâ jam excidisse.

20. Convenientibus  
 ergo vobis in unum, jam  
 non est Dominicam ca-  
 nam manducare.

21. Omissâ enim eorum celebra-  
 tione secundum primævum ritum ac  
 formam quilibet pro suâ tantum  
 personâ ac ventre sollicitus prope-  
 re comedendo absument, quæ sibi ap-  
 parari iussêrat, priusquam fideles  
 omnes convenerint, unde contin-  
 git pauperem fame propemodum  
 emori, dum interea divites vinô ci-  
 bisque lautioribus ad crapulam us-  
 que saginantur. 22. Enimverò num  
 aedes non habetis, in quibus edatis  
 ac bibatis, si pristina vobis non ar-

21. Unusquisque e-  
 nim suam cœnam prae-  
 mit ad manducandum.  
 Et alius quidem surit,  
 alius autem ebrius est.

22. Numquid domos  
 non habetis ad man-  
 ducandum & bibendum?

rider

00

*aut Ecclesiam Dei con-  
temnitis, & confunditis  
eos, qui non habent? Quid  
dicam vobis? Laudo vos?  
in hoc non laudo.*

23. *Ego enim accepi  
à Domino, quod & tra-  
didi vobis: quoniam Do-  
minus JESUS in quâ no-  
ste tradebatur, accepit  
panem,*

ridet disciplina? ad eone exigua vobis in  
Ecclesiam Dei reverentia, ut eam hac  
ratione vos profanare non pudeat?  
an fratres vestri, fideles videlicet, ita  
vobis eviluerunt, ut mensæ eos ve-  
stræ nolitis accumbere? an existima-  
tis vos leviter tantum contra charita-  
tem delinquere, si vestro ciborum  
apparatu atque ostentatione in ru-  
borem detis pauperes illos, qui tan-  
tis sumptibus impares symbolam su-  
am pertenuem mensis vestris infer-  
re verentur, aut fortasse non habent,  
quod cœnent. Quid dicam ad hæc?  
laudo equidem vos, quod aliquas  
traditiones à me acceptas utcunque  
observetis, at verò quando attenti-  
us considero, in re tanti momenti  
vos à pristinâ Ecclesiæ consuetudine  
recedere, magnâ potius vos repre-  
hensione indigere judico. 23. Ut  
verò manibus quasi palpetis abusûs  
vestri gravitatem, & discatis, quâ mo-  
deratione ac temperantiâ vos celeb-  
rare conveniat convivia vestra, po-  
nam vobis ob oculos ultimam cœ-  
nam, quam JESUS Christus Domi-  
nus noster cum suis Apostolis insti-  
tuit, uti ex ore ipsius accepi, vósque  
jam dudum edocui. Scitote ergò,  
Dominum nostrum JESUM Christum

eâ ipsâ nocte, quâ Judæis proditus fuit per Judam, cum mensæ unâ accumberet cum suis Apostolis, nobisque non aliud amoris pignus relinquere vellet, quàm seipsum, panem accepisse, 24. & cum gratias egisset Patri suo coelesti, sacramque benedictionem impertisset, fregisse, dedisseque omnibus assidentibus dicentem: accipite & comedite, hoc est corpus meum, quod pro vobis tradetur, hoc porro facite, ut mei mōriam ac recordationem perpetuò colatis. 25. itidem & poculum accepisse, ubi coenasset, dicentem: hoc poculum est novum testamentum meo sanguine sancitum, hoc facite, quotiescunque biberitis, ut memoriam mei ritu solenni celebretis. 26. Quotiescunque enim hunc panem ederitis, & sacrum hoc poculum libaveritis, mortem Domini in mentem revocabitis, donec in supremo illo mundi die ad nos redeat judicaturus vivos & mortuos. Profecto existimo hanc enarrationem sufficere posse pro instructione, quemadmodum vos conveniat præparari ad accumbendum ritè huic sacræ mensæ. 27. Quicumque enim hunc panem sumpserit, vel hunc ca-

licem

24. *Et gratias agens fregit & dixit: accipite & manducate: hoc est corpus meum, quod pro vobis tradetur. hoc facite in meam commemorationem*

25. *Similiter & calicem, postquam canavit, dicens: hic calix novum testamentum est in meo sanguine. Hoc facite, quotiescunque biberitis, in meam commemorationem.*

26. *Quotiescunque enim manducabitis panem hunc, & calicem bibetis: mortem Domini annuntiabitis, donec veniat.*

27. *Itaque quicumque manducaverit panem*

*hunc, vel biberit calicem Domini indignè: reus erit corporis & sanguinis Domini.*

28. *Probet autem se ipsum homo: & sic de pane illo edat & de calice bibat.*

29. *Qui enim manducat & bibit indignè, iudicium sibi manducat, & bibit: non dijudicans corpus Domini.*

30. *Ideo inter vos multi infirmi & imbecilles, & dormiunt multi.*

licem indignè hauserit proditor est corporis & sanguinis Domini, reusque mortis ac si illud cruci affigeret, & hunc sacrilegè effunderet. Hæc verba tremenda quidem sunt, sed verissima, unde vellem hunc fructum caperetis, 28. ut quilibet statum conscientiae suae examinet sincerè & absque fuco vel indulgentiâ, & non nisi præmissò hoc rigorosò examine de pane isthoc comedat & de calice bibat. 29. Nam qui edit aut bibit indignè, quasi hausto venenò iudicium & sententiam propriæ condemnationis sibi manducat & bibit, quandoquidem Iesus Christus ad ipsum venit in ejus exitium, non verò in alimentum, ipse verò sacrilegâ hac sumptione sententiam æternæ suæ damnationis in propriis visceribus circumfert. Et sanè rationi vel maximè congruit tale iudicium, quandoquidem non dijudicat aut discernimen ullum facit inter sacratissimam Christi carnem, & inter vilissimos alios cibos. Tantam irreverentiam non raro etiam poena in hac vitâ consequitur. 30. Unde enim, obsecro, tot inter vos languidi & infirmi? tot etiam in flore ætatis morte immaturâ abrepti, nisi

nisi ob exiguam reverentiam, quâ illum excipiunt, qui cùm sit ipsa sanctitas, animæ puritate atque innocentia delectatur unicè. 31. Quòd si nos ipsos diligenter exploraremus, ac sedulò omnes animi nostri recessus lustraremus, alieni ab omni palpo perversarum nostrarum cupiditatum, si exactam iniremus disquisitionem nostrarum actionum, & perspecta flagitiorum nostrorum enormitate ea detestaremur firmissimo emendationis propositò factò, antequam accederemus mensam Domini, non incideremus tam frequenter in manus divinæ Nemesis. 32. Interim non parùm manemus obstricti divinæ bonitati, quòd nobiscum tam clementer & paternè agat, castigando nos in hac vitâ, ut hac ratione æternum evadamus exitium, quod nos perinde maneret, ac alios mundi cultores improbos, atque potius erudimur in futurum, quàm plectamur de præterito. 33. Itaque, fratres mei, cùm conventus vestros celebratis, cœnâsque memoratas acceditis, quæ in alium planè finem institutæ non fuerunt, quàm ad fovendam mutuam inter fideles pacem & concordiam, præstolamini invicem ad ostendendam unitatem animorum

31. *Quòd si nos met-  
ipsos dejudicaremus, non  
utique judicaremur.*

32. *Dum judicamur  
autem, à Domino corri-  
piamur, ut non cum hoc  
mundo damnemur.*

33. *Itaque, fratres  
mei, cùm convenitis, ad  
manducandum, invicem  
expectate.*



rum, ac dilectionem sinceram, in  
 34. Si quis esurit, quâ vivitis. 34. Si quis verò tam-  
 domi manducet: ut nondiu non possit esse abstemius, do-  
 in iudicium conveniatis. nec omnes unâ convenerint, auctor  
 Cetera autem, cum ve- illi sum, ut domi suæ manducet. Hæc  
 nero, disponam.

vobis præscribo, ne coetus vestri in  
 propriam redundant perniciem, qui  
 novis potius vos favoribus donisque  
 cœlestibus cumulare deberent. De  
 cæteris rebus, quæ adhuc ordinan-  
 dæ sunt, & promovendæ ad ulti-  
 mam perfectionem disciplinæ Chri-  
 stianæ, disponam postmodum, cum  
 ad vos venero.

## PARAPHRASIS

### CAP. XII.

I. De spiritualibus  
 autem, nolo vos ignorare  
 fratres.

I. PRÆter memoratum abusum ir-  
 repfit alius quispiam, ut intel-  
 ligo, videlicet nonnullos, qui in bap-  
 tismo donum quoddam peculiare  
 Spiritûs Sancti acceperunt, inde va-  
 nâ gloriâ efferri, nec quâ decet pru-  
 dentia illo uti. Non patiar vos er-  
 rori huc diutius immorari, sed sca-  
 turiginem vobis ostendam harum  
 gra-

gratiarum, quas tantopere exoptatis, & acceptas subin in materiam vestrae superbiae convertitis. 2. Meministis adhuc, fuisse vos aliquando à veri Dei cultu & cognitione alienos, impiæ superstitioni atque idololatriæ deditos, verbò Gentiles, qui vesano quodam impetu ad simulachra Deorum planè muta atque furda, ut rapi contigisset, nulla nec loci, nec temporis, nec vestri habità ratione quasi œstrò perciti abripiebamini. Quòd si in eo misero statu cœcitaris atque ignorantiae ductu vestrorum Majorum atque impulsu dæmonum vos permisistis ad execranda illa idola atque aras tanquam victimas pertrahi, scitote modò singulari Dei beneficiò Spiritum Sanctum vobis obtigisse Magistrum, cujus directionem vos sequi oporteat per omnia. 3. Qui loquitur divini hujus Spiritus instinctu, non potest Jesum blasphemo ore inceslere, & vicissim, qui Jesum ut Dominum suum, quod Christiani faciunt, reveretur, non potest non illustratus esse, & ad id permotus à divino Spiritu. Quid plura? ne minima quidem cogitatio, aut affectus ad rem honestam in vobis excitari potest, nisi

2. *Scitis, quoniam cum Gentes essetis, ad simulachra muta prout ducebamini euntes.*

3. *Ideo notum vobis facio, quòd nemo in Spiritu Dei loquens, dicit anathema Jesu. Et nemo potest dicere, Dominus Jesus, nisi in Spiritu sancto.*

4. *Divisiones verò* nifi eo auctore ac motore. 4. *Cægratuarum sunt; idem* terùm charismata, quæ Christiani in autem Spiritus; Ecclesiâ suâ habent, sunt diversa admodum, unus tamen idemque Spiritus ea distribuit tanquam auctor &

5. *Et divisiones ministrantium sunt, idem autem Dominus.* 5. Diversa quoque sunt ministeria, quibus pro virili in vinea Dei quisque laboret, sed idem est unus omnium Dominus,

6. *Et divisiones operationum sunt, idem verò Deus, qui operatur omnin in omnibus.* 6. qui ad hæc vel illa nos destinat. Virtus patrândi mira non ejusdem est efficaciz in omnibus, idem tamen Deus, cujus virtute ac potestate hæc omnia fiunt. Nolite autem vobis persuadere, distributionem horum charismatum, quæ indicia & argumenta sunt inhabitantis in eo, qui illa recepit, Spiritus Sancti, inaqualem esse absque ratione & veluti ca-

7. *Unicuique autem datur manifestatio Spiritus ad utilitatem.* 7. Deus ea dispertiendo attendit, quid magis expediat, sa quodam. five ad confirmandos fideles, five ad

8. *Alii quidem per Spiritum datur sermo sapientiz: alii autem sermo scientiz secundum eundem Spiritum;* 8. Inde est, quòd divini Spiritus beneficiò huic quidem sermo sapientiz tribuitur, quæ altissimas rerum causas maximeque reconditas rimatur: alii verò sermo scientiz ad humanam civilémque disciplinam probè instituen-

9. *Alteri fides in eodem Spiritu: alii gratia* 9. alii mysteriorum. fidei eximia quædam planeque singularis

no-

notitia ad ea cum explicanda, cum eti-  
am adversus impios defendenda, alteri  
porro excellens quædam ad varia morborum genera curanda vis  
atque potestas. 10. Hic potestatem  
habet ad signa edenda, ille futura prævidet, atque prædicat, iste  
secreta cordium novit, & probè discernit inter diversas eorum agita-  
tiones, alius donò linguarum præcellit, alius intelligentiâ & interpre-  
tatione Scripturarum. 11. Sed hæc omnia efficit unus ille atque idem  
Spiritus, qui Ecclesiam universam fovens ac vegetans, & multiplici donorum largitione exornans priva-  
tim singulis hæc sua divina munera pro suo arbitratu partitur. 12.  
Nam quemadmodum corpus hominis naturale unum quoddam est  
complexum constans pluribus membris, & hæc licet dignitate usuque  
inæqualia unicum faciant compositum, pari ratione Christus JESUS Ca-  
put nostrum plures habet fideles, qui ab ipso tanquam membra de-  
pendeant, & quamvis nec scientiâ nec aliis dotibus pari gradu instru-  
cti sint, in unum tamen, idemque corpus mirâ quadam ratione coalescunt. 13. Ad formandum hoc cor-  
pus unum est, & membra  
habet multa, omnia au-  
tem membra corporis  
cum sint multa, unum ta-  
men corpus sunt: ita &  
Christus.

*sanitatum in uno spiri-  
tu:*

10. *Alii operatio vir-  
tutum, alii prophetia, a-  
lii discretio spirituum, a-  
lii genera linguarum, a-  
lii interpretatio sermo-  
num.*

11. *Hæc autem om-  
nia operatur unus atque  
idem Spiritus, dividens  
singulis prout vult.*

12. *Sicut enim cor-  
pus unum est, & membra  
habet multa, omnia au-  
tem membra corporis  
cum sint multa, unum ta-  
men corpus sunt: ita &  
Christus.*

13. *Etenim in uno  
Pp*

*Spiritu omnes nos in unum corpus baptizati sumus, sive Judæi sive Gentiles, sive servi, sive liberi: & omnes in uno Spiritu potati sumus.*

14. *Nam & corpus non est unum membrum sed multa.*

15. *Si dixeris pes: quoniam non sum manus, non sum de corpore: num ideo non est de corpore?*

16. *Et si dixeris auris: quoniam non sum oculus, non sum de corpore: num ideo non est de corpore?*

17. *Si totum corpus oculis: ubi auditus? si totum auditus: ubi odoratus?*

18. *Nunc autem posuit Deus membra, unum-*

corpus unitate perfectâ omnes regenerati sumus, Judæi, Gentiles, servi, liberi in eodem spiritu per baptismum: omnes ex eodem fonte gratias hausimus, omnes eodem potu sanguinis nempe Christi recreati sumus & participes effecti unius spiritûs ipsius, qui per omnia membra permeans singula vegetet, suisque functionibus idonea reddat. 14.

Porro corpus cùm dico, non unum duntaxat membrum intelligo, sed unum quidpiam ex pluribus necessariò compactum & coagmentatum, quorum aliqua utrûq; viliora perinde rationem partis habent, ac perfectiora.

15. Quòd si in humano corpore dissidiò ac velut intestino bello excitato pes diceret: non sum brachium, an ideo negaret se esse partem corporis? 16. Si auris diceret, se non esse oculum, num ideo desineret esse pars corporis?

17. Si totum corpus tantùm oculis vel auris esset, ubi odoratus, ubi reliquæ facultates? 18. Nunc autem Deus admirabili quadam sapientiâ singula per se membra suis muneribus ac functionibus destinata elegantî discrimine in corpore collocavit, ut optimum factus, ipsique cor-

pori

pori consentaneum duxit. Atque hæc distinctio est pernecessaria. *quodque eorum in corpore sicut voluit.*

19. Si enim omnia membra essent æqualia, eidemque actioni opportuna, non constituerent unum corpus organicum, quemadmodum id faciunt ratione diversitatis, 20. præter hanc, quæ haud dubiè non parum confert ad integritatem & perfectionem totius corporis, intercedit inter hæc ipsa membra propter mutuam indigentiam dependentia quædam adeò necessaria, 21. ut

oculus manui exprobrare nequeat, quòd ejus operâ non indigeat, neque idipsum objicere caput pedibus. *20. Nunc autem multa quidem membra, unum autem corpus.*

22. Quinimò membra, quæ videntur debiliora, & vix ullius usus, sunt vicissim magis necessaria. 23. Quæque viliora sunt, vel minùs honesta, majori sollicitudine studiòque servamus, regimùsque, quàm alia, quæ utpote decentiora aspectum non videntur, ipsa enim natura magnam videtur corporis nostri habuisse rationem, quæ partes, in quibus esset species honesta, posuit in promptu, quæ autem ad nostram necessitatem datæ aspectum essent deformem habituræ, eas sepofuit, & quodammodo contexuit, atque abdidit, quam

*21. Non potest autem oculus dicere manui: opera tuâ non indigeo: aut iterum caput pedibus: non estis mihi necessarii.*

22. Sed multò magis, quæ videntur membra corporis infirmiora esse, necessaria sunt.

23. Et quæ putamus ignobiliora esse membra corporis, his honorem abundantiorem circumdamus: & quæ inhonesta sunt nostra, abundantiorè honestatem habent.

natur-

Pp 2

24. *Honesti autem  
nostra nullius egent: sed  
Deus temperavit corpus,  
ei, cui deerat, abundantio-  
rem tribuendo honorem.*

25. *Ut non sit schif-  
ma in corpore, sed idip-  
sum pro invicem sollici-  
ta sint membra.*

26. *Et si quid patitur  
unum membrum, compa-  
tiantur omnia membra:  
sive gloriatur unum  
membrum, congaudent  
omnia membra.*

27. *Vos autem estis  
corpus Christi, & mem-  
bra de membro.*

naturæ tam diligentem fabricam i-  
mitata est hominum verecundia.  
24. Quæ enim honestam speciem  
habent in nobis, iis externo, atque  
aliunde adscito decore opus non est.  
Porro Deus ita providè omnia at-  
temperavit, formando hominis cor-  
pus, voluitque ut maiorem curam  
haberemus partium minùs elegan-  
tium ac honestarum, atque ita, quod  
deesse videtur, extrinsecà sup-  
pleamus industriâ ac dignitate, 25.  
ne in corpore dissidium sit ac velut  
intestinum & domesticum bellum,  
unde corporis perniciēs, atque inte-  
ritus existat, sed contrà potius natu-  
ræ quodam ductu atque impulsu  
pars quælibet invigilet tutelæ alteri-  
us, atque ita in unum cuncta conspi-  
rent. 26. Inde est, quòd uni pati-  
enti reliqua condolent, & uni bene  
habenti congaudent, & quodammo-  
do gratulantur cætera. Quæ dicta  
sunt hætenus de corpore naturali,  
serviunt ad perfectiorem intelligen-  
tiam corporis mystici, quod est Ec-  
clesia. 27. Dico enim vobis, fra-  
tres mei, vos omnes conjunctim es-  
se corpus Christi, & singulos esse  
membra illius ita inter se nexa colli-  
gatæque, ut alia ab aliis pendeant ruo

ruo connexionis vinculò. Quemadmodum ergò Deus corpus physicum ex pluribus membris constituit dignitate & officio discrepantibus, ita pariter 28. disposuit, ut in ejus Ecclesiâ hi essent Apostoli, illi Prophetæ, alii Doctores. Postmodum libero voluntatis suæ beneplacitò distribuit mirâ varietate inter fideles potestatem patrândi miracula vim sanandi infirmos, gratiam exercendi opera misericordiæ indigentibus, artem conscientias dirigendi, donum plurium linguarum, & facultatem interpretandi. 29. Nunquid enim omnes sunt Apostoli? omnes Prophetæ? omnes Doctores? 30. Nunquid omnes signa edere possunt, ægros curare, diversis linguis loqui, eas intelligere & explicare? nullâ ratione fratres mei. Imò hoc minimè expediret: nequè est contra tam inæqualem distributionem mussitetis, cum vobis ostenderim, quibus rationibus fundata sit, & quo animo excipienda. 31. Non repugno, ut aliqua è prædictis charismatis desideretis, optarem autem magnopere, ut in illa potissimum cogitationes ac curas vestras converteretis, quæ & aliis, & vobis ipsis plus  
emo-

28. *Et quosdam quidem posuit Deus in Ecclesiâ primum Apostolos, secundò Prophetas, tertio Doctores, deinde virtutes, exinde gratias curationum, opitulationes, gubernationes, genera linguarum, interpretationes sermonum.*

29. *Numquid omnes Apostoli? numquid omnes Prophetæ? numquid omnes Doctores?*

30. *Numquid omnes virtutes? numquid omnes gratiam habent curationum? numquid omnes linguis loquuntur? numquid omnes interpretantur?*

31. *Æmulamini autem charismata meliora. Et adhuc excellentiorem viam vobis demonstrabo.*



emolumenti afferre valent. Sed  
quænam illa? en compendiô vobis  
monstrabo semitam longè brevior-  
rem, certiorémque acquirendæ per-  
fectionis, quàm illæ sint prærogativæ,  
unde tantopere gloriamini.

## PARAPHRASIS

### CAP. XIII.

1. *Si linguis homi-  
num loquar, & angelo-  
rum, charitatem autem  
non habeam, factus sum  
velut æs sonans, aut cym-  
balum tinniens.*

2. *Et si habuero pro-  
phetiam & noverim my-  
steria omnia & omnem  
scientiam; & si habuero*

1. **Æ** Stimatis mirum in modum  
donum linguarum, ejusque  
defectum ægerrimè fertis, ego ve-  
rò longè aliter comparatus sum, ve-  
stròque judicio ac gustui nequaquam  
accedo. Tametsi enim linguas om-  
nium mortalium, & ipsorum Ange-  
lorum callerem, si charitatem non  
habeam, similis forem inani atque  
obstreperâ meâ loquacitate valculo  
æreo, aut campanulæ tinnienti, cu-  
jus sonitus brevè dissipatur, & eva-  
nescit in auras. Idem sentio de aliis  
dotibus. 2. Tametsi notiâ præ-  
dictus essem rerum futurarum,  
tametsi mysteria omnia an-  
tiquæ novæque legis introspe-  
xissem, clarâque rerum omnium  
tam divinarum, quàm humanarum  
noti-

notitiam haberem, aut fidem ad omnem fidem, ita, ut montes transferam, charitatem autem non habuero, destituar, nullius sum pretii ac momenti coram Deo. 3. Quinimò

asserere non vereor, si facultates omnes erogassem in pauperes, meumque corpus flammis ustulandum tradidissem pro defensione Christiani nominis, hæc omnia nil penitus mihi profutura, si sola deesset charitas, quæ vitam tribuit vimque meritoriam omnibus actionibus honestis. Nihil eâ præstantius inveniri aut fingi potest. 4. Charitas patiens est,

neque dolore frangitur, neque calamitate ullâ compelli se patitur ad ullam querimoniam. Benigna est,

omnesque injurias excipit placidâ fronte, & absque vindictæ spiritu, bonis aliorum nequiquam invidet, aliena est ab omni malitiâ, præcipatione, impudentiâ, & vanâ complacentiâ in suis actionibus. 5. Ambitione non excoecatur, non fascina-

tur lucri cupiditate, quin aliorum commodis magis afficitur, non irritatur, non insurgit in iras, ne quidem ullam de nocumento alteri inferendo admittit cogitationem. 6.

Si quis injuriâ aut contumeliâ affi-

3. Et si distribuero in cunctos pauperum omnes facultates meas, & si tradidero corpus meum, ita, ut ardeam, charitatem autem non habuero, nihil mihi prodest.

4. Charitas patiens est, benigna est: charitas non amulatur, non agit perperam, non inflatur.

5. Non est ambitiosa, non quarit, quæ suæ sunt, non irritatur, non cogitat malum,

6. Non gaudet super iniquitate, congaudet autem veritati:

7. *Omnia suffert, omnia credit, omnia sperat, omnia sustinet.*

8. *Charitas nunquam excidit, sive prophetiae evacuabuntur, sive lingua cessabunt, sive scientia destruetur.*

9. *Ex parte enim cognoscimus & ex parte prophetamus.*

ciatur, si rebus adversis prematur, si ex humanâ fragilitate cespitet, non inde exhilaratur, non sibi propterea gratulatur aut tacite plaudit, sed contrâ potius exultat, & quodammodo triumphat, si quid ab alio bene prosperèque geratur, si veritas justitiâque floreat, & innocentes ab inimicorum calumniis vindicentur.

7. Onera quaecunque ei imponas, fert illa fortiter, quin illis succumbat, quidquid ei dixeris, credet illud non ex rusticâ, sed sanctâ simplicitate reliquos omnes suo pede metiens. Si proximus emendationem respuat, sperat nihilominus eam securam, & interea molestias omnes, quas illi facessit, devorat.

8. Denique, ut omnia uno verbo complectar, charitatis flamma nunquam extinguitur, sed in alteram usque vitam nos comitatur. Desinent vaticinia, quia de præsenti gaudebimus omnes, neque quid ultra sperandum aut metuendum supererit. Linguarum diversarum facultas atque usus cessabit, & imperfecta illa scientia, quam habuerimus veritarum æternarum obliterabitur aliâ clariore notitiâ superveniente.

9. Quamdiu enim in hac caligine vitæ mortalis peregrinamur,

mur, has veritates ex parte tantum cognoscimus & instar ænigmatis aut visionis obscuræ prophetis consueta:

10. Quamprimum verò intellectus noster clarissimo jubare cœlestis gloriæ illuminabitur, cum verò quidquid est rude, inchoatum, & imperfectum cognitionis nostræ ex mente eliminatum locum cedit clarissimæ perfectæque scientiæ, dore:que, quæ præsentī imperfecto statui utcunque conveniunt, cessabunt penitus. Felicem hanc immutationem eò facilius capio credoque firmitus, quòd ejus jam ideam & prægustum quendam in meipso habeam. 11. Cū

essē parvulus, garriebam vel balbutiebam ut parvulus, neque ultra ætatem & capacitatem infantium sapiebam, quamprimum autem virilem ætatem attigi, evanuit omnis simplicitas infantis. Idem scientiæ nostræ eveniet. 12. Hic in terris

Deum non cognoscimus nisi sub denso quodam velamine vel si pertingimus nunc si eminus per creaturas, neque eum in his speculis nisi imperfectè admodum & perobscurè contemplamur.

In cœlo autem de facie ad faciem videbimus illum apertè, neque ulla

10. *Cū autem venerit, quod perfectum est, evacuabitur, quod ex parte est.*

11. *Cū essem parvulus, loquebar ut parvulus, sapiebam ut parvulus, cogitabam ut parvulus. Quando autem factus sum vir, evacuavi, quæ erant parvuli.*

12. *Videmus nunc per speculum in ænigmatē: tunc autem facie ad faciem. Nunc cognosco ex parte: tunc autem cognoscam, sicut & cognitus sum.*

ejus

Qq

13. *Nunc autem manent fides, spes, charitas tria hæc: major autem horum est charitas.*

ejus perfectio nos latebit. Hic mysteriorum ejus vix particulam intelligo, idque confusè, ibi omnes ejus divitias, atque magnificentiae splendorem clarissimè intuebor: nunc sensim mihi appropinquat ad me nonnullò radiorum suorum fulgore collustrandum, tunc verò accedam ad illum propius ad plenam ab eo gloriae lucem recipiendam. Quemadmodum nunc ipse me novit intimè, ita tunc & illum eâ claritate ac perfectione attingam, quam ejus incomprehensibilis Maiestas atque pulchritudo permittet. 13. In præsentiâ quidem tria hæc præcipua Spiritûs Sancti munera possideo, fidem, spem, & charitatem, priora autem illa duo post mortem evanescent, in cœlo enim clarè conspicitur, in quem credidimus, & sperata beatitudo securè jam tenetur. Sola charitas ibi remanet, ut adeò jure merito concludere possim, eam principem locum citra omnem controversiam obtinere, neque satis pro dignitate æstimari posse, neque nimiam esse sollicitudinem atque diligentiam, quæ illi obtinendæ impenditur.

Pa-

## PARAPHRASIS

## CAP. XIV.

1. **Q**uando vos exhortor ad sectandam & exercendam charitatē, non id eā mente facio, ut vos retraham ab expectendis charismatis à Spiritu Sancto conferri solitis sive in Baptismo, sive in conveni-  
 ribus vestris. Id unum cupio, ut ea maximè expectatis, quæ ad ædificationem proximi potius serviunt, quàm ad inanem pompam & ostentationem. Complures dantur species, quas paulò ante recensui, at verò facultas tradendi & explicandi veritates æternas præ omnibus aliis æstimanda mihi videtur & expectenda. 2. Qui loquitur linguā peregrinā, quin eam explicet, loquitur sanè in gloriam Dei, qui solus eam intelligit, non verò in utilitatem hominum, qui orationis vim & sensum non percipiunt. Neque tamen idcirco contemnenda est hæc gratia, Spiritus enim Dei est, qui loquitur, eique revelat mysteria, quæ proponit.

3. Qui

1. *Seclāmini charitatem, emulamini spiritalia: magis autem ut prophetetis.*

2. *Qui enim loquitur linguā, non hominibus loquitur, sed Deo: nemo enim audit. Spiritu autem loquitur mysteria.*

Qq 2

3. *Nam qui propheta-  
t, hominibus loquitur  
ad ædificationem, & ex-  
hortationem, & conso-  
lationem.*

4. *Qui loquitur lin-  
guâ semetipsum ædificat,  
qui autem prophetat, Ec-  
clesiam Dei ædificat.*

5. *Volo autem omnes vos  
loqui linguis: magis autem  
prophetare. Nam major  
est, qui prophetat, quàm  
qui loquitur linguis: nisi  
fortè interpretetur, ut  
Ecclesia ædificationem ac-  
cipiat.*

6. *Nunc autem fra-  
tres, si venero ad vos lin-  
guis loquens: quid vobis lo-  
quar aut in revelatione,  
aut in scientiâ, aut in  
prophetiâ, aut in doctri-  
nâ?*

1. Qui autem linguâ intelligibili pe-  
rorat, ædificat auditores, excitat ad  
pietatem, consolatur in rebus adver-  
sis, & in fide eos roborat.

4. Ille  
sibi tantum prodest, alter etiam Ec-  
clesiæ Dei.

5. Optarem equidem  
fratres mei, ut omnium gentium  
linguis loqueremini, mallet tamen  
vos inclytos donò prophetiæ seu fa-  
cultate instruendi rudes, quos ha-

betis: qui enim hac prævalet, haud  
dubiè plus emolumenti Ecclesiæ af-  
fert, nisi qui illa priori pollet, simul  
qui loquitur linguis: nisi quid dicat, intelligat, & declarare  
noverit, ut fideles inde fructum re-  
ferant. Meipsum hac occasione vo-  
bis pro exemplo propono.

6. Fin-  
gite, quæso, me adessè modò in ve-  
strum omnium cœtu multiplici ac  
vario linguarum genere instru-  
ctum, & peregrina apud vos verba  
fundere. Quid vobis, obsecro, pro-  
desse sermones mei? quem fru-  
ctum perciperetis ex meâ prædica-  
tione, nisi prophetarum more vobis  
exponerem mysteria, quæ recondi-  
ta sunt sub obicuro verborum in-  
volucro, & intelligentiâ vestrâ pene-  
trari non valent? nisi vobis explica-  
rem difficiles sacrorum Codicum  
textus? nisi vobis noticiam commu-  
ni-

nicarem, quam hausi tum proprio studio, tum divinâ revelatione? nisi vos docerem, quæ ad Christianæ vitæ disciplinam ac probitatem morum pertinent? 7. Considerate ea, quæ vitâ carent, & sonitum aliquem gignunt, velut est tuba, aut cythara: si sonus hic obtusus sit, minimèque distinctus, quânam quæso ratione dignosci poterit, quid sibi hoc illudve instrumenti genus velit? 8. Tuba in bello & acie usurpatur, denotâtque omnia militiæ exercitia, si illa verò haud usitatum & inconditum sonum ederet, milites certè imperia ducum haudquaquam dignoscerent. 9. Eadem sermonis est ratio. Si loquendo mentem vestram idiomate intelligibili explicare non poteris, auditores vestri nescient, quid dicatis, & tamen si aures illorum obtundatis clamoribus, aërem verberabitis incassum, & plarè surdis canetis. 10. Quælibet gens proprium habet idioma, quodlibet idioma proprios terminos peculiare quid significantes, aliisque incognitos, 11. adeo ut si cui colloquens idiomate utar ei peregrino, pro barbaro omnis humanitatis expekte habear, ipsumque habeam, eò quòd nullus alterius lo-

7. *Tamen quæ sine animâ sunt vocem dantia, sive tibia, sive cithara, nisi distinctionem sonituum dederint, quomodo sciatur id, quod canitur, aut quod citharizatur?*

8. *Etenim si incertam vocem det tuba, quis parabit se ad bellum?*

9. *Ita & vos per linguam, nisi manifestum sermonem dederitis, quomodo sciatur id, quod dicitur? eritis enim in æra loquentes.*

10. *Tam multa, ut puta, genera linguarum sunt in hoc mundo: & nihil sine voce est.*

11. *Si ergò nesciero virtutem vocis, ero ei, cui loquor, barbarus: & qui loquitur, mihi barbarus.*

quen. Q9 3



12. *Sic & vos, quoniam amulatores estis spirituum, ad adificationem Ecclesie quarite, ut abundetis.* 12. Quare, fratres mei, deponite hunc errorem, & nolite tanto studio dona illa commemorata affectare, vel si etiam illis vultis affluere, Ecclesie utilitatem in scopum vobis proponite. 13. Si quis multiplici linguarum genere instructus est, efflagitet etiam à divino Spiritu facultatem, quæ sibi revelata sunt, aliis explicandi. 14. Si enim exempli gratiâ preces persolvam ignoto idiomate, quin percipiar ab aliis, & memet ipsum intelligam, oratio, quam pronuntio, sonus est præcisè verborum exterior, qui aures quidem percellit, mentem autem meam neutiquam instruit, aut pietatis aliquo sensu commovet. 15. Quid igitur agendum, ut non incassum loquar & orem? equidem sic orandum existimo, ut oratio & orantis spiritui, & aliorum etiam intelligentiæ profit, itaque psallendum, ut non modò qui canit, sed etiam, qui audiunt, mentem atque intelligentiam oblectent. 16. Profectò, quisquis demum sis, qui in cœtu ecclesiastico laudes Dei decantas, vel ejus benedictionem supra populum imploras, si terminis peregrinis utaris, quomodo laicis igna-
13. *Et idèò, qui loquitur linguâ, oret, ut interpretetur.*
14. *Nam si orem linguâ, spiritus meus orat, mens autem mea sine fructu est.*
15. *Quid ergò est? orabo spiritu, orabo & mente; psallam spiritui, psallam & mente.*
16. *Ceterùm si benedixeris spiritu: qui supplet locum idiota, quomodo dicet, Amen, super tuam benedictionem: quoniam quid dicas, nescit.*

ignarus idiomatis ac significationis suas preces tuis junget, dicereque poterit: Amen! 17. Et tu quidem, quantum ad teipsum attinet, qui linguam calles, probeque intelligis, quæ precaris, omnino rectè gratias agis, verba, quæ pronuntias, sancta sunt tibi que proficua, sed qui audiunt, nec percipiunt, quæ dicuntur, nullam inde capiunt utilitatem, cum tamen eorum instructionem ac ædificationem semper præ oculis habere deberet, & tanquam finem tibi propositum intendere, secus charitate te destitutum profiteris. 18. Ego quidem grates Deo immortalis singulares habeo, quod linguas omnium vestrum calleam. 19. Interim tanti non facio hoc donum, ut non malim pauca verba, quæ quivis facillè intelligat, in Ecclesiâ loqui, ut alios erudiam, & salutaribus institutis imbuam, quàm bene longam peregrinâ linguâ contexere orationem exiguo auditorum meorum fructu. 20. Idem & vos, fratres mei, hac de re judicium formate, meæque accedite sententiæ: alienos quidem vos esse cupio ab omni malitiâ infantium instar, his ipsis tamen sensu mentèque nequam assimilari, qui nempe nugis glori-

17. *Nam tu quidem bene gratias agis, sed aliter non edificatur.*

18. *Gratias ago Deo meo, quod omnium vestrum linguâ loquor.*

19. *Sed in Ecclesiâ volo quinque verba sensu meo loqui, ut & alios instruam: quàm decem millia verborum in linguâ.*

20. *Fratres, nolite pueri effici sensibûs, sed malitiâ parvuli esote: sensibûs autem perfecti esote.*

21. *In lege scriptum est: quoniam in aliis linguis, & labiis aliis loquar populo huic: & nec sic exaudient me, dicit Dominus.*

22. *Itaque lingue in signum sunt non fidelibus, sed infidelibus: Prophetia autem non infidelibus, sed fidelibus.*

23. *Si ergo convertiat universa Ecclesia in unum, & omnes linguis loquantur, intrent autem idiotæ, aut infideles: nonne dicent, quod insipientes?*

gloriantur non absque virorum prudentum risu, sed maturo iudiciò, & ratione perspicaci agere. 21. Deus per Prophetam suum Isaiam denuntiat: loquar huic populo diverso idiomate, labiisque peregrinis, & ne sicquidem meam intelligent mentem. Hujus vaticinii veritas tunc adimpleta est, quando Apostoli post missionem Spiritus sancti Judæis divinitatem Salvatoris nostri prædicando diversis linguis annuntiârunt, quo miraculo nequaquam permoti, sed obstinati manserunt in sua incredulitate. 22. Unde patet, linguarum donum signum esse divinæ providentiæ ordinatum ad conversionem Gentium, quæ tamen non semper exinde consequitur, non verò in eorum commodum, qui veritati Evangelii manus jam dedere: donum autem exponendi divina mysteria, & perspicuè explicandi ad fidelium utilitatem refertur, qui solatiò indigent in adversis, & instructione vitæ sanctiùs instituendæ. 23. Nulibi exactiùs ordinem atque decorum servare convenit, quàm in vestris conventibus. Porro si simpliciores quidam aut etiam à fide alieni, qui solam vernaculam suam cal-

lent,

lent, eos accedant, vosque audiant unâ omnes diversis linguis loquentes, nunquid vos velut amentes fure-  
re atque insanire existimabunt? 24. Contrâ verò si vos deprehendant colloquentes de sublimibus fidei mysteriis, vel sacram Scripturam exponentes, eorum vita dissolutior omnium præsentium ac loquentium suffragiis atque argumentis adductis redaguetur. 25. Facinora, quæ vel non observârunt, vel leviora crediderunt, eorum obrutui patebunt cum omni suâ gravitate ac turpitudine, hæcque repræsentatione percussi venerabundi in terram procident, adoraturi Deum, pronuntiabuntque publicè, verè Deum in medio vestrum habitare, & per vos loqui. 26. Quid ergò factò opus? Respondeo, distributionem charismatum inter vos haudquaquam æqualem esse, uti jam sæpiùs insinua-  
vi. Hic facultatem habet psallendi, ille docendi, alius revelationes peculiare accepit, quibûs arcana cordium humanorum vel mysteriorum divinorum in lucem profert, alius omni genere linguarum loquitur, alius verò scientiam habet eas interpretandi. Oporteret autem singulos

24. Si autem omnes prophetent, intret autem quis infidelis, vel idiota, convincitur ab omnibus, & judicatur ab omnibus:

25. Occulta cordis ejus manifesta fiunt, & ita cadens in faciem adorabit Deum, pronuntians, quòd verè Deus in vobis sit.

26. Quid ergò est, fratres? cum convenitis, unusquisque vestrum psalmum habet, doctrinam habet, apocalypsim habet, linguam habet, interpretationem habet: omnia ad edificationem fiant.

27. *Sive linguâ quis loquitur, secundum duos, aut ut multum tres, & per partes, & unus interpretetur.* los hæc dona tanquam symbolam suam ad publicam utilitatem conferre, & reipsâ impendere. 27. Hujus rei gratiâ expedit, ut quotiescunque convenitis, duo solum aut tres peregrino utantur idiomate, & quidem successivè, verba autem eorum ab alio statim explicentur pro communi captu & intelligentiâ.
28. *Si autem non fuerit interpretes, taceat in Ecclesiâ, sibi autem loquatur, & Deo.* 28. Quòd si nullus hac facultate interpretandi inveniatur præditus, conticescant illi, & cum Deo solo per orationem agant, quin fratres suos importunâ loquacitate turbent, quæ defectu intelligentiæ profit memini.
29. *Propheta autem duo, aut tres dicant, & ceteri dijudicent.* 29. Qui facultatem habent alios instruendi, hoc velim observent. Sufficit duos trêve ex iis modestè ac religiosè discurrere in quolibet cœtu, reliqui verò, qui pari notiâ sunt præditi, doctrinam allatam disquirendo & secundum sua momenta librando exenterent, atque sententiam ferant.
30. *Quòd si alii revelatum fuerit sedenti, prior taceat.* 30. Si uno loquente Spiritus Sanctus alteri affidenti illustrius quid suggerat de eadem materiâ, tunc isto verba faciente prior ille statim conticescat.
31. *Potestis enim omnes per singulos prophetare: ut omnes discant, & omnes exhortentur.* 31. Cuilibet enim vestrum fas est suam singulatim proferre sententiam, ut omnes instruantur, & excitentur ad salu-

lutem suam pro viribus procurandam. 32. Atque in hoc nulla est difficultas. Spiritus enim prophetiæ liberæ facultati prophetantium obnoxius est, id est, qui donum quodpiam Spiritûs Sancti acceperunt, eo uti possunt, aut silere, quandocunque id expedire judicaverint ad Dei gloriam, vel in utilitatem proximi, reliqui autem possunt esse arbitri & iudices talium prophetarum. 33. Et sanè Deus, qui dissensiones non amat, sed consensum animorum, gratias suas largitur ad conservandam pacem & concordiam mutuam inter fideles, & qui iis ad hunc finem non utitur, grandi se sacrilegiò obstringit, id quod ubique doceo, & vobis etiam atque etiam ponderandum relinquo. 34. Hactenus dicta non concernunt fœminas, has enim tacere volo in conventibus ecclesiasticis, idque meritò, nullà enim ratione permissum illis est ibi verba facere, & juxta S. Scripturæ monitum oportet eas memores esse suæ subjectionis atque observantiæ. 35. Si declarationem quampiam eorum, quæ audierunt, desiderent, postulent eam à viris suis, cum domum redierint, & nequaquam in publico co-

32. *Et spiritus prophetarum prophetis subiecti sunt.*

33. *Non enim est dissensionis Deus, sed pacis: sicut & in omnibus Ecclesiis sanctorum doceo.*

34. *Mulieres in Ecclesiis taceant, non enim permittitur eis loqui, sed subditas esse, sicut & lex dicit.*

35. *Si quid autem volunt discere, domi viros suos interrogent. Turpe est enim mulieri loqui in Ecclesiâ.*

tu,

R r 2

36. *An à vobis verbum Dei processit? aut in vos solos pervenit?*

37. *Si quis videtur propheta esse, aut spiritalis, cognoscat, quæ scribo vobis quia Domini sunt mandata.*

38. *Si quis autem ignorat, ignorabitur.*

39. *Itaque fratres amulamini prophetare: & loqui linguis nolite prohibere,*

tu, ubi contra omnem decentiam ac verecundiam agerent, si loqui non vererentur. 36. His ita statutis circa morum disciplinam si quidquam moveretis in contrarium, perperam sanè ageretis. Quis enim vestrum ausit leges novas condere iis contrarias, quæ observantur per omnes alias Ecclesias, aut sibi persuadere, nihil omnino derogandum vel immutandum pessimis vestris excessibus aut abusibus? 37. Nolite id in animum vestrum inducere. Quisquis etiam inter vos propheta audit, vel vir spiritu Dei plenus, ac probitate conspicuus, is pariter pro certo teneat, Deum per me eloqui & præcipere, ut ea omnino fiant, quæ dixi. 38. Si verò fidem adhibere nolit, & ut vera agnoscere, quæ proposui, is neque à Deo agnosceretur, atque inter suos connumerabitur, cujus legatum contemnit & audire respuit. 39. Sed tempus modò est, ut huic discursui coronidem imponam, quod melius præstare non possum, quàm repetendo, & commendando vobis consilium meum ab initio datum. Inter charismata Spiritus Sancti eligitur illud, quod vos idoneos reddit ad aliorum

rum institutionem, & utilitatem. Donum tamen linguarum non idcirco contemnite, neque illo præditos ab ejus usu prohibete, quandoquidem Ecclesiæ potest denique cedere in emolumentum. 40. Tandem fratres mei, omnia peragite secundum decorum, & ordinem rectum cuilibet convenientem. Hoc vobis impensissimè & ex animo commendo,

40. *Omnia autem honestè, & secundum ordinem fiant.*

## PARAPHRASIS

### CAP. XV.

1. **P**ARUM vobis prodesseut data hæcenus à me consilia & monita omnia, nisi scrupulum omnem vobis eximerem circa articulum fidei, unde tanquam à basi ac fundamento totum systema ac ipsa veritas nostræ religionis dependet. Quamobrem, fratres mei, in memoriam vobis revoco lætum illud & exoptatissimum nuntium de resurrectione, quod à me acceptum pronà mente accepistis, & fide etiam-

1. *Notum autem vobis facio, fratres, Evangelium, quod predicavi vobis, quod & accepistis, in quo & statis.*

R r 3



2. *Per quod & salvamini; quâ ratione predicaverim vobis, si tenetis, nisi frustra credidistis.*

3. *Tradidi enim vobis inprimis, quod & accepi: quoniam Christus mortuus est pro peccatis nostris secundum Scripturas:*

4. *Et quia sepultus est, & quia resurrexit tertiâ die secundum Scripturas:*

5. *Et quia visus est Cepha, & post hoc undecim.*

num tenetis, uti spero, firmissimâ.

2. Cujus etiam beneficiô Christiana sacra suscepistis, & baptismo illustrati salutem consequimini, nisi tamen memoriâ exciderit (quod Deus avertat) quâ ratione res ea se habeat secundum meam institutionem ac doctrinam, secus enim ruente vel non satis stabilito præcipuo hoc religionis nostræ capite vana esset & lubrica fides reliquis dogmatibus à me traditis præstita.

3. Itaque memoriâ repetite, quòd bene perpensa & libratâ hujus veritatis præcellentia ante omnia vobis declaraverim, quod neutiquam proprio ingenio excogitavi, neque à personâ suspectâ accepi, sed testimonio omnino infallibili, videlicet Jesum Christum, ut divina Scripturarum oracula prædicant, mortem oppetisse, ut pro omnium mortalium piaculis Deo Patri litaret, ejusque gratiam ac benevolentiam suo pretiosissimo sanguine hominum generi conciliaret.

4. sepulchro quoque illatum, & mox tertio ab obitu die ut earundem Scripturarum testimonia confirmant, redivivum, 5. apparuisse imo. Petro soli, iterumque ei præsentibus cæteris Apostolis,

lis, 6. postmodum spectandum se exhibuisse simul eodemque tempore plusquam quingentis fratribus, quorum aliqui jam vitâ functi, alii autem hodie dum vivunt testes huius veritatis, 7. præterea à Jacobo peculiariter inspectum, & postmodum ab omnibus Apostolis, 8. postremo denique & mihi apparuisse tanquam abortivo & omnium indignissimo, 9. reverà enim non tantum novissimum inter Apostolos locum teneo, sed nec inter eos numerari aut nominari dignus sum, quippe qui Ecclesiam Dei hostilem in modum, uti scitis, olim infectatus sim. 10. Si modò alius sum, quam fuerim, gratia Dei tantam mutationem effecit. De me aliud testari non possum, nisi quòd hæc gratia Dei nequaquam inanis in me fuerit, aut otiosis manibus, ut ita dicam, excepta, sed ejus vi atque efficacità plus aliis omnibus Evangelii Ministris laboraverim, eà siquidem opitulante, & clarissimo suo jubare dirigente quanta non ausus sum aggredi & perficere? quidquid sum, & quidquid præstiti, id totum illi debeo, hæc alma & præpotens gratia mecum collaboravit, & si quem fructum

6. *Deinde visus est plusquam quingentis fratribus simul: ex quibus multi manent, usque adhuc, quidam autem dormierunt;*

7. *Deinde visus est Jacobo, deinde Apostolis omnibus;*

8. *Novissimè autem omnium tanquam abortivo, visus est & mihi.*

9. *Ego enim sum minimus Apostolorum, qui non sum dignus vocari Apostolus, quoniam persecutus sum Ecclesiam Dei.*

10. *Gratià autem Dei sum id, quod sum, & gratia ejus in me vacua non fuit, sed abundantius illis omnibus laboravi: non ego autem, sed gratia Dei mecum;*

11. *Sive enim ego, sive illi, sic predicamus, & sic credidistis.*

12. *Si autem Christus predicatur, quod resurrexisset à mortuis, quomodo quidam dicunt in vobis, quoniam resurrectio mortuorum non est?*

13. *Si autem resurrectio mortuorum non est, neque Christus resurrexit.*

14. *Si autem Christus non resurrexit, inanis est ergo prædicatio nostra, inanis est & fides vestra*

15. *Invenimur autem & falsi testes Dei, quoniam testimonium*

etum retuli, hic illi præcipue & ante omnia tribuendus est. 11. Porro cum omnes testes simus resurrectionis Jesu Christi, quem propriis oculis omnes conspeximus, perinde est, an mihi an aliis Apostolis, idipsum perhibentibus fidem adstruatis, Eandem illi veritatem annuntiant, quam vobis promulgavi, & quemadmodum eam modo expono, ita illam assensu firmissimo excepistis. 12. Quare si resurrectio Christi passim palamque prædicatur, qui potest contingere, quod aliqui ex vobis negare ausint futuram aliquando resurrectionem mortuorum. 13. Cum enim membra eodem se modo habeant, uti caput, si non resurgimus, ne credendum quidem erit, Christum Dominum à mortuis fuisse excitatum. 14. Quod si Christus non est excitatus à mortuis, nimirum consequens est, inane prorsus esse prædicationem nostram, vanam quoque fidem vestram, quia hac ratione palmarem vobis falsitatem vendicamus, cui tamen spes vestra tota quanta innititur. 15. Itaque falsarii sumus, & impostores insignes, Deumque, cuius legatos nos profitemur, auctorem

rem facimus mendacii enormis dicendo, quòd filium suum ad vitam revocaverit, si res aliter se habeat, si nimirum mortui non resurgant. 16. Hæc enim duo prorsus sic sunt inter se connexa, ut qui alterum admiserit, alterum quoque fateri cogendus sit, & qui alterum neget, æquè utrumque rejiciat, atque adeo si mortui non resurgunt, ne Christus quidem fuerit suscitatus. 17. Dixi hactenus, fidem vestram inanem esse, si Christus non resurrexit. Rationem do, quia peccata vestra non sunt remissa & abolita, mors siquidem est pœna peccati, ut adeo, si divinus noster Servator illam non superavit, neque de hoc triumphasse dicendus sit. Moriendo quidem pretium persolvit redemptionis vestræ, & peccata vestra expiavit, at verò per ejus anastasin pretium illud vobis applicatum, & hæc peccatorum remissio communicata fuit per gratiam justificantem. Ex hoc errore alia adhuc sequerentur absurda, 18. nempe eos, qui baptismo illustrati in fide Jesu Christi diem supremum clâuserunt, tametsi acerbissimos pro Christo cruciatus pertulerint, maximósque labores exantlarint,

*diximus adversus Deum, quòd suscitaverit Christum, quem non suscitavit, si mortui non resurgunt.*

16. *Nam si mortui non resurgunt, neque Christus resurrexit.*

17. *Quòd si Christus non resurrexit, vana est fides vestra, adhuc enim estis in peccatis vestris*

18. *Ergò & qui dormierunt in Christo, perierunt.*

19. *Si in hac vitâ tantum in Christo sperantes sumus, miserabiliores sumus omnibus hominibus.*

20. *Nunc autem Christus resurrexit à mortuis primitia dormientium;*

21. *Quoniam quidem per hominem mors, & per hominem resurrectio mortuorum.*

22. *Et sicut in Adam omnes moriuntur, ita & in Christo omnes vivificabuntur.*

rint, perisse, & extinctos penitus, adeoque deceptos splendide sperando & expectando vitam longè illâ præstantiorem, quâ exuebantur pro defensione Christiani nominis, ac religionis. 19. Nos quidem, qui eandem cum illis fidem profitemur, si merces nostra ad brevissimæ hujus vitæ felicitatem restricta est, omnium profectò mortalium miserrimâ conditione vivimus, quippe qui tot aspera, tot dura, tot adversa perferimus. 20. Sed magis animò esto te fratres mei. Extra omne dubium est, Jesum Christum verè à mortuis suscitatum: Primus è sepulchro egressus est tanquam princeps eorum, qui obierunt, ut certos redderet, & ipsos aliquando excitandos è tumulis, ducemque atque imperatorem suum secuturos, & interea constantes nos atque fideles in ejus obsequio permaneremus. 21. Et sanè rationi admodum congruebat ut cum per hominem mors irruerit in hunc mundum, per hominem nobis redderetur vita. 22. Quemadmodum enim viciò primi parentis Adæ omnes posterì necessitatem moriendi cum noxâ primigeniâ contrahimus, ita & Christi benefici-

neficiō cuncti vitam immortalem aliquid quando consequemur. 23. Unusquisque autem resurget secundum ordinem dignitatis ac meritum suorum. Christus quidem tanquam primitiæ jam revixit, consequens erit, ut qui ei fideliter adhæserunt, in secundo adventu & ipsi resurgent, cum nempe venturus est ad supremum & universale iudicium. 24. Tunc enim vero, ubi quilibet corpus suum reassumserit, prædestinatorum Ecclesiam Patri suo cœlesti exhibebit tanquam regnum decoris & gloriæ, quod in ejus nomine & ad ejus gloriam congregavit, ut in eo solus dominetur, & exinde omnem honorem ac venerationem accipiat, simulque omnem dæmonum atque inferorum principum abolebit, omnem potestatem, omnemque virtutem, qui nunc regnum illud sanctitatis atque justitiæ evertere modis omnibus allaborant. Ita fractis demum Orci viribus, regnoque triumphantis Christi Ecclesiæ stabilito finis veniet universæ carnis, cessabunt generationes, mundique facies universa immutabitur. 25. Interea perget mysticum hoc Ecclesiæ militantis regnum tantisper ad-

23. Unusquisque autem in suo ordine, primitiæ Christus: deinde ii, qui sunt Christi, qui in adventu ejus crediderunt.

24. Deinde finis, cum tradiderit regnum Deo & Patri, cum evacuaverit omnem principatum, & potestatem, & virtutem.

25. Oportet autem illud regnare, donec po-

*nat omnes inimicos sub  
pedibus ejus.*

*26. Novissima autem  
inimica destruetur mors:  
Omnia enim subjecit sub  
pedibus ejus. Cum autem  
dicat :*

*27. Omnia subiecta  
sunt ei; sine dubio prater  
eum, qui subjecit ei om-  
nia.*

*28. Cum autem sub-  
jecta fuerint illi omnia:  
tunc & ipse filius subje-  
ctus erit ei, qui subjecit  
sibi omnia, ut sit Deus om-  
nia in omnibus.*

administrare Christus Dominus, do-  
nec Pater æternus omnes adversa-  
rios ejus pedibus conterendos sub-  
jecerit, quo facto non amplius pro  
ejus defensione movebit arma, sed  
pace fructur exoptatissimâ. 26.  
Atque hæc omnia die illo novissimo  
evenient, quo mors inimica homi-  
num implacabilis postremò debel-  
lata succumbet per eorum anastasin,  
in quos antea potestatem quandam  
sibi usurpabat. 27. Inde non erit  
difficile id demum concludere, hanc  
fuisse Patris æterni voluntatem, ut  
potestas Filii sui se super omnia ex-  
tenderet, nullusque etiam immor-  
talium spirituum ejus jurisdictioni  
exemptus foret. 28. Porro post-  
quam universa se Christi imperio sub-  
miserint, hic ipse se potestati Patris  
unâ cum omnibus suis membris my-  
sticis subiciet, & obedientiam, quam  
ei semper exhibuit, palam faciet,  
quippe qui secundum ejus nutum  
Ecclesiam rexit, & prædestinatos  
ad portum salutis perduxerit. Ad-  
mirabili hac dependentiâ Filii in-  
creati secundum corpus suum my-  
sticum, hac item conjunctione arctis-  
simâ membrorum ejus omnium,  
quæ in ipso & ex ipso vivent, que-  
mad-

madmodum ipse de Deo & in Deo vitam habet, Electi pluribus rebûs non ampliùs egebunt sive ad sui conservationem, sive ad propriam beatitudinem. Deus enim, qui omnes pervadet, & in omnibus requiescet communicando se absque sui divisione, semperque unitatem essentiae suae retinendo omnia erit omnibus, & omnia in omnibus, id est, in Deo invenient necessaria omnia ad perfectam felicitatem, quin ipse completa erit eorum beatitudo. Hæc argumenta nullam videntur pati replicam, pergam autem ulteriùs vos penitus convincere. Consuetudinem neutiquam probo, unde vos redarguam, eamque in eum tantum finem allego, ut ostendam, vobis ipsis vos contradicere, cum negatis aut in dubium revocatis resurrectionem.

29. Si enim mortui non resurgunt, quid ergò sibi volunt, qui ex vobis baptismum recipiunt pro suis parentibus vel amicis eo non accepto vitam functis? Quid aliud est sibi contradicere, quàm negare resurrectionem, simulque vitam religiosè observare, qui fidem ac spem resurrectionis indicat? 30. Quid prodest nobis Evangelii Ministris tot adire labores,

29. *Alioquin quid facient, qui baptizantur pro mortuis, si omnino mortui non resurgunt? ut quid & baptizantur pro illis?*

30. *Ut quid & nos periclitamur omni hora?*

S s 3



31. *Quotidie morior per vestram gloriam, fratres, quam habeo in Christo Jesu Domino nostro.*

32. *Si (secundum hominem) ad bestias pugnavi Ephesi, quid mihi prodest, si mortui non resurgunt? manducemus, & bibamus, cras enim moriemur.*

33. *Nolite seduci: corrumpunt bonos mores colloquia mala.*

34. *Exigilate iusti, & nolite peccare: ignoran-*

bores, tot calamitates & ærumnas perferre. 31. Ego certè Deum in testem vocare non vereor per eam gloriam quam in Jesu Christo Domino nostro habeo de vestra ad ejus fidem & obsequium conversione, me quotidie & in singula quasi momenta mori. 32. Quem autem exinde fructum tandem consequor, quòd tanto studio ac contentione me totum animarum salutem impenderim, quòdque Ephesi omnes assultus eorum & impugnationes, qui bestiis longè erant truculentiores fortiter exceperim, si spes nulla, mortuis restituendam postliminio vitam? Epulemur sanè & bibamus strenuè, quantum libuerit, sensibus nostris laxemus omnia frœna licentiæ, nihilque reputemus illicitum, quod experimur nobis volupe: fors crastinâ die moriendum nobis, & post mortem nulli erimus. Ita vulgò loquuntur, qui veritatem, de quâ mihi sermo, in dubium revocant. 33. Nolite, obsecro, talibus profligatorum hominum axiomatis aures præbere, fugite eorum consortia, memores, quòd morum probitas sceleratis colloquiis corrumpatur facillimè. 34. Excutite somnum peccati, & ambulate

late in viis innocentiae atque iustitiae. Non abs re hac oratione ad vos utor, neque enim ignoro, aliquos vestrum perperam esse instructos de hoc argumento, mihi quae plurimum grularer, si ex mea reprehensione confusi, & saniora docti hanc rerum divinarum ignorantiam, quam laborant hactenus, aliquando tandem deponerent. 35. Sed excipiet nonnemo: de resurrectione mortuorum non dubito, quam ratione autem ea evenire queat, & quam corpora ex sepulchris reassumenda, non capio, non intelligo. 36. Demens (sic enim loqui necesse est) naturam consule, ipsa te docebit, & quaestionem hanc resolveret. Si quam experientiam agriculturæ habes, an nescis, quod seminas, visceribus terræ abditum vivificari non posse, ac germinare, nisi prius inierit, & quodammodo per corruptionem mortuum fuerit? 37. Neque id ipsum prorsus corpus, quod postmodum metitur, seminari, sed purum tritici aut siliginis granum, quod in terram immissum spicam subin generat. 38. Deo videlicet immortalis cuilibet seminis generi in terræ visceribus abdito propriam suam molem

*tiam enim Dei quidam habent, ad reverentiam vobis loquor.*

35. *Sed dicet aliquis: quomodo resurgunt mortui? qualive corpore venient?*

36. *Insipiens, tu quod seminas, non vivificatur, nisi prius moriatur.*

37. *Et quod seminas non corpus, quod futurum est, seminas, sed nudum granum, ut puta tritici, aut alicujus cæterorum.*

38. *Deus autem dat illi corpus, sicut vult: &*

ac]

*unicuique seminum propriam corpus.*

39. *Non omnis caro eadem caro: sed aliaquidem hominum, alia verò pecorum, alia volucrum, alia autem piscium.*

40. *Et corpora caelestia, & corpora terrestria: sed alia quidem caelestium gloria, alia autem terrestrium.*

41. *Alia claritas solis, alia claritas lunæ, & alia claritas stellarum. Stella enim à stellâ differt in claritate.*

42. *Sic & resurrectio mortuorum. Seminatur in corruptione, surget in incorruptione.*

ac corpus largiente ac formante. 39. Considera etiam res omnes vitæ prædita, & animadvertes aliam esse carnem hominum, aliam pecorum, aliam volucrum, aliam piscium. 40. Si oculos sublimius in altum tollas, deprehendes corpora caelestia singula singulis, iisque differentibus perfectionibus prædita, si rursus in terram demittas, eandem varietatem in terrestribus observabis, sed longè major est caelestium dignitas atque pulchritudo, quàm terrestrium. 41. Quin etiam non eadem est omnium caelestium corporum species, plurimum enim splendor solis à lunæ splendore differt, & in cæteris quoque syderibus aliud aliis lucis magnitudine & nobilitate præstat, omnia verò à solis lunæque fulgore plurimum distant. 42. Entypum resurrectionis clarissimum. Eadem erit in omnibus hominibus, in quantum quilibet suum corpus resumat, diversa tamen, quia non eadem erit gloria ac felicitas resurgentium. Mortale corpus & obnoxium morbis, quæ ducunt in interitum, aliquando absûmitur, quod verò revocatur ad vitam, non modò erit integrum atque omni ex parte perfectum, sed imp-

immortalitate donatum nulli prorsus aut ægritudini, aut imbecillitati subiacet. Cum igitur moritur, quasi semen in terram projicitur, sed dum resurget, perennem, & immortalem vitam nanciscetur. 43. Se-

minatur, ut ita dicam, in statu admodum contemptibili, resurget autem ingenti circumdatum gloriâ, seminat ægrum atque infirmum, fuscitabitur autem multâ virtute atque vigore præditum 44. Seminatur animale, id est, ejusmodi, quod vitam habuerit cæteris animantibus communem, eam tamen morte amissam cum aliâ vitâ quasi spiritali, longèque excellentiori resurgendo commutat, unde spiritui quodammodo simile evadit non quidem quoad substantiam, sed quoad modum existendi & agendi liberum ab omni ægritudine, imbecillitate, & indigentia nutrimenti, subtile, leve, penetrabile, immortale, gloriâ atque splendore insigne, necesse est enim hæc duo veluti corpora vel duos potius corporis status distinguere.

45. Quando protoparens noster Adamus è terrâ formatus est, animam viventem, id est, immortalem accipit. Quando secundus Adam sive

43. *Seminatur in ignobilitate, surget in gloriâ; seminatur in infirmitate, surget in virtute:*

44. *Seminatur corpus animale, surget corpus spiritale. Si est corpus animale, est & spiritale, sicut scriptum est:*

45. *Factus est primus homo Adam in animam viventem, novissimus Adam in spiritum vivificantem.* Tc

46. *Sed non prius, quod spiritale est, sed quod animale: deinde quod spiritale.*

47. *Primus homo de terrâ terrenus: secundus homo de calo caelestis.*

48. *Qualis terrenus, tales & terreni: & qualis caelestis, tales & caelestes.*

49. *Igitur, sicut portavimus imaginem terre-*

reparator humani generis Iesus Christus in hunc mundum venit, non solum animam habuit unde viveret, sed etiam unde aliis vitam nobiliorem tribueret. Quandoquidem autem utrique debemus assimilari, & posterior pro salute ac redemptione nostrâ carnem induit, hanc quoque longè præstantiorem vitam nobis communicabit, 46. ut adeò hinc non immeritò deducere valeamus, corpus nostrum aliquando vitâ spirituali donandum, quod modò sensitivâ, cæterisque animantibus communi præditum est, Deus enim vult, ut corruptio præcedat immortalitatem, infirmitas gloriam, & mors resurrectionem. 47. Primus homo è terrâ formatus non poterat non esse terrenus, 2dus. homo Christus Dominus de cœlo descendens pari ratione non potest non esse cœlestis. 48. Morti sumus omnes obnoxii instar primi, quia ab eo originem ducimus, gloriosi erimus & immortales instar secundi, quia is de cœlo descendit, ut nos velut perditas oves in terris quæreret pastor verè bonus, suæque immortalitatis redderet participes. 49. Quemadmodum ergò imaginem ter-

terreni gessimus rebelles & cœci potestati, ita etiam cœlestis illius imaginem præferamus, sectando ejus exemplâ, obedientiam, vitæque integritatem.

50. Hæc idcirco dico, quia nec caro nec sanguis, id est, homines carnis voluptatibus dediti, & flagitiorum cœno immerfi regnum Dei possidebunt, & peccati corruptela locum non habebit in immortalitatem illâ & immarcescibili gloriâ. Dixeram prius hominum animas suis corporibus uniendas denuo.

51. Nunc autem grande vobis mysterium pando: omnes quidem morte oppressi velut quodam sopore obdormiemus, & rursus ad vitam revocabimur, sed non omnes immutabimur, neque corporis gloriam ac beatam immortalitatem assequemur, quotquot nimirum in gratiâ non decedimus. Nolite autem existimare, resurrectionem istam universalem multum temporis & negotii requirere.

52. Mortui è sepulchris resurgent in momento, in ictu oculi, ad ultimæ tubæ clangorem, Angelus enim tubam inflabit, & ad ejus sonitum, qui per universum orbem exaudietur, mortui suscitabuntur ab omni post-

ni, portemus & imaginem cœlestis.

50. Hoc autem dico, fratres, quia caro & sanguis regnum Dei possidere non possunt, neque corruptio incorruptelam possidebit.

51. Ecce mysterium vobis dico: omnes quidem resurgemus, sed non omnes immutabimur.

52. In momento, in ictu oculi, in novissima tubâ; canet enim tuba, & mortui resurgent incorrupti; & nos immutabimur.

hac

Tt 2

53. *Oportet enim corruptibile hoc induere incorruptionem: & mortale hoc induere immortalitatem.*

54. *Cum autem mortale hoc induerit immortalitatem, tunc fiet sermo, qui scriptus est: absorpta est mors in victoriâ.*

55. *Ubi est mors victoria tua? ubi est mors stimulus tuus?*

56. *Stimulus autem mortis peccatum est, virtus verò peccati lex.*

hac corruptione immunes, & nos mutabimur. 53. Momentum hoc nobis exoptatissimum est, quia tunc corpora nostra in alium beatiorum statum transibunt. Sublatâ crassitie evadent subtilia, deposito pondere agilia, sublatâ caligine splendida, devictâ morte immortalia, & miserius omnibus exempta. Quando hæc bona nobis obvenient, & natura nostra corruptibilis ab omni deinceps corruptione liberabitur, 54. & depositis mortis exuviis immortalitatem induet, tunc vaticinia impleta erunt, & veritas illius patebit, quod Propheta divino instinctu prædixerat: mors penitus debellata est, nullum amplius vestigium superest ejus tyrannidis, nec quidquam ipsi amplius subditum erit. 55. O mors, ubi est victoria tua, quæ te tam insolentem & arrogantem reddidit? ubi tua trophæa? ubi stimulus tuus? 56. Mors per peccatum irrepsit in hunc orbem, & peccatô pro stimulo & venenato aculeo instar scorpii usâ est ad nos eo configendos & enecandos, peccatum verò invaluit per legem, non quòd illius causa extiterit, sed quòd occasionem tantum subministravit, ubi enim nulla prohibi-

hibitio, ibi nulla transgressio. 57. 57. Deo autem gra-  
 Sed agamus nunc Deo gratias im-  
 mortales, qui nos istorum hosti-  
 um victores redditit per Jesum *strum* *JESUM Christum.*  
 Christum Dominum nostrum. 58, 58. Itaque fratres  
 Tantum ergò favorem, fratres mei *mei dilecti, stabiles estote*  
 dilectissimi, nolite ingrata & imme- *& immobiles: abundan-*  
 mori mente præterire, persistite *tes in opere Domini sem-*  
 constantes & firmi in fide earum *per, scientes, quòd labor*  
 veritatum, quas vobis modò de- *vester non est inanis in*  
 claravi, comparate vobis ingen- *Domino.*  
 tem meritorum thesaurum assi-  
 duâ exercitatione virtutum om-  
 nium, charitatis præcipuè, & ut-  
 cunque gravia sint & peracerba,  
 quæ vos premunt, nolite animum  
 idcirco despondere, cum sciatis,  
 Deum immortalem labores ve-  
 stros amplissimâ mercede certissi-  
 mò remuneraturum.

## PARAPHRASIS

### CAP. XVI.

1. **I**Nter hæc pietatis opera, quæ vo-  
 bis commendo, non postre-  
 mum locum tenet. cleemosyna, ad  
 quam

1. De collectis autem  
 qua fiunt in sanctos, sicut  
 ordinavi Ecclesiis Ga-

Tt 3



latia, ita & vos facite.

2. *Per unam Sabbati unusquisque vestrum apud se seponat, recondens, quod ei bene placuerit, ut non cum venero, tunc collecta fiant.*

3. *Cum autem praesens fuero: quos probaveritis per epistolas, hos mittam perferre gratiam vestram in Jerusalem.*

4. *Quod si dignum fuerit, ut & ego eam, mecum ibunt.*

5. *Veniam autem ad vos, cum Macedoniam pertransiero; nam Macedoniam pertransibo.*

6. *Apud vos autem forsitan manebo, vel etiam hyemabo: ut vos me deducatis, quocunque iero.*

quam proin vos quàm impensissimè adhortor: cum verò non sufficiat bonum praestare, nisi id ritè fiat, illud moneo, ut in collectis vestris pro fidelibus Ierosolymæ degentibus eundem servetis ordinem, quem praescripsi Ecclesiis Galatiae. 2. Nempe ut quilibet pro ratione facultatum, quas à Deo accepit, quantum licuerit, singulis Dominicis apud se reponat, quod constituit per reliquam septimanam erogare, ne primum pecunia corrogetur, quando ad vos venero. 3. Optarem enim paratas invenire elemosynas & proximam opportunitate Ierosolymam transmittere per eos, quos ad id officii idoneos judicabitis. In hunc finem dabo illis litteras commendaticias 4. & si necesse sit, ut ipsemet eò me conferam, prosequemur iter conjunctim. 5. Ego autem isthic quamprimum adero, ubi Macedoniam pertransiero, est enim mihi certum & constitutum, eam provinciam omnino obire. 6. Porro apud vos longiori fors tempore manebo, & ibi transigam totam hyemem, ut me postmodum discedentem eò libentius comitando prosequamini, quocunque perrexero.

ro. 7. Nolo enim vos nunc in transitu solum & quasi festinanter præteriens videre, & amplecti obiter, cum noverim esse pernecessarium, ut per aliquod tempus apud vos subsistam ad eliminandos abusus nonnullos, qui in vestram Ecclesiam irreperunt. Dabit Deus, uti spero, successum prosperum hac in re. 8. Ephesi certè commorari cogor usque ad ferias Pentecostes. 9. Cum hæc urbs satis ampla sit, & populosa, adeoque messem uberem offerat & opportunitatem optimam promulgandi Evangelium Jesu Christi, resque magnas conficiendi. Prævideo quidem tempestatem magnam contra me concitandam, multaque adversa perferenda, at verò Deo meo protectori confisus nil habeo, quod reformidem. 10. Quod si Timotheus interea ad vos venerit, date, quæso, operam, ut securo loco & absque metu apud vos consistere valeat. Laborat is in eadem vineâ Domini mecum, idemque Evangelium prædicat. 11. Quare, tametsi paulò junior sit, nolite eum idcirco spernere, sed benevolè audite, & omni postmodum benevo-

7. *Nolo enim vos modo in transitu videre, spero enim me aliquantulum temporis manere apud vos, si Dominus permiserit.*

8. *Permanebo autem Ephesusque ad Pentecosten.*

9. *Ostium enim mihi apertum est magnum, & evidens, & adversarii multi.*

10. *Si autem venerit Timotheus, videte, ut sine timore sit apud vos: opus enim Domini operatur, sicut & ego.*

11. *Ne quis ergò illum spernat: deducite autem illum in pace, ut veniat ad me: expecto enim illum cum fratribus.*

12. De Appollo autem fratre vobis notum facio, quoniam multum rogavi eum, ut veniret ad vos cum fratribus: & utique non fuit voluntas, ut nunc veniret: veniet autem, cum ei vacuum fuerit.

13. Vigilate, state in fide, viriliter agite, & confortamini.

14. Omnia vestra in charitate fiant.

15. Obsecro autem vos fratres, nōstis domum Stephanæ, & Fortunati & Achaici: quoniam sunt primitiæ Achaicæ, & in ministerium sanctorum ordinaverunt se ipsos:

16. Ut & vos subditis sitis ejusmodi, & omni cooperanti & laboranti.

17. Gaudeo autem in præsentia Stephani

lentiâ recreatum salvum & incolumen Ephesum deducite, ubi eum unâ cum fratribus exspecto. 12. Appollo à vobis tantopere sollicitatus, & à me enixè rogatus, ut ad vos inviseret, secumque suos commilitones eò perduceret, noluit hætenus illud iter in se suscipere, facturus illud commodius, cum ipsi vacaverit.

13. Interea, fratres mei, vigilate attenti, neque vos finite lethargò voluptatum opprimi, sed torporem omnem excutite, fidem animò perceptam constanter retinete, resistite fortiter quibuscunque assultibus, neque cedite ullis adversitatibus.

14. Charitas denique quæcunque cogitatis, loquimini, agitis, vigore suo animet, & quodammodo condiat.

15. Nōstis, opinor, familiam Stephanæ, Fortunati & Achaici, qui sunt primitiæ nostri Evangelii in Achajâ, sesèque totos impendunt obsequio pauperum fidelium. 16. Habete illos, obsecro, pro vestro prototypo, omnem eis obedientiam præstate, uti & aliis, qui cum eis vel mecum collaborabunt in prædicatione Evangelii.

17. Gaudeo verò summopere, quòd eos mihi videre contigerit, ea enim mihi exhibuerunt

runt obsequia, quæ à vobis, ut par-  
 erat, sunt neutiquam præstita. 18. *ne, & Fortunati & A-*  
 Astiterunt mihi nomine omnium *chaici, quoniam id, quod*  
 singulari charitate ac benevolentia, *vobis deerat, ipsi supple-*  
 adeoque non tam mihi, quam vobis, *verunt.*  
 quorum nomine huc venerant, om-  
 ne officii genus reddiderunt. *18. Refecerunt enim*  
 Quare obstricti estis ut qui maxime *& meum spiritum & ve-*  
 ad eos peculiari honore & favore *strum. Cognoscite er-*  
 prosequendos. 19. Hic finem im- *gò, qui hujusmodi sunt.*  
 pono epistolæ meæ. Omnes Ec-  
 clesiæ Asiæ, Aquila & Priscilla uxor *19. Salutant vrs Ec-*  
 ejus, in cujus ædibus habito, 20. & *clesia Asiæ. Salutant*  
 reliqui fratres, qui hic sunt, saluant *vos in Domino multum,*  
 vos in Domino. Ex hac unione a- *Aquila & Priscilla cum*  
 nimorum, quam vobiscum foveat, *domesticâ suâ Ecclesia:*  
 discite, qualem inter vos mutuò co- *apud quos & hospitor.*  
 lere debeatis. Salvate vos itaque *20. Salutant vos om-*  
 invicem in osculo sancto. 21. Me *nes fratres. Salutate vos*  
 quod attinet, salutem vobis dico *in osculo sancto.*  
 formulâ haud usitatâ, utque plus ef-  
 ficaciæ habeat, significo vobis, quæ *21. Salutatio, meâ*  
 sequuntur, præter morem meam *manu Pauli.*  
 exarata esse manu propriâ. 22. Si *22. Si quis non amat*  
 quis amore non prosequitur Domi- *Dominum nostrum JE-*  
 num nostrum Jesum Christum, ana- *susum Christum, sit anathe-*  
 thema sit. Omnes cum fugiant, ut *ma, Maran Atha.*  
 hominem pestilentem & execran-  
 dum, cui impunè non abibunt com-  
 missa flagitia, Dominus enim veniet,  
 & jam propè est, ut in illum senten-  
 tiam

23. *Gratia Domini  
nostri JESu Christi vo-  
biscum.*

24. *Charitas mea  
cum omnibus vobis in  
Christo JESu. Amen.*

tiam damnationis proferat ore suo.  
23. Si autem impiis debitam poe-  
nam imprecor, vicissim ex animo  
precor, ut gratia Domini nostri JESu  
Christi sit semper vobiscum. 24. In  
illo vos intimè & tenerrimè comple-  
ctor, & ut me etiam ametis, vo-  
tis omnibus exopto.

Amen.



AR-



# ARGUMENTUM

## EPISTOLÆ SECUNDÆ D. PAULI

AD

### CORINTHIOS.

**C**onsolatur alterâ hac epistolâ D. Paulus Corinthios, quos antea acriori reprehensione perculerat, mutatîque præter expectationem consilii, quòd ad eos, utî promiserat, non inviserit, rationem reddit. Fornicarium anathematice priùs perculsum, nunc verò pœnitentem communioni fidelium denuo restituit, agitque de verâ pœnitentiâ, de dignitate Ministrorum Novæ Legis, de patientiâ in adversis, de eleemosynâ, deque insignibus prærogativis, quibus pseudoapostolos longè præcellit, ut adeo hæc epistola tum apologia sit ejus apostolatûs contra æmulos, tum idea & instructio eorum, qui ad Evangelii promulgationem vocantur.

Præmissâ consuetâ salutationis formâ caput primum or-  
 Uu 2                      dicitur

ditur ab agendis gratiis Patri cœlesti pro consolationibus, quas ab eo in ærumnis & afflictionibus suis acceperat. Certos subin reddit Corinthios de paternâ hac sollicitudine, qua Deus & illos complectitur, ut nimirum hac ratione ipsos erudiat & excitet ad fovendos pariter & recreandos alios fideles. Tum de suis agit insectationibus, earumque magnitudinem adeo exaggerat, ut dicere non vereatur, se tædiô præsentis vitæ correptum fuisse. Postmodum se comiter excusat, quòd ad eos non venerit, & argumenta prævenit, quæ ex prætenâ levitatis & inconstantiae notâ opponi poterant contra certitudinem doctrinæ suæ, quam solidissimam esse, & inconcussam demonstrat. Ad extremum fatetur ultrò, distulisse se professionem suam, ut interim longioris moræ indulgentiâ uterentur ad reformandam morum suorum licentiam, ne, si maturius veniret, compelleretur vel invitatus ad eos gravioribus censuris feriendos, vel asperius objurgandos, prout jam fecerat.

Cap. 2do. sententiam excommunicationis, quâ, uti dictum epist. 1ma., scortatorem perculerat, revocat, ne poenitentiae prolixitate ad desperationem adigeretur. Sanctè illis denuntiat, se sincero amore, ac studio procurandæ salutis æternæ compulsùm ad scribendum eis duriusculè, utque eos blandè confoletur, sibi que d vinciatur, declarat, non omnes à se argui ut reos, sed scandalo illo tam graviter à se castigato complures eorum perinde ac seipsùm, offensos atque exacerbatos fuisse. In fine disserit de diversis effectibus prædicationis, quæ bonum odorem apud aliquos, contrarium apud alios post se relinquit, vitam mortemque afferens, prout diversam invenit animorum dispositionem in auditoribus libertati suæ nunquam non plenissimè à Deo permissis.

Cap. 3. candidè eis profitetur, se hominum commendatio-

dationes flocci facere, ut eorum tamen benevolentiam caperet, addit, morum sanctimoniam, quâ prædixit, zelum eorum atque dilectionem eximiam tanquam fructus prædicationis suæ pulcherrimos sibi pro litteris commendatitiis apprimere servire, lætæque se magnopere, quod eorum cordibus fidem in Jesum Christum non atramentò, sed spiritu Dei profundè insculpserit. Ab hoc discursu progreditur ad explicandam Legis antiquæ novæque differentiam, hanc demonstrat illâ longè præstantiorem esse, consequenter Ministros ejus in gradu eminentiori constitutos, cum Ministri dignitas Ministerii qualitati commenturari debeat. Prosequitur usque ad calcem capitis historiam Moysis, atque velamen, quo faciem suam contexerat, ne nimio splendore hebræi populi oculos offenderet tanquam signum servitutis perappositè congruissè legitimoris atque rigoris servilis, Christianam verò religionem plenâ gaudere libertate, ac proin nullo velo indigere. Absolvit hoc caput deplorando Judæorum cæcitatem, qui necdum patiuntur hoc à se velamen removeri, suæque legi mordicè adhærescunt, quia nolunt agnoscere Jesum Christum ut verum per assumptionem naturæ nostræ Legis pristinæ abrogatorem. Spem tamen nonnullam eis facit emergendi demum è profundâ caligine, si vocem Spiritûs divini audire velint, atque ad Deum sese aliquando seriò convertendi, qui suos novis quotidie veritatis gratiæque radiis illuminare non desinit.

Cap. 4. ostendit, nihil egisse se contra dignitatem & sanctimoniam sui Ministerii, sed integerrimè officio suo perfunctum, declinasse se occasiones omnes præbendi fidelibus scandalum, & prædicasse Verbum Dei non ad suam sed Jesu Christi gloriam promovendam. Probat hanc veritatem quotidianis suis ærumnis, quas perferendo inquit se mor-



tem Servatoris sui ubique circumferre, neque id absque ingenti suo solatio, quidquid enim in mundo toleratur, nihil esse in comparatione gloriæ sempiternæ nobis præparatæ.

Ad initium cap. 5ti. agit de eodem argumento, vitamque, quam hic ducimus, absentiam quandam nuncupat, & peregrinationem, quæ nos separat, & removel à Deo. Ostendit, animas sanctiori vitæ delicias miris æstuarè desiderii huic omnis boni principio arctissimè sese reuniendi, quique verâ Dei dilectione sunt præditi, id unum votis omnibus exoptare, ut corporis exuvias aliquando deponere iis liceat, non quidem sui ipsius odiò, sed ex amoris quadam impatientiâ, quâ ad ejus beatificam possessionem feruntur. Ut tamen hanc sempiternæ felicitatis promulsidem salubri timore temperet, agit postmodum de discussione actionum nostrarum, atque quemlibet extremo illo judicii die remunerandum secundum merita sua. Tum suum in ipsos amorem studiûmque declarat, asseverâtque, se per omnia in eorum salutem intentum maximè. Quando de seipso honorificè loquitur, id agit, ut in ipso glorientur tanquam Magistro probatæ fidei, & excitatas contra se pseudoapostolorum calumnias idoneis responsis dissipent, quando verò abjectius de se rebûsque suis differit, id facit, ut eorum imbecillitati sese accomodet, qui arrogantia cujuspiani illum insimularent, si seipsum commendaret elatius. Fatetur exemplò Jesu Christi homines ardentissimo amore complexi constringi sese ad dilatanda erga proximum charitatis viscera. Inde occasionem arripit eis significandi, Filium Dei pro eis acerbam mortem oppetiisse, ut in ipso & per ipsum vitam habeant, atque idcirco baptismi lavacrò eos in novam creaturam regeneratos esse: de-

scen

scendisse illum ad nos de cœlo, ut reconciliaret Patri suo, & prædicatores ab eo missos ad annuntiandam nobis hanc pacis redemptionem.

Cap. 6. hortatur eos ad æstimandam pro meritis tantam gratiam, ostenditque sibi tanquam Dei Ministris ac legatis incumbere, ut illam ubique promulgent: subinpropensissimum suum in eos affectum denuo declarat, rogaturque, ut amorem pro amore reddant, omniâque cum infidelibus commercia atque connubia longissimè fugiant.

Cap. 7. profequitur eandem amoris sui sincerissimi, & confidentiæ erga Corinthios testificationem: declarat conceptam ex eorum emendatione lætitiâ, notâsque explicat, quibus se confirmatum esse proficitur de verâ solidâque eorum poenitentia, ostenditque, quale discrimen sit inter salutarem, & fatalem tristitiâ.

Cap. 8. excitat eos ad suppeditanda vitæ subsidia pauperibus Jerosolymæ degentibus, ex ratione non unâ. Imo. Proponit eis in exemplum Macedones, quibus ne in rebus quidem magis arduis velint cedere. 2. Commemorat, Christum pro nobis factum egenum atque mendicum, cumque magnificentissimam cœlestis sui Patris regiam deseruerit, ut nobiscum in terris conversaretur, nosque suâ inopiâ ditaret, æquum omnino esse, ut & nos pauperum, qui ejus membra sunt, indigentiam sublevemus. 3. Hortatur eos ad isthanc liberalitatem, ut qui ejus redduntur participes, exorent Deum pro ipsis, bonâque cœlestia ac perennia impetrent pro temporalibus sibi collatis. Denique præsumpsisse se, ac supposuisse, eleemosynas jam esse collectas, quod

quod si aliter se haberet, pudore planè atque confusione obruendum se perinde ac suos discipulos ad ipsos delegatos, quorum testarentur exiguum admodum rationem habere inexpectatâ hac & parùm decorâ Christianis sortitæ.

Cap. 9. prosequitur eandem materiam, aliâsque accumulât rationes, extollendo denuo liberalitatem Macedonum, cui nequaquam eos cedere oporteat, enumerando fructus elemosynæ, gloriam inde in Deum redundantem, indigentium refocillationem, & ex eorum ad Deum precibus, gratiarumque actionibus exorituram centuplam bonorum omnium abundantiam.

Cap. 10. orditur suam apologiam contra pseudoapostolos, qui arguebant eum ut timidum & abjecti animi in eorum præsentia, quos epistolis suis increpabat. 1<sup>mo</sup>. Corinthios obsecrat, ne ipsum compellant ad redarguendos de mendacio suos calumniatores, & utendum potestate à Deo acceptâ, quam in dubium revocare audent. Deinde de suâ in ministerio Evangelico agendi ratione disserit, quæ carnem minimè saperet, sed spiritum, & proficitur, se nunquam vel minimam gloriam ex eo captaturum, quod ipse non fecerit, tantumque daturum operam illis terris excolendis, quas alii reliquissent intactas, & incultas.

Cap. 11. prosequitur suam defensionem, & à principio statim veniam petit à lectoribus si in proprias laudes excurrat uberius, compulsus enim se inquit ad comprimendam eorum impudentiam, qui fucum iis facerent, & suam auctoritatem imminutum irent in eum præcisè finem, ut præpedirent, ne eorum artes detegerentur, ac technæ simplicioribus structæ dissiparentur. Hæc præfatus subiicit, perperam eos agere, quod eos tanti æstiment, cum aliud eis non

non prædicaverint, quod non prius ex ipso intellexissent. 2do. Ostendit longè se illis anteponendum, quòd ipsi pro lucro, ipse verò gratis evangelizaverit. 3tio. Proficitur se esse hebræum, israhelitam, filium Abrahæ, perinde ac ipsos. Denique non veretur asserere, majori se jure, & pluribus nominibus dici posse Apostolum, atque in hujus rei confirmationem quæcunque sibi perferenda fuerint, enumerat tanquam præclara Apostolatûs sui insignia.

Cap. 12. de raptu suo in 3tium. cœlum differit, fateaturque, ne ex tam inusitato favore insolesceret, ab angelo satanæ, velur injecto frœnò se quotidie miris modis vexari, nempe stimulo carnis, tentationibus inhonestis, motibusque concupiscentiæ obscœnis, quibus anima magnopere confunditur & prohibetur, ne ob singularia charismata cœlitus accepta inanis gloriæ studiò efferatur altius, quàm Christianæ modestiæ, atque humilitatis ratio patiatur. D. Apostolus excusat se postmodum, quòd in laudes suas sese effuderit, & culpam omnem in Corinthios rejicit, qui debuissent id dudum præstare, quod ipse nunc ageret. Tum ad objectam sibi de corrogatis eleemosynis calumniam submovendam ostendit, quòd à se deputati nihil ab ipsis exegerint, ac demum vereri se, inquit, ne illos, cum venerit, inveniat necdum per omnia emendatos & sanctiores.

Cap. 13. denuo eos hortatur ad corrigendos se seriò, ne aliàs auctoritate suâ ac potestate, quam pertimescere potius ac revereri deberent, quàm periclitari velle, cogatur uti severius animadvertendo in illos. Concludit denuo commendando iis summopere pacem & animorum con-

sententiam, atque in fine salutaciones consuetas adjungit. Baronius existimat hanc epistolam Nicopoli scriptam annò à partu Virginis 58. At secundùm Græcorum sententiam Philippis, quæ civitas est Macedonia, Corinthium missa est.



PA-



# PARAPHRASIS IN EPISTOLAM SECUND. D. PAULI <sup>AD</sup> CORINTHIOS.

## CAPUT PRIMUM.

1. **P**aulus aeterno Dei consilio, & voluntate electus Jesu Christo apostolus, ac Timotheus frater Ecclesiae Dei, quae Corinthi est, quae Corinthi cum omni-  
est, & universis fidelibus in Achaja nibus sanctis, qui sunt  
dispersis salutem plurimam dicunt, in universa Achaja.  
gratiamque & pacem à Patre sempiterno, ejusque Filio Domino nostro  
ex animo precantur. 2. Fratres mei non possum epistolam hanc con-  
venientius ordiri, quam à demississimis & Domino Jesu Christi  
ma gratiarum actione, quam Deo sto.  
ter Optimo Maximo persolvo, cui ut  
ve-

1. *Paulus Apostolus  
Jesu Christi per volun-  
tatem Dei, & Timothe-  
us frater, Ecclesia Dei,  
qua est Corinthi cum om-  
nibus sanctis, qui sunt  
in universa Achaja.*  
2. *Gratia vobis &  
pax à Deo Patre nostro,  
& Domino Jesu Chri-*

Xx 2

3. *Benedictus Deus* vestram adjiciatis, enixè obtestor. 3. & *Pater Domini nostri Jesu Christi*, *Pater misericordiarum*, & *Deus totius consolationis*, illi etenim bonorum omnium largitori, & miserationum parenti, atque cumulatissimi solatii auctori laus omnis & gloria debetur à mortalibus,

4. *Qui consolatur nos in omni tribulatione nostra: ut possimus & ipsi consolari eos, qui in omni pressurâ sunt, per exhortationem, quâ exhortamur & ipsi à Deo.*

5. *Quoniam sicut abundant passiones Christi in nobis: ita & per Christum abundat consolatio nostra.*

6. *Sive autem tribulamur pro vestrà exhortatione & salute: sive consolamur pro vestrà consolatione, sive exhortamur pro vestrà exhortatione & salute: quæ operatur tolerantiam earundem passionum, quas & nos patimur:*

7. *Ut spes nostra firma sit pro vobis: scientes, quòd sicut socii passio-*

4. qui nos in omni calamitate, quâ hætenus pro defensione sui Nominis premimur, tam benignè recreat, ut nonnullam etiam aliis, qui qualibet ærumnâ & adversitate vexantur, solatii partem impertiri possimus, ex eo videlicet, quod nobis liberaliter exhibet, discentes, quid facere nos oporteat pro aliis, 5. utque exemplò nostro pateat, si infestationes, quas pro Christi nomine tolerare compellimur, ingentes sint, & torrentis instar in nos irruant, eximia quoque solatia ejus beneficiò ac liberalitate divinâ nobis præstari, & mentes nostras mirâ dulcedine deliciisquæ perfundi, ut adversa quæque tanto majori gaudiò perferamus. 6. Si ergò patimur, & recreamur, id enimverò contingit ad vos consolandos & instruendos, quàm forti & alacri animò adversa quæque utut maxima exantlare debeatis. 7. Speramus pro inconstantiam vestram minimè labefactandam, & quemadmodum in partem ve-

venistis perpeſſionum, ita etiam fore vos aliquando jucunditatis, & lætitiæ nostræ participes. 8. Quæ cum ita sint, cumque necessitudo quæ inter nos vigeat, non solum successibus rebusque prosperis alligata sit, nolo vos celare, fratres, quanta persecutio mihi in Asiâ perferenda fuerit: erat illa supra omnem facultatem viris que humanas & adeo potens, ut perplexum penitus, & consilii inopem taderet vivere, neque ullum appareret effugium, quo periculum vitæ evaderem. 9. In hoc tamen rerum articulo admirandum planè divinæ sapientiæ ac bonitatis effectum persensimus: cum enim tunc temporis mihi adfuerit, quo spes omnis aberat, quo tum discrimina, quibus expositus eram, tum acerbitas ærumnarum, tum rabies inimicorum præsentem mihi mortem intentabant, iisque parem fecerant, in quos jam mortis sententia lata est, manifestè exinde arguo, propriis nequiquam fidendum viribus, sed in eo solo spes omnes collocandas, cujus potestas non solum se extendit ad vitæ jam jam finiendæ prolongationem, sed etiam jam extinctæ recuperationem. 10. Ipse est, qui

*num estis, sic eritis & consolationis.*

8. *Non enim volumus ignorare, vos fratres, de tribulatione nostrâ, qua facta est in Asiâ, quoniam supra modum grati sumus supra virtutem, ita ut taderet nos etiam vivere.*

9. *Sed ipsi in nobis metipsis responsum mortis habuimus, ut non simus fidentes in nobis, sed in Deo, qui suscitavit mortuos:*

10. *Qui de tantis pe-*  
X x 3



*riculis nos eripuit, & e-* qui me gravissimis hisce periculis  
*rui: in quem speramus,* eripuit, & uti spero, ab iis porro  
*quoniam & adhuc eri-* præservabit, in quæ incidere possem,  
*piet,*

II. *Adjuvantibus & vo-*  
*bis in oratione pro nobis;*  
*ut ex multorum personis,*  
*ejus quæ in nobis est, do-*  
*nationis per multos gra-*  
*tia agantur pro nobis.*

12. *Nam gloria no-*  
*stra hæc est, testimonium*  
*conscientiæ nostræ, quod*  
*in simplicitate cordis, &*  
*sinceritate Dei, & non*  
*in sapientiâ carnali, sed*  
*in gratiâ Dei conversati*  
*sumus in hoc mundo: a-*  
*bundantiùs autem ad vos.*

II. si me precibus vestris adjuvare  
 velitis, quod à pietate vestrâ certò  
 certiùs expecto. Nil ille magis ex-  
 optat, quàm plurium votis favores  
 suos expeti, quos jam paratus est con-  
 cedere, neque dubito eum promp-  
 tiùs mihi opitulaturum, si pro me  
 intercedatis, magisque acceptam fu-  
 turam ei gratiarum actionem pro  
 auxilio mihi præstito, si plures eam  
 obtulerint. 12. Præter spem ta-  
 men hujus protectionis id, quod me  
 plurimùm in quocunque calamita-  
 tum genere recreat, testimonium  
 est bonæ conscientiæ, gaudiùmque,  
 quod rectâ semper & simplici cor-  
 dis intentione animique candore in  
 ministerio Evangelico ambulaverim,  
 quòd consilia mea ad honestatem  
 semper & æquitatem collimaverint,  
 neque unquam prudentiæ humanæ  
 technis, aut scientiæ naturalis orna-  
 mentis atque adminiculis usus fue-  
 rim, sed gratiæ divinæ impulsu dun-  
 taxat operatus sim. Illa mihi sem-  
 per astitit, ubicunque terrarum E-  
 vangelium promulgavi, tum verò se  
 maximè prodidit, cùm vobiscum a-

ge-

gerem, ubi longè plura prodigia patravi, & majorem diligentiam curamque adhibui, ut ne vobis meâ vivendi ratione ullam querimoniam ansem vel offendiculi præberem. 13. Sci-

tis profectò, an mentiar, & num ea, quæ vobis scribo, corresponsdeant illis, quæ aliàs & ipsi oculis vestris vidistis, vel auditu accepistis. Non loquor in meum favorem vel commodum ex arrogantia sed ex sanctâ quadam libertate, spe fretus, vos in die illo tremendo, quo JESUS CHRISTUS venturus est ad judicandos vivos & mortuos, deprehensuros clarissimè, 14. uti ex parte nunc agnoscitis, quòd gloriari possitis, habuisse vos in me Magistrum, qui vobis blandiri, & perversæ doctrinæ labem affricare nescierit, quemadmodum tunc gloriabor, quòd tanquam discipuli minimè degeneres ex nostris monitis moribusque perspectis eximios fructus retuleritis. 15. Hac equidem vestræ probitatis confidentiâ fretus constitueram vos invisere, priusquam in Macedoniam pergerem, 16. ut præter consolationem ex primo meo adventu haustam iteratâ præsentia vos denuo recrearem. Ex Macedoniâ destinaveram reverti

13. *Non enim alia scribimus vobis, quam qua legistis & cognovistis. Spero autem, quòd usque in finem cognoscetis,*

14. *Sicut & cognovistis nos ex parte, quòd gloria vestra sumus, sicut & vos nostri in die Domini nostri JESU CHRISTI,*

15. *Et hac confidentiâ volui prius venire ad vos, ut secundam gratiam haberetis:*

16. *Et per vos transire in Macedoniam, & iterum à Macedoniâ venire ad vos, & à vobis ad deduci in Judæam.*

17. *Cum ergo hoc  
voluisssem, numquid levi-  
tate usus sum? Aut que  
cogito, secundum carnem  
cogito, ut sit apud me est  
& non?*

18. *Fidelis autem  
Deus, quia sermo noster,  
qui fuit apud vos, non est  
in illo est, & non.*

19. *Dei enim filius  
Jesus Christus, qui in vo-  
bis per nos predicatus*

ad vos, ut à vobis in Judæ-  
am deducerer. 17. Quòd autem  
primum meum propositum execu-  
tioni non mandaverim, nolite, obse-  
cro, id impurare aut levitati, aut in-  
constantia, quòd velim & nolim,  
quòd instar hominum primos sen-  
sualitatis impetus sequentium pro-  
pria tantummodo commoda secter,  
ac proin in omnes horas sim muta-  
bilis & alius. Sed excipiet fortassis  
quispiam: quandoquidem nobis tam  
sanctè pollicitus, venturum te ad nos  
invisendos promissis non steristi mu-  
tato tam leviter animi proposito, an  
non hanc ipsam diffidentiam conci-  
pere jure poterimus de veritate ac  
soliditate eorum dogmatum, quæ  
nobis annuntias? Imò verò testor  
Deum, in quem nulla falsitas vel  
promissorum inconstantia cadit,  
quando Timotheus, Silvanus & ego  
vobis prædicavimus Jesum Christum  
ejus filium, veritatem nos longè cer-  
tissimam omnisque dubii vel repug-  
nantia exclusivam annuntiasse, ne-  
que unquam, quod pridem affirma-  
vimus, postmodum esse inficiatos.  
19. Eadem vobis, quæ jam audistis  
repetemus, quippe quæ nulli sunt  
obnoxia vicissitudini, aut mutationi,  
quare

quare non est quòd dubiteris de fidei nostræ mysteriis divinisque promissionibus. 20. Ipse est, qui nos iussit ea vobis proponere, ejus testimonio haud utique fallibili ea firmamus, cùmque sit prima & essentialis veritas, experiemini certò certius effectus opacissimos, si enim ad vestram salutem conducant, in ejus

*st per me & Silvanum, & Timotheum, non fuit est & non, sed est in illo fuit.*

pariter gloriam redundant. Consideremus, fratres, quæ & quanta nobis jam contulerit, non erit adeo difficile fide minimè dubiâ præstolari majora, quæ nobis præparata sunt.

20. *Quotquot enim promissiones Dei sunt, in illo est: ideo & per ipsum Amen Deo ad gloriam nostram.*

21. Nunquid non est Deus, qui ubi nos ad cognitionem Jesu Christi adduxit, in eâ nos conservat & corroborat? nunquid non Deus nos unxit?

21. *Qui autem confirmat nos vobiscum in Christo, & qui unxit nos Deus:*

22. Nos tanquam suos peculiari signaculò distinguit, suumque divinum spiritum nobis communicat? Dona isthæc tam multiplicia, quæ

22. *Qui & signavit nos, & dedit pignus Spiritus in cordibus nostris.*

tum per sacrum baptismi lavacrum tum per Sacramentum Confirmationis percipimus, quid aliud sunt, nisi arrhabones secururæ felicitatis? Nunc satis superque, uti opinor, ad replicam vestram respondi, quâ doctrinam meam in dubium revocastis, neque aliud superest, quàm ut candidè vobis edisseram, quid causæ

fue-

Yy

23. *Ego autem testem Deum invoco in animam meam, quòd parrens vobis non veni ultra Corinthum: non quia do-  
minamur fidei vestrae, sed  
adjutores sumus gaudii  
vestri: nam fide statis.*

fuerit, quòd non, uti seriò promiseram, ad vos venerim. - 23. Deum in testem invoco, & ultorem mendacii, si ex aliâ ratione propositum mutavi, quàm ne compellerer pro potestate meâ severiùs in eos animadvertere, qui ambitione suâ intolerabili tot tragœdias in Ecclesiâ vestrâ excitabant, quod haud dubiè mœrore non exiguo animos vestros perculisset, cùm tamen nil ardentius exoptem, quàm hilari vultu mentèque serenâ à vobis excipi, lætitiâque communem omnium præsentiâ meâ augere. Atque hæc non in eum finem dicta volo, & à vobis accipi, quasi ratione fidei, quam annuntiavi, despoticè vobiscum & imperiosè velim agere, quin eò potiùs omnis mea sollicitudo ac contentio collimat, ut pro viribus vobis inserviam, & pro salute vestrâ me totum impendam præsertim circa disciplinæ reformationem magnopere vobis necessariam intactâ tamen fide vestrâ, quam (Deo sint grates) nullâ penitus correptione, aut mutatione indigere probè compertum habeo.

PA-

## PARAPHRASIS

## CAP. II.

1. **I**TA est, fratres mei, non potui in animum inducere, ut ad vos inviserem, quemadmodum pollicitus eram, metuebam enim, ne compluribus flagitiis contaminatos vos deprehenderem, quæ cum dissimulare ex officio non potuissem, acriori reprehensione non nisi tristiores vos, pudorêque suffusos, quod minime cupiebam, reddidissem. 2. Si porro per epistolam meam idipsum fortè præstici, amoris, quo vos complector, magnitudini, studioque salutis vestræ illud adscribite: non enim aliâ de causâ scribendo vobis hoc stylo usus sum, quàm in maximum vestrum emolumentum, sanctèque contestor, quò magis ex objurgatione meâ compunctus quis dolensque redditus fuerit, eò chariorem mihi esse, majorique solatio ac gaudio. 3. Præter afflictionem animi ex aliorum relatione concep-

tam

1. *Statui autem hoc ipsum apud me, ne iterum in tristitiâ venirem ad vos.*

2. *Si enim ego contristo vos: & quis est qui me laetificet, nisi qui contristatur ex me?*

3. *Et hoc ipsum scripsi vobis, ut non cum venero,*

Yy 2

*tristitiam super tristitiam habeam, de quibus oportuerat me gaudere: confidens in omnibus vobis, quia meum gaudium omnium vestrum est.*

4. *Nam ex multâ tribulatione & angustia cordis scripsi vobis per multas lachrymas: non ut contristemini: sed ut sciat, quam charitatem habeam abundantius in vobis.*

5. *Si quis autem contristavit non me contristavit: sed ex parte, ut non onerem omnes vos.*

tam de gliscentibus etiamnum inter vos flagitiis ipsa præsentia & testimonium oculatum doloris acerbiter mirum quantum auxisset, si venissem sublatis nondum per meam exprobrationem scandalis, atque ita solatii locò uberem lugendi materiam inveniissem, quod & vobis minime gratum ac volupe accidisset, persuasum enim omnino habeo, meam non minus tristitiam quàm lætitiā in vos communione quadam sympathicā redundare. 4. Superos testor, quantam vim mihi intulerim, quibus angoribus pectus meum discruciatum fuerit, quot lachrymas profuderim, cū ad vos scriberem. Calamum regebat amor verè paternus, cujus magnitudinem vobis unicè patefacere volebam alienus omnino ab omni proposito, studiōve affligendi vos. Nimis pretiosa mihi erat cordique salus vestra, quàm ut permitterem aliquos in præcipitia ferri, quin manum porrigerem, ne laberentur, & alios in ea turpissimè cadere, quin nervos omnes intenderem ad relevandos illos. 5. Et profecto si funestus cujuscumque casus me affluxit, plures etiam vestrum mœrore perculit. Tametsi is peccando  
excess

excesserit, injuriam vobis facerem, si unius delictum in omnes rejicerem, quasi id minimè curassent, aut apprehendissent. Sed satis hactenus de acrimoniâ medicinæ, videamus porro quem effectum habuerit. 6. Sufficiat, quòd is, cujus flagitium tam profundam cordi meo plagam intulit, & nomen prodere supervacaneum est, hucusque tanto dolore ac pudore suffusus fuerit coram pluribus ex poenâ à me inflictâ. 7. Quare vos omnes nunc obtestor, ut eum omni amoris significatione in pristinam communionem recipiatis, 8. & poenæ remissione recreetis, ne tristitia longior in exitium potius, ac venenum, quàm medicinam ac salutem cedat. 9. Hæc vobis scribo, ut experimentò percipiam, quo loco mea apud vos præcepta sint, & num in omnibus, prout fas est, dicto audientes sitis, & quemadmodum cum jussu meo ab Ecclesiâ segregastis, ita etiam in pristinum statum restituere velitis, si ita faciendum judicavero. 10. Ex potestate, quam à Christo accepi, condemnavi eum, ex eadem illum absolvo. Favorem, quem indulgetis, & ego exhibeo, etenim si quid cuiquam remisi,

6. Sufficit illi, qui ejusmodi est, objurgatio hæc, qua fit à pluribus :

7. Ita ut e contrario magis donetis, & consolemini, ne fortè abundantiori tristitiâ absorbeat, qui ejusmodi est :

8. Propter quod obsecro vos, ut confirmetis in illum charitatem :

9. Ideo enim & scripsi, ut cognoscam experimentum vestrum, an in omnibus obedientes sitis.

10. Cui autem aliquid donastis, & ego : nam & ego quod donavi, si quid donavi, propter vos in personâ Christi.

Y Y 3



11. *Ut non circum-  
veniamur à satanâ: non  
enim ignoramus cogita-  
tiones ejus.*

12. *Cum venissem au-  
tem Troadem propter E-  
vangelium Christi, &  
ostium mihi apertum esset  
in Domino,*

13. *Non habui re-  
quiem spiritui meo, eò  
quòd non invenerim  
Titum fratrem meum,  
sed valesaciens eis pro-  
fectus sum in Macedo-  
niam.*

14. *Deo autem gra-  
tias, qui semper trium-  
phat nos in Christo Jesu,  
& odorem notitia sua*

missi, id profectò vestrà causà, vestrà  
salutis studiò factum esse verè vobis  
possum affirmare non solùm nomi-  
ne & autoritate Christi, sed exem-  
plo quoque perinde ad solvendum  
anathematis vinculum facilis, quàm  
ad ligandum.

11. Non enim me  
fugiant dæmonis technæ, quòdque  
funestus hic alastor non minùs de-  
sperationis ac nimix tristitiæ impul-  
su ex castigatione prolixiori oriun-  
dæ, quàm per impœnitentiam mor-  
taliū animas in casses suos pertra-  
here possit. Dixi paulò antè, me  
decumanis in Asià persecutionum  
fluctibùs jactatum.

12. Certiores  
nunc vos reddo, quid præter ex-  
spectationem mihi evenerit Epheso  
redeunti in Troadem ad prædican-  
dum Evangelium, cum enim mes-  
sis capiosa esset, 13. & fratrem me-  
um ac Collegam Titum, cujus auxi-  
liò indigebam, non invenissem, nul-  
lam animò quietem capere poteram,  
quare acturum inde discessi ad repe-  
tendam Macedoniam.

14. Sed  
gratiæ sunt immortales Deo, cujus  
ope ærumnas omnes quæ publicas,  
quæ privatas ex desertione nominis  
Jesu Christi insurgentes superamus,  
cujus imperio gloriam Crucis de u-  
niver-

niverſo terrarum orbe triumphantis  
annuntiamus, cujus virtute de infe-  
riorum portis victoriam referimus,  
& odorem notiæ ipſius ubique gen-  
tium per Evangelium noſtrum diſ-  
fundimus. 15. Quandoquidem

*manifeſtat per nos in m-  
ni loco :*

aurem ſalutarem hunc odorem Jeſu  
Chriſti paſſim circumferimus, hinc  
diverſos animorum ſenſus motusque  
deprehendimus. 16. Quibusdam

15. *Quia Chriſti bo-  
nus odor ſumus Deo in  
iis, qui ſalvi ſunt, & in  
iis, qui pereunt :*

enim exitium afflat, aliis ſalutem.  
Quis autem ex propriâ virtute ido-  
neus eſt ad diſtribuendum mirifi-  
cum hunc odorem tam diſcrepan-  
tibus animis? ne quod attinet, quid-  
quid boni præſtitero, id omne tri-  
buendum opitulationi divinæ, non  
verò meis viribus aut conatibus.

16. *Aliis quidem odor  
mortis in mortem: aliis  
autem odor vitæ in vitam.  
Et ad hac quis tam ido-  
neus?*

17. Non enim poſſum aliorum mo-  
re verbum Dei corrumpere, quod  
omnem excludere debet artificii hu-  
mani mixturam, neque fucatâ dicen-  
di ratione uti, ubi Chriſtiana ſim-  
plicitas ac veritas primas ſibi partes  
vendicat. A Deo habeo, quod vo-  
bis annuntio, ſpiritu Jeſu Chriſti a-  
gente illud prædico, Deum tanquam  
præſentem & teſtem prædicationis  
meæ ſemper ob oculos habeo, ut  
miniſterio adeo ſancto ſanctimoniâ  
non impari deſungar.

17. *Non enim ſu-  
mus, ſicut plurimi, adul-  
terantes verbum Dei, ſed  
ex ſinceritate, ſed ſicut ex  
Deo, coram Deo, in Chri-  
ſto loquimur.*

PARA-

**PARAPHRASIS.****CAP. III.**

*1. Incipimus iterum  
nosmetipsos commenda-  
re? aut numquid egemus  
(sicut quidam) commen-  
datitiis epistolis ad vos,  
aut ex vobis?*

**V**idebitur fors nonnemi-  
ni arrogantiā sapere commen-  
datio nostra, at verò protestor, fra-  
tres mei, nunquam venisse mihi in  
mentem in laudes meas excurrere  
inanis gloriæ studiō. Modus agen-  
di consuetus in prædicatione Evan-  
gelii & vitæ meæ tenore secluso quo-  
cunque alio teste vel argumento con-  
trarium vobis manifestè demon-  
strat, adeo ut etiam dicere ausim, me  
nec vestris, nec aliorum litteris com-  
mendatitiis ullā ratione indigere, &  
cur ita? quia videlicet cū operā  
meā conversi fueritis, zelus vester  
pro gloriā Dei, charitas erga proxi-  
mum eximia, constantia in perferen-  
dis adversis, omnes denique virtutes,  
quibū excellitis, nemini non perspe-  
ctæ sunt. 2. epistolæ instar com-  
mendatitiæ, quam pectori meo im-  
pressam circumfero, quam vivis cha-  
racteribus descriptam universi lecti-  
cant

*2. Epistola nostravos  
estis scripta in cordibus  
nostris, qua scitur, & le-  
gitur ab omnibus homini-  
bus.*

tant mortales, quæque mihi apprimè  
servit ad captivandam aliorum bene-  
volentiam & fiduciam. Enimverò  
quis non Magistrum illum magni fa-  
ciat, cujus discipuli adeò numeris  
omnibus absoluti sunt? quis ex isto-  
rum præstantiâ non rapiatur in ejus  
admirationem & laudem? 3. Disci-  
pulos vos fidenter nuncupo, siqui-  
dem mentem vestram tanquam char-  
tam mundissimam præparavi ad re-  
cipiendam legem JESU CHRISTI exa-  
ratam non atramentò, & vulgari scri-  
bendi genere, sed spiritu Dei viven-  
tis, non in tabulis lapideis, sed corde  
amoris reciproci, & affectûs tenerri-  
mi capacissimo. 4. Si aliquantu-  
lum mihi arrogo ex opere hoc exi-  
mio, tantâque confidentiâ coram  
Deo eloquor, JESUS CHRISTUS illius  
auctor est, in quem omnis gloria ex-  
inde redundat. 5. Probè enim  
scio, me propriis viribûs ne cogita-  
tionem quidem salutarem aut lauda-  
bilem ullam elicere possè, omnem  
que agendi virtutem ex illo haberi.

3. *Manifestati, quòd  
epistola estis Christi, mi-  
nistrata à nobis, & scrip-  
ta non atramentò, sed  
Spiritu Dei vivi: non in  
tabulis lapideis, sed in ta-  
bulis cordis carnalibus.*

4. *Fiduciam autem  
talem habemus per Chri-  
stum ad Deum.*

5. *Non quòd sufficien-  
tes simus cogitare aliquid  
à nobis, quasi ex nobis: sed  
sufficiencia nostra ex Deo  
est:*

6. Fateor, ipso adiuvante me reddi-  
tum utcunque idoneum Evangelii  
Ministram ac novæ legis præconem,  
in quâ non ampliùs ut in veteri litte-  
ræ vigent, sed spiritus, ubi gratiæ dit,  
spiritus autem vivifi-

6. *Qui & idoneos nos  
fecit ministros novi Te-  
stamenti: non litterâ, sed  
spiritu, littera enim occi-  
dat,*

con- cat, Z z

7. *Quòd si ministratio mortis litteris deformata in lapidibus, fuit in gloriâ; ita ut non possent intendere filii Israël in faciem Moysi, propter gloriam vultus ejus, quæ evacuatur:*

8. *Quomodo non magis ministratio Spiritus erit in gloriâ?*

9. *Nam si ministratio damnationis gloria est: multò magis abundantius ministerium justitiæ in gloriâ.*

10. *Nam nec glorificatum est, quod claruit in hac parte, propter excellentem gloriam.*

11. *Si enim quod e-*

conferuntur, & promissiones adimplentur, & figuræ omnes verificantur, ubi denique pro mandatis difficillimis, quæ ad litteram & amissim servari debuerant, & prævaricantem in exitium præcipitabant, præcepta occurrunt favoribus plena, quæ delictis quidem poenas irrogant, delinquentibus autem mortem non afferunt, quin imò in filiorum numerum eos adoptant, qui misera priùs fuere mancipia. 7. Quòd si lex illa vetus, quæ morte plestebat transgressores, litteris impressa, atque insculpta in lapidibus in tantâ veneratione fuit, adeò ut filii Israël vultum Moysi intueri nequaquam possent ob nimium ejus fulgorem, qui tamen finem habiturus, & penitus abolendus erat aliquando, 8. an non ea, quæ & suavitate & charismatis divini Spiritus plena est, manumque erigendis lapsis porrigit, præstantior longè erit, ac dignior? 9. Antiqua profectò huic comparata vix quidquam splendoris & gloriæ habet. 10. Lux etenim illa, quam ex corrulicante Moysi facie accepit, non fuit perpetua, lumen autem Evangelii nunquam extinguetur. 11. Si ergò tanto in pretio & hono-

honore fuit lex illa nunc abolita, *vacuatur, per gloriam*  
 quanti facienda erit lex, quæ in omne *est: multò magis, quod*  
 ævum perennatura est? 12. Itaque *manet, in gloriâ est.*

fides, quam dogmatis à me propo-  
 sitis præstatis firmissimam, animos mi-  
 hi stimulósque addit ad prædican-  
 dum Evangelium non minori fidu-  
 ciâ ac libertate, quàm integritate.

13. Vultum meum nullo velami-  
 ne contego, uti Moyfes, qui id fece-  
 rat non eâ tantùm de causâ, ne Isræ-  
 litæ ejus radiis perstringerentur, sed  
 ut indicaret, ejus posteros divinita-  
 tem JESU Christi neutiquam agnitu-  
 ros, qui tamen legis illius scopus ac  
 finis ultimatus futurus esset, obcœca-  
 tâ nimium quantùm eorum intelli-  
 gentiâ, 14. uti ex eventu hujus va-  
 ricinii luculenter patet, cùm enim

*12. Habentes igitur*  
*talem spem, multâ fidu-*  
*ciâ utimur:*

in hodiernum usque diem Veteris  
 Testamenti monumenta pervolvunt,  
 hærent etiamnum in umbrâ ac ca-  
 ligine figurarum & rituum, sub qui-  
 bus veritas, quam annuntiamus,  
 abscondita latet, neque in animum

*13. Et non sicut Moy-*  
*ses ponebat velamen su-*  
*per faciam suam, ut non*  
*intenderent filii Isrâël in*  
*faciem ejus, quod eva-*  
*cuatur,*

inducere valent, finem legis jam ad-  
 venisse, cœcâ enim mentis obstina-  
 tione prohibentur, ne in JESUM  
 Christum credant, qui ad eam abro-  
 gandam venturus erat, uti prædixerat.

Et sanè sola doctrina Evangelicæ lu-

cis

Zz 2

15. *Deo usque in hodiernum diem, cum legimus Moyses, velamen positum est super cor eorum*

16. *Cum autem conversus fuerit ad Dominum, auferetur velamen.*

17. *Dominus autem Spiritus est: ubi autem Spiritus Domini, ibi libertas.*

cis has tenebras dissipat. 15. Quod si priores nos illam recepimus, ne idcirco efferaur insolentius, eosque habeamus despectui, cum tantum beneficium soli divinæ clementiæ acceptum debeamus. Veniet tempus, cum & ipsi pronis animis divinam hanc sementem recipiant.

16. Quemadmodum Moyses nullo velamine faciem contexerat, cum ad Deum accederet percipiturus ejus imperia: ita & isti modò obcoecati arcanis divini spiritus inspirationibus corda sua aperient, & ad illum solem, cui tamdiu tergum obvertebant, sese convertent illustrandi penitus. Velamen tollitur ab oculis, & non amplius ambulabunt in tenebris, sed cuncta perspicue cernent, quibus ad vitam sempiternam perducantur. 17. Quin & libertate filiorum Dei donabuntur illico, quamprimum divinum hunc spiritum pro Domino suo venerabundi agnoscent, & eximentur iugo daemonis ac servitute peccati. Si quis timor adhuc reliquus, timor est filiorum, qui parentum jussa exequuntur alacriter, non verò servorum, qui metuant tyrannum suum, & non nisi inviti ac reluctantes ei obtemperant.

rant. Iſraëlitæ, quemadmodum dixi-  
vultum Moyſis non niſi interpoſito  
velamine conſpiciebant. 18. Lon- 18. *Nos verò omnes,*  
gè melius nobiſcum agitur, qui Ma-*revelatâ facie gloriam*  
jeſtatem ac potentiam Patris æterni *Domini ſpeculantes, in*  
in Evangelio ſui Filii clariffimè con-*eamdem imaginem trans-*  
templemur. Ejus radios mentibus *formamur à claritate in*  
noſtris inſtar limpidiſſimi ſpeculi re-*claritatem, tanquam à*  
cipimus, & felici reflexione in eos *Domini Spiritu.*  
rejjicimus, quos tum prædicatione,  
tū exemplò noſtro colluſtramus.  
Deus nos ab unâ claritate in majorem  
lucem promovet, nullo non die no-  
vam nobis Majeſtatis ſuæ noti-  
ciam imprimi, & ut ita loquar, nos in ſeſe  
transformat etiamnum in terris de-  
gentes, reddítque ſui ſplendoris par-  
ticipes, & quaſi ſecundarias quaſdam  
ſui imagines, idque vi divini ſpiritus.

## PARAPHRASIS.

### CAP. IV.

1. **N**ON abs re tam prolixè ac co- 1. *Ideo habentes ad-*  
pioſè egi de prærogativis no-*ministrationem, juxta*  
væ legis, quibûs antiquam præcellit. *quod miſericordiam con-*  
Cum enim animò deſtinâſſem vobis *ſecuti ſumus, non deſici-*  
ob mus: Z z 3



2. *Sed abdicamus oc-  
culta dedecoris, non am-  
bulantes in astutiâ, neque  
adulterantes verbum  
Dei, sed in manifestatione  
veritatis commendantes  
nosmetipsos ad omnem  
conscientiam hominum  
coram Deo.*

3. *Quod si etiam oper-  
tum est Evangelium no-  
strum: in iis, qui percunt,  
est opertum;*

ob oculos ponere, quantâ sanctitate  
oporteat esse præditos ejus Ministros,  
id certiùs assequi me non posse existi-  
mavi, quàm repræsentando hujus  
Ministerii dignitatem atque præstan-  
tiam. Solâ Dei miseratione, non  
meritis nostris imposita nobis est hæc  
provincia, cui etiam ritè administran-  
dæ omnem solertiam vigilantiamque  
pro virili parte impendimus. Ani-  
mis non deficimus, quæcunque ad-  
versa ingruant, labores non respui-  
mus, 2. neque indecorum quid, &  
luce publicâ indignum agimus: ab  
omni fuzo alieni verbum Dei neque  
argutiis corrumpimus, neque do-  
ctrinæ exoticæ inventis, neque lucri  
cupidine, aut inanis gloriæ studio.  
Veritatem candidè edicimus, atque  
ita ad publicam ædificationem vitæ  
nostræ rationes instituimus, ut non  
modò hominum judicia non refor-  
midemus, sed Deum mentium in-  
spectorem præsentem semper in-  
tueamur. 3. Hunc in modum præ-  
dicando Evangelium sperabamus,  
auditores omnes manus haud dubiè  
daturus, captivando intellectum in  
obsequium fidei, sunt tamen, proh  
dolor! non pauci, quibus nondum  
ejus veritatem persuasimus, qui illud  
exsi-

exsibilant potius, quam amplectantur, & in errore suo obstinati miserè pereunt.

4. Gentiles intelligo, quorum mentes dæmon hujus sæculi princeps ac Numen fascinavit, ne Jesu Christi, qui Patris æterni vera ac viva imago est, gloria illos suis radiis collustret ad excipiendam & profi-

tendam adeo sanctam ac salubrem doctrinam. Dico per Evangelium

gloriam Christi promulgari, ut indigni ejus Ministri discant à temeritate suâ illud prædicandi desistere.

5. Si enim verè digni sumus charactere Apostolico, non ad famam vanamque gloriam aucupandam, sed ad promovendum cultum atque honorem Domini ac Dei nostri Jesu Christi prædicabimus. Tantum abest, ut

grande Magistrorum nomen nobis arrogemus jactantiùs, ut potius servos vestros in Christo & amore Christi nos declaremus.

6. Etenim Deus, qui à mundi exordio lucem eduxit de tenebris, miro quodam modo per filium suum Unigenitum cordibus nostris illuxit, & caliginem, quâ laboravimus, eum in finem dis-

sipavit, ut eadem luce ac cognitione per nos illustrati intelligeretis, Jesum Christum Dominum nostrum, cujus

4. *In quibus Deus hujus sæculi excæcavit mentes infidelium, ut non fulgeat illis illuminatio Evangelii gloria Christi, qui est imago Dei.*

5. *Non enim nosmetipsos prædicamus, sed Jesum Christum Dominum nostrum: nos autem servos vestros per Jesum.*

6. *Quoniam Deus, qui dixit de tenebris lucem splendescere, ipse illuxit in cordibus nostris ad illuminationem scientiæ claritatis Dei in facie Christi Jesu.*

7. *Habemus autem thesaurum istum in vasis fictilibus: ut sublimitas sit virtutis Dei, & non ex nobis.*

8. *In omnibus tribulationem patimur, sed non angustiamur: aperi-  
mur, sed non desistimus:*

cujus nomine ac potestate loquimur, descendisse de cœlo, ut nos servitute peccati eximeret, solem isthunc umbras omnes antiquæ legis dissipare, neque quærendas divitias nisi in ejus thesauris, neque refocillationem nisi in ejus sanguine, neque vitam nisi in ejus morte. 7. Mirabitur nemo thesaurum adeò pretiosum reconditum esse in vasculis testaceis, nempe eos, qui tam illustri & præcellso Apostolatûs munere funguntur, communibus naturæ miseriis, nec non injuriis atque ærumnis obnoxios esse, sed Deus res ita disposuit, ut magnitudo ejus potentiæ in illorum imbecillitate resplenderet illustrius, omnesque intelligerent, non instrumento, sed soli artifice deberi gloriam. 8. Omni quidem calamitatum genere obruimur, eoque processit humanæ malitiæ solertia, ut novas indies nos divexandi rationes excogitet, dolorum tamen acerbitas eò non pertingit, ut in angustias redacti animos despondeamus: nemo est, qui nobis auxiliò vel consilio præsto sit, neque tot inter discrimina quis effugio locus, dispicimus, non tamen idcirco spem omnem abjicimus, aut calamitati succum.

cumbimus. 9. Inſectationes graviffimæ nos infeſtant, neque tamen à Deo deſerimur, ab hoſtibus undique cingimur, premimur, conculcamur, reſurgimus tamen, novæſque vires erecti reſumimus. 10. Quandoquidem acerbam mortem Servatoris noſtris prædicamus, ejus quoque ſtigmata in corpore noſtro circumferimus adverſa plurima in ejus prædicatione perferendo, atque ita ipſius vitæ Chriſti imaginem in membris noſtris peculiari quadam ratione expreſſam palam omnibus proponimus. 11. Siquidem autem tot inter ſuppliciorum & malorum genera adhuc vivimus infracti, nunquid hoc argumento eſt minimè dubio, JEſum vivere, qui vitam noſtram perpetuo quaſi prodigiò ſervat incolumem. Itaque mors noſtra quotidiana pro JEſu vitam ejus manifeſtam reddit in conſervatione corporis noſtri tot malis & ærumnis obnoxii. 12. Ex noſtris porrò calamitatibus fructum percipitis non modicum, hæ enim anguſtiæ, hæ infeſtationes, quas perferimus, vos in noticiam veræ fidei deducunt, morsque aſſidua, quam in Miniſterio noſtro Evangelico ſubimus alacres, vi-

tam

9. *Perſecutionem impati-  
timur, ſed non derelin-  
quimur: deſicimur, ſed  
non perimus;*

10. *Semper mortifi-  
cationem JEſu in corpo-  
re noſtro circumferentes,  
ut & vita JEſu manife-  
ſtetur in corporibus no-  
ſtris.*

11. *Semper enim nos,  
qui vivimus, in mortem  
tradimur propter JE-  
ſum: ut & vita JEſu ma-  
niſeſtetur in carne noſtrâ  
mortali.*

12. *Ergò mors in no-  
bis operatur, vita autem  
in vobis.*

Aaa

13. *Habentes autem eundem spiritum fidei, sicut scriptum est: credidi propter quod locutus sum: & nos credimus, propter quod & loquimur:*

14. *Scientes, quoniam qui suscitavit Jesum, & nos cum Jesu suscitabit, & constituet vobiscum.*

15. *Omnia enim propter vos: ut gratia abundans, per multos in gratiarum actione, abundet in gloriam Dei.*

am vobis immortalem affert. 13. Acerbitatem harum calamitatum non parum sublevat spes remunerationis accipiendæ: quemadmodum enim Propheta regius inquebat: Invocaui Deum, cum affligerer, quia firmissimè credidi, eum mihi posse opitulari, speravi me liberandum ærumnis meis, quia id mihi sanctè pollicitus est. 14. Itaque cum ejusdem divini spiritus, quo hic Prophetæ animatus erat, fiduciam persentiscamus, intrepidè Evangelium Jesu Christi annuntiamus, patimurque in ejus gloriam, quia firmissimè credimus, Deum, qui Christum Dominum ad Superos revocavit, nos quoque ab inferis excitaturum aliquando, vicamque nobis donaturum, quâ vobiscum fruamur, in omne ævum beatissimam. 15. Omnia interim vestrâ causâ constanti atque hilari animo perferuntur à nobis. Si Deus nos ad dignitatem Apostolicæ functionis evocat, id facit, ut vobis erudiendis operam omnem studiûmque impendamus, si ejus ope hostes vincimus, confirmamini exinde in fide à nobis accepta, si cœlestes in nos favores depluit,

pluit, id eâ de causâ accidit, ut & vos eorum reddamini participes atque ita plures Deum glorificent. 16.

Hæc, inquam, pia tenerâque fiducia impedit, quò minus tot malis lacessiti victas demus manus; sunt sanè minimè steriles, quas perferimus, ærumnæ, siquæ emolumenta sciremus inde scaturientia, eas adeò non fugeremus, ut etiam ultrò nobis deposceremus. Quando externus homo noster, corpus videlicet, dolores acerbos pertentiscit, jamque sibi exitio videtur proximus, si tamen perversæ ejus cupiditates assiduâ mortificatione frangantur, incredibili lætitiâ perfunditur animus, vigor recuperat, seseque indies renovat.

17. Ne itaque dolorem, molestiamque subterfugiamus huic innovationi conjunctam. 18. Præsentia non curemus, quæ in oculos cadunt, terrena sunt etenim, & corruptioni obnoxia, coelestia potius suspiciamus, quæ perennia sunt, certi, quòd præsentia mala, quæ perferimus, ut ut levia & vix per momentum duratura inestlabili thesaurò gloriæ coronentur, cujus pondere oppressi vix non fatisceremus, nisi Deus ejus largitor

16. *Propter quod non deficimus: sed licet is, qui foris est, noster homo corrumpatur: tamen is, qui intus est, renovatur de die in diem.*

17. *Id enim quod in presenti est momentaneum & leve: tribulationis nostræ, supra modum in sublimitate æternum gloria pondus operatur in nobis.*

18. *Non contemplan-  
tibus vobis, quæ videntur, sed quæ non videntur. Quæ enim videntur, temporalia sunt: quæ autem*

Λαα 2

*non videntur, aterna* gitor munificentissimus novas vires  
*sunt.* nobis suppeditaret ad illud suppor-  
 tandum.

# PARAPHRASIS

## CAP. V.

1. Scimus enim, quoniam  
*si terrestris domus nostra*  
*hujus habitationis dissol-*  
*vatur, quod edificatio-*  
*nem ex Deo habemus,*  
*domum non manufactam*  
*aternam in cælis.*

2. Nam & in hoc in-  
*gemiscimus, habitatio-*  
*nem nostram, que de cælo*  
*est, superindui cupientes,*

3. Si tamen vestiti  
*non nudi inveniamur.*

4. Nam & qui sumus  
*in hoc tabernaculo inge-*

1. **N**ON ergo metuimus amitten-  
 da vitæ discrimen, cum pro-  
 bè sciamus pro terreno domicilio, u-  
 bi anima quasi in carcere conclusa  
 est, nempe pro corpore tot calami-  
 tatibus obnoxio, quod brevè dissolvitur,  
 Deum nobis in cælo præparâsse  
 regiam non hominis manu fabri-  
 catam, neque ulli casui aut ruinæ  
 obnoxiam. 2. Beatæ hujus sedis  
 expectatio suspiria identidem nostra  
 excitat, hæc immortalitatis chlamyde  
 exornari percupimus, quæ certò  
 certius nobis obtinget, 3. si eo tem-  
 poris articulo, quo conceditur, nem-  
 pe imminente morte inveniamur  
 congestis meritis neutiquam vacui,  
 sed innocentia ac vitæ sanctitate  
 conspicui. 4. Et sanè quando ani-  
 ma exoptat caduci hujus corporis  
 erga-

ergastulo, quo detinetur, liberari, *miscimus gravati: eò non perpetuam separationem affe-* quod nolumus expoliari, *stat, sed quin imò, ut ei jungatur fe-* sed *super vestiri; ut absor-* licius, & depositis corruptibilis car- *beat quod mortale est,* nis exuviis immortalitate gaudeat, *à vitâ.*

& uti laborum, ita gloriæ reddatur particeps. 5. Qui nos condidit tan-

ti boni consequendi gratiâ, nobis etiam abundè largitus est auxilia tanquam divini Spiritûs arrhabonem. 6. Inter illustriora charisma-

ta numeranda est hæc ipsâ circumstantia, quæ nos ab omni metu liberat rei aliàs vel maximè pertimescendæ, & certè absque eâ mors æquè nobis ac aliis mortalibus timorem incuteret ac trepidationem.

Quòd si vitam hanc flocci facimus, si inter supplicia exultamus, si malum à corpore avelli quàm à

Deo, id sacro Evangelio debemus, quo instruimur, quamdiu inter mortales degimus, peregrinos nos esse ac viatores. 7. In visione Dei su-

premam nostram consistere felicitatem, nósque inpræsentiarum Deum tantum ex parte & confusè cognoscere mediante videlicet velamine

fidei, 8. quæ nobis animos scilicet addit & excitat, ut omni contentione enitatur in ejus gratiam admit-

ti,

5. *Qui autem efficit nos in hoc ipsum, Deus, qui dedit nobis pignus spiritûs;*

6. *Audentes igitur semper, scientes quoniam dum sumus in corpore, peregrinamur à Domino :*

7. *(Per fidem enim ambulamus, & non per speciem)*

8. *Audemus autem, & bonam voluntatem habemus magis peregrinari*



à corpore, & *præsentes* ti, à quo coronam gloriæ immortalis præstolamur. 9. Sive in hoc

9. *Et ideo contendimus, sive absentes, sive præsentes placere illi.* misero corporis tugurio etiamnum versentur, sive inde per mortem liberati simus. 10. Cùm enim non

10. *Omnes enim nos manifestari oportet ante tribunal Christi, ut referat unusquisque propria corporis, prout gessit, sive bonum, sive malum.* ignoremus, Jesum Christum præparâsse nobis hæreditatem gloriæ & salutis, ambigere quoque non possumus par esse, ut eâ nos reddamus quàm dignissimos, in eumque finem, ut palàm fiat, qui fuerimus, omnes mortales coram ejus tribunali comparituros ad reddendam rationem rerum sive bene, sive perperam gestarum, & recipiendam absolūtâ tam districtâ discussione sive poenam, sive mercedem debitam. 11. Scien-

11. *Scientes ergò timorem Domini hominibus suademus, Deo autem manifesti sumus. Spero autem & in conscientiis vestris manifestos nos esse.* tes igitur, quàm tremendum sit hoc judicium, quàmque ejus timor necessarius, illum mentibus vestris imprimere connitimur, damusque cumprimis operam, ut nihil committamus illi persuasioni minùs conforme quam homines habent tum de sincero salutis vestræ propagandæ studio, tum de vitæ nostræ integritate. Deum quod attinet, tales nos novit, quales sumus, nihilque vel minimarum cogitationum nostrarum eum latet. 12. At si e-

12. *Non iterum commendamus nos vobis, sed* tiam dicere, nostram vivendi & agen-

di

di rationem vobis perspectam esse *occasionem damus vobis*  
 debere, neque id assero, ut mihi ex *gloriandi pro nobis: ut ha-*  
 inde gloriam arrogem, sed ut vobis *bestis ad eos, qui in facie*  
 ansam præbeam nostrâ causâ glori- *gloriantur, & non in cor-*  
 andi, & argumenta suggeram, ad re- *de.*

tundendam eorum audaciam, qui  
 probra in me congerunt, & interea  
 non nisi fucatam quandam speciem  
 latvâque virtutis præferunt exte-  
 rioribus, quibus prævalent, dotibus  
 tumidi, parùm autem solliciti de  
 verâ solidâque pietate; quæ non in  
 vultu, atque externâ specie, sed in  
 corde atque animo sedem habet.

13. Ego sanè vestram salutem præ  
 oculis semper habeo, tanquam me-  
 tam consiliorum atque votorum  
 meorum, sive de rebus meis magni-  
 ficentiùs loqui videar, & propemo-  
 dum ultra decori limites, id ad Dei  
 gloriam factito, ne videlicet ex de-  
 spicientia meæ tenuitatis progredia-  
 mini ad Ministerium ipsum vilipen-  
 dendum; sive cum debitâ moderatio-  
 ne me ipsum comendem, id ago, ut  
 animi demissionem atque modestiam  
 exemplò discatis meo.

14. Cha-  
 ritas enim illa Christi, quâ nos pro-  
 secutus est, vicissim nos totos possi-  
 det, urget, atque excitat ad insolitos  
 morus, & actiones, quæ hujus sæcu-

13. *Sive enim mente*  
*excedimus, Deo: sive so-*  
*brii sumus, vobis.*

14. *Charitas enim*  
*Christi urget nos: asti-*  
*manentes hoc, quoniam si*  
*unus pro omnibus mor-*  
*tuus est, ergò omnes mor-*  
*li tui sunt;*

15. *Et pro omnibus mortuus est Christus: ut & qui vivunt, jam non sibi vivant, sed ei, qui pro ipsis mortuus est, & resurrexit.*

16. *Itaque nos ex hoc nunc non novimus secundum carnem. Et si cognovimus secundum carnem Christum: sed nunc jam non novimus.*

illi judicio videri possunt emorum ce-  
rebrum sapere. Cum enim unus  
pro omnibus mortem subierit, inde  
arguimus omnes olim mortuos fuisse,  
& à vitâ gratiæ alienos. 15. Ut adeo  
mortem Christi pro omnibus axantlatam  
consideremus tanquam novum amoris  
vinculum, quo mortales per hanc mortem  
novâ vitâ donati obligantur, ut sibi non  
amplius vivant, sive commodis, sed  
ei potius, qui pro ipsis & vitâ functus  
est, & de morte ad Superos remeans  
triumphavit. 16. Hoc exemplo docemur  
omnes vitæ nostræ animique vires in  
obsequium proximi consecrare, neque  
homines amplius considerare secundum  
carnem, dotes videlicet exteriores, quæ  
ab hoc sæculo tantopere aestimantur, &  
naturæ originem suam debent, cum omnes  
peccato contaminatæ sint, & ævi  
brevissimi. Nemini adhærescimus  
affectus terreni glutine, sed commercia  
nostra sancta sunt & divino spiritu  
plena. Eximiæ olim prærogativæ locum  
habebamus Jesum nosse secundum  
carnem, ejus præsentiam visibili  
delectabamur plurimum, nunc ejus  
spiritu illuminati & sapientiores  
redditi non cum amplius secundum

dùm naturæ humanæ abjectam conditionem novimus, sed absque ullo sensuum adminiculo ut vitâ præditum immortalî, ut Dei filium divinæ ipsius gloriæ participem contemplamur.

17. Porro quicumque vivit in Christo JESU, est veluti res quæpiam recens à Deo condita, vitâque ducit longè aliam, & omnia in ipso mirabili mutatione novam faciem induunt: ex servitute peccati transfertur ad libertatem gratiæ, & ex asperitate legis Mosaicæ ad suave jugum legis Christianæ.

18. Hæc autem bona universa in illum profluant ex benignitate Dei, qui nos in suam gratiam atque amicitiam admittit per JESU Christi merita, voluitque vobis per me annuntiari exitium hunc favorem reconciliationis, ut per fidem illi præstitam bonâ inde redundancia consequamini.

19. Deus, inquam, habitans in JESU Christo mundum sibi reconciliabat peccata ab hominibus commissâ non amplius eis imputans, sed pro eorum remissione condignam filii sui satisfactionem acceptans, id quod per nos vobis annuntiari voluit.

20. Itaque Christi nomine legatione fungimur, vósque enixè hortamur ad

17. Si qua ergò in Christo nova creatura: vetera transierunt: ecce facta sunt omnia nova.

18. Omnia autem ex Deo, qui nos reconciliavit sibi per Christum: & dedit nobis ministerium reconciliationis.

19. Quoniam quidem Deus erat in Christo mundum reconcilians sibi, non reputans illis delicta ipsorum, & posuit in nobis verbum reconciliationis.

20. Pro Christo ergò legatione fungimur tanquam Deo exhortante

Bbb

per nos. *Obsecramus* ad seriam vitæ emendationem, non  
*pro Christo, reconcilia-* proprio motu ad vos verba facimus,  
*mini Deo.* sed nomine & auctoritate Christi o-

21. *Eum, qui non no-* amus atque obtestamur, ut cum  
*verat peccatum, pro no-* Deo in gratiam redeatis, pacemque  
*bis peccatum fecit, ut nos* redintegretis. 21. Voluit is, ut il-  
*efficeremur iustitia Dei* le qui prorsus erat à peccato alienus,  
*in ipso.* quasi peccato obnoxius morti addi-  
 ceretur, & quasi hostia pro omni-

um salute jugularetur in eum præ-  
 cisè finem, ut nos veluti membra  
 sua participes redderet sanctitatis  
 suæ ac iustitiæ, sanguinisque sui pre-  
 ciosissimi effusione mundaret ab om-  
 ni flagitiorum impuritate.

## PARAPHRASIS.

### CAP. VI.

1. *Adjuvantes autem* 1.  
*exhortamur, ne in vacu-*  
*am gratiam Dei recipia-*  
*tis.*

**Q**Uandoquidem gratia, quam  
 DEUS vobis exhibet, exce-  
 dit omne pretium, nos qui eam vo-  
 bis annuntiamus, & ad vestram san-  
 ctificationem omnem operam con-  
 ferimus tanquam ipsius Christi ad-  
 ministri, hortamur vos, & quantâ  
 possumus contentione obsecramus,  
 ne

ne absque ullo fructu & planè frustra illam recipiatis, sed cœlesti vocationi vitæ à pristinis vitiis revocatæ sanctimoniâ respondeatis ad obtemperandum Deo, 2. qui per prophetam suum denuntiat: tempore opportuno & gratuitæ benevolentiae exaudi vi te, tibi quæ opitulatus sum in die salutis. Ecce nunc tempus valde acceptum, ecce nunc dies comparandæ saluti destinatus, quem ne utiquam oportet transmittere perperam & absque fructu. 3. Nos sanè, quibus incumbit tempus hoc adeò auspicatum vobis manifestare, id omni studiò atque solertiâ præstamus. Non contenti vivere absque omni offendiculo, ejus quoque suspensionem atque umbram fugimus nemini anam præbentes seu verbo, seu opere ur̃t. de se indifferenti scandalum accipiendi, vel ministerium nostrum sugillandi, cumque sciamus Deum cor requirere, non labia, veritatem, non fucum, solidam veramque pietatem profitemur, 4. nostrasque actiones morésque ita componimus, ut

*2. Ait enim: tempore accepto exaudi vi te, & in die salutis adjuvi te. Ecce nunc tempus acceptabile ecce nunc dies salutis.*

*3. Nemini dantes ullam offensionem, ut non vituperetur ministerium nostrum:*

*4. Sed in omnibus exhibeamus nos metipso sicut Dei ministros, in multâ patientiâ, in tribulationibus, in necessitatibus, in angustiis.* Bbb 2

Nun-

5. *In plagis, in carceribus, in seditionibus, in laboribus, in vigiliis, in jejuniis.*

6. *In castitate, in scientiâ, in longanimitate, in suavitate in Spiritu sancto, in charitate non fictâ,*

7. *In verbo veritatis, in virtute Dei, per arma justitiæ à dextris, & à sinistris;*

Nunquam animò deficiamus, utcunque adversa ingruant, summam egestatem, & rerum angustias æquo animò ferimus, 5. uti & plagas corporis, & carcerum incommoda, & discrimina seditionis popularis, quam divini verbi prædicatio contra nos suscitât. Laboramus indefessi, vigiliis maceramus, inediâ denique ac jejuniis pene conficimur. 6. Ex oculis, gestibus, & quacunque actione nostrâ verecundia promicat, nihil inordinatum & à rectâ ratione alienum mentem sollicitat, & turbidam reddit, scientiam sanctorum possidemus, non illam inane ac grandi fastu turgidam, animi lenitatem retinemus, faciles, benigni, placabiles etiam inter offensas, & contumelias: Spiritus sanctus actiones nostras animare ac regere videtur: si quæ peculiaria dona nobis largitus est, minimè iis abutimur, aut intolerantes effërimur. Charitatem minimè tucatam erga omnes ostendimus.

7. Ita denique in sincerâ Evangelii prædicatione verlamur, ut ejus puritatem conceptuum subtilitate aut eloquentiæ calamiſtris neutiquam detestamur. Deus quoque præpo-

tens

tens suo auxiliò in fructus uberrimos illud promovet, nost.ámque fragilitatem ita corroborat, ut nullius adversarii machinas virésque reformidemus. Arma justitiæ in omnem partem vertimus, sive prospera affluant, sive adversa premant, nec istis ullatenus fracti, nec illis arroganter elati. 8. Nec laudes hominum, nec convicia attendimus, nec secundam nec sinistram famam, sed his insuper habitis fideles nos veritatis præcones ac Dei Ministros præstamus: officiò nostro fungimur impigrè ex divino beneplacito sive pro sycoplantis habeamur, sive pro hominibus frugi, sive despiciamur, sive honoremur. 9. Penè inter mortuos numeramur, cùm tamen adhuc spiremus, castigamur nec tamen occidimur, sed potiùs in timore & amore Dei stabilimur, qui nos paternâ manu corripit. 10. Videmur vobis quasi doloribus & mæstitiâ oppressi, sed incredibile gaudiò perfrui-mur, utrù pauperes aliis tamen liberali opem ferimus ex eleemosynis undique collectis. Nihil possidenus, & omnibùs affluimus. Cùm enim terrenis facultatibus m. ns nostra non inhiet, vestrà autem piâ solici-

8. *Per gloriam & ignobilitatem; per infamiam & bonam famam, ut seductores & veraces, sicut qui ignoti & cogniti.*

9. *Quasi morientes & ecce vivimus; ut castigati, & non mortificati:*

10. *Quasi tristes, semper autem gaudentes: sicut egentes, multos autem locupletantes: tanquam nihil habentes & omnia possidentes.*



11. *Os nostrum patet  
ad vos, ô Corinthii, cor  
nostrum dilatatum est.*

12. *Non angustiami-  
ni in nobis: angustiamini  
autem in visceribus ve-  
stris:*

13. *Eandem autem  
habentes remuneratio-  
nem: tanquam filiis dico,  
dilatamini & vos.*

licitudine ac munificentia abunde nobis provisum sit, nunquid non divites nos prædicare possumus? 11. Apertè vobis, ô Corinthii, locus ium hætenus, nullaque sum usus vel obscuritate vel ambiguitate verborum singulari cum testimonio meæ in vos vehementissimæ benevolentia & charitatis perinde quasi cor meum gestiam in sinum vestrum effundere. 12. Vos sanè in animo meo quasi domicilio versamini, eoque minimè angusto, totum enim vobis animum patefeci meum, atque adeò ad vos recipiendos intra viscera veluti dilatavi, at vos, si mihi dicendum est quod sentio, ita angusti pectoris mihi esse videmini, ut illud mihi propè oclusum sit, quod tamen mihi oportuerat vel maximè patere, ac vicissim me recipere, ut par pari referretis. 13. Equidem cum vobis parentis locò sim, jure mihi postulare videor, à vobis filiis, ut ipsi quoque animi vestri spatia laxetis, mihi amplos charitatis sinus referetis amore me reciproco completendo, quod vobis utique haudquaquam difficile & molestum accidere potest. Vestra potius res agitur, quàm mea, si filialem à vobis amo-  
rem

rem exigo, ut reciprocam compensationem. Si enim me diligitis, facilis dictis meis assensum præstabitis, & admonenti promptius morem geritis. Habeo rem magni momenti vobis hac ipsa occasione proponendam & magnopere commendandam. 14. Nolite obsecro cum infidelibus ullum commercium habere, fugite eorum consortia, quæ vobis non nisi triste exitium asferre possunt, conjugia præsertim nulla cum ipsis contrahite. Non absque gravi ratione id à vobis postulo. Quid enim justitiæ cum injustitiâ, quid luci cum tenebris? 15. Quæ consensio Christo cum Belial, aut quæ societas inter veri Numinis & idolorum cultorem? 16. Quid denique Dei templo convenit cum simulacris? Condicio vestra fratres mei longè præstantior est, quàm fortassis vobis appareat. Templum enim estis viventis Dei, & de vobis loquitur, cum ait: sedem meam in medio eorum collocabo, ambulabo inter eos, ero ipsorum Deus, & ipsi populus meus Levit. 16. 17. Exite ergo de medio illorum, & ab eorum convictu congressûque separemini, gentem hanc impuram ac for-

14. *Nolite jugum ducere cum infidelibus. Quæ enim participatio justitiæ cum iniquitate? Aut quæ societas luci ad tenebras?*

15. *Quæ autem consensio Christi ad Belial? Aut quæ pars fidei cum infideli?*

16. *Qui autem consensus templo Dei cum idolis? Vos enim estis templum Dei vivi, sicut dicit Deus: quoniam inhabitabo in illis, & inambulabo inter eos, & ero illorum Deus, & ipsi erunt mihi populus.*

17. *Propter quod exite de medio eorum, & separemini, dicit Domi-*

for-

nus, & immundum ne tetigeritis : sordidam nolite attingere. Felices profectò si id feceritis, ego enim ex-

18. Et ego recipiam vos : & ero vobis in patrem, & vos mihi in filios, & filias, ut apud Jeremiam loquitur Dominus omnipotens.

## PARAPHRASIS

### CAP. VII.

1. *Has ergò habentes promissiones, charissimi, munde-  
mus nos ab omni inquinamento carnis, & spiritus, perficientes sanctificationem in timore Dei.*

I. PROMISSA hæc tanti momenti sunt, hominésque ad tam sublimis dignitatis fastigium sustollunt, ut ardua quæque superare debeant, quò se dignos reddant eorum affectione. Quamobrem, fratres mei dilectissimi, in eum finem corpora nostra mentéque præparemus procurando perfectissimam mundiciem, omnemque lapidem moveamus ad consequendam sanctitatem morum adminiculò religiosi timoris Dei tanquam viâ brevissimâ simul atque securissimâ. Postquam de negotio salutis vestræ egimus, æqui bonique consulite, ut aliquid etiam in meum so-

solatium proferam. Aperite mihi sinum cordis vestri tamdiu mihi occlusi, ut in eo requiescam, quemadmodum in meo vos arctè conclusos teneo. Si vestram non merui benevolentiam, ac certè nullius me offensionis reum comperio, quâ vestrum in me odium atque indignationem commeritus sim.

2. Nemo est, qui jure conqueri possit, se nostrâ agendi ratione aut offensum, aut pollicitationibûs circumventum, aut pravis exemplis in transversum actum.

3. Atque hoc nequaquam vobis objecerim, quasi ingrati animi notam exprobrare velim, aut vos exasperare, mea enim in vos propensio ne minimam quidem hujus rei cogitationem admittit. Jam vobis non irapridem significavi, vos esse in corde nostro ita penitus infixos, ut inde neque rebus secundis, neque adversis, ne ipsâ quidem morte avelli possitis.

4. Non solum participem me reddo prosperitatis vestræ, & incredibili exinde perfundor solatiô, sed in partem quoque venio omnium calamitatum, quæ vobis accidere valent, unde tantâ vobiscum confidentiâ ago, cum persuasum habeam, eam vobis minimè improbandam.

2. *Capite nos. Neminem laesimus, neminem corrupimus, neminem circumvenimus.*

3. *Non ad condemnationem vestram dico. Prædiximus enim, quòd in cordibus nostris estis ad commoriendum, & ad convivendum.*

4. *Multa mihi fiducia est apud vos, multa mihi gloriatio pro vobis, rep'e'us sum consolatione, superabundo gaudio in omni tribulatione nostrâ.*

Ec-

Ccc

5. *Nam & cū venissemus in Macedoniam, nullam requiem habuit caro nostra, sed omnem tribulationem passi sumus: foris pugna, intus timores.*

6. *Sed qui consolatur humiles, consolatus est nos Deus in adventu Titi.*

7. *Non solum autem in adventu ejus, sed etiam in consolatione, quā consolatus est in vobis, referens nobis vestrum*

Eccur enim eos laderem, de quibus inter alias gentes gloriari possum, & liquidissimum solatium capere in ipsis mediis ærumnis, quibus undique premor. Sanctè testor, quamvis Ecclesiæ vestræ scandala non parùm me affligerint, longè majorem tamen me concepisse lætitiā ex vestrā emendatione. 5. Et sanè peropportunè tum temporis de eā sūm certior redditus, cū eo solatio vel maximè indigebam; premebar enim gravissimis in Macedoniā persecutionibus, quæ omnem captum superant, neque ullam mihi respirandi facultatem relinquebant. Foris instabant crebris insultibus Evangelicæ legis hostes insensissimi, intus verò multorum fidelium imbecillitas, de quorum scilicet perseverantiā non eram securus, perpetuo quodam metu ac sollicitudine animum discruciat. 6. At verò qui reficit ac recreat dejectos & prostratos, consolatus est nos in eo rerum articulo adventu Titi, cujus aspectu omnis maror illico absterfus est. 7. Tametsi verò ejus præsentia mihi esset longè gratissima, majorem tamen lætitiā concepì ex ejus relatione de immutatione morum vestro-

strorum, de desiderio, quo flagitatus me videndi, de copioso fletu in de-  
testationem scelerum, de quibus vos argueram, de ardenti studio, ze-  
lôque quem erga me ostenditis, adeo ut incredibili pene gaudiô sim  
exhilaratus.

8. Profectò tamen si epistola mea vos in moerorem conjecerit, non me  
idcirco poenitet, quòd eam exarave-  
rim, & licet hæc ipsa vestra moesti-  
tia utitur ad breve tempus durabilis  
mihi quoque permolesta accidisset, vos  
à quo tamen abstraxerim, 9. nunc  
tamen subsulto gaudiô quòd ea vos  
utrumque perculerit, & qualiscun-  
que mea severitas optatam denique  
vobis medelam attulerit. Gaudeo,  
inquam, non ex vestrà tristitiâ, sed ex  
poenitentiâ & emendatione inde se-  
cutâ, illa enim ex superno divini Nu-  
minis instinctu processit, atque adeo  
nullam vobis intulimus injuriam,  
sed ingenti beneficiô vos cumulavi-  
mus, nobisque hoc titulo arctius ob-  
strinximus. 10. Est quædam tri-  
stitia, quæ ex seriâ consideratione  
procedit bonitatis divinæ nostrâ in-  
gratitudine offensæ, & singularis ef-  
fectus est gratiæ, quæ salutari com-  
punctione cor nostrum afficit, ani-

*desiderium, vestrum fle-  
tum, vestram amulatio-  
nem pro me, ita ut magis  
gauderem.*

8. *Quoniam etsi con-  
tristavi vos in epistolâ,  
non me poenitet: etsi pœ-  
niteret, videns, quòd e-  
pistola illa (etsi ad horam)  
vos contristavit:*

9. *Nunc gaudeo: non  
quia contristati estis, sed  
quia contristati estis ad  
poenitentiam. Contristati  
enim estis secundum De-  
um, ut in nullo detrimen-  
tum patiamini ex nobis.*

10. *Qua enim secun-  
dum Deum tristitia est,  
poenitentiam in salutem  
stabilem operatur: saculi  
autem tristitia mortem  
operatur.*

mam

Ccc 2

11. *Ecce enim hoc ipsum, secundum Deum, contristari vos, quantum in vobis operatur sollicitudinem: sed defensionem, sed indignationem, sed timorem, sed desiderium, sed emulationem, sed vindictam. In omnibus exhibuistis vos, incontaminatos esse negotio*

nam nostram vivificat, simulque in virtutis semitâ corroborat. Est quædam etiam tristitia, quæ ex vaporibus atræ bilis, vel affectuum inordinatione, vel amore præsentis sæculi confurgit, quæ fastidium creat insipidum, & omnem virtutis cujuscunque vigorem ac spiritum eliminat ex animo illius, qui ab eâ roditur.

11. Utriusque discrimen in vobismetipsis faciliè deprehenditis. Quamprimum enim priori illi locum dedistis, ecce quanta vos illico sollicitudo incessest salutis vestræ in tuto collocandæ? quàm strenuè partes meas vobis defendendas susceperitis, quàm justâ indignatione exarseritis contra prævaricatorem illum à me castigatum, quanto timore judiciorum Dei correpti fueritis, quo desiderio studiòque me videnti flagraveritis, quàm piâ emulatione pro me invicem certaveritis, quòdque rei caput est, quàm acri ultione expiaveritis flagitium excreandum inter vos gliscens, primam socordiam sanctâ quadam severitate reparando, atque ita contestando, vos nullâ ex parte complices aut reos fuisse criminis & scandali à me reprehensi? 12. Quando ad vos pau-

12. *Igitur, etsi scripsi*

pau.

paulò acriùs scripsi, non tam id feci ratione filii, qui injuriam intulerat vel patris causà qui injurià affectus erat, quàm ad avertendà pravi exempli contagionem, ne in alios serperet, utque apertè demonstrarem studium illud meum erga vos vestramque salutem minimè fucatum, sed planè ejusmodi, ut minimè dubitem, Dei quoque, quem in testem invoco, judicio, ac sententià probatum iri. 13. Quapropter mirificè recreor, mihique gratulor, quòd in eà re meo perfunctus sim officio, gaudèoque magnopere, meos conatus tam felicem sortitos exitum: majori tamen lætitià, solidiorique gaudiò perfundor id mente revolvens, quòd ab ipso Tito cognovi, quantam videlicet ille animò cepit voluptatem ex vestrà consuetudine, ac sermone; probè enim intelligo, si eum inquinata Ecclesiæ vestræ facies afflixit non leviter, emendatione infecutà plurimùm quoque recreatum fuisse. 14. Illud quoque mihi solatiò est vel maxime, quòd ex ejus agendi ratione deprehendere potueritis, quæ de illo vobis asseveravi, ab omni adulationis fuco procul fuisse, quòdque ipse

*vobis, non propter eum, qui fecit injuriam, nec propter eum, qui passus est, sed ad manifestandam sollicitudinem nostram, quam habemus pro vobis*

13. *Coram Deo: ideo consolati sumus. In consolatione autem nostrà abundantius magis gavisi sumus super gaudio Titi, quia resectus est spiritus ejus ab omnibus vobis.*

14. *Et si quid apud illum de vobis gloriatus sum, non sum confusus; sed sicut omnia vobis in veritate locuti sumus, ita & gloriatio nostra, qua*



fuit ad Titum, veritas facta est,

15. Et viscera ejus abundantius in vobis sunt: reminiscens omnium vestrum obedientiam: quomodo cum timore, & tremore exceperitis illum.

16. Gaudeo, quòd in omnibus confido in vobis.

vicissim agnoverit, ea quæ de vobis magnificè commemoravi, veritati planè fuisse consentanea. 15. Id longè certissimum, vos ab eo ardentè diligi, semperque ejus animo infixam hæsuram memoriam ejus obedientiæ ac promptitudinis, quam palam ad omnem nutum ostendistis, nec non charitatis ac venerationis quâ illum certatim complexi estis. 16. Me quod attinet, magnopere lætor, inde me certum reddi de vestrà in me observantiâ, adeò, ut si nonnihil in vos asperius insurrexero, minimè id ægrè laturo sitis, siquæ de vestro zelo ac probitate insigni ampliore confidentiam habuerim, eam magis magisque confirmandam vitæ sanctioris conformitate,

## PARAPHRASIS

### CAP. VIII.

1. Notam autem facimus vobis, fratres, gratiam, Dei quæ data est in Ecclesiis Macedonia:

1. Q uemadmodum silentiò præterire non possum, quæ perperam fiunt, ita nec illa, quæ commendationem merentur. Itaque obstri-

obstrictum me sentio ad manifestandos vobis admirandos effectus divinæ gratiæ, quos contemplari licuit in omnibus Ecclesiis Macedoniæ. 2. Persecutio, quæ pro lapide lydio Christianæ Religionis habetur, non modò fidelium constantiam minimè laefactavit, sed potiùs crescentibus indes ærumnis eorum lætitiā & alacritatem mirum in modum auxit. Sibi duri, erga alios commiseratione & charitate pleni. Extrema eorum inopia (oportet enim virtuti hoc testimonium reddere) non obstitit, quin modicum illud, quod ipsis supererat, in alios tantā promptitudine & hilaritate effunderent, ut multis opibùs atque divitiis affluere videri possent. Admirationem certè omnem superat ingens illa animi confidentia, quā Deo propitio sibi nihil unquam defuturum sperabant. 3. Itaque elemosynas suas non secundum quantitatem facultatum suarum, sed juxta magnitudinem ardentis zeli pro viribùs, quin etiam supra vires erogarunt, nullis ad hoc stimulis vel calcaribùs compulsi. 4. Sponte enim tuā me multis cum lachrymis rogarunt & obtestati sunt, ne dedignarer accipere, quæ,

2. *Quòd in multo experimento tribulationis abundantia gaudii ipsorum fuit: & altissima paupertas eorum, abundavit in divitiis simplicitatis eorum:*

3. *Quia secundum virtutem testimonium illis reddo, & supra virtutem voluntarii fuerunt,*

4. *Cum multā exhortatione obsecrantes nos gratiam, & communica-*

*tionem ministerii, quod fit in sanctos.*

5. *Et non sicut speravimus, sed semetipsos dederunt primam Domino, deinde nobis per voluntatem Dei;*

6. *Ita ut rogaremus Titum, ut quemadmodum capit, ita & perficiat in vobis etiam gratiam istam.*

7. *Sed sicut in omnibus abundatis fide, & sermone, & scientiâ, & omni sollicitudine, insuper & charitate vestram nos, ut & in hac gratiâ abundetis.*

8. *Non quasi imperans dico: sed per aliorum sollicitudinem, etiam vestra*

quæ offerebant, redderemque eos participes amplissimi meriti in eos redundantis, qui fidelibus inopiâ pressis subveniunt, ut adeo largiendo non tam tribuere, quam accipere beneficium viderentur. 5. Fateor eos longè superâsse expectationem & spem meam se suâque primùm quidem Domino dedendo, deinde ejus quoque, ut interpretor, impulsu, meæ quoque directioni se ex integro subjiendo, probè gnaros, per hanc submissionem præstare se gratum Deo obsequium. 6. Hac lætitiâ plenus, quam conceperam ex tot rebus per ipsos præclare gestis, recordatus sum vestri, dilectissimi fratres, statimque eo vota mea direxi, ut illorum vestigiis insisteretis. Quare eo ipso articulo Titum rogavi, ut propositum ad vos invisendi statim exequeretur, 7. quò nimirum, uti excellitis in fide, in eloquentiâ, in notitiâ rerum divinarum, in sollicitudine ac diligentia circa proximum, in eximiâ, quâ me completimini charitate, in hac quoque virtute beneficentiæ, quam ipse mecum experimento proprio perspexerat, præcelleretis. 8. Si hac loquendi formulâ uror, non equidem id eâ mente facio, ut vobis leges dictem im-

imperantis in morem, sed consilium tantummodo suggero. Charitas vestra mihi satis superque perspecta est, neque aliud intendo hoc vobis exemplum liberalitatis proponendo, quàm ut vobis ansam præbeam, ex parte vestrà & illam palam faciendi pari promptitudine atque alacritate, quâ præfati Macedones sanctorum inopiam sublevando. 9. Si eorum exemplum vobis pro æmulatione minùs arridet, conijcite, amabo, oculos in Christum Jesum Dei Patris unigenitum. Possidebat ille omnes divitias gloriæ tanquam imago Patris, & figura substantiæ ejus, nihilominus maluit se illis exuere, naturæque imbecillis vestimentò indui factus indigens, ut nos locupletaret. Incomparabili hoc favore præstito eritne adhuc mortalium quispiam adeo ingratus, & malefānus, ut partem facultatum temporalium sibi neutiquam ex titulo rigoroso debitarum, sed gratuità Dei beneficentiā acceptarum iis denegeret, qui vel maximè indigent, tamen si forsitan quis exinde ad angustiorē fortunam redigendus esset. Si enim Christus id fecit, ut suā nos paupertate ditaret, quantò id magis nobis

*charitatis ingenium bonum comprobans.*

*9. Scitis enim gratiam Domini nostri Jesu Christi, quoniam propter vos egenus factus est, cum esset dives, ut illius inopiā vos divites essetis.*

10. *Et consilium in hoc do: hoc enim vobis utile est, qui non solum facere, sed & velle capistis ab anno priore:*

11. *Nunc verò & factis perficite: ut quemadmodum promptus est animus voluntatis, ita sit & perficiendi ex eo, quod habetis.*

12. *Si enim voluntas prompta est: secundum id, quod habet, accepta est,*

nobis faciendum est, quibus hæc ipsa mendicitas nostra uberem parit fructum coelestium nimirum divitiarum, qualis est divinarum rerum ac mysteriorum sublimior cognitio, expiatio peccatorum, justitia, sanctitas, & id genus alia penè sexcenta, quæ nobis largitus est Servator optimus, & quotidie fidelibus largitur. 10. Mihi pro minimo est, ut me habeatis pro molesto & importuno sollicitatore, nunquam tamen desistam ab hoc consilio vobis adeo utili, utque vos etiam atque etiam exhorter, eosdem vos modò præstare velitis, quales fuistis jam anno superiore, quo liberalem stipem ultrò, & impulsu proprio, & magnâ cum animi voluptate contulistis.

11. Nunc ergò huic eximio operi coronidem hodie imponite, & quod aliquando generosâ mente inchoastis, etiam me auctore perficite, & sicut affluit prompta atque ârdens voluntas, sic date operam, ut, quantum vires ferunt, voluntati opus respondeat: verbò, quod vobis superest, id alacriter, sponte, & solâ Deo placendi intentione erogate. 12. Pretium is largitionis nostræ ex puro offerentis zelo metitur, Mirus re-

rectè de ejus bonitate sentimus, si *e- non secundum id, quod*  
xistimamus, eum à nobis postulare, *non habet.*

quod in potestate nostrâ non est, vel  
nostra munera tanquam exigua mi-  
nùs ab eo probari vel compensari.

13. Quare non à vobis plus exigo,  
quàm quod absque magno incom-  
modo ac damno vestro præstare va-  
letis, neque id postulo, ut egeatis in-  
terim, dum alii ex vestrâ liberalitate  
commodè vivunt, sed ut pari con-  
ditione, & operâ ut ita dicam, reci-  
procâ, ultrò citròque beneficentia  
exerceatur.

14. Ut quemadmo-  
dum nunc vos, qui abundatis, è ve-  
stro largimini, sic si res postulet, alii  
vicissim vobis egentibus de suo lar-  
giantur, ut inter omnes æqualitas  
constituatur, quam sacri Codices  
summoperè commendant.

15. Quando enim commemorant prodi-  
gium illud notissimum, quod Deus  
per singulos dies patrabat mittendo  
filiis Israhel manna de coelo, expressè  
dicit, eum, qui multum collegerat,  
non habuisse plus, quique modicum,  
non invenisse minus, unde facilè est  
colligere, fas nobis non esse, ut com-  
mensuremus desideria nostra avari-  
tiæ potius vel ambitioni, quàm pre-  
cisè necessitati nostræ.

16. Gra-  
tias

13. *Non enim ut a-  
liis sit remissio, vobis au-  
tem tribulatio, sed ex æ-  
qualitate.*

14. *In presenti tem-  
pore vestra abundantia  
illorum inopiam suppleat:  
ut & illorum abundan-  
tia vestra inopia sit sup-  
plementum, ut fiat equali-  
tas, sicut scriptum est.*

15. *Qui multum, non  
abundavit: & qui modi-  
cum, non minoravit:*

16. *Gratias autem*

Ddd 2

*Deo, qui dedit eandem sollicitudinem pro vobis in corde Titi,*

17. *Quoniam exhortationem quidem suscepit: sed cum sollicitior esset, suâ voluntate profectus est ad vos.*

18. *Misimus etiam cum illo fratrem, cujus laus est in Evangelio per omnes Ecclesias:*

19. *Non solum autem, sed & ordinatus est ab Ecclesiis comes peregrinationis nostræ in hanc gratiam, qua ministratur à nobis ad Domini gloriam, & destinatum voluntatem nostram:*

20. *Devitantes hoc, ne quis nos vituperet in hac plenitudine, qua ministratur à nobis.*

tias autem immortalis Deo habeo maximas, qui singulari quadam diviniâque providentiâ idem omnino studium ac sollicitudinem pro vobis in animum Titi immisit. 17. Hortatus sum illum, ut ad vos inviseret, sed facile id persuasi viro tantoperè vestri studio, quin imò præter expectationem meam majori studiò ac diligentia usus ultrò & sponte suâ profectus est ad vos. 18. Misimus autem unâ cum illo Barnabam fratrem nostrum, cujus Evangelica prædicatio, docendique ratio in omnibus Ecclesiis miris laudibus celebratur, 19. quique præterea ab Ecclesiis manuum impositione additus est nobis in comitem peregrinationis nostræ, & collectorem subsidiorum ad egentium atque inopum calamitatem sublevandam, cui rei libentissimè me impendo, cum id cedat in gloriam Dei ter Optimi Maximi, vestramque simul in sanctos beneficentiam luculenter declarandam. 20. In hunc finem dedimus operam, ut ii, qui nobis in hoc charitatis obsequio assisterent, viri essent ea vitæ integritate præditi, quæ omnem ab iis suspensionem submoveret minus rectæ administrationis,

ut

ut videlicet quasi scopulum vitæ e-  
mus aliorum reprehensionem, qui  
nos aliquo modo accusare aut car-  
pere possent, quasi ex tam copiosâ  
Ecclesiarum munificentia aliquid ad  
nostra commoda averteremus. 21.  
Non enim nobis satis est, nullius no-  
xæ coram Deo esse conscius, sed eo  
quoque, quantum possumus, colli-  
mamus, ut & integritas & probitas  
nostra hominibus perspecta & pro-  
bata sit. 22. Adjunximus & illis  
Apollo fratrem meum, cujus fide-  
litas explorata est nobis, ejus porro  
diligentia in obsequium vestrum  
tantò illustriùs emicabit, quò mayo-  
rem nunc confidentiam habet, suam  
inter vos operam non malè collocan-  
dam, cum tam multa illi de vestrà  
benignitate pollicitus fuerim. Am-  
bos vobis impensissimè commenda-  
mus, tanquam dignissimos, quos a-  
more & honore prosequamini. 23.  
Titus porro est fidelis meus socius  
& adjutor in dirigendis conscientis  
vestris: reliqui fratres, qui eum com-  
mitantur, sunt legati & episcopi Ec-  
clesiarum, & sanè ejusmodi, ut  
Christi gloria per illos illustretur.  
24. Si ergò me sincerè diligitis, &  
desideratis omnibus innotescere, me  
non

21. *Providemus e-  
nim bona non solum co-  
ram Deo, sed etiam co-  
ram hominibus.*

22. *Misimus autem  
cum illis & fratrem no-  
strum, quem probavimus  
in multis sepe sollicitum  
esse: nunc autem multò  
sollicitiorem, confidentia  
multa in vos,*

23. *Sive pro Tito,  
qui est socius meus, & in  
vos adjutor, sive fratres  
nostri, Apostoli Ecclesia-  
rum, gloria Christi.*

24. *Ostensionem ergò,  
quæ est charitatis vestra,*  
Ddd 3.



*& nostra gloria pro vobis, in illos ostendite in faciem Ecclesiarum.*

non frustra gloriatum esse de vestra benevolentia atque observantia, palam id facite benigna & amica exceptione illorum: non potestis hujus rei luculentiora mihi dare argumenta in facie & quasi conspectu Ecclesiarum, quæ sibi attribuent omnem honorem atque benevolentiam delegatis hisce exhibitam.

## PARAPHRASIS

### CAP. IX.

1. *Nam de ministro, quod sit in sanctos, ex abundanti est mihi scribere vobis.*

1. **N**on amplius id urgeo, ut pecuniam corrogetis, ad inopiam sanctorum, qui sunt in Jerusalem, sublevandam, id enim supervacaneum existimo, probe gnarus, quam benevolo eos affectu completamini, neque de hoc dubito. 2. Novi enim animi vestri alacritatem, quam ego apud Macedones assidue jactare soleo, idertidem iis inculcans collectas in Achaja eleemosynas jam ab anno superiore præsto esse, quod complures eorum pia æmulatione accendit, & imitandi atque adeo etiam

2. *Scio enim promptum animum vestrum: pro quo de vobis glorior apud Macedones: quoniam & Achaja parata est ab anno præterito, & vestra æmulatione provocavit plurimos.*

am superandi studium excitavit. 3. Misi autem vobis tres ex sociis meis, quos paulò ante indicavi, ut, quod de vobis commemoravi, ita omnino se habere comperiam, cùm adven-  
 ro. 4. Et ne quâ ratione, si fortè mecum venerint Macedones, & necdum collectam stipem offenderint, nos suffundamur rubore, ne de vobis quidquam dicam, idque ob præfidentem istam nostram de vobis gloriationem. 5. Quoniam verò parum est donâsse, nisi id fiat a nimò hilari atque generoso, id mihi incumbere censui, ut illos ad vos mitterem, quò adventum nostrum prævertereint, & parata jam omnia invenirem, ne videlicet eleemosynæ vobis quodammodo extortæ viderentur, & quod munificentia vestra argumentum esse deberet, in testimonium potius publicum cederet avaritiæ sordidæ Attendite, ne tam pretiosam occasionem bene merendi præterlabi sinatis. Si pauperi succurritis, dum in calamitatem incidit, semen in ejus sinum projicitis, quod minimè infœcundum ac sterile manebit. 6. Quemadmodum autem agricola, qui parcè seminat, parum & metit, ita qui modicum

3. *Misi autem fratres: ut, ne quod gloriamur de vobis, evacuetur in hac parte: ut (quemadmodum dixi) parati sitis:*  
 4. *Ne cùm venerint Macedones mecum, & invenerint vos imparatos, erubescamus nos (ut non dicamus vos) in hac substantiâ.*

5. *Necessarium ergo existimavi rogare fratres, ut perveniant ad vos, ut præparent repositam benedictionem hanc paratam esse, sic quasi benedictionem, non tanquam avaritiam.*

6. *Hoc autem dico: qui parcè seminat, parcè & metet; & qui seminat*

cum

in benedictionibus, debemus  
in benedictionibus & meritis.

7. Unusquisque pro-  
ut destinavit in corde  
suo, non ex tristitia, aut ex  
necessitate: hilarem enim  
datorem diligit Deus.

8. Potens est autem  
Deus omnem gratiam a-  
bundare facere in vobis:  
ut in omnibus semper om-  
nem sufficientiam habentes,  
abundetis in omne o-  
pus bonum.

9. Sicut scriptum est:  
dispersit, dedit pauperibus:  
justitia ejus manet in saeculum saeculi.

10. Qui autem administrat  
semen seminanti, &  
panem ad manducandum  
præstabit, & multiplicabit  
semen vestrum, &  
augebit incrementa frugum  
justitiae vestrae:

cum tribuit, exiguum quoque largitionis suae fructum referet, qui autem latus erogat, pariter latus remunerationem accipiet. 7. Utcumque sit, date, quod vobis placuerit, tametsi per modicum sit, præstate id libenter, hilariter, & absque acceptione personarum, hilarem enim atque alacrem largitorem diligit Deus, neque attendit ad rei oblatæ pretium, sed ad promptam bonamque voluntatem offerentium.

8. Minus rectè de ejus providentiâ ac bonitate sentitis, si metuitis, ne aliis subveniendo ad incitas redigamini. Justus est, atque omnipotens. Itaque pro certo habetote, nunquam permitturum, ut necessaria ad vitæ sustentationem vobis desint, & donis vos insuper supernaturalibus cumulaturum, ut abundetis meritis divitiisque spiritualibus, 9. secundum illud Davidis oraculum: distribuit, deditque pauperibus, beneficentia ejus in omne ævum permanebit.

10. Ita est, fratres mei. Deus, qui semina seminanti abundè suppeditat, providebit & vobis copiosè de alimentis, neque contentus amplificasse rem vestram œconomicam crescere vos faciet & ascendere ab unâ vir-

virtute ad aliam, 11. ut cum videritis, quo fœnore vestras compenſet eleemoſynas, facultates veſtras in ejuſmodi opera erogetis, unde longè maxima in vos gloria, & benedictio redundat. 12. Profectò non tantum fidelibus egentibus proſpicit de neceſſariis, ſed etiam materiam præbet ampliſſimam identidem gratias reddendi bonorum omnium largitori, in cujus nimirum gloriam vel maximè cedunt hæc ipſa obloquentis Evangelio mentis, & promptæ, effuſæque in alios beneficentiæ indicia, quam & illis, & aliis inopiâ preſſis exhibetis. 14. Aſſiduè ipſi pro vobis deprecantur divinum Numen, & unicè in votis habent, eorum præſentiâ atque conſpectu frui, quibus Deus tam eximia charismata largitur. 15. Nolite propterea animò efferri, vobis que jaſtantius plaudere, ſed memores officii veſtri gratias Deo omnium parenti reſerte ampliſſimas, qui vobis & piam mentem indidit ad opus tanti apud eum meriti, & vires ſuppeditavit id exequendi, totque aliis præſtantibus donis vos condecorat, quæ nullius dicendi vi, atque facultate explicari valent.

11. *Ut in omnibus locupletati abundetis in omnem ſimplicitatem, qua operatur per nos gratiarum actionem Deo.*

12. *Quoniam miniſterium huius officii, non ſolum ſupplet ea, qua deſunt ſanctis, ſed etiam abundat per multas gratiarum actiones in Domino,*

13. *Per probationem miniſterii huius, glorificantes Deum in obedientiâ confeſſionis veſtræ, in Evangelium Chriſti, & ſimplicitate communicationis in illos, & in omnes,*

14. *Et in ipſorum obſervatione pro vobis, deſiderantium vos propter eminentem gratiam Dei in vobis,*

15. *Gratias Deo ſuper inenarrabili dono ejus.*

## PARAPHRASIS

## CAP. X.

1. *Ipse autem ego Paulus obsecro vos, per mansuetudinem & modestiam Christi, qui in facie quidem humilis sum inter vos, absens autem confido in vobis.*

2. *Rogo autem vos, ne praesens audeam per eam confidentiam, quam existimor audere in quosdam, qui arbitrantur nos tanquam secundum carnem ambulemus.*

3. *In carne enim ambulantes, non secundum carnem militamus.*

1. **H**Æc vos admonere volui de necessitate, utilitate, & remuneratione eleemosynæ, nec non de modo eam præstandi. Nunc ad alia progredior, & utrum coram vobis abjectus videar & contemptibilis, absens verò paulò confidentior, enixè vos obtestor per mansuetudinem & lenitatem Servatoris nostri, ut omni studiò in reformationem morum vestrorum incumbatis. 2. Obtestor vos, inquam, ne admonitio nostra effectu careat, nève compellar, cum ad vos venero, eà autoritate ac potestate reipsà uti, quam aliquorum judiciò admodum imperiosè in absentes exero, quasi humanis potius rationibus ducerer, quam spiritu Dei. 3. Reverà, quamvis cæterorum similes homines simus, & corporis hanc molem, ut cæteri, circumferamus, non humana tamen consilia sequimur, neque humana præ-

præfidiis aut armis bellum gerimus, quando adversus fœdos gentilium errores, & abominanda flagitia insurgimus. 4. Tametsi autem arma militiæ nostræ videantur admodum infirma, & invalida, Deus tamen eorum ministeriô mira potentæ suæ prodigia facit. His enim instructi omnem vim & apparatus prudentiæ humanæ inanem & irritum reddimus, ejusque machinas è fundamentis subvertimus. 5. Argutas ratiocinationes, quæ religioni nostræ opponuntur, eludimus, terrenæ sapientiæ fastum deprimimus, quando in sublime extollitur adversus supernam illam veri Dei scientiam, obstinatissimas denique mentes debellamus, Christi quæ jugo ac obedientiæ captivas subjicimus. 6. Præter istos præclaros effectus vim quoque atque potestatem paratam habemus ulciscendæ eorum contumaciæ, qui saniora consilia admittere respuunt: quòd si tam justam animadversionem rantisper differimus, id eam ob causam agimus, ut interea ab illâ rebellium facie vos segregetis, atque ita imminuto fontium numerô rigor disciplinæ Ecclesiasticæ majori cum energiâ, fru-

4. *Nam arma militiæ nostræ non carnalia sunt, sed potentia Deo ad destructionem munitiorum, consilia destruentes.*

5. *Et omnem altitudinem extollentem se adversus scientiam Dei, & in captivitatem redigentes omnem intellectum in obsequium Christi.*

6. *Et in promptu habentes ulcisci omnem inobedientiam, cum impleta fuerit vestra obedientia.*

Ecc 2

7. *Qua secundum faciem sunt, videte. Si quis confidit sibi, Christi se esse hoccogitet iterum a se: quia sicut ipse Christi est, ita & nos.* Attēque ampliori exerceri valeat 7. Attendite, ne hallucinemini, in æstimatione, ne mandis hominibus externam duntaxat speciem ac veluti larvam intuendo, quæ ut plurimum fallit. Non indignè fero, ut qui gloriatur, se verum esse Christi Domini discipulum, ac sectatorem, in hac sententiâ & confidentiâ suæ probitatis persistat, sed & hic vicissim æquo animo perferat, nos hoc ipso caractere gloria-

8. *Nam etsi amplius aliquid gloriatus fuero de potestate nostrâ, quâ dedit nobis Dominus in ædificationem, & non in destructionem vestram: non erubescam.*

9. *Ut autem non existimer tanquam terrere vos per epistolas:*

10. *Quoniam quidem epistola, inquit, graves sunt & fortes: præsentia autem corporis infirma, & sermo contemptibilis:*

8. Non abs re id à vobis postulo. Si enim gloriari vellem de potestate, quam Dominus ad ædificationem, sinceræque pietatis in mentibus excitationem, non autem ad vestri aut cuiuspiam alterius perniciem singulari munere mihi contulit, possem id præstare luculentâ, & gravi oratione, quin veritati fucum facerem, vel exinde erubescendi discrimen mihi subeundum foret. 9. Id tamen minimè faciam, ne fortè existimetis, me ad vanum quendam terrorem vobis incutiendum ista scribere. 10. Neque enim sum nescius, quosdam obrectatores esse, qui dicant epistolas quidem meas graves esse, & vehementiori quodam spiritu turgidas, coràm iis verò me contremiscere, ad quos tam im-

perio-

periosè ſcribo, & externum corporis habitum infirmum eſſe, atque imbecilem, niſque magni promittere, & prædicationem tenuem, clumbem, omnique lepore ac gratiâ deſtitutam. 11. Nihil ad iſta reponam, niſi rogitare me, ſi falli aut fallere alios nolint, id ſibi certò perſuadeant, tales, cùm præſentes erimus, nos reipſâ futuros, quales in episto- lis, quas ſcribimus, aut videmur, aut ſumus, neque ab illis unquam meam vivendi & agendi rationem diſcrepaturam. 12. Per Dei gratiam non ſumus adeo habetes & inani gloriâ fascinati, ut eos æmulari velimus, qui ſeipſos vanâ præſidentiâ extollunt, talésque ſe eſſe exiſtimant, quales ab aliis haberi volunt. Aliam de nobis opinionem non habemus, quàm quod reipſâ ſumus, neque aliud de nobis prædicamus, quàm quod veritati planè conſentaneum eſt. 13. Non extollimus nosmetipſos in immenſum, & ſupra modum de laboribus in prædicando Evangelio exantlatis, ſed cohibemus nos intra præſcriptos limites, & ut ita dicam lineas divinæ gratiæ, quam Deus nobis impertitus eſt, quando eo volente atque disponen-

te

11. *Hoc cogitet, quæ  
ejusmodi eſt, quia quales  
ſumus verbò per episto-  
las abſentes, tales & præ-  
ſentes in factò.*

12. *Non enim aude-  
mus inferere, aut com-  
parare nos quibusdam,  
qui ſeipſos commendant:  
ſed ipſi in nobis nos-  
metipſos metientes, &  
comparantes nosmetip-  
ſos nobis.*

13. *Nos autem non  
in immenſum gloriabi-  
mur, ſed ſecundùm men-  
ſurâ regulæ, quàm enſus  
eſt nobis Deus menſuram  
pertingendi uſque ad vos.*

E c c 3



14. *Non enim quasi non pertingentes ad vos superextendimus nos; usque ad vos enim pervenimus in Evangelio Christi.*

15. *Non in immensum gloriantes in alienis laboribus: spem autem habentes crescentis fidei vestrae, in vobis magnificari secundum regulam nostram in abundantiam,*

16. *Etiam in illa, qua ultra vos sunt, evan-*

te ad vos pervenimus, & proximè venturi sumus. 14. Nemo profectò est, qui verè nobis objicere possit, nos mensuræ nostræ fines excedere, dum isthuc apud vos Apostolico munere fungimur, quasi ista Ecclesia non fuerit operâ nostrâ Christo aggregata. Re enim verâ nos vobis Christum ejusque fidem promulgavimus atque idcirco nihil nos alienum usurpamus, non alienos fines invadimus, cum æquitati planè contentaneum sit, ut quos ad Christi Ecclesiam traduximus, eorum etiam curam atque patrocinium suscipiamus, idque absque præjudicio honoris aliorum quoque laboribus debiti. 15. Quòd si aliquam gloriam & famam speramus, eam præstolamur ex amplificatione fidei & incremento probitatis vestræ, quâ nimirum futurum est, ut Evangelii prædicatio per nos protendatur etiam ad eos, qui ultra Corinthum sunt, intra fines tamen nostri apostolatûs, ne in alienam possessionem videamur irruere, nobisque arrogare, quæ ab aliis parata & perfecta jam sunt, quod pseudoapostoli faciunt. 16. Tametsi verò accincti jam stemus ad annuntiandum eandem

dem, quam ex me percepistis, veritatem aliis quoque nationibus, spemque firmissimam habeamus, conatus nostros per Dei gratiam minimè fore irritos, ad eas tamen tantummodo nos conferemus, quæ nondum de JESU Christo quidquam inaudierunt, neque ab ullo Apostolorum excultæ sunt, cùm ex alienâ semine messem colligere non sit animus.

17. Hinc ita concludo, eum, qui quapiam in se gloriatur, ad unius Dei laudem, non ad sua privata commoda referre debere, quidquid gratiæ divinitus accepit.

18. Neque enim qui seipsum commendat, continuò verâ ac solidâ laude dignus censendus est, sed is tantum, quem Deus immortalis, & commendat, & approbat, quippe qui nec fallere, nec falli possit,

*gelizare, non in alienâ regulâ iniis, quæ præparata sunt, gloriari,*

17. *Qui autem gloriatur, in Domino gloriatur.*

18. *Non enim, qui seipsum commendat, ille probatus est: sed quem Deus commendat.*



## PARAPHRASIS.

## CAP. XI.

1. *Utinam sustinere-  
tis modicum quid insipi-  
entia mea, sed & suppor-  
tate me :*

2. *Æmulor enim vos  
Dei amulatione. Despon-  
di enim vos uni viro vir-  
ginem castam exhibere  
Christo.*

**O**ptarem tamen, ut ad retun-  
dendam pseudoapostolo-  
rum arrogantiam aliquid mihi indul-  
geretis edicere in propriam com-  
mendationem, & hanc qualem-  
que insipientiam (quo enim alio no-  
mine propriarum laudum commem-  
orationem appellem) non in se-  
quiores partem acciperetis. Scio  
vos æqui bonique consulere, quod  
tali confidentiâ vobiscum agam.  
2. Profectò non ex præsumptione  
meritorum meorum excitor ad dis-  
serendum de rebus meis, quin imò  
persuasum habeo, per hoc me non  
paucorum invidiam incurrere, qui  
nullâ ratione habitâ sinceræ rectæ-  
que, quâ utilitatem vestram unicè  
specto, intentionis, me vanitatis ar-  
guent: nihilominus cum vestra po-  
tius salus, quàm quid alii de me sen-  
tiant, mihi curæ sit, insuper habeo,  
si nonnullis delinquere existimer  
con-

contra communes modestiæ regulas, modò vobis prodesse valeam. Ardenti in vos amore feror, & sancta quadam æmulatione, pene dixerò, zelotypiâ in Christo Domino. Utor hac libertate loquendi, quia unicam Christi Domini gloriam præ oculis habeo, cui vos veluti sponsam puram, planèque illibatam in admirandâ unitate fidei despondi, ut ei servetis integritatem vestram, donec in cœlesti gloriâ connubium consummet, quod in terris vobiscum contraxit. Testimonium illi aliquod reddidi de fidelitate ac constantiâ vestrâ, quam ob causam vobis continuò invigilo, 3. & identidem vereor, ne quemadmodum antequam ille serpens calliditate suâ Exiit astutiâ suâ, ita corrumpan-  
 3. *Timeo autem, ne sicut serpens Evam seduxit astutiâ suâ, ita corrumpan-  
 & excidant à simplicitate, quæ est in Christo.*

vestram credulitatem corrumpant, & degenerare faciant à candidâ simplicitate rectæ fidei, quæ eos maxime decet, qui Christum complexi ejus doctrinam, vivendique rationem profitentur. 4. Enim verò, 4. *Nam si is, qui venit, alium Christum prædicat, quem non prædicavimus; aut alium spiritum accipitis, quem non do-*

F ff

# 410 PARAPHRASIS IN EPIST. II. D. PAULI

*accepistis: aut aliud Evangelium, quod non recepistis: rectè pateremini,*

docuimus, non satis sint ad salutem, si utiliora, magisque necessaria Spiritus Sancti charismata vobis largiatur, si præstantius denique Evangelium promulget, meritò illum nobis anteferendum censeretis: at verò nihil horum omnium fieri potest, omnia enim vobis tradidimus, quæ ad perfectam vitæ Christianæ rationem pertinent, & ad salutem sempiternam assequendam valent, neque hi tales, qui nobis obmurmurant, quidquam in medium proferre possunt, quod non ipse prius vos docuerim, quidquid insuper adjiciunt, periculò non caret, vel saltem superfluum est, & ad inanem præcisè pompam atque eloquentiæ ostentationem tendit.

*5. Existimo enim, nihil me minus fecisse à magnis Apostolis.*

5. Quin asseverare ausim, me neque mendacii, neque arrogantiae insimulari posse, si dixerò, me non minus laborum exantlassè, quàm alii re & nomine magni Apostoli, qui in suo munere præ aliis excellunt, atque in veneratione sunt, neque ullà in re ipsis esse inferiorem. 6. Esto, eloquentià caream, aut cultu sermonis, divinarum tamen rerum scientiam, quæ Ecclesiarum Magistrum deceat, nemo jure requirat, aut ullo modo reprehendat. Sed quid

*6. Nam etsi imperitus sermone, sed non scientiâ: in omnibus autem manifestati sumus vobis.*

atti-

attinet, hæc à me pluribus commemorari? Vos ipsos testes appello, qui reipsâ experti estis, quid in omni genere efficere ac præstare possim. Talis certè interius sum, qualis foris appareo, neque vobis fucata pietatis specie illudo: plusquàm satis me nostis. 7. Quid? Num id vitio mihi verteris, quòd me ipse ultra modum dejecerim, atque humile, abjectumque artificium exercuerim, ut vestram vos amplitudinem retineretis, & vobis interim gratuito Evangelium prædicaverim? 8. Quòd si fas est dicere, alias Ecclesias emunerim, accepto ab iis quodammodo stipendiò, ut nullo vestro incommodo vel jacturâ vobis Christianæ vitæ præcepta traderem, &, ut ita dicam, inservirem? 9. Eram vobiscum, & laborabam rerum penuriâ, fratres, qui ex Macedoniâ venerant, suppeditarunt, quidquid mihi deerat, itaque nullius è vobis opem, aut subsidium imploravi, ne cuiquam molestus essem, neque idcirco minori zelò apostolicos labores in me suscepi, aut Evangelicæ prædicationis muneri ullâ ex parte defui. Denique nulli vestrûm quacunque ratione onerosus fui & incommodus, neque,

7. *Aut numquid peccatum feci, me ipsum humilians, ut vos exa'temini? Quoniam gratis Evangelium Dei euangelizavi vobis.*

8. *Alias Ecclesias exspoliavi, accipiens stipendium ad ministerium vestrum.*

9. *Et cum essem apud vos, & egerem; nulli onerosus fui; nam quod mihi deerat, suppleverunt fratres, qui venerunt à Macedoniâ: & in omnibus, sine onere me vobis servavi, & servabo.*

10. *Est veritas Chr. si in me, quoniam hac gloriatio non infringetur in me in regionibus Achaja*

11. *Quare? Quia non diligo vos? Deus scit.*

12. *Quod autem facio, & faciam; ut amplius occasionem eorum, qui volunt occasionem, ut in quo gloriantur, inveniantur, sicut & nos.*

neque, uti spero, unquam ero. 10. Atque hæc non eâ mente vobis exprobro, ut impostero de rebus ad vitam æcunquæ sustentandam necessariis mihi provideatis. Longè sum alienus ab ejusmodi cogitatione. Testor veritatem increatam, gloriam illam animi ab omni amore proprio vel cupiditate rerum temporalium liberi, quam consecutus sum, instar fluvii placidi per universam Achajam decurrissè, neque permisurum me, ut ejus fluxus interrumpatur unquam. 11. Sed quamobrem (scisciteretur fortassè quispiam) renuis à nobis quidquam accipere, nunquid, quia nos non diligis? Deus scit, fratres mei, quòd vos amore tenerrimo complectar, 12. quòdque non aliò fine ita me hætenus gesserim, quàm ut impedirem, ne impostores hi, qui vos decipiunt, si adverterint, me quoque solatii temporalis aliquid pro munere prædicationis admittere, jactare possint, se nostro exemplò idipsum facere, & in omnibus esse persimiles: atque istam agendi rationem retenturum, ne sanctè polliceor, ut amputem occasiones iis, qui suâ simulatione, atque hypocrisis calumniandi materi-

teriam quærunt, ut quoniam gloriosi solent, se gratis Evangelium docere, atque adco nobis similes videri, (cùm tamen nullâ re indigeant) nos accusare nullâ ratione queant.

13. Prædico, & ipsi prædicant, sed non lucri causâ prædico, quemadmodum ipsi; mercedem reposcunt, & tamen æstimari volunt, quasi gratis laborent. Me quod attinet, de nullâ re glorior, quam non aliorum oculis palàm exhibeam: omnis eorum agendi ratio textura fraudum est. Religionem vultu duntaxat præferunt, uti & animarum curam in solâ loquacitate: destruunt, dum ædificare creduntur, & evellunt, dum plantare videntur.

14. Neque id ullo modo mirandum est, si characterem Apostolorum impudenter sibi arrogent, & alienam personam induant, quasi essent Iustitiæ Ministri. Satanas ipse eorum parens atque magister persæpe suam deformitatem adscitâ pulchritudine contegit mentiendo formam angeli lucis, ut specie pietatis objectâ faciliùs in fraudem impellat eos, qui alioqui à vitiis suapte sponte abhorrent. 15. Interim non tam scitè se suâque occulere valent, quin

13. *Nam ejusmodi pseudoapostoli sunt operarii subdoli transfigurantes se in Apostolos Christi.*

14. *Et non mirum: ipse enim satanas transfigurat se in angelum lucis.*

15. *Non est ergò magnum, si ministri ejus*

ex Fff 3



*transfigurentur velut  
ministri iustitiæ, quorum  
finis erit secundum opera  
ipsorum.*

16. *Iterum dico (ne  
quis me putet insipientem  
esse, alioquin velut insi-  
pientem accipite me, ut &  
ego modicum quid glo-  
rier)*

17. *Quod loquor,  
non loquor secundum  
Deum, sed quasi in insi-  
pentiâ, in hac substan-  
tiâ gloria.*

18. *Quoniam multi  
gloriantur secundum  
carnem: & ego gloria-  
bor,*

ex operibus & fructibus suis digno-  
scentur. Divinum certè intuitum  
fallere non possunt, neque ejus ab-  
solutissimæ scientiæ tenebras offun-  
dent, quin potius ille nefarias ipso-  
rum actiones aliquando tandem ju-  
sto supplicio plectet. 16. Ut au-  
tem differentiam nos inter & illos  
noveritis, necesse mihi est, quædam  
non inhonorifica de me enuntiare:  
nemo propterea me putet desipere  
aut delirare, dum meas laudes ad  
eruditionem vestram recenséo: Ni-  
hilominus non repugno, si me etiam  
ut insipientem habeatis, modò vo-  
bis prodesse valeam. Itaque me ut  
talem supportate & permittite, ut  
paululum quidquam vicissim & ego  
glorier. 17. Non ignoro, fortunæ  
bona, de quibus paulò post disse-  
ram, qualis est nobilitas prosapiæ,  
patriæ, & similia nullius esse pretii  
coram Deo, quòdque ejusmodi ro-  
rum commemoratio plus insipien-  
tiæ habeat, quàm pietatis, nisi finis  
& scopus attendatur, unius nimirum  
divinæ Majestatis gloria, ad quam  
omnia referenda sunt. 18. Quan-  
doquidem autem, qui sese nobis  
comparant, de origine ac nobilitate  
suâ magnificentius loquuntur, osten-  
dam

dam sanè, me iis nullâ ex parte cedere. 19. Confidentius ita loquor,

quandoquidem persuasum habeo, vos qui estis prudentissimi, æquo libentique animò aliorum insipientiam tolerare; & sanè jugum, quod vobis imponere cogito, tam grave non est, ac illud, quod sponte vestrâ subiistis. 20. Tamen si quis enim vos quasi mancipia in servitum adigat, facultates vestras in explebili avaritiâ emungat, sibi que penitus vindicet, vos inclementer habeat, despiciat, opprobriis & calumniis afficiat, patienter id fertis, & omnem honorem atque amorem rependitis. 21. Quid dicam? nunquid illud satis exoticum, vos ab istis sycophantis atque adulatoribus pro nihilo haberi, nullam autem mei rationem vos habere, ut à aliis perquam benevolos. Despectui me habent, quasi non easdem gloriandi causas haberem, quas ipsi, cum tamen de quibus sese efferunt (ignoscite imprudentiæ meæ) pari jure gloriari possim.

22. Hebræi sunt: nunquid & ego? Israëlita sunt, quis mihi hoc ipsum deneget? Abrahamo patre gloriantur, eundem & ego parentem

19. *Libenter enim suffertis insipientes, cum sitis ipsi sapientes.*

20. *Sustinetis enim, si quis vos in servitutem redigit, si quis devorat, si quis accipit, si quis extollitur, si quis in faciem vos cadit.*

21. *Secundùm ignobilitatem dico, quasi nos infirmi fuerimus in hac parte. In quo quis audeo (in insipientiâ dico) audeo & ego:*

22. *Hebræi sunt, & ego: Israëlita sunt, & ego: Semen Abrahae sunt, & ego:*

tem

416 PARAPHRASIS IN EPIST. II. D. PAULI

23. *Ministri Christi sunt ( ut minùs sapiens dico ) plus ego : in laboribus plurimis , in carceribus abundantius , in plagis supra modum , in mortibus frequenter.*

24. *A Judæis quin- quies quadragenas unâ minus accepi.*

25. *Ter virgis casus sum, semel lapidatus sum, ter naufragium feci, nocte & die in profundo maris fui,*

26. *In itineribus sæpe, periculis fluminum, periculis latronum, periculis ex genere, periculis ex Gentibus, periculis in civitate, periculis in solitudine, periculis in mari, periculis in falsis fratribus:*

27. *In labore, & ærumna, in vigiliis multis, infame & siti, in jejuniis multis, in frigore & nuditate:*

tem & progenitorem agnosco. 23. Ministri sunt Jesu Christi: esto, at- qui hic titulus (ut minùs sapiens jam loquor) & meliori jure mihi compe- tit. Vultisne percipere meas præ- rogativas? plus ipsis laboravi, sæpi- us ergastulis detentus fui, longè plu- ra verbera atque plagas pertuli, quàm credi possit, sæpius in discrimen vitæ adductus sum. 24. Qui- nis diversis vicibus à Judæis 39. flagorum ictus excepi. 25. à Gen- tilibus ter virgis cruentatus, & semel lapidibus appetitus fui in Lycaoniâ, a deo ut semianimis prostratus jacue- rim, ter naufragium passus per integ- rum diem noctemque in pelago procelloso fluctuavi. 26. Ut nihil de assiduis itineribus commentorem, vix non perii trajiciendo flumina: plurima pericula adivi latronum, popularium meorum, atque ethni- corum: magna sæpe discrimina ex- pertus sum in urbibus, in ipsâ quo- que solitudine, terrâ marique atque inter ipsos falsos fratres, qui impia consilia mentitâ sinceræ religionis

specie obvelabant. 27. Laboribus, curisque obrutus noctes transegi vi- gilans, dièsque jejunus atque fameli- cus, nec non siti prope exanimatus.

Ac-

Aeris perfrigidi inclementiam tolerare perſæpe coactus ſum, neque habebam, quo me protegerem contra ejus injurias. 28. Mitto cætera, quæ me quodammodo extrinſecus preniunt, & nihil ſunt in comparatione anguſtiarum & curarum, quibûs quotidie premor ex difficillimo regimine omnium Eccleſiarum.

29. Quis quæſo affligitur & patitur, cui non compatior? quis offenſionem incurrit, quin ego intus in animo uri me quodammodo ſentiam & accendi vehementi ſtudio ipſum juvandi vel petram ſcandali ſubmovendi? Sanè priùs me excuſacum volui, cum tamen non pauca ſuppeterent, de quibus gloriari poſſim. 30. Equidem ſi gloriari oporteat, propter ea duntaxat gloriabor, quæ ſunt propria imbecillitatis meæ, nempe propter ærumnas & calamitates meas, quas pro victoriis & laureis habeo: enumeravi vobis ſat multas, neque habeo, quod iis adjiciam, niſi extremum vitæ periculum, quod in urbe Damafco ſubii. 31. Deus & Pater Domini noſtri JEſu Chriſti, qui immortalī laude celebrandus eſt, certò novit me nequaquam mentiri. 32. Qui in me-

28. *Præter illa, quæ extrinſecus ſunt, inſtantia mea quotidiana, ſollicitudo omnium Eccleſiarum.*

29. *Quis infirmatur, & ego non infirmor? quis ſcandalizatur, & ego non uror?*

30. *Si gloriari oportet: quæ infirmitatis meæ ſunt, gloriabor.*

31. *Deus & Pater Domini noſtri JEſu Chriſti qui eſt benedictus in ſacula, ſcit, quòd non mentior.*

32. *Damaſci præpo-*  
G g g

*situs gentis Aretæ regis* moratâ urbe nomine Aretæ Regis  
*custodiebat civitatem* genti præerat, me volebat com-  
*Damascenorum, ut me* prehendere, & in manus consignare  
*comprehenderet:*

33. *Et per fenestram*  
*in sportâ demissus sum*  
*per murum, & sic effugi*  
*manus ejus.*

Judæorum mihi infensissimorum ex  
 eâ ratione, quòd ipsos argumento-  
 rum vi, atque meâ vivendi ratione  
 confunderem, at verò Deus, qui pro  
 suis famulis excubat, me manifesto  
 huic discrimini eripuit. 33. De-  
 missus fui ex fastigio mœnium in  
 sportâ, & tametsi excubiis omnia  
 circumsepta essent, evasi nihilomi-  
 nus feliciter manus inimicorum  
 meorum.

## PARAPHRASIS

### CAP. XII.

1. *Si gloriari oportet, (non expedit quidem)*  
*veniam autem ad visiones*  
*& revelationes Domini.*

1. **G**Loriari sanè mihi neutiquam  
 expedit, quid enim quæso  
 utilitatis afferat laudum mearum tam  
 diligens & minuta prædicatio? sed  
 quando jam dicere cœpi, idque ve-  
 stra utilitas exposcit, veniam nunc  
 ad ea, quæ mihi divinitus ultrò col-  
 lata sunt, ad vitâ, inquam, cœlestia,  
 & revelationes divinorum mystero-  
 rum

rum. 2. Novi hominem, quod tamen in Christo ac sine ullâ arrogantia dictum velim, cum nihil aliud, nisi Christum in præsentia spectem. Novi, inquam, hominem ante annos quatuordecim (neque satis statuerere possum, utrum in corpore, an extra corpus positum, neutrum enim planè scio, sed utrumque divinæ scientiæ reservatur) raptum planè extra se, & ad tertium usque cælum evectum.

3. Quin etiam, si dicendum sit, quod res est, an ejus anima à corpore avulsâ fuerit, an solum in extasin sublevata, nescio (solum Deus, quem nihil omnino latere potest) id noverit.

4. Raptus hic est in paradysum, & incredibili voluptate perfusus, talia ibi vidit, auditque arcana penitusque ineffabilia, quæ nefas sit humanâ mortalique lingua communicari.

5. Equidem ob ea, quæ huic homini acciderunt, gloriari jure optimo possum, me verò ipsum si respiciam, fateor, me nihil habere, unde laudem ac gloriam quærere possim, nisi fortè, quòd multa adversa toleravi, atque etiamnum tolero.

6. Non quòd de simili favore gloriari non ausim, sed quia scio hominem in Christo ante annos quatuordecim, sive in corpore, nescio, Deus scit, raptum hujusmodi usque ad tertium cælum.

3. Et scio hujusmodi hominem (sive in corpore, sive extra corpus, nescio, Deus scit)

4. Quoniam raptus est in paradysum: & audivit arcana verba, quæ non licet homini loqui.

5. Pro hujusmodi gloriabor: pro me autem nihil gloriabor, nisi in infirmitatibus meis.

6. Nam & si voluero gloriari, non ero insipiens: veritatem enim di-

tra

*cam: parco autem, ne quis  
me existimet supra id,  
quod videt in me, aut ali-  
quid audit ex me.*

*7. Et ne magnitudo  
revelationum extollat me,  
datus est mihi stimulus  
carnis meae, angelus sata-  
nae, qui me colaphizet.*

*8. Propter quod ter*

tra mentem, aut veritatem dicerem, sed quia modesto silentiô præterire malo, quæ in honorem meum redundant, quàm ut ansam præbeam illis, qui me narrantem audiunt de hujusmodi extaticis visionibus, existimandi me nonnihil aliis hominibus præcellere, plûsque reipsâ esse, quam quod vel oculis cernunt, vel famâ noverunt de me. Nihil sanè tam periculosum, quàm favores hi insoliti, qui nisi cum debitâ animi modestiâ atque humilitate recipiantur, in præcipitia potius nos derubant, quàm in cælum sustollant.

7. Quâ in re singularem in me divinæ providentiæ gratiam agnosco; ne enim harum revelationum sive magnitudine sive præstantiâ supra modum efferrer, tantôque splendore obfuscatâ mente paulatim in oblivionem ejus deducerer, quod fueram, voluit ut perentiscerem foedum & importunum carnis stimulum, satanâ nempe excitante turpissimos in membris motus, qui mihi quovis alio supplicio graviore sunt, ac molestiores, & continuis, ut ita dicam, colaphis meæ infirmitatis cum summiâ confusione commonefaciunt. 8. Hujus interio-

rioris plagæ acerbitate adeò non-*Dominum rogavi, ut dis-*  
nunquam afflîctus fui, & summo a-*scederet à me :*

nimi pudore repletus sentiendo in  
carne meâ legem legi mentis oblu-  
stantem, ut ter supplex ad Deum  
accefferim, summisque precibûs ob-  
testatus sim, tam diram, tamque im-  
portunam vexationem à me ut tol-  
leret. 9. Sed audiui vocem arca-

nam, quæ diceret, sufficere mihi e-  
jus gratiam ad referendam victori-  
am, & puritatem ab his sordibus  
servandam illibatam. Libentissimè  
igitur gloriabor ob meas infirmita-  
tes potius, quàm ullam aliam ob-  
rem, ut planè mihi constet, adesse  
mihi divinam Christi vim, atque po-

tentiam. 10. Propterea non tan-  
tùm æquo, vel forti animò fero,  
sed maximam etiam voluptatem per-  
cipio in infirmitatibus, in contume-  
liis, in necessitatibus, in persecutio-  
nibus, in angustiis & opprobriis pro  
Christo, cùm enim vix non oppres-  
sum me existimo, tunc ejus divinâ vi

longè fortior resurgo. 11. Quòd  
si hac mearum laudum commemo-  
ratione vobis parùm sanus visus  
sum, vos (ut ingenuè fatear) me  
coëgistis, vobis id impu-  
tate, vos enim debueratis me com-

9. *Et dixit mihi: suf-  
ficet tibi gratia mea: nam  
virtus in infirmitate per-  
ficitur. Libenter igitur  
gloriabor in infirmitati-  
bus meis, ut inhabitet in  
me virtus Christi.*

10. *Propter quod pla-  
ceo mihi in infirmitatibus  
meis, in contumeliis, in  
necessitatibus, in perse-  
cutionibus, in angustiis  
pro Christo: cùm enim in-  
firmor, tunc potens sum.*

11. *Factus sum infi-  
piens, vos me coëgistis.  
Ego enim à vobis debui  
commendari: nihil enim  
minus fui ab iis, qui sunt  
supra modum Apostoli:  
tamen si nihil sum.*

men-

Ggg 3



12. *Signa tamen Apostolatus mei facta sunt super vos in omni patientiâ, in signis, & prodigiis, & virtutibus.*

13. *Quid est enim quod minus habuistis præceteris Ecclesiis, nisi quod ego ipse non gravavi vos? Donate mihi hanc injuriam.*

14. *Ecce tertiò hoc paratus sum venire ad vos: & non ero gravis vobis. Non enim quero, quæ vestra*

mendare & non me compellere ad meipsum dilaudandum, & infringendam nimiam æstimationem, quam de meis æmulis conceperatis. Repeto, quod priùs dixi, tamen si me nihili planè esse fatear libens, si considerem, qualis sim ex me, nullâ tamen in re inferiorem profiteor illis, qui se putant apostolicæ dignitatis attingisse fastigium. 12. Argumenta siquidem apostolici mei muneris apud vos perspicua extant magnâ adversarum rerum tolerantia, signis, ac prodigiis, aliisque rebus supra naturam divinitus factis egregiè confirmata, quæ vobis vocationem meam satis superque comprobant. 13. Quæ ergò vobis querimonie causa? habentne aliæ Ecclesiæ prærogativam aliquam, quæ in vobis non etiam refulgeat? nullâ ex parte illis ceditis, nisi quod vobis fortasse in quærendo victu nullam molestiam creaverim. Si hanc injuriam putatis, vósque exinde suboffensos creditis, condonate obsecro offensam, quamquam non inmerito verear, ne in eandem iteratò recidam. 14. Ecce tertiâ jam vice ad vos invisere constitui, & nihil penitus pro more meo à vobis expectere aut acceptare. Si

Si hujus rationem requiritis, ea est, dilectissimi fratres, quòd animas vestras quæram, non verò facultates, salutem vestram cupio, non divitias, naturæ enim legibus repugnat, quòd liberi pro parentibus opes colligant, sed contra potius parentes filiis rem familiarem comparant. 15. Ego certè non solum meas opes, si quas haberem, in bonum animarum vestrarum expenderem, sed vitam ipsam perlibenter vestrâ causâ prodigerem, tametsi longè majori vos benevolentia & charitate complectens non parem vestrum in me amorem experior. 16. Diceret fors nonnemo, verum esse, quòd nihil à vobis postulaverim, id tamen me vix dissimulare posse quòd salvâ commendatione animi aliena non appetentis aliorum fortasse operâ nonnihil extorserim, 17. quos subinde ad vos misi, ut id proprio nomine exigerent, quod tamen suo tempore in manus meas recideret. 18. Ad ista nihil repono, nisi quòd cum Titum cum socio ad vos invisendos miserim, Numquid Titus vos nunc scire oporteat, quomodo se

*(unt, sed vos. Nec enim debent filii parentibus thesaurizare, sed parentes si iis.*

15. *Ego autem libentissimè impendam, & superimpendar ipse pro animabus vestris; licet plus vos diligens, minus diligar.*

16. *Sed esto: ego vos non gravavi: sed cum essem astutus, dolò vos cepi.*

17. *Numquid per aliquem eorum, quos misi ad vos, circumveni vos?*

18. *Rogavi Titum, & misi cum illo fratrem. Numquid Titus vos circumvenit? nonne eodem*

gef

*spiritu ambulavimus?  
nonne iisdem vestigiis?*

19. *Olim putatis,  
quòd excusemus nos apud  
vos? coram Deo in Chri-  
sto loquimur: omnia au-  
tem charissimi propter æ-  
dificationem vestram.*

20. *Timeo enim, ne  
fortè, cum venero, non  
quales volo, inveniam  
vos: & ego inveniar à  
vobis, qualem non vultis;  
ne fortè contentiones, æ-  
mulationes, animositates,  
dissensiones, detractiones,  
suscitationes, inflatio-  
nes, seditiones sint inter  
vos;*

gesserint: respondete itaque, num.  
Titus indicium dederit cuiuspiam  
avaritiæ? num vos bonis fortunisque  
vestris per fraudem spoliavit? si non  
habetis, quod ipsi exprobretis, an  
non aliunde compertum, nos uno  
eodémque spiritu Dei agi? nonne  
eadem penitus vestigia calcavimus?

19. An putatis, me hac epistolâ  
vobis blandiri velle, aut excusa-  
tionem quærere? Equidem Deum  
testor, ejusque filium JESUM Chri-  
stum, me verè ac sincerè animi  
mei sensa proferre, ut eum face-  
re decet, qui se Christi discipu-  
lum ac sectatorem profitetur. Credi-  
te mihi, charissimi, omnes meas a-  
ctiones, omnia studia conatúsque  
ad vestram utilitatem referri.

20. Quod me sollicitum habet, unicum  
est salutis vestræ studium, quòd-  
que metuam, ne cum istuc vene-  
ro, non quales maximè velim mo-  
ribus integros reperiam vos, &  
proin severiorem me experiri co-  
gamini, quàm modò opratis. Ve-  
reor coram illis confundi quibus  
tot & tanta deprædicavi de ve-  
strâ probitate, si deprehendero in  
vobis lites, æmulationes, iras, con-

ten-

tentiones, obtestationes, murmura, tumores, seditiones. 21. Denique contremisco totis artubus, a neminô prævidens ac metuens, ne ubi venero, Deus me quodammodo apud vos dejiciat, ac pudore suffundat, & lugere cogar jacturam eorum, qui pridem peccaverunt, resipuerunt, aut poenitentia expiaverunt foedissima flagitia à se patratam, ta, 21. *Ne iterum cum venero, humiliet me Deus apud vos; & lugeam multos ex iis, qui ante peccaverunt, & non egerunt poenitentiam super immunditia, & fornicatione, & impudicitia, quam gesserunt.*

# PARAPHRASIS

## CAP. XIII.

1. **S**i vos in funesto hoc statu invenero, non potero non vobiscum acerbius agere. Quare vos præmoneo, venturum me propediem jam tertiâ vice ad vos, ut interrim mores vestros componere, & vitia tollere studeatis, quæ impunita relinquere non possem. Fallimini, si perperam gesta aut excusare, aut impudenter inficias ire volueritis.

Duo-

1. *Ecce tertiò hoc venio ad vos. In ore duorum vel trium testium stabit omne verbum.*

Hhh

2. *Pradixi, & praedico in praesens, & nunc absens, iis, qui ante peccaverunt, & ceteris omnibus, quoniam, si venero, iterum non parcam.* Duorum vel trium testimonium sufficiet ad vos convincendos & damnandos. 2. Dixi jam, cum inter vos essem, & quod dixi, repeto, iisque qui ante peccaverunt, & reliquis omnibus aperte denuntio, me neutiquam cum praevicatoribus dissimulanter acturum, si ad vos rediero.

3. *An experimentum queritis ejus, qui in me loquitur Christus, qui in vobis non infirmatur, sed potens est in vobis?* 3. Eaquam malevolorum suasu de me concepistis, me eloquio tantum cordatum esse & vividum, cetera timidum & vecordem? vultisne, sed vestris ingratis experimentum sumere potestatis, quam mihi Christus Dominus in animas vestras contulit? Loquitur is in me, illius ore, non meo, cum sim tantum instrumentum justitiae, sententia condemnationis in vos proferetur. Nolite existimare, cum invalidum esse & imbecillem: omnipotens est, terribilis est, neque quidquam ei potest resistere.

4. *Nam etsi crucifixus est ex infirmitate: sed vivit ex virtute Dei. Nam & nos infirmi sumus in illo: sed vivemus cum eo ex virtute Dei in vobis.* 4. Mortem quidem oppetit in cruce imbecillitate quadam naturae, quod attinet ad illam formam servi, quam accepit, cum seipsum quodammodo exinanivit, immensa-

ta-

tamen divinæ potestatis vi revocatus ad superos, vitam vivit immortalē, quæ non amplius obnoxia est humanis infirmitatibus, sed pro dignitate divinæ personæ plena est vigore, splendore & magnificentiâ. Persimili ratione & nos infirmi quodammodo sumus unâ cum illo, sed cum eodem tamen vivemus aliquando, idque divinâ virtute ab ipsis pridem jam mortuis cineribus excitati, quod vos minimè fugit, qui hanc fidem Catholicam profiteremini. 5. Vos verò periculum, quæso, facite, nam perceptam fidem eâ, quâ decet, constantiâ, & firmitate retineatis, ipsi vosmetipsos explore, animique vestri perlustrete recessus, & attendite, num fides vestra vivida sit, & præcellentes sanctimonix fructus proferat, & exinde concludite, JESUM Christum habitare & regnare in vobis. Haud dubiè ejus præsentiam persentiscitis, nisi fortè vita vestra graviori peccatò contaminata sit, atque idcirco, quod omen Deus avertat, aliquo pacto inter eos numerandis sitis, quos Deus à se rejecit. 6. Quòd si (proh miseros vos!) fidem Deo datam non servaveritis, ostendam sanè, cum in

5. Vosmetipsos tenete, si estis in fide, ipsi vos probate. An non cognoscitis vosmetipsos, quia Christus JESUS in vobis est? nisi fortè reprobis estis.

6. Spero autem, quòd cognoscetis, quia nos non sumus reprobi.

me Hhh 2

7. *Oramus autem Deum, ut nihil mali faciatis, non ut nos probati appareamus, sed ut vos, quod bonum est faciatis: nos autem ut reprobī simus.*

8. *Non enim possumus aliquid adversus veritatem, sed pro veritate.*

9. *Gaudemus enim, quoniam nos infirmī su-*

me habitare, meque eā potestate præditum, quam vobis paulò antè comminatus sum. Vestra pertinacia compellet me ad eam exerendam fortiter, posteaquam omnem lapidem incassum movi ad reducidos vos in semitam rectam. 7. Non id ago existimationis meæ & honoris tuendi causā, sed salutis vestræ & gloriæ Dei gratiā, quem ex intimis medullis obsecro, ut gratiam vobis uberem largiatur ab omni noxā vos liberos præstandi, id enim unum in votis habeo, ut homines frugi & probitate conspicui sitis, non autem, ut potestas & auctoritas mihi collata in rigidā animadversioe ecluceat: quasi illam exercerem absque sufficienti ratione ac necessitate: 8. quin imò adeo impensè vos diligo, ut modò nullam præbeatis ansam acrius in vos insurgendi, non admodum curem, me pro homine meticulofo haberi, qui nihil ausit vel possit facere. Sanè si vos reos invero, non impunè feretis: si verò nihil in vobis poenā dignum deprehendero, contra veritatem & fas agerem, si tanquam improbos vellem corripere. 9. Gaudemus profectò, quòd res vestræ ita composi-

tæ

tæ sint, ut nos quodammodo infirmi visi fuerimus, perinde quasi non possemus nostram in fontes auctoritatem exerere, vos econtra firmi ac constantes in probitate fueritis, adeoque nullâ correptione aut supplicio digni. Id unum assiduis precibus, & ardentissimis suspiriis quærimus, ut coelestium charismatum donis abundetis, ad consequendam absolutam & perfectam vitæ sanctimoniam. 10. Si quæ in epistolis meis acrimonia, eâ utendum censeui, ut caveatis à flagitiis reprehensione dignis, nève impoenitentia vestra me obstringat ad exercendam potestatem, quam Dominus mihi contulit non ad destruendum sed ad ædificandum, non ut vos improvisâ mœstitiâ percellam, sed ut solatio exoptato repleam. 11. Quod superest, fratres, valete, dateque operam, ut omnem perfectionem assequamini. Nihil sit in conscientia vestrà, quod vos redarguat, atque remordeat, ut sanctâ illâ mentis tranquillitate ac pace perfruamini, quæ promulsis est fecilitatis æternæ. Mutuò vos consolamini, siquæ una eademque omnium sententia: opinionum ac studiorum di-

ver-

mus, vos autem potentes estis. Hoc & oramus vestram consummationem.

10. Ideo hac absens scribo, ut non præsens durius agam, secundum potestatem, quam Dominus dedit mihi in ædificationem, & non in destructionem.

11. De cætero, fratres, gaudete, perfecti estote, exhortamini, idem sapite, pacem habete, & Deus pacis, & dilectionis erit vobiscum.

Hhh 3



12. *Salutate invicem  
in osculo sancto. Salu-  
tant vos omnes sancti.*

13. *Gratia Domini  
nostri JESU Christi, &  
charitas Dei, & commu-  
nicatio sancti Spiritus sit  
cum omnibus vobis,  
Amen.*

versitas pacem vestram non infrin-  
gat, & Deus charitatis & pacis auctor  
erit vobiscum. 12. Salutate vos in-  
vicem in osculo sancto, nempe ex  
mundo corde, & ore neutiquam  
polluto: fideles, qui mecum sunt,

vobis pariter salutem dicunt. 13.  
Ego verò medullitus precor, ut gra-  
tia Domini nostri JESU Christi, &  
charitas Dei & communicatio Spiri-  
tus Sancti illuminet & divini amoris  
incendiò accendat præcor-  
dia vestra,

A M E N.



AR-

005661.776